





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.257






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.257



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.257



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
GEMADL 2.3.227

XXXVIII

PAPEB. Au
S. Ferd. Carr

2. 3. 257

2 Q. 3



S.

CA

ACTA VITÆ
S. FERDINANDI
REGIS
CASTELLÆ ET LEGIONIS.



2
3
257



2
3
257



S.

CA

CU

ETH

Eodem

ex I

Com

R. F.

é

Sicht

Apud

ACTA VITÆ
S. FERDINANDI,
REGIS

CASTELLÆ ET LEGIONIS,
EJUS NOMINIS TERTII,
CUM POSTUMA ILLIUS GLORIA,
ET HISTORIA S. CRUCIS CARAVACANÆ,

*Eodem quo ipse natus est anno MCXCVIII cœlitus allata
ex Latinis ac Hispanicis Coœvorum scriptis
collecta, varieque illustrata,*

Commentariis, Annotationibus, & Iconibus,
OPERA AC STUDIO

R. P. DANIELIS PAPEBROCHII,
è Societate JESV Sacerdotis Theologi,

*Sicut in majori ipsius opere de Actis Sanctorum Maji,
mox in lucem dando, legentur.*

✠
I H S

ANTVERPIÆ

Apud Michaelē Knobbarum, sub signo S. Petri.

ANNO DOMINI MDCLXXXIV.

cum Privilegio Regio & Superiorum licentia.

ACTUS VITAE
FERRDINANDI

CASTELLANUS
MONTIS

DE
MONTIS

DE
MONTIS

DE
MONTIS

DE
MONTIS

DE
MONTIS

C
H

RE



benefic
ros eie
fuz: Tv
mos Ro
bilior e
nata eu
niz Pa
pararu
Tva H
legend
standu
annos
dient
quarr

CAROLO II

HISPANIARVM

ET

INDIARVM

REGI CATHOLICO.



Ub sacrum MAIESTATIS TVÆ
aspectum rursus venit TVVS
Nosterque FERDINANDVS, Rex
Castellæ ac Legionis, nominis
ordine TERTIVS, Sanctimonix
prærogativa Primus: Noster,
beneficio fundatæ dotatæque nobis post Mau-
ros ejectos Metropolitanæ Hispalensis Eccle-
siæ: TVVS, nexu continuatæ per tot gloriosissi-
mos Reges prosapiæ: Utrisque tamen venera-
bilior eo titulo, quo ante hoc decennium dig-
nata cum Apostolica Sedes, Sanctorum Hispa-
niæ Patronorum Catalogo adscripsit. Tunc ap-
paratum ordinemque festorum, tali occasione in
TVA Hispalensi Vrbe instructorum, non solum
legendum per litteras, sed & in imaginibus spe-
ctandum exhibuimus SACRÆ MAIESTATI TVÆ;
annos quidem ætatis primæ dumtaxat egre-
dienti, sed jam tum magnifice demonstranti,
quantum Catholicæ pietatis ab Avo tam San-

† 3

cto

eto hausisset. Postquam vero, passu eodem quo
gradiebaris ad virilem ætatem, factus quoque es
ad talis Progenitoris augendam venerationem
æque ac ad vestigia illius sequenda concitator;
exoravisti Pontificium Breve, quo Tvi utroque
in orbe subditi, quotquot ad Horarum Cano-
nicarum pensum rite persolvendum tenentur,
ejusdem Sancti Regis festum solennitate præci-
pua sub Ritu Duplicis celebrare juberentur.
Hinc accensis magis magisque studiis tot po-
pulorum, quot vastissimo Tvo complecteris
Imperio, cupientium nosse distinctius Patroni
novi, tantaque cum prærogativa honoris sibi
commendati, merita ac laudes; nihil videba-
mur facere opportunius posse, quam si curare-
mus, Acta vitæ, non minus Christianæ quam
Heroicæ, inter Annalium veterum codices vo-
luminosos sparsa, colligi in corpus unum, atque
cum tota Postumæ Gloriæ historia fieri juris
publici impressione Latina, quo possint per
omnia Regna Tva legi, inter tot diversissima-
rum alias linguarum nationes. Sic cogitantibus
Tvo ex Belgio, Tvaque Vrbe Antverpiensi,
obtulit se nobis Daniel Papebrochius, è Socie-
tatis Jesu Scriptor minime obscurus, & post e-
jusdem Societatis Patres Joannem Bollandum
atque Godefridum Henschenium, illustrandis
quotquot orbe toto noscuntur colunturque
Sanctorum Actis cum laude immortuos, Con-
tinuator laboris, Ecclesiæ Triumphanti perho-
nori-

norifici, Militanti vero non mediocriter utilis.
Videramus nempe initia Maji, tribus grandibus
tomis ante triennium edita; & proximum esse
sperabamus, ut in trium reliquorum tomorum
ultimo inveniremus Divi nostri gesta, simili ac-
curatione, fide, & eruditione petraetata, qua
tot aliorum illustrium Sanctorum jam habeba-
mus exposita Acta. Sed longa videbatur expe-
ctatio tam operosæ molitionis, forsitan adhuc
in unum alterumve annum protrahendæ. Op-
tavimus ergo ea (siquidem prælo parata jam
haberentur) præmitti in lucem singulari Tra-
ctatu; & qui magna cum promptitudine susti-
nueramus ingentia pecuniarum impendia, cu-
randæ apud Romanam Sedem Canonizationi
primæque festivitati hic apud nos celebrandæ
necessaria; nihilo minori alacritate obtulimus
modicum illud quod desiderari videbatur, ut ta-
lis liber evaderet Tuo non indignus sisti Fasti-
gio, nec infra argumenti tam sancti Majesta-
tem. Ille vero, pro ea qua Belgæ omnes erga
Hispanum nomen sunt reverentia, tanto liben-
tius desideria nostra pro imperiis habere se re-
spondit, quo ardentius cupiebat quam citissi-
me ab omni dubietate absolvere Regina BE-
RENGARIÆ (ejus quæ Sancto Regi mater fuit)
primogenituram præ BLANCA, (sorore sua, S. LU-
DOVICI Francorum Regis genitrice; Hæc enim,
licet nulli coævorum dubitata, sed à Ruderico
Archiepiscopo Toletano & Luca Tudensi Præ-

fule, quantis viris! tunc viventibus omniaque
coram intuentibus, incunctanter asserta; supe-
riori tamen seculo, etiam ab Hispanis duobus
scriptoribus (ut Gallos non miremur) Garibayo
& Mariana inconsiderate inconsulteque negata
fuit; cum manifesta gentis nostræ injuria, TVÆ-
QUE etiam MAIESTATIS præjudicio non dissi-
mulando, dum successionis in Castellæ reg-
num naturalis jus sententia illa tradere Francis
videtur. Econtrario promittebat Papebrochius,
in Commentario ad Acta prævio (prout in hoc
libro facit) demonstratione chronologica evi-
ctum se manifeste, adeo non fuisse juniorem
BLANCA BERENGARIAM, ut mater ejus esse per
ætatem potuerit; quæ, prius quam illa nasce-
retur, Cæsareum juvenem, sibi à patre despon-
sum, sequi in Teutoniam recusavit; eoque ex-
pedita nexu, atque post annos abinde duode-
cim nupta Alphonso Legionensi, FERDINAN-
dum Filium ipsi pepererat, cum vixdum noven-
nis esset soror, tercio post anno (qui fuit Christi
MCC) nuptura Ludovico Franciæ Principi, tre-
decenni tunc JUVENI VIRGUNCULA ipsa, sicut eo-
dem ipso anno in sua Carolina cecinit nobilis
& antiquus apud Gallos Poëta (ne fidem Hi-
spanorum suspectam quis habeat) Ægidius Pa-
risiensis. Digna sane, quæ homines, nostris in
rebus, imo nostras in res, tam eruditos profert
alique Belgica; cui tantum Hispani sanguinis
non minus quam auri impensum bene credat
gene-

generositas Castellana: cuique se totam impen-
dere & superimpendere cupiat, ut provinciarum
fidelissima, & ea solum causa nunc miserrima,
Tuo, Rex Potentissime, nutu releveretur, &
Abavum CAROLUM, inter Imperatores QUIN-
TUM, inter Castellæ Reges PRIMUM, redivivum
in SECUNDO Rege suo experiatur. Interim idem
ipsum Clementiam Regiam orantes nos quo-
que, jure Patronatus specialiter TVI, cum Belga-
rum votis jungimus & nostra; ut qui, cum Se-
renissima Uxore MARIA-LUDOVICA, sanctissi-
mos pariter & felicissimos Conjuges, FERDI-
NANDUM & BEATRICEM, repræsentare satagis,
justitia, clementia, religione; ceteris quoque
adjiciendarum divinitus gratiarum titulis par ef-
ficiaris eisdem, numero videlicet gloriosæ so-
bolis, dilatandæ inter barbaros Fidei successu,
aviti Imperii redintegrandi celeritate. Verum
quæ Sanctis istis Regibus fuerunt per annos se-
decim dumtaxat communia (nam post eos im-
maturo fato extincta BEATRIX locum fecit JO-
ANNÆ, in ejusdem felicitatis consortium per
annos fere totidem successuræ) TIBI ac SPONSÆ
Tuæ sint duplo ac triplo diutius indivisa: nec
nisi sero à tantorum bonorum usu-fructu separe-
tur etiam Serenissima MARIANNA mater. Ete-
nim ut BERENGARIA suum FERDINANDUM, Ca-
stellæ ac Legionis regnis, sic illa Hispanicarum
quam late per orbem utrumque patent ditio-
num Imperio filium, ipsumque Imperium filio

† s

con-

conservavit, similia inter discrimina sine viri so-
lacio. Vivat igitur, æque ac illa, longævos dies :
exultet vestros intuendo successus, victorias, in-
crementa. Vivat cum Vxore ac Matre MAIES-
TAS TUA in senectam uberem, concordia cum ip-
sis animo pluribus imperans Provinciis, quam
Sancti quos laudamus Reges dominati sunt Vr-
bibus. Da perpetuam orbi Christiano pacem,
ut subditi populi firma gaudeant tranquillitate,
Religio sancta crescat ac floreat, Romana Ec-
clesia exaltetur sublimius, CAROLO II, Hispa-
niarum atque Indiarum Regi Catholico, æter-
num obstricta. Ita vovemus, Hispali MDC-
LXXXIV, vi Idus Februarii.

SACRÆ MAIESTATIS TVÆ

Clientes ac Subditi
Decanus & Capitulum Hispalense

AD

AD LIBRVM
DE VITA ET ACTIS
S. FERDINANDI III

REGIS CASTELLÆ ET LEGIONIS,

Ab Hispalensis Ecclesiæ Metropolitanæ

DECANO ET CAPITULO

REGI CATHOLICO

Observantia clientelari dedicatum.

O D E.



Felix Liber, i dicatē REGI;
Regali, Liber, i terende dextrâ;
Nec cuivis, Liber, i dicatē REGI,
Isti sed, Liber, i dicatē REGI,
Cui major gemini volens amanſq;
Pars orbis famulatur, & tributa
Iusto non graviora pendit ultro:

Quem bello validi colunt IBERI,
Quem BELGÆ, SICULIQUE, parſque magna
Subjecta ITALIÆ, INSULÆQUE plures.
Cui rerum DOMINO ministrat INDUS
Venæ divitis aureum metallum,
Fœcundo AMERICÆ sinu repositum.
I tanto, Liber, i dicatē REGI;
Regali, Liber, i terende dextra.

Jam ſedem tibi maximusque Regum
CAROLUS parat, optimusque Regum;
Jam te CAROLUS hospitem benign

In-

Invitat facie, manumque tendit,
Quâ partes gemini gubernat orbis:
Jam te porrigit HIPALIS legendum.
I felix Liber, i superbus auro,
Et cedro, & minio rubente pictus.
Te Rector leget orbis utriusque,
Et lectum releget, legetque rursus,
FERNANDI pietate recreatus,
Et felicibus incitatus armis.
Tu Regis poteris levare curas.
I tandem, i propera. Quis ô, quis ille
Regum pudor attigisse limen?
Nequidquam refugis modestus aulam,
Urbs te Regia consecravit aulæ:
Et soli, mihi crede, natus aulæ es.
Nam tu Regia facta dum celebras,
Facta regia Regibus sequenda:
Dum tu Regia bella, bella Divis
Indicta auspicibus, patrata Divis
Narras auspicibus, bonaque causâ
Et Dei & fidei juvante dextrâs:
Nam tu Regia jura dum tueris,
Jura Regia, non amicta fucis,
Patronum sine fraude non minorem
Quam tantum poteris habere Regem.
Cede FRANCIA, quando BIANCA natu
Est tantò minor, ut sororis ipsa
BERENGARIA possit esse mater.
I felix Liber, i dicite REGI:
Felix REGE tuo Liber Patrono:
Regali, Liber, i terende dextrâ.

Pangebatur

E. V. O. S. I.

LECTO

LECTORI

DANIEL PAPEBROCHIVS



X quo Belgio nostro hic honor obtigit, ut
Gubernatorem ab Hispaniis acciperet Se-
renissimum Cardinalem Infantem FER-
DINANDUM AUSTRIACUM, germanum
fratrem Regis utroque in orbe Potentis-
simi PHILIPPI IV, quorum immortalis
apud posteros memoria permanet; FER-
DINANDI nomen, rarioris antea inter Belgas usus, frequentius
audiri cepit, & felicitis ominis causa ad baptismum usurpari. Ne-
mo dubitabat quin magnum illud atque praeclarum esset, quod
tantus tamq; carus omnibus Princeps ferebat: maxime cum eo-
dem tempore Romanum in Germania Imperium teneret FER-
DINANDUS II, ejusque filius ac deinde successor FERDINANDUS
III titulo Hungarici Regni clareret; idem is, cum quo praedictus
Cardinalis Infans anno MDXXXIV, VIII Idus Septembris celebri
ad Nordlingam praelio hostem fundens, praelusit victoriis apud
nos referendis de confederatis Francorum Hollandorumq; co-
pitiis. Cum vero III Nonas Novembris Bruxellis, sequenti quoq;
anno Antverpia XV Kal. Maji, & deinceps in primariis qui-
busq; Regiarum Provinciarum urbibus tanto apparatu exceptus
fuisset, quantum ulli umquam Potentatui exhibitum nulla ho-
minum memoria noverat, nihil jam toto Belgio crebrius itera-
batur, nihil audiebatur libentius, quam nomen FERDINANDI.

Qui porro altius volebant assurgere, ad praeteritorum tem-
porum lumina; recordabantur FERDINANDI, PRIMI hoc nomi-
ne Imperatoris, qui incomparabilis famae Heroi CAROLO V
Frater fuerat, & simul cum illo Nepos FERDINANDI CATHO-
LICI, cujus felici cum ISABELLA conjugio coalita Hispaniarum
Regna, in unam secum Monarchiam traxerunt, quidquid
Arragonica Castellanaeque Corona in Belgio, Italiaeque, & ipsis
Indiis subjiciebatur Provinciarum. Erat is inter Castella Re-
ges sui nominis Quintus, quatuor enim ante se numerabat
Synonymos, quorum Primus cognomen Magni promeruerat.

Verum

Verum tam omnes illi, quam quotquot præter eos aut tunc nominari poterant utriusque Ordinis viri Principes, aut ex historiis commemorando recenseri, excellentem quidem FERDINANDO nomini claritatem conciliare videbantur; sed cuius fulgor inanis possit judicari, nisi resplendeat radiis vera Christianæque sanctitatis, quæ etiam in humiliori conditione vel sola potest illustre facere gerentis nomen.

Non deerat hæc illi nomini in Hispaniis: nam eo dictus apud Castellanos Tertius, SANCTI REGIS cognomine secernebatur ab aliis: sed eadem Sanctitas tam parum habebatur vulgo nota, ut, exceptis Hispalensis urbis incolis accolisque, vix quisquam Patronis Hispaniarum Sanctis adnumerare FERDINANDUM audiretur; & Ioannes Tamayus de Salazar, Gallicano Andrea Saussayi Martyrologio suum Hispanicum oppositurus, cum undecumque contraheret Sanctos quotquot vel suspicabatur conducere posse augendo numero, non tamen cogitavit de SANCTO REGE FERDINANDO: adeo ut Franci, in suo S. Ludovico, ante annos quingentos Canonizato, viderentur sibi posse Hispanos despicere, nullum eatenus sue gentis Sanctum Regem ostendere valentibus, saltem cui ista titulus esset Apostolica Sedis iudicio vindicatus. Habebat hoc ægre pios multos fideles, quibus gloriosa FERDINANDI appellatio ex sacro obtigerat fonte, optantibus Sanctum sibi nominis sui Patronum indigetari, quem annuo cultu prosequeretur, secundum jam receptum inter Fideles morem, laudatissimum sane & ad multa utilissimum. Quamvis enim nonnullis in locis reperiebatur Flos Sanctorum pervetus, ubi inter aliorum Sanctorum Legendas, ut vocant, inveniebantur etiam ante centum quinquaginta annos typis excusa Vita & Miracula Gloriosi Regis D. Ferdinandi qui Hispalim cepit; non nisi ab Hispanis legi liber iste poterat; & Auctor, titulo Gloriosi contentus, abstinebat elogio Sancti, licet veteri usu præscripti; quin etiam exprobat Hispalensibus, quod novum in FERDINANDO Patronum adepti, cuius sanctitatem intra tam breve tempus Deus ac Dominus noster per tot miracula manifestavit, necdum pro eo canonizando supplicationem misissent.

Hu-

Hujusmodi improprium eo iustius videbatur, non solum in Hispalenses, sed in omnes omnino Hispanos dici; quanto majoribus luculentioribusque beneficiis, si more humano res aestimentur, illos sibi FERDINANDUS, quam Francos obstrinxerat consobrinus ejus S. LUDOVICUS. Hic siquidem, pro Christi religione contra infideles decertans in Oriente, non unum terrae pollicem restituit Reipublicae Christianae, qui non fuerit iterum cito amissus: FERDINANDUS vero SANCTUS, tota Betica, per annos quingentos infessa, sic expulit Mauros, ut numquam in ejus possessionem redire potuerint; regnaque, avitum ac paternum, ingentibus augens accessionibus, fidei quoque Christianae cultum longe lateque propagavit, iis in partibus non amplius eradicandum; idque dum agit, & barbarorum vires distinet atteritque, ceteris quoque Hispanicis Regibus facultatem prae-buit paria agendi contra conterminos sibi Saracenos. Verum qui omnia momentis temporibusque suis prudenter dispensat Deus, LUDOVICO censuit deproperandos Calitum honores legitimos, pro ea, quam ipsi non dederat, prosperorum suorum gloria in terris; FERDINANDO autem eosdem tunc voluit auctoritate Pontificia assertos, quando bellorum felicitus ab eo gestorum memoria, attrita temporum vetustate, segnius afficiebat obliviosos meritorum praeteritorum animos. Excitavit enim Catholicorum Regum atque Capituli Hispalensis studia, hujus ut Fundatori, istorum ut Progenitori suo eum peteret cultum decerni, quem à tempore immemorabili recte delatum, tot tantisque Deus indies declarabat miraculis, quot fuerunt publicis Processibus cognita.

Exhinc sanctius ac venerabilius haberi cepit, non Hispanis solum, sed exteris quoque nationibus pluribus, FERDINANDI nomen; cuius merita quò citius latiusque pervulgentur, persuaderi mihi passus sum, ut sexto de Aetis Sanctorum mensis Maji tomo, eidemque totius operis decimo septimo, ac mei circa ipsum laboris duodecimo, praecurrere sinerem scorsim illius Aetia; eademque ratione satisfacerem curiositati multorum, quibus tot voluminibus aut legendis otium aut coemendis commoditas deest, adest tamen non parva cupiditas penitus cognoscendi, quid istud sit operis, cuius molitioni jam
pene

pene sexaginta annos impensos audiunt, nec pauciores impendendos restare, priusquā totus sacer Annus, eo quo cæpit pede, decurrat ad finem, quinquaginta circiter tomis explicatus. Et enim eādem investigandæ ac tenendæ antiquitatis curâ, eādem methodo discutiendi ambigua & obscura illustrandi, eādem libertate ac sinceritate discernendi falsa à veris, dubia à certis, quæ hic tractantur SANCTI REGIS FERDINANDI Acta; decessores quoque mei RR. PP. Joannes Bollandus & Goddefridus Henschenius omnium Sanctorum, quotquot toto orbe coluntur vel à Catholicis scriptoribus celebrantur, res gestas atque memorias, quæ quidem ad suam notitiam pervenerunt, tractandas sibi proposuerunt ipsi, mihi-que continuandas reliquerunt. Hoc modo editorum hætenus Commentariorum majorum minorumque numerus jam ferme pervenit ad tria millia; & Sancti, quorum vel Nomina vel Acta iisdem Commentationibus illustrata fuerunt, censentur omnino ad septies mille. Quæ omnia utinam legantur, eo quo scribimus animo, id est, à præjudiciis; libero vel legere omnia non valentes aut non volentes, sibi sinant persuaderi, huic quod tenent specimini similia esse cetera: quando, adversus qualiacumq; demum obloquia, ea optima defensio est, quæ non insinuat verbis, sed præstatur operibus.

Habes geminam causam anticipatæ lucubrationis præsentis; eâ frui, & si quid corrigendum inveneris benignus suggere, ut altera in opere majori editio emendatior absolutiorque evadat. Nunc ut undequaque notum habeas, tot titulis venerabile FERDINANDI nomen, etiam etymon illius disce; quod requirens, ex duplici lingua duci posse invenio, utrimque auspiciatissimum. Primum ex Arabica Maurorum Hispaniensium lingua suggerit Carolus Macer, in additionibus ad Hierolexicon Dominici fratris sui, docens, Ferh-dinhandu, illa in lingua idem esse, quod, Gaudium fidei habet ipse, vel, Gaudium fidei apud eum; quo nescio quid aptius excogitari possit ei, qui restituto in tot regnis Fidei Christianæ cultu, gaudium percepturus erat, non solum in tempore, sed etiam in aternitate, ipsumque toti Hispaniæ facturum commune. Verum quantumlibet onomatopœia istac feliciter
ad

adinventa, blandiatur ingenio, ad honorem Sancti Regis
etiam ex nomine suo quarendum propenso; horret tamen ani-
mus ab ea suscipienda. Vix enim induci possum ut credam,
Hispanos Principes, germanam veterum Visigothorum sobo-
lem, aliunde quam ex Gothica majorum suorum lingua
sumptum nomen admasse; neque id ex lingua aliena quali-
cūque, puta Latina vel Græca (hinc enim accepta non de-
buerunt magnopere fastidire, postquam Christi fidem edocti à
Græcis, in ea quam circum Danubium occupaverant regione,
sed sub Valente in Arianismum pertracti, errorem de docen-
tibus Latinis in Hispania deposuerunt) verum ex ejus gentis
idiomate, quam modis omnibus habebant execratissimam.

Sed unde vera talis lingua vocabula eorumque sensum
indipiscamur? Ex Evangeliorum translatione Gothica, per
Vililam gentis Episcopum tempore prædicti Valentis compo-
sita, repertaque in membraneo codice, quem, purpurato in
pergameno argenteis litteris antiquitus exaratum, servat Bi-
bliotheca Regis Sueciæ, & formatis ad ejus exemplum typis,
una cum Anglo-Saxonica versione, ante annos fere viginti in
lucem misit Henricus Junius, cum accepto inde Gothica lingue
Glossario. Hic invenio Fair (quod Anglo-Saxonum, Teuto-
num, & Belgarum dialectis aliquantum mollioribus, Far,
Fer, & Ver effectur) idem esse quod Longe, sive Procul:
Thein (quod iisdem Dialectis Thin, Din, Dyn pronuntia-
tur) tuus, tua, tuum redditur: Handus denique, aliis Hand
vel Hant, significat manum: atque ita Fair-thein-handus
ac molliori effatu Fer-din-andus, propriissime esset, Manus
tua procul; vel is cujus manus, id est, potentia, robur,
virtus longe ac procul valet, tenditur, aut sentitur, se-
kundum istud Poëta,

An nescis longas Regibus esse manus?

Longam certe FERDINANDI utriusque, PRIMI scilicet ac TER-
TII, manum experti sunt in bellis Mauri; quin & fama hu-
jus, in Africam trajecturi, longius præcurrebat, no-
rum ei istic Imperium spondens, nisi placuisset Deo felicem victo-
riarum ejus cursum morte feliciore sistere atate media, & ad
æterna beatitudinis bene meritam coronam Sanctum suum e-
vocare.

††

Hanc

Hanc quomodo ei nuper gratulata Hispalis sua sit penultimus hujus libri Tractatus, Gloria postuma inscriptus, explicabit. Tum alius sequetur de Historia & Miraculis Crucis Caravacanæ, qui ordinem temporis spectanti primus esse potuisset; siquidem prodigiosa sancti illius Ligni apparitio in ver ejusdem anni MCXCVIII incidit, cujus Autumnus nascentem mundo FERDINANDUM excepit; ut merito illius Actis, quibus Crucis gloria tantopere fuit amplificata, adnectatur eorumdem prognosticon signum, in spem reparanda per totam Hispaniam Religionis concessum Regnis istis; ubi fortunatum semper FERDINANDI nomen, in eo quem CATHOLICUM nominamus, Caroli V Imperatoris avo, rursus vim suæ significationis exeruit; quando is omnes fere totius Hispaniæ provincias potentissima sua manu complexus, cum utraque Sicilia ac Balearicis insulis, eandem trans Atlanticum Oceanum porrexit in novum illum mundum, quem auspiciis ejus Columbus invenit, ac porro demonstrare perrexit Americus, & Americam dixit; ibi una cum Castellanis Arragoniisque insignibus Crucem plantans, cui tot barbara nationes paulatim subjicerentur. Ita in nostro orbe grande jam olim FEDINANDI nomen, ultimis hisce duobus seculis grandius etiam evasit in altero: quod sub tot gloriosissimorum FERDINANDORUM Nepote CAROLO II gloriosius etiam reddat is, à quo & in quo omnis vera magnitudo exordium habet, & finem accipit, seu potius sine fine perennat. Nunc totam presentis operis æconomiam sub unum aspectum positam accipe.

CON

CONSPPECTUS TOTIVS OPERIS.

Commentarius prævius Danielis Papebrochii
è Societate Jesu.

§ I. Antiqui Actorum hic dandorum Scriptores.	Pag. 1
§ II. Berengaria matris S. Ferdinandi, præ Blanca matre S. Ludovici, primogenitura ab auctoritate probatur	6
§ III. Eadem, & quidem multo major, illius quam hujus ætas Chronologice demonstratur	10
§ IV. Alphonſi Legionenſis conatus irriti, ad filium & avi & ſua ſucceſſione privandum: hujus Sanctitas & Gloria poſtuma.	14
Chronologiæ Ferdinandæ tabula.	16

VITÆ PARS I.

Ex Chronico Lucæ Tudenſis cœvi.

§ I. Adita regni Caſtella poſſeſſio: virtutes & bella S. Ferdinandi.	27
§ II. Succeſſio in regnũ Legionenſe. Expeditiones contra Mauros.	31
§ III. Corduba recepta: Campana S. Iacobi Compoſtellam remiſſa.	34

PARS II.

Ex libro Hiſpano, dicto Floſ Sanctorum, anni 1532.

§ I. Arjonenſes ac Granatenſes in fidem & ditionem recepti: Hiſpalis recuperata.	37
§ II. Mora Regis ſancti in Batia, & pius obitus.	41

ANNOTATA.

Post ſingulos hujus Vitæ Paragraphos, itemque poſt ſingula prolixiorum, Actorum Capita inveniet Lector Annotationes noſtras, cuique proprias & in ipſo contextu per litteras a b c indicatas.

ACTA PROLIXIORA.

Ex lib. viii Ruderici Archiepiſcopi Toletani,
& Chronica Hiſpanica ſancti Regis,
juxta Ms. Hiſpalenſe edita.

Prologus primi Editoris, in Chronicam ſancti Regis Ferdinandi.	44
Vetus diviſio Chronicæ per Capita & Titulos 78.	45
	47

NOSTRA DIVISIO.

CAP. I. Alphonſi R. Caſtella, qui ſancto avus maternus, res geſta & obitus.	51
---	----

11 2

II Henrici

PROSPECTUS

CAP. II. Henrici pueri breve regnum in Castella, sub Alvaro Comite & Sorore Berengaria, Sancti matre.	Pag. 55
III. Regnum Castella a Berengaria filio traditur, frustra obnitente Alvaro.	61
IV. Victoria de Alvaro rebelli relata, ejusque ac fratris infelix exitus.	67
V. Ferdinandi matrimonium cum Beatrice, ex eoque liberi. Rebelles repressi.	71
VI. Maurorum dissidentium motus. Ferdinandi in regnum Logionense successio.	77
Parergon I. An & quomodo ad Regis hujus tempus & histeriam pertineat revelatio Crucis Caravacana?	84
Nota quod pro hac Parergo, in editione Actorum reliquorum Maii omittendo, propter pleniorum de S. Crucis historia & Miraculis tractationem Ferdinandis Actis subnectendam, compositum sit, & inter Addenda mutandaque reperiendum aliud	
Parergon I. De miraculosa sanatione Beatricis Regina ipsiusque Regis cum puer esset per Deiparam impetrata, & ab Alfonso filio ac successore descripta veteri Castellano rhythmo	321
CAP. VII. Ingens victoria de Mauris ad Xerez, relata per Alphonsum, Sancti fratrem.	97
VIII. Cordubense suburbium intercipitur: urbs ipsa obsidetur.	106
IX. Ecijensis Regis succursu aliorum verso, Urbs Sancto deditur.	112
X. Ferdinandi cum Ioanna Pontiveni matrimonium: consuevis muniendis & tuendis impensa cura.	119
XI. Rebus domi compositis, Sanctus in fidem suscipit Regem Murcia, & Arjonam occupat.	126
XII. Expugnata Mula, Giennium obsidetur & deditur: decernitur obsidio Hispalensis.	132
Parergon II. De situ & munitione urbis tempore obsidionis.	138
XIII. Progressus Hispalim Rex, oppida quadam per iter capit: classis ejus Mauricam vincit.	142
XIV. Terrestris quadam victoriola de Mauris, post pugnam navalem.	148
XV. Pugna & velitationes terra fluvioque, eventu vario.	155
XVI. Incursum utrimque ancipites obsidentium & obsessorum.	160
XVII. Varia ad Trianensem pontem arceaque fortuna partium.	166
XVIII. Deditio urbis Hispalensis ejusque descriptio.	174
Parergon III. Ad quatuor præcedentia Capita, Ex Hispanico Spinosa, Zuniga, & aliorum.	
s. I. Devotio sancti Regis erga Deiparam durante obsidione, miraculo insigni (ut fertur) probata.	185
s. II. De	

O P E R I S

- § II. De imaginibus Marianis, Hispalim ab eodem inductis. Pag. 189
 § III. De ejusdem Gladio & Vexillo, nec non de Clavibus ingredienti
 oblatis, aliisque ejusmodi monumentis. 195
 CAP. XIX. Extrema Sancti gesta, & pius obitus. 198
 Parergon IV. De Anniversario ejusdem, ex Morgado & Spinoso. 205

G L O R I A P O S T U M A.

Ex variis monumentis & auctoribus collecta.

- CAP. I. Miracula post mortem, ex Hispanico editionis Hispalensis
 anni 1532. 209
 II. Apparatus ad translationem corporis incorrupti in novam Capellam,
 anno 1579. 216
 III. Ordo processionalis pompa in hac Translatione observatus, & qua-
 dam eam secuta. 223
 IV. Miracula recentiora, ex Summario Processuum Roma impresso :
 ac primum in Gabriele Perez, ejusque familia. 230
 V. Curatus paralyticus : locusta sublata. 235
 VI. Alia tria miracula ex eodem Processu. 240
 VII. Septem reliqua ejusdem Summarij miracula. 244
 VIII. Processus indicti pro Canonizatione. Imagines cum radiis
 sculpi permixtae. 249
 IX. Progressus negotii Roma : & probatio Casus excepti quoad Cultum
 ab immemorabili. 256
 X. Alia ejusdem Cultus antiqui argumenta, in Processu adducta. 260
 XI. Corporis incorrupti nova inspectio, coram Capellanis primo, deinde
 coram Archiepiscopo anno 1668. 265
 XII. Iudicium Medicorum de supernaturalitate incorruptionis pra-
 fata. 272
 XIII. Canonizatio sancti Regis, inchoata à Clemente X, Hispali
 nuntiata. 282
 XIV. Machina triumphalis, Sancto ante Chorum Metropolitanam
 erecta, eique respondens porta majoris ornatus interior. 287
 XV. Apparatus festivus Sacelli Regii, Atrii, & Sacrarii. 292
 XVI. Festum sollemnissime celebratum, admiranda quadam ipsum comi-
 tata & secuta. 300
 XVII. Lectiones Officii proprii, à sacra Congregatione Rituum ap-
 probata, & omnibus intra Hispanicas ditiones praecepta. 306

A P P E N D I X

Addendorum, mutandorum, corrigendorum.

In altera cum reliquis Maii Aëlis editione 309

HISTO-

HISTORIA ET MIRACULA
S. CRUCIS CARAVACANÆ,

ipso quo S. Ferdinandus nasciturus erat
anno 1198

per Angelos in Hispanias allata.

PRÆFATIO

De causa & fine hujus ad Acta Ferdinandæ Additamenti.

- CAP. I. Fontes fabulorum quarundam circumstantiarum, quibus
obscurata habetur historia Caravacana Chronologia. Pag. 338
- II. Verus allata Crucis annus, irrefragabili veteris sculptura testimonio
probat. 348
- III. Historia & miracula S. Crucis, descripta Caravaca anno 1375
cum Appendice anni 1392 356
- IV. Ulteriora quadam præmissorum testimonia, ante conscriptionem
fabularum scripta. 365
- V. Antiqua ac probe testata miracula, ex historia Caravacana Roblesii
sumpta. 373
- VI. Recentiora, facta sub finem præcedentis & initium præsentis seculi,
ex eodem. 382
- VII. Mira in exteris regionibus facta per Cruces & Cruculas, auctu
Caravacana sacratas, ex eodem. 387

ODE

ODE
AD S. FERDINANDUM III
REGEM CASTELLÆ ET LEGIONIS

cum vita ejus Acta & Gloria postuma

invitante & excitante Hispali

Antuerpia in lucem seorsim ab aliis ederentur.

FERNANDE Regum maxime, maxime
FERNANDE Divum, quem positis IBER
E servitute vindicatus
Barbaricâ, veneratur aris.

Tuo receptas consilio & manu
Tantisper Urbes respice; & atris
Cæli relictis, quos beasti
Imperio, populos revise.

Omnes laborant Principis inclytum
Nomen sacratissimè tollere honoribus:
Omnes triumphant. Te TOLETVM,
CORDVBA te decorat trophæis.

Hosti probatæ te fidei memor
ARJONA, te non ante domabile
Maurorum asylum, te tuorum
Denique victa animis Nepotum
GRANATA donis prosequitur suis:
Illa, illa Ibero cedere contumax,
Vincenda numquam, jam GRANATA
Læta tuos cineres adorat.

Urbs nulla pareit sumptibus: æmula
Virtus clientes & studium rapit.
Inusitato templa fastu,
Compitaque, & fora vestiuntur.

Sed vincit omnes HISPALIS, HISPALIS
Præolata cunctis. Illa tuas amans,
FERNANDE virtutes, volensque
Per titulos memoresque fastos
Post nascituris conspicuas dari,
Elucubrandras fert Papebrochio;
Per Acta Sanctorum celebri &
Nominis Austriaci clientes

Læto tot inter; dum Tibi construit
Aram ipsa, multo lumine splendidam,
Tuasque pugnas pingit auro,
Et solidis tua bella gemmis.


Illæ armat omnes artificum manus;
Paritura nulli. Nil simile aut prior,

Spee.

Spectarit aras aut futura.
 Cuncta tuæ monumenta pompæ ;
 FERNANDE , cedunt. Ne studium piæ
 Mireris urbis ; plura tibi HISPALIS
 Redempta debet : plura reddet ,
 Impatiens in amore vinci.
 Nec vos amicæ laudibus Hispali
 Herois urbem pœniteat meis
 Cessisse victas , FERDINANDVM
 Quæ studiis coluistis æquis.
 Ut vicit , omnes vicerit HISPALIS ,
 Auroque gemmisque atque opibus potens :
 Vicisse debebat , favore
 INDIGETIS meritisque victrix.
 Illam universis prætulit urbibus ,
 Regnis relictis , & Patris & suo,
 FERNANDVS : illi se suumque
 Credidit immoriens cadaver ,
 Decursa post tot secula vividum ,
 Et nec peresum ; nec violabile
 Parcente nulli tæbe mortis.
 Deposito præfatiore
 Donare cives non poterat suos.
 Ditarit aras muneribus licet
 Benignus æternis , perennes
 Divitias superat cadaver ,
 Illustre centum prodigiis. Cole
 Regem fidelem suppliciter , cole
 Urbs grata : FERNANDVS favores
 Cultibus innumeros repōnet.
 FERNANDVS atram corporibus luens
 Fugabit ægris : subiiciet suam
 Mors pulsa falcem FERDINANDO :
 Exanimis nova vita rursus
 Subibit artus. Sed neque tristitia
 Posthæc timebis prælia , nec dolos :
 Invieta stabis. FERDINANDVS
 Ipse suæ vigil , ipse muros
 Defendet urbis : PRÆSIDE barbarus
 Quo Maurus omni pulsus Iberia ,
 Ardentis extremos recessus
 Deficiens Lybiæ petivit.

Accinebat

E. v. O. S. I.





Vera Effigies
S. FERDINANDI
Regis Castellæ & Legionis
*Huius Alexandri vultum sic fors an Apelles
Pinxerit: ast animum ut noveris acta lege,*

P. Boultats, fecit

1

AD VITAM ET ACTA
S. FERDINANDI III
REGIS CASTELLÆ ET LEGIONIS,
COMMENTARIUS PRÆVIUS

DANIELIS PAPEBROCHII E SOC. JESU.

§. I. De antiquis Actorum hic dandorum
scriptoribus.



Idem Mauri, qui nominatissimam sub Romanis Imperatoribus ac Gothicis Regibus Hispalim, anno DCCXIII cum reliqua Batica, cujus ipsa Metropolis erat, redegerunt in potestatem; sicut sacra profanaque omnia ad suum conformarunt arbitrium, ita etiam nomen commutaverunt, & dixerunt Seviliam; quod eorum lingua Domum opulentam seu divitiis abundantem significare, discimus ex descriptione Andalusie inserta lib. 17 Atlantis seu Geographia Blaviana. Hanc cum Mauris eripisset anno MCCXLVIII Rex Ferdinandus, sui nominis Tertius, cognomento Sanctus, resumpta Latine scribentibus prior appellatio est, posterior in usu vulgi mansit. Mutatis civibus, non fuit mutata etiam fortuna urbis & opulentia: præ cunctis tamen divitiis ejus æstimandus est ipse, qui post restitutam in ea Christianam Religionem, & dotatam munificentissime Ecclesiam, non solum Regni sedem ibi elegit habere quoad postea vixit, sed etiam sepulcrum, pretiosissimus ipse thesaurus urbis.

2. Eo regnante, prius quam ista fierent, floruerunt in Hispania nobiles duo scriptores, Rodericus Ximenez, Archiepiscopus Toletanus in Castella, ab anno MCCVIII usque ad MCCXLV; & Lucas, Tudenfis Diaconus, postea

A

Episco-

Episcopus in Gallecia, usque ad annum MCCXL. Primus novem suos de Rebus Hispania libros perduxit ad annum MCCXIII; secundus, cum adhuc Diaconus esset, mundi chronicon contextuit usque ad annum MCCXXXVII. Ex his Rudericus, eo majoris fidei censendus est, quo plurium rerum quas scribit testis certior, utpote Regia castra saepe secutus, & omnium Regni negotiorum particeps: nec tamen contemnendus secundus, cui magis propositum fuisse videtur sancti Regis virtutes persequi. Viriusque igitur contextum hic damus: & pro iis qui utrique deficiunt annis, suum cuique addimus supplementum, ex antiquioribus, quæ nancisci potuimus Hispanicis monumentis. Deficienti circa finem Tudensis contextui (quem primo loco dare placet sub titulo Vitæ brevioris) succurret Legenda vetusta, quam reperiimus in libro Flos Sanctorum dicto, editionis Hispalensis anni MDXXXII. Roderici verba invariata, ex Francosurtenensi anni MDCLIII editione desumpta, inteximus Actis prolixioribus Chronicæ, in Codice Ms. Hispalensis ecclesiæ Hispanice reperta & quatenus opus fuit Latine reddita, secundum editionem Vallisoletanam anni MDLV, sumptam ex alia vetustiori, forsitan Hispalensi anni MDXV, uti apparet ex Prologo.

Supplentur
ex Veteri le-
genda et
vetustiori
chronica:

3 Legendam istam tempore Catholicorum Regum Ferdinandi & Isabellæ, adeoque ante finem seculi XV aut initio sequentis compositam esse, colligitur ex Miraculo XI, ibidem relato. Chronica multo antiquior est, & tantum non à coevo Auctore conscripta; quod intelligitur, non solum quia sic consequenter scriptæ fuerunt Chronicæ Regum subsequentiū, Alphonsi Sapientis, Sancii IV, Ferdinandi IV, Alphonsi XI (quarum posteriores duas etiam habemus, impressas iisdem typis circa annum MDL, alias duas vehementer optamus nancisci) sed etiam, quia Alphonsus Sapiens scripsit ipse, aut nomine suo scribendam curavit, vulgari gentis lingua, Chronicam Hispaniæ generalem, quæ similiter dicitur impressa haberi anno MDLI, & à nobis æque desideratur. Etenim ex variis locis utriusque Chronicæ, inter se collatis ab Alphonso Morgado, infra laudando, manifeste apparet, iisdem fere verbis

hæc sub Al-
phonso san-
cti Regis fi-
lio

verbis Chronicam utramque procedere, ita ut unam ex altera sumptam esse oporteat.

4 Præterea cum in Chronica Ferdinandeæ Cap. 74. agitur de Mezquita majori Maurorum, post captam Hispalim in ecclesiam Cathedralem, sub titulo S. Mariæ, jussu Regis Sancti conversâ, & Cap. 78 de ejusdem ibidem sepulturâ; nulla omnino sit mentio, aut novæ ecclesiæ, augustiori quâ nunc conspicitur fabricâ construi cæptæ, aut corporis tali occasione ^{aut saltem} translati ad aliud veteris Mezquite sacellum novæ ecclesiæ ^{sub ejusdem} contiguum, quod mansit sub titulo Capellæ Regiæ usque ad ^{nepote Sancti} ^{cio scripta} annum MDLXXIX, quando ad novam Capellam titulus hic videtur. transiit una cum corporibus Regiis. Atqui Morgadus scribit, haud multis post Sancti mortem annis ea de re cogitari cæptum; Espinosa vero expresse asserit, sub Rege Sancio, Sancti nepote, qui anno MCCXCV cecidit è vivis, datum fuisse operi augustissimo initium. Quibus positis superfluum est loqui de quatuor inauratis spheris, supra turrin ecclesiæ olim lucentibus, quæ describuntur num. 185, velut tum cum Chronica componeretur adhuc stantes; licet constet ex Morgado, quod anno MCCCXCIV terremotu excussæ comminutæque fuerint, nec repositæ amplius. Vnum addiderim, editionis antiquæ auctorem Sebastianum Martinez, in Proæmio ad lectorem, protestari, quod fideliter inhererit verbis Ms. Codicis; nisi quod aliqua, usu omnino obsoleta, mutanda putaverit in alia tunc usitatiora; quod in Chronicis Ferdinandi IV & Alphonsi XI factum ab eo non legimus.

5 Post Toletanum atque Tudensem, inter Scriptores Latinos de S. Ferdinando, tertius nominandus venit ^{Imago ecc} Alphonsus à Cartagena, ex Episcopo Zamorensi post an- ^{Alphonsi} ^{Zamorenst.} num MCCCCXII usque ad XXXIV Burgensis Antistes, in Rerum Hispanicarum Anacephaleosi cap. 83 ubi more suo, ut ceterorum Regum, sic etiam hujus imaginem proponens, Depingitur, inquit, Fernandus armatus in equo, prope civitatem Sevilam, quodam Arabe dante ei claves, quia civitas illa, per longam & strictam obsidionem ab eo afflicta, in deditionem ejus devenit. Tacet de diademate & titulo Sancti: sed similiter de utroque

4 DE S. FERDINANDO REGE

tacuit capite 26, agens de S. Hermenigildo.

6 Quartus inter Latinos venit Rodericus Sancius, post Ovetensem & Zamorrensem Episcopatus administratos, factus penultimo vite anno, Christi MCCCCLXX, Palentinus Episcopus, nescio cur apud Baronium & in Summario sæpius dictus Gerundensis: qui Historiam Hispanicam partibus quatuor deduxit. Hic parte 3 cap. 40 ait, quod nullus ante eum (scilicet Ferdinandum) bellis felicius aut in pace moderatior fuit. Et hoc ipsum ex precedenti capite egregie probari potest, ubi legitur, quod interrogatus, cur longe plus regni fines auxisset quam multi ejus progenitores, quippe qui recuperavit quod illi perdidierunt; respondisse fertur verbum, suo auctore & sempiterna commemoratione dignum: Patres, inquit, mei fortassis animo gerebant principatum terrenum exaltare potius, quam fidem plantare; augere sibi populum multum, sed non stabilire divinum cultum: quare decepti sunt in adinventio-nibus suis. Itaque ad cælum oculos vertens, Tu Domine, qui scis corda & renes hominum, nosti, quia non meam, sed tuam gloriam quæro; non tam caducorum regnorum, quam fidei tuæ Christianæque religionis augmentum desidero. Ita ille, qui locus in Summario Processuum tribuitur Michaeli Macuhero, veluti insertus ejus libro, cui titulus Concordia monarchiæ Ecclesiasticæ, ignoti nobis avi scriptori, neque in novissima Bibliotheca Nicolai Antonii nominato: æque autem ignota nobis sunt Annalia Hispanica, allegata à prædicto Roderico Sancio, & Martinus Cusentinus, ex quo idem se dicit accepisse quod sequitur.

Prophecia
de eo ex
Martino
Cusentino,

7 Hujus gloriosi Regis tempore, quoddam mirabile ad nostræ Catholicæ fidei exaltationem accidisse fertur. Nam (ut Martinus Cusentinus scribit) cum apud Toletum quidam Judæus, gratia ampliandi vineam suam, rupem comminuisset; in medio faxi concavitas reperta est, ubi liber erat folia lignea habens, descriptus tribus linguis, Hebræis, Græcis &

La-

Latinis; scriptura vero quasi unius psalterii videbatur. Hic liber de triplici mundo differebat ab Abraham usque ad Antichristum; Principium vero tertii libri ita incipiebat, à Christo sic exordiens: In tertio mundo filius Dei nascetur in mundo ex virgine Maria, patieturque pro salute hominum. Quod cum Judæus conspiceret, statim cum familia sua sacro fonte renatus est. In fine itaque libri dicebatur, quod tempore Fernandi Regis inveniri debebat [proprietates hominum uniuscujusque mundi exprimendo.] Eadem leguntur in Chronico Nicolai Trivetti Dominicanus, sub annum MCCCVII scripto in Anglia, insertoque Spicilegiis Acherianis tom. 8, quasi acciderint anno MCCL, & interseruntur verba inter [] relata. Multum autem ab Hispanis recentioribus ista ponderantur, uti etiam in Summario Processuum num. 17, tamquam singulare opus Providentiæ divinæ, famuli sui nomen, quinque minimum sæculis prius quam nasceretur, revelantis ei, qui ipsum librum ibi abscondisse præsumitur sub ingressum Maurorum in Hispaniam. Verum, ut ingenue fatear, dum considero, in illo tam mirabiliter, ut prætenditur, invento libro, velut auctoris Christo prioris, nihil repertum ob quod mereretur ad notitiam posterorum transmitti, nisi istum de Messia nascituro locum, & notam temporis quo esset reperiendus; vehementer metuo, ne simili fraude, qua superiori sæculo refoesse sunt laminæ ac scripturæ quedam, sub nominibus S. Jacobi ac discipulorum ejus abditæ prope Granatam, ab Apostolica Sede pridem severe prohibitæ vulgari, nunc autem etiam gravissimis judiciis condemnatæ; sic etiam S. Ferdinandi ævo liber iste fuerit primum abditus, deinde erutus à Iudeo, aliud quam par est lucrum per baptismi susceptionem captante: atque ita tota res mera fabula sit.

cujus fidei

§. II. Berengariæ matris primogenitura, ex ea-
que jus Ferdinandi ad regnum Castellæ, au-
ctoritate probatur, eique contraria expen-
duntur.

Mater Be-
rengaria an
primogenita
Alphonſi
fuerit,

8 **F**erdinandum Regem divinitus concessum Hispa-
nis fuisse, ut posimus credere, nihil opus est eo
quod supra rejecimus præſagio. Satis clare id de-
monstrant armorum ejus contra Mauros successus,
quibus fidem simul & regnum amplificavit; nec
non vitæ sanctitas, qua celestes honores apud posteros me-
ruit; felicior in uno, in altero similis consobrino suo, Lu-
dovico IX Francia Regi, qui gerendis contra Saracenos ar-
mis Sancti quoque nomen & cultum promeruit. Etenim
duo hi sanctissimi Reges, duarum sororum Berengariæ &
Blancæ, ab Adelphonſo IX Castelle Rege progenitarum,
filii fuerunt; suisque moribus simillimis demonstrarunt,
similem prorsus educationem se hausisse, ex simillima vir-
tutis genitricibus: quas inter earumque filios nulla scitur
fuisse de regno contentio. Nata ea primum sub nepotibus
est; quæ partium jura sic fuerunt confusa, ut nunc etiam
dubitetur, an Castella proximiori successionis jure ad Fer-
dinandum, an ad Ludovicum pertinuerit; quia dubi-
tatur, utra ex matribus prior nata sit. Quin etiam duo
magni nominis scriptores Hispani, Garibayus & Mariana,
licet successionem Ferdinandi ut justam tueantur, scrupu-
lo sibi nulli ducunt Blancam majorem natu agnoscere.

dubitant re-
centiores et-
iam Hispa-
ni :

9 Hoc tamen ut recipiam sine cunctatione, obstat gra-
vissima duorum coævorum scriptorum auctoritas, præno-
minatorum scilicet Luca Tudenſis & Roderici Toletani; qui
rem adeo recentis memoria & coram oculis suis versatam,
nec ignorasse potuerunt, nec sperare quod sponte mentien-
do obscuram eam ac dubitabilem posteris facerent. Spon-
darius quidem in Continuatione Annalium non veretur
scribere ad an. 1217 num. 12 ab eis magis ex studio par-
tium, quam ex fide positum esse, quod Berengaria pri-

primogenita fuerit. Sed quam vehementi partium studio Spondanus ipse subinde abripiatur, satis sciunt Franci. Quantumcumque tamen in hoc excesserit, numquam credam ipsi ^{asserunt eam} ^{avi,} sat frontis futurum fuisse, si forte ejus etate contra Ludovicum XIII Regem prævaluisset factio Procerum, Gastoni ejus fratri Reginaeque Matri Mariæ de Medices adherentium, ut auderet comminisci, non Ludovicum, sed Gastonem, fuisse Henrici IV primogenitum, mendaciane quidem ipsis factiosis tolerabili futuro. Quare nec velim sanctissimis duobus Hispaniæ Antistitibus tam impudentis fictionis crimen impingi; sed quando alia deessent omnia ad ipsos justificandos argumenta, mallem credere, eorum libros fuisse audacium interpolatorum manibus adulteratos, diu post mortem ipsorum: sicut necessario cogimur fateri Roderici Palentini scriptis accidisse, ne de eadem re scripsisse contradictoria arguatur.

10 Castellæ Nobiles, inquit Tudensis, Regnum Berengariæ Reginae tradiderunt, eo quod erat primogenita Adelfonfi. Toletanus vero, postquam lib. 7 cap. 24 dixisset, quod Adelfonfus Castellæ Rex Conrado, filio Imperatoris Frederici, quem cingulo militari accinxerat, filiam suam primogenitam Berengariam desponsavit: lib. 9 cap. 5 de S. Ferdinandi successione acturus, scribit, quod Magnates & Milites Castellani, communi consensu, Regnum Castellæ fidelitate debita nobili Reginae, scilicet Berengariæ, detulerunt; moxque addit: Ipsi enim, decedentibus filiis, cum esset inter filias primogenita, regni successio debebatur, & hoc ipsum patris privilegio probabatur, quod in armario Burgenfis Ecclesiæ servabatur: & etiam totum Regnum, antequam Rex haberet filium, bis juramento & hominio hoc firmarat. Possetne tanta esse impudentia cujusquam, ne dicam Antistitis forsitan octogenarii, & prima in Regno auctoritate conspici, quæ intra quatuor lineas totidem comminisceretur mendacia, omnium qui tunc in Castellâ vivebant manibus palpanda?

Tudensis, &
Toletanus.

item Roder.
Palentinus
uno loco,

licet alio lo-
co vitiatus.

11 Toletano & Tudenſi *manifesto inheret* Rodericus Palentinus, *parte 3. cap. 30 sic loquens*: Ferdinandus in regno Castellæ ſucceſſit, ex D. Berengaria, filia primogenita inclitiſſimi Regis Castellæ, ſine liberis maſculis decedentis; itaque regnum Castellæ dictæ D. Berengariæ naturali optimoque jure debebatur. *Fieri non poteſt ut hæc legerit Spondanus, & tam aſſeveranter (uti facit loco præmemorato) aſſeruerit, Palentinum in contraria prorsus ſtare ſententia. Malim opinari alienæ, nec bonæ fidei temere ipſum credidiſſe, quod aliud hac de re nihil apud Palentinum legeretur, quam verba quæ inveniuntur parte 4. capiti 4. addita, ad perſuadendum, quod Ludovicus fuerit filius D. Blancæ, primogenitæ Alſonſi; econtra vero Ferdinandus filius Berenguelæ, filiæ ſecundo natæ Alſonſi prædicti. Vnius ejuſdemque auctoris eſſe nequeunt duæ tam ex diametro contrariæ ſententiæ: oportet igitur ut locus alteruter ſpurius ſit & adulterinus. Hoc autem de poſteriori ſuadet nomen Berenguelæ, ex vulgari recentiorique uſu ſcriptum præter morem Palentini, toto hiſtoria ſuæ decurſu ſæpius & conſtanter Berengariam ſcribentis. Adde quod prior locus medio in contextu reperiatur, loco omnino ſuo, ubi non ita facile eſt per additiones auctorem aliquem vitari: poſterior vero extra contextum in fine capitis poſitus ſit; ac verosiſimiliter ab aliquo Francicarum partium ſtudioſo ſolum adſcriptus margini, deinde per librarii ſocordiam textui ipſi adjunctus, vel in aliquo ejus Ms. vel ſaltem in vulgata impreſſione.*

Neque ob-
ſtant epiſto-
la Procerū
Blancæ
invitantes.

12 Sammarthani, in *Hiſtoria Domus Franciæ lib. 13 pag. 535 aſſerunt*, quod in *Theſauro Titulorum Franciæ, armario Caſtella inſcripto, Tit. 1. inveniuntur novem epiſtolæ Caſtellanorum Procerum tenoris ejuſdem, ad Ludovicum VIII ejuſque uxorem Blancam, quibus ipſorum filium Regem ſuum eſſe declarant; eumque ad ſe mitti petunt, eo quod Alſonſus Blancæ pater teſtamento ſuo voluiſſet Henrico filio, abſque liberis maſculis decedente, ſuccedere jure hereditario filios Ludovici & Blancæ. Sed hoc, ſi non fuit Alvari Comitis & factioſorum illi adheretium figmentum (nec*
enima

enim ipsius testamenti id iubentis exemplar miserunt, sed videntur voluntatem verbis solis indicatam præten-<sup>præten-
dendo</sup> disse hoc, inquam, si vere scriptum est, ut summum probaret Alphonsum irritam fecisse voluntatem primam, publico instrumento duplicique homagio ante annos circiter triginta confirmatam, ut scribit Toletanus. Hoc autem fecisse potuit veluti iure suo utens, ne Castelle Regnum devolveretur ad Ferdinandum, Legionensis regni natum designatumque successorem, adhuc sub patris arbitrio constitutum, & sic victoribus sapius Castell-<sup>ultima
voluntatem
patris,</sup> lanis dominarentur Legionenses, ab ipso victi alias semperque infensi: sicut ex eadem causa Alphonfus Legionensis, adversus eundem Ferdinandum filium suum, jam Castelle Regem, filiabus ex priore thoro natis regnum legavit, nolens illud subijci Castellanis: quod æque successu caruit, sicut æque injustum fuit.

13 Vtrumque tamen utrique Alphonso tam potuit justum videri, quam postea utriusque ex S. Ferdinando nepos ac pronepos Alphonfus X justum esse putavit, exheredato filio suo Sancio, substituere ex filio Ferdinando præmortuo & Blanca S. Ludovici filia nepotes. Hæc autem dispositio Alphonfi X vera & unica fuisse videtur causa & origo dissidiorum, inter Franciæ Regem Philippum Blanca istius fratrem & prædictum Sancium, non obstante ejusmodi patris voluntate receptum à Castellanis. De quorum juribus cum disceptaretur, & primogenitura titulus in Ferdinando, Blanca junioris marito, prætenderetur à Francis, nihil facilius fuit, quam ut posterioris ætatis scriptor quispiam exterius (qualis Ptolomæus Lucensis fuit, qui sæculo XIV floruit in Italia) incerti ramoris arriperet aliquid, inter similia Blancarum, Ferdinandorum, & Alphonforum nomina palpabundus. Quod autem Ptolomæus iste Lucensis, tam in excusis Annalibus ad annum MCCXIV, quam in Historia Eccles. Ms. lib. 21 cap. 15 & 16, sic errasse potuerit, nec solum Berengaria Seniore facere Blancam, sed etiam graviore memoria lapsu in præcitata Ms. Historia dicere, in pactis matrimonialibus additum fuisse, quod si moreretur Rex sine herede masculino, Blanca in regno succederet: quod, inquam sic errasse potuerit Ptolomæus,

Ptolomæus
Lucensis error
unde natus.

meus, nemo mirabitur, qui intelliget quomodo XIX Maji, in Sylloge historica de S. Petro Celestino n. 22 videbimus cum in assignando mortis anno, ad totos novem annos potuisse decipi, tunc, cum res in Italia agebatur, vivens ac scribens, sed longius forsit an Roma absens ideoque facilius deceptus.

§. III. Berengariæ multo major quam Blancae sororis ætas chronologice demonstratur.

14
Seniorem
Berengariam
fuisse

Relatis expensisque auctoritatibus, quibus nituntur quotquot primogenitura prerogativam Berengariæ assertam vel ademptam nunc volunt, si porro Chronologicas rationes velis consulere, omnes invenies pro Berengaria contra Blancam stare. De Berengaria leges apud Toletanum lib. 7 cap. 23, quod cum simul Alphonfus Rex Legionis & Conradus Frederici Imperatoris filius militari cingulo ornarentur ab Alphonso Castellæ Rege, ipsa eorum alteri, scilicet Conrado, fuerit desponsa; sed cum nollet abeuntem sponsum in Teutoniā sequi, à desponsationis istius vinculo absoluta fuit per Archiepiscopum Toletanum Gundisalvum & Apostolicum Legatum Gregorium. Quo id præcise anno factum sit, non constat; uti nec quo anno ætatis sue regnare cæperit Legionensis Alphonfus: cingulum tamen militare suscipiens, non potuit adolescentiam excessisse. Cum ergo regnare cæperit anno MCLXXX, non videtur ea ceremonia differri posse ultra annum MCLXXXV, quippe quæ facta sit circa principium regni sui, ut ait Toletanus. Idem deinde Terasiam Lusitanam duxit sub Pontificatu Clementis III, eoque & successore Cælestino III nequidquam divortium imperante, uxorem habuit saltem usque ad annum MCXCV; ac rursus simili se difficultati implicuit, ducendo prædictam Berengariam, quæ eidem peperit filium Ferdinandum anno MCXCVIII, utique jam annos natâ ut minimum viginti quatuor vel sex, ut pote anno MCLXXXV jam nubilis, adeoque nata circa an. MCLXXIII, & marito suo annis non multis junior. Ista autem sollicitudo de maritanda Berengaria, quam demonstravit pater totis xv annis

etiam chronologica ratione evincitur,

annis prius quam cogitaretur de Blanca viro jungenda, indicium sane haud exiguum præbet grandioris in ea quam in Blanca ætatis: & Alphonso, jam plenæ ætatis viro conveniebat omnino seniores jungi.

15 Quid autem Blanca? Tradita est in matrimonium ^{Blancam} Ludovico VIII, adhuc puero & annos dumtaxat tredecim ^{vero multo} nato, ut scribunt Sammarthani, anno MCC, neque ante ^{juniores} annum MCCIX cæpit ei liberos parere, ultimumque eorum vel penultimum Stephanum edidit anno MCCXXV. Si igitur eam ponas Berengaria seniores, dicenda erit plus quam tricenaria venisse in manus mariti, tam imparis ut mater ejus esse potuerit; cæpisse autem parere quadragenaria, & fere sexagenaria adhuc fecunda fuisse. Neque hæc tantum sequentur, sed etiam quod filio ejus S. Ludovico transfretante contra Saracenos, & matris regnum administrandum committente, fuerit anus octogenaria, hoc enim factum est anno MCCXLVIII; & ipsa obiit filio in Syria absente anno MCCLII. Quod si ista dicta sunt absorta, absortum etiam id unde sequuntur. At vero Chronica Ferdinandæ Hispanica, Blancam inter Alphonso filias quartam numerans, expedita nobis facit omnia. Sic enim proficiscente in Syriam filio fuisset illa annorum circiter sexaginta, quæ ætas consilio maxime valet, nec inepta est laboribus regiminis quantumcumque magni: & nuptiarum ejus conciliatrix Alienor, ipsius avia materna, eademque mater Regis Angliæ, inter hunc & Philippum Franciæ Regem pacem per easdem nuptias conciliatura, eoque in Castellam profecta, ex neptibus suis, Alphonso & Alienor Angliæ filiabus, eam elegerit, cujus forma & ætas ad futuri sponsi ætatem accederet proxime. Talem porro nobis describit Ægidius Parisiensis, in libro qui Carolinus inscribitur, & prædicto juveni Ludovico dedicatur anno MCC, de futura ejus sponsa deque Joanne Rege Angliæ, mortuo Richardo fratre pacem composituro cum Francis, sic canens:

Et adhuc
impuerem
cum anno
1200 de-
sponsa est
tredecenni
Principi.

— Qui invaluit si vera susurrat
Rumor, ei (Philippo) in terræ cessurus parte Joannes
nes
Quodam conjugio Regem placabit; & ejus
Neptis

Neptis (ex sorre) ab Hispanis aderit, cum fœdere pacis,

CANDIDA (.i. Blanca) quæ nubat JUVENI VIRGUNCULA nostro.

post 9 de-
num annos
inceptura
parere.

Hanc auctoritatem (qua nescio an convincentior ulla possit à quoquam desiderari) contra seipsum pro Hispanis suggerit noster P. Philippus Labbe, in Tabulis Genealogicis Domus Regiæ pag. 54. Maneat igitur, quod Virguncula Blanca, si non impubes, ut summum tamen duodennis fuerit, cum tredecenni Principi est desponsa; adeoque totis sedecim vel octodecim annis junior quam Berengaria, jam ante triennium mater, & ante annos quindecim postulata ad nuptias. Ista autem utriusque sponsi junior ætas, causa fuerit tam seri ex eo matrimonio fructus, qui primum anno nono in lucem venit; anno autem decimo quinto S. Ludovicus. Neque ad tenendam Blancæ primogenituram suspicetur forsitan aliquis, tam imparis ætatis sponsam, uti consequens foret, juveni quamvis Principi electam fuisse, propter spem successionis in regnum Castella. Habebat enim Rex pater tunc filium Ferdinandum, adhuc viventem; nec desperabat alios gignere; sicuti revera post annos tres genuit Henricum, eumque habuit successorem; & hoc primum mortuo, successit eorundem ex sorore Berengaria nepos, Ferdinandus sanctus.

Ideoque me-
rito contem-
psit oblatum
à rebellibus
regnum,

16 Porro tanto junior Blanca ut filia Berengariæ fuisse diu per ætatem potuerit, haud mirum quod noluerit Alvaro ceterisque rebellibus, regnum veluti à patre legatum offerentibus, consentire; licet, vivente adhuc socero Philippo Augusto, necdum Regina Franciæ, & jam tum duplicis filii Philippi ac Ludovici mater, quorum alterum potuisset in Castellam postulantibus mittere, si sororis potiori juri voluisset se opponere. Movere etiam eandem potuit, ne quid ejusmodi tentaret, nota Comitis Alvari insolentia atque perfidia, non Regem Regno, sed Regis larvam sibi impetrare volentis, sub qua exercebat firmaretque tyrannidem, adhuc novam, nec uno illo anno, quo vixit puer Henricus frater suus, satis confirmatam. Tertiam causam addit Spondanus, genio suo dignam, videlicet; Non eo tunc statu fuisse

Regnum

Regnum Castellæ, ut potentissimi juxta ac religiosissimi Regis, solis expugnandis Infidelibus ac pacis inter Christianos Principes, etiam cum rerum suarum detrimento, totis piissimi animi & florentissimi Regni viribus intenti, cupidinem, cum damno Christianitatis, in Hispania sollicitare deberet.

17. *Quam florens fuerit Castellæ status cum moveretur Alphonſus IX, quantoque florentiorem eundem statum Deus fecerit Ferdinando, addito ei, præter Legionense regnum, totius Bæticæ dominatu, satis apparebit ex hac historia. Non autem nisi post utriusque Reginae matris & S. nepoti suo Ferdinandi mortem, S. Ludovicus fingitur à Francis, traditum illius filio Alphonſo moviſſe controverſiam, nulli ejus temporis historico notam, quam ille necesse habuerit conſolui. que.* filiam Ludovici Blancam petendo uxorem suo filio Ferdinando, & hinc nascituris liberis regnum paciscendo, etiam cum injuria alterius filii Sancii: quorum tamen nihil vel ex tabulis matrimonialibus vel ex scriptoribus probatur. Quam autem parum decore dicitur de sancto Rege Ludovico, quod ejusmodi controverſiam tunc demum moverit; tam est injuriosum æque Sancto Regi Ferdinando, quod sustineatur, alteri debitum Regnum tot octodecim annis absque scrupulo usurpasse. Nam quod ait non nemo, ætatis prærogativam & Hispaniæ leges pro Blanca quidem facere, verum, jura regnandi, non leguleiorum tabulis contineri, sed potius studiis populi, & Principum dexteritate, virtute, festinatione, felicitate, quod in præſenti acciderit, hoc politicam sapit non satis Christianam, quamque absit ut Sanctis vel cogitando adſcribat aliquis.

§. IV. Alphonſi Legionenſis conatus irriti, ad Ferdinandum filium & avi & ſua ſucceſſione privandum: hujus Sanctitas, & Gloria poſtuma.

18

Pater Alphonſus regnum Caſtella ſi invidet,

Porro non jam primum à gloria virtutiſque Hiſpanæ obrectatoribus hæc Ferdinando, pridem mortuo & inter Sanctos relato, controverſia movetur, ſuper Regni Caſtellani titulo: pater ejus, Alphonſus Legionenſis, illum filio invidit ereptumque voluit; præſtendens, quod deficiente in Caſtella ſtirpe maſcula, ex Alphonſo Imperatore per Sancium primogenitum ducta, ipſe, ex Ferdinando ſecundo genito ejuſdem Imperatoris nepos, proximus eſſet ſucceſſioni. Deinde ei arma intulit prætextu Caſtrorum, quæ jure belli quondam ſibi eripuerat ſocer, filięque Berengarię in dotem dederat, quæque ipſa, ut ſuam & filii Ferdinandi poſſeſſionem, pergebat poſt divortium retinere. His vero litigiis bene compoſitis, fidelem Ferdinandi operam expertus Legionenſis Alphonſus, in bello, tam contra quosdam rebellantes Proceres, quam adverſus infideles gerendo: filii tamen & Caſtellani regni incrementa numquam ſatis æquis oculis aſpicere pater potuit: ideoque ſub vitæ exitum tabulas condidit, quibus heredes inſtituit duas ex priori contubernio filias, neſcio quid novi juris & in ſupremarum poſteſtatum ſucceſſionibus inauditi commentus, contra jus filiorum ex poſteriori thoro natorum. Ita ſcilicet Princeps iſte, eadem libidine animi qua ſanctiões Eccleſiæ contempſerat in ducendis uxoribus; etiam jura regnandi fingebat reſingebatque, primum à Caſtellæ regno exclusas volens feminas deficiente maſculo; deinde in ſuo Legionenſi excipi eas volens, etiam ſuperſtitibus maribus filiis ſuis duobus; tantum ne Caſtellani, quos oderat, Legionem imperarent.

Illius cauſam etiam probat ſanctus

19 Aliter proſecto Ferdinandus, ſolius Dei (ut ſupra dictum) gloriæ augendæ ſtudioſus: unde & contigit eum creſcere, etiam temporali potentia. Sed non ex hoc ejus incremento

mento volumus probare iustitiam causæ. Multi siquidem Reges, raptore, in iusti, adulteri dominationis suæ terminos latissime ac felicissime propagarunt: sed Sanctis numquam adnumeratus est aliquis, qui fuerit alieni Regni usurpator iniustus, in eaque usurpatione defunctus. Sanctum autem ^{culiusque antiquus,} dico Ferdinandum: nam hunc ei titulum, non solum præscriptio temporis immemoralis veteresque pictura, & auctorum tam antiquiorum quam recentiorum consensus vindicant; sed etiam, quæ summa est in terris, auctoritas Apostolica Sedis, expensis Processuum de super formatorum Actis, quorum Summarium Romæ impressum anno MDCXXXVIII nati sumus, ex eoque damus tum aliqua huius ævi miracula (nam vetera exhibet Flos Sanctorum) tum argumenta præcipua, quibus demum inductus est Pontifex Clemens X, ut ^{Pontificio decreto firmatus} anno MDCLXXI decerneret Officium ac Missam, per omnes Hispanicae monarchiæ provincias, recitari ac celebrari de eo posse, ut vere Sancto & tali semper habito.

20 Ante quam definitivam sententiam videtur auctor Martyrologii Hispanici Ioannes Tamayus de Salazar scrupulo sibi duxisse, illum adnumerare reliquis Sanctis Hispanis; longe prudentius facturus, si illud suum opus non implevisset ^{Nomen nescio cur præteritum martyrologio Hispanico.} fragmentis innumeris, à Pseudo-dextro eique succenturiata auctorum suppositiorum turba acceptis: quibus Hispaniæ adscribuntur plures, qui non solum ad eam omnino nihil pertinent, sed nec ulla verosimili auctoritate asseruntur aliquando in rerum natura fuisse, uti sapius in hoc opere demonstravimus, ac pluries porro demonstraturi sumus. Sed missum Tamayum facio, bona verosimiliter fide, sed exigua discretione usum in suo illo opere; ad Ferdinandum revertor.

21 Huius antiquiora recentioraque miracula, quorum jam ^{Gloria postuma datur post Acta.} memini, & duplicis Translationis Acta, & quidquid Canonizationem ad extremum pene terminum deductam attinet, dabo Tractatu particulari, quem Gloriam postumam appellabo, Titulo ante hac mihi sapius usurpato in talibus. Ad eum Tractatum consiciendum, non solum magno mihi usui fuit Summarium jam dictum, sed etiam idem qui utilia multa pro Annotatis suggessit, D. Didacus Ortiz de Zuniga,
Ordinis

Ordinis S. Iacobi Eques, auctor novissimus Annalium Hispalensium, anno MDCLXXVII editorum: unde etiam accepimus historiam inspecti Corporis incorrupti, cum iudicio medicorum de eo miraculo; nec non descriptionem brevem solennitatis gemina, quarum prima tunc acta est, cum Hispalim allata sunt Remissoriales Urbani VIII, processus in genere ac specie pro informanda Romæ causa fieri permittentis; altera novissime celebrata cum Missa & Officio, auctoritate Clementis X, ut jam indicavi; quæ descriptio ultima ut plenior esset, iuvit insigne opus B. Balthazaris de Turre-Furfan, quo totum apparatus, cum in rem ab Ecclesia Metropolitana factum, complexus est; quidquid typographice arti deerat auxilio chalcographice supplens, per multas figuras æri incisas, quarum etiam plerasque dabimus.

22 Porro ut partim dicta, partim in decursu historia dicenda melius capiantur, accipe Chronologicam punctorum præcipuorum deductionem.

CHRONOLOGIA FERDINANDÆ A.

ANNO DCCXIII

Hispalis, cum reliqua Hispania Batica occupatur à Mauris.

CIRCA MCLXXIII

Berengaria, Sancti mater, Alphonfi IX Regis Castellæ primogenita, nascitur.

MCLXXX

Alphonfus Legionensis, Sancti pater, regnare incipit.

CIRCA MCLXXXV

Alphonfus Legionen. & Conradus filius Friderici Imp. Baltheo acciguntur ab Alphonso Castellano: hujus filia Be-

Berengaria Conrado despondetur: sed, ea in Teutonium abire recusante, sponsalia dissolvuntur.

CIRCA MCLXXXX

Nascitur Alphonso Castellano Blanca, mater futura S. Ludovici R. Francorum, inter sorores verosimiliter quarto-genita; sic ut primogenita Berengariæ filia esse per ætatem potuerit.

MCLXXXXV

Alphonfus Legionen. cogitur dimittere Tarasiam Lulitanam, post susceptas ex ea filias duas. Alphonfus Castellanus circa Arcos vincitur à Mauris.

MCLXXXXVII

Adfertur ab Angelis Crux Caravacana, teste Arabica inscriptione. Berengaria Castellana annos circiter 24. vel 26 nata & Alphonso Legion. nupta, parit S. Ferdinandum, annis 17 ante nativitatem S. Ludovici.

MCC

Blanca Castellana, nubit Ludovico Franciæ Principi, annorum 13 Juveni Virguncula (uti hoc ipso anno canit Ægidius Parisiensis) & forsan adhuc impubes.

MCCIIII

Alphonso Castellano nascitur heres & successor Henricus.

MCCIX

S. Ferdinando puero egrotanti, sanitas à Deipara redditur ad votum matris Berengariæ. Blanca incipit marito liberos parere, annos circiter 20 nata.

MCCXI

Ferdinandus, primogenitus Alphonsi Castellani, & vniculus Sancti, moritur 3 annis ante patrem.

B

ANTE

ANTE MCCXIII

Iussu Pontificis dirimitur matrimonium Alphonfi Legion. & Berengariæ, post natum eis etiam Alphonsum, fratrem Sancti Regis.

MCCXIII

Inter Reges Castellæ & Legionensem fœdus instauratur, salva Berengariæ dote. Saraceni à Christianis ad Navas Tolosanas immani strage funduntur.

MCCXIII

Moritur Alphonfus Castellæ, Sancti avus maternus: succedit filius undennis Henricus I: huic sponsa adducitur B. Mafalda Lusitana.

MCCXV

Nascitur S. Ludovicus, futurus Rex Franciæ.

MCCXVII

Moritur Henricus R. Castellæ, succedit sororum ejus primogenita Berengaria: quæ coronam transfert in suum primogenitum S. Ferdinandum an. 18 ætatis.

MCCXVIII

S. Ferdinandus R. Castellæ uxorem ducit D. Beatricem, filiam Philippi Ducis Sueviæ, cognatam Frederici II postea Imper. seque ipse baltheo militari accingit.

MCCXX

Rodericus de Camberis, Regi sancto refractarius, comescitur.

MCCXXI

Gonsalvus de Molina similiter repugnat & coercetur.

MCCXXII

MCCXXII

S. Ferdinandus auxiliatur patri suo Alphonso Legionen. contra Mauros.

CIRCA MCCXXIII

Pingitur Tabula Confraternitatis S. Matthæi, unde accepta effigies Sancti. Nascitur B. Isabella, soror S. Ludovici.

MCCXXV

Blanca R. Franciæ, circa ætatis sue annum 36, parit Stephanum, inter liberos undecim ultimum, vel penultimum juxta Genealogicas tabulas nostri Philippi Labbe. S. Ferdinandus prima in Mauros expeditione Beatæ & Ubetæ fines vastat, capit Casteatam.

MCCXXVI

Secunda expeditione Sancto sese subicit Rex Beatæ.

MCCXXVII

Tertium in Mauros incurrens Sanctus, oppida quadam capit. Venit in Hispaniam Legatus Apostolicus.

MCCXXVIII

S. Ferdinandus signat chartam de conventu Prædicatorum Madriti. Fines Giennenses expeditione quarta vastat.

MCCXXVIII

S. Ferdinandus, quintum excurrrens obtinet Capellam: novæ Cathedralis Toleti fundamenta ponit.

MCCXXX

Moritur Alphonfus Legionen. heredibus institutis duabus ex Tarasia Lusitana filiabus: sed frustra; Berengaria Ferdinandum inducente in Regnum.

B 2

MCCXXXIII

MCCXXXIII

S. Ferdinandus R. Castellæ & Legionis occupat Ubedam: moritur ei uxor D. Beatrix. D. Alphonsus, Sancti frater, Mauros ad Xerez vincit.

MCCXXXV

Christiani occupant suburbium Cordubense.

MCCXXXVI

Corduba deditionem Sancto facit, Campanæ an. 990 ab Almanfore sublata, Maurorum humeris referuntur Compostellam. Hæreticos Palentia deprehensos castigat Ferdinandus.

MCCXXXVII

S. Ferdinandus secundam uxorem ducit, D. Joannam, Comitis Pontivi filiam. Lucas Tudensis finit suum mundi Chronicon: in quo habet Vitam Sancti hætenus deductam.

MCCXXXVIII

Mortuo Bæticæ Præfecto Alvaro, Sanctus Cordubam proficiscitur: inde Burgos regressus, Biscayæ Dominum compefcit.

MCCXXXIX

Murciæ Rex in potestatem Sancti Regis se tradit.

MCCXXXII

Capitur Arjona; vastantur fines Granatenses.

MCCXXXIII

Rex Granatæ, clientela Sancti se subicit, eique Gienium cedit. Rudericus Toletanus historia sua finem imponit.

MCCXXXIII

MCCXXXIII

S. Ferdinandus *abit in Baticam, numquam amplius Castellam revisurus.*

MCCXXXVI

Decreta obsidione Hispalensi, moritur Berengaria, mater Sancti, septuagenaria major.

MCCXXXVIII

S. Ludovicus R. Franciæ, *in Terram-sanctam proficiscens, regimen matri Blanca committit, tum forte agentis annum 58 ætatis. Hispalis, mense 16 obsidionis captæ, deditur.*

MCCCL

Dicitur inventus à Iudeo liber de triplici mundo, cum prophetia de S. Ferdinando, impostura suspectus.

MCCCLI

Berengaria Abbatisa, *filia sancti Regis, corpus Avie Burgos transferri curat.*

MCCCLII

Moritur Hispali & ibidem sepelitur S. Ferdinandus. Moritur Blanca mater S. Ludovici, in Palestina absentis, haud multo major sexagenaria.

MCCCLIII

Alphonfus Sapiens R. Castellæ & Legionis, *Sancti Regis primogenitus, condit tabulas de urbis & agri Hispalensis inter Christianos partitione.*

MCCCLXX

Moritur S. Ludovicus R. Franciæ, consobrinus S. Ferdinandi.

B 3

MCCCLXXXIII

MCCCLXXXIIII

Moritur Alphonfus R. Castellæ & Legionis, Sancti filius, sub quo aut successore filio scripta Chronica ejusdem Sancti Regis. Sancius, exclusis ex premortuo fratre Alphonso & Blanca Francica nepotibus Alphonso & Ferdinando, quibus Sapiens regnum legarat, ipsum sibi vendicat & retinet.

MCCCLXXXV

Moritur Toleti Sancius, Alphonsi filius, Ferdinandi nepos, sub quo jacta fundamenta novæ Cathedralis Hispalen: succedit filius decennis Ferdinandus IV.

MCCCLXIII

Ferdinandus IV R. Castellæ & Legionis moritur: succedit filius anniculus Alphonfus XI.

MCCCL

Alphonfus XI R. Castellæ & Legionis moritur; succedit filius Petrus Crudelis.

MCCCLVIII

Fridericus, Magister Ord. S. Jacobi, Alphonsi XI filius nothus, jussu fratris interficitur: corpus cum corpore Sancti Regisan. 1579 transfertur.

MCCCLXII

Moritur Maria Padillia, pellex Petri Crudelis, corpus ad Regia sepulcra transfertur: postea cum iisdem etiam translatum in novam Capellam.

CIRCA MCCCLXXXVI

Accidit Miraculum S. Ferdinandi, primum ex iis quæ notat Flos-Sanctorum.

MCCCLXXXV

MCCCLXXXV

Sphæræ quatuor æneæ, *Turri Hispalensi impositæ à conditoribus Mauris, Terræ-motu dejiciuntur.*

MCCCCVII

Absolvitur structura novæ Cathedralis Hispalensis, ante annum 1266 inchoata.

MCCCCXXIIII

Moritur Alphonsus à Cartagena, ex Zamorensi Episcopo Archiepiscopus Burgenfis, Auctor Anacephalæosis rerum Hispaniæ, in qua describitur Rex Sanctus.

MCCCCLXX

Moritur Rudericus Sanctius, Episcopus Palentinus, Auctor Historiæ Hispanicæ, contra ipsius mentem clare explicatam parte 3 cap. 39, turpiter interpolatæ parte 4 cap. 4, ubi iterum de Berengaria, Sancti matre.

MCCCCLXXX

Garcias Lupus de Cardenas describit historiam Crucis Caravacensis,

MDVII

Ferdinandus Catholicus Hispaniarum Rex, Gladium S. Ferdinandi in processione gestat.

MDXV

D. Fernandus Enriquez, portat Gladium Sancti, ei-que inscribitur ejusdem Chronica primæ editionis ex Ms. Ecclesiæ Hispalensis.

MDXXXII

Editur Hispali Flos-Sanctorum, cui inserta Vita Sancti, composita ante annum 1500.

B A

MDXXXVIII

MDXXXVIII

Moritur 20 Februarii Vener. P. Ferdinandus de Contreras, Capellanus Ecclesiæ Hispalensis, cujus canonizandi causa versatur in Rota Romana.

MDLI

Imprimitur Vallisoleti Chronica Generalis Hispaniæ, ab vel sub Alphonso Sapiente composita.

MDLXXV

Absolvitur fabrica novæ Capellæ Regiæ in ecclesiâ Hispalensi.

MDLXXVII

Hieronymus de Gudiel Compluti evulgat Compendium historiarum Hispaniæ, in quo plura de Sancto Rege.

MDLXXXIII

In Cathedrali Hispalensi transfertur imago Dominæ nostræ de la Antigua.

MDLXXXVIII

Corpus Sancti, cum aliis corporibus Regiis, solenniter transfertur in novam Capellam.

MDLXXXVII

Alphonfus Morgadus edit Hispali Historiam Hispalensem.

MDLXXXX

Lectiones pro Dedicatione Ecclesiæ Hispalensis approbantur à Congregatione Rituum Romæ. Fundatur Missa pro Anniversario sancti Regis.

MDCXXVII

Paulus de Espinosa publicat Historiam, Antiquitates.

tates, & Magnalia Urbis Hispalensis.

MDCXXVIII

Romæ expediuntur Remissoriales in ordine ad Processus pro Canonizatione Sancti formandos.

MDCXXXI

Hispani sumitur Informatio de Miraculis Sancti.

MDCXXXIII

Capitulum Hispalense Deputationem ex suo corpore instituit pro negotio Canonizationis optate, ejus directionem & sumptus omnes in se suscipiens. Inspicitur rite corpus Sancti.

MDCXXXVIII

Romæ imprimitur Summarium Processuum.

MDCLV

Ibidem declaratur antiquus Sancti Regis cultus excipi à Decretis Urbani VIII.

MDC LXVIII

Iterum inspicitur sancti Regis incorruptum corpus.

MDC LXXI

Clemens X confirmat cultum S. Ferdinandi, eique decernit Officium & Missam. Balthasar de Turre-Farfan describit Festa Hispani hac occasione, & hoc anno celebrata.

MDC LXXIII

Festum S. Ferdinandi, prius ad libitum, jubetur in omnibus Regnis Hispaniarum fieri ritu Duplici.

MDC LXXV

Lectioes propriæ, pro Officio S. Ferdinandi, à Congregatione Rituum approbantur.

B 5

MDC LXXVII

26 S. FERDINANDI CHRONOLOGIA.

M D C L X X V I I

Didacus Ortiz de Zuniga edit *Annales Hispalenses*,
in quibus *Festa & Translationes anni 1671* describit. Cor-
nelius Galle insignem S. Ferdinandi imaginem Antver-
pia sculpsit, dedicatam Archiepiscopo Hispalensi D. Ambro-
sio Ignatio de Spinola y Gusman.

M D C L X X V I I I I

Corpora Reginae Beatricis & Regis Alphonfi, haftenus
cum S. Ferdinandi corpore intra eandem tumbam clausa,
in proprios translata loculos, reponuntur ad latera Capellae
Regiae.

M D C L X X X I I I I

Acta sancti Regis seorsim eduntur Antverpia, impressa
sumptibus Decani & Capituli Hispalensis.



DE

DE VITA
S. FERDINANDI

Regis Castellæ & Legionis.

PARS PRIMA

Ex chronico Lucae Tudenfis, Coævi.

§. 1. *Adita regni Castellæ possessio, virtutes & bella Ferdinandi.*



FRA MCCLV. a Fernandus, filius A-
defonsi Regis Legionensis in Ca-
stella, ei matre Berengaria tra-
dente regnum, felicissime regna-
re cœpit. Siquidem Castellæ no-
biles regnum Berengariæ Reginæ
tradi derunt, eo quod erat primo-
genita Adefonsi Regis Castellæ: & ipsa, ut dictum
est, tradidit regnum filio suo. Hic autem Rex Fer-
nandus, gravissima adolescentia venustatus, non
(ut illa ætas assolet) lasciviam amplexatus est mun-
di; sed pius, prudens, humilis, catholicus, & benig-
nus, senilibus se moribus decoravit. Etenim ita
obediebat prudentissimæ Berengariæ Reginæ matri
suæ, quamvis esset regni culmini sublimatus, ac si
esset puer humillimus sub ferula magistrali. Habebat
secum prudentissimos viros, quibus tam ipse quam
mater totum suum consilium committebant.

2. In tantum regnum sibi subditum, succensus ig-
ne Catholicæ veritatis, strenue rexit, ut inimicos
fidei Christianæ totis viribus persequeretur, & quos-
cumque reperiebat hæreticos flammis exureret, &
ipse vice famulorum ignem & ligna in eis combu-
rendis

a
Factus an:
1217 Rex
Castellæ.

virtutibus
Regi con-
gruis excel-
lis:

b rendis ministrabat *b*. Aderat illi in humilitate iusta
 severitas, qua reprobos puniebat; & in severitate iusta,
 misericors, & clemens, humilitas qua prostratis inimicis
 * placebat. Ejus Regalis animus avaritiâ numquam potuit
 inflammari: siquidem visum est quod requieverit super eum
 spiritus sapientiæ, qui fuit in Adefonso Rege Castellæ avo suo; &
 spiritus fortitudinis & clementiæ, qui erat in Adefonso Rege
 Legionensi patre ipsius. Quid plura? quod de nullo Regum
 præcedentium legitur; omnino irreprehensibilis fuit, quantum
 nobis scire datum est: & thorum conjugalem unquam minime
 violavit. Duxit namque uxorem ex Imperiali genere * Romanorum
 Deo devotissimam feminam, nomine *c* Beatricem: ex qua genuit
 Adefonsum, Federicum, Fernandum, *d* Philippum, Henricum,
 Sancium, Emmanuelem, Alienor, Berengariam, & Mariam.

* an par-
 cebat?

imprimis
 pudicitia.

* an Ger-
 manorum

e Pace per re-
 gnum sta-
 bilita,

3 Omnibus etiam Ecclesiis ita omnia sua jura servavit,
 ut nullus esset qui auderet eas vel in aliquo molestare.
 In tanta pace regnum sibi subditum rexit, ut majores vel
 minores in aliorum res insurgere non auderent. Sed cum
 regnare cœpisset, Comes Alvarus de Castilla, & fratres ejus
 Comes Fernandus & Comes Gundisalvus, contra eum rebellare
 cœperunt. Et cum Rex Fernandus, una cum matre sua
 Berengaria, cum manu militum, juxta castrum quod dicitur
e Ferrerola, transitum faceret; Comes Alvarus ei bellum
 indixit. Fuit autem Dominus cum Rege Fernando, & cepit
 ipsum Comitem Alvarum: & tam ipse Alvarus quam fratres
 ejus multa Castilla Regi Fernando tradiderunt, in quibus
 rebellabant ei: & Comes Alvarus est tunc à vinculis liberatus.

4 Rex autem Legionensis Adefonsus cum exercitu suo,
 quosdam regni Castellæ fines molestabat, eo quod adhuc
 quædam ad regnum Legionense spectantia detinebant
f Castellani. Tunc congregati sunt contra eum omnes nobiles de Castilla, quia re-

vera

vera filius ejus Rex Fernandus cum patre pugnare
nolebat. Inito autem certamine g prædicti nobiles
Castellæ fugati sunt, & omnes in Castellon à Rege
Adefonso inclusi. Tunc mutuo colloquentes de pa-
ce, ut justum erat, firmaverunt pacem inter patrem
& filium: & ad tantam concordiam Regna Hispa-
niæ pervenerunt, ut unanimiter convenirent ad A-
rabes persequendos. O quam beata tempora ista, in
quibus fides Catholica sublimatur, hæretica pravitas
trucidatur, & Saracenorum urbes & castra fidelium
gladiis devastantur! Pugnant Hispani Reges pro fi-
de, & ubique videntur. Episcopi, Abbates, & Clerus
ecclesias & monasteria construunt: & rusticolæ ab-
que formidine agros excolunt, animalia nutriunt,
pace fruuntur, & non est qui exterreat eos.

5 Eo tempore reverendissimus Pater Rodericus, *Episcopus*
Archiepiscopus Toletanus, ecclesiam Toletanam mi-
rabili opere fabricavit; prudentissimus Mauricius, *restauran-*
Episcopus Burgenfis, ecclesiam Burgensensem fortiter *dis*
& pulchre construxit; & sapientissimus Joannes,
Regis Fernandi Cancellarius, ecclesiam Vallisoleti
fundavit, & multis possessionibus gloriose dotavit.
Hic tempore procedente factus Episcopus Oxomen-
sis, ecclesiam Oxomensensem opere magno construxit.
Nobilis Nunius Astoricensis Episcopus, inter alia quæ *Episcopos in*
prudenter gessit, muros Astoricensis urbis, episcopium *pro opere ju-*
& ecclesiæ claustrum fortiter & pulchre studuit repa-
rare. Regula juris Laurentius, Auriensis Pontifex, e-
jusdem ecclesiam & episcopium quadris lapidibus fa-
bricavit, & pontem in flumine Minio juxta eandem
civitatem fundavit. Generosus etiam Stephanus, Tu-
densis Episcopus, ejusdem ecclesiam magnis lapidibus
consummavit, & ad consecrationem usque perduxit.
Pius autem & nobilis Martinus, Zamorësis Episcopus,
in ecclesiis constituendis, monasteriis restaurandis,
pontibus & hospitalibus edificandis continuo præbe-
bat operam efficacem. His & aliis sanctis operibus no-
stri

g

*intendit pa-
rando bello
Maurico*

Episcopus
restauran-
dis

Episcopos in
pro opere ju-
vans.

stri beati insistant Pontifices & Abbates, isti & alii, quorum nomina scripta sunt in libro vitæ. Adjuvant his sanctis operibus largissima manu Rex magnus Fernandus, & prudentissima mater ejus Regina Berengaria; multo auro, argento, pretiosis lapidibus, & sericis ornamentis Christi ecclesias decorantes. Eo tempore per totam Hispaniam Fratrum Prædicatorum & Fratrum Minorum *b* construuntur monasteria, & ubique verbum Dei prædicatur.....

Patrem Regem Legionis iuvat contra Manros.

6 Adefonsus Rex Legionis, ubi cum filio suo pacem habuit, quosdam rebelles in regno suo perdimuit Rege Fernando filio suo auxilium præbente.... Rex autem Castellæ Fernandus, quam sapienter tunc temporis gesserit, non est qui scriptis ostendere posset. Etenim revocavit virum potentissimum Alvarum, Petri Fernandi de Castella filium, qui erat cum Saracenis; & aggregato suorum exercitu magno, barbarorum fines invasit; & multas strages Saracenis inferens, cepit ab eis civitatem Baëtiam, Porcunam, Quesadam, Andujar, Aznataraph, Garciez, *i* Martosiaheniz, Capellam, & alias plures, & cum magna victoria in Castellam reversus est. Post hæc Reverendissimus Pater Joannes, Cardinalis Romanus Sabinienfis Episcopus, Apostolicæ Sedis Legatus, missus est in Hispaniam, à gloriosissimo Papa Gregorio. Hic inter cetera quæ sancte gessit, Reges Hispanos contra Saracenos studuit incitare: unde Rex Legionensis Adefonsus, cum exercitu suo & parte exercitus filii sui Regis Fernandi, obsedit Cacères, oppidum fortissimum barbarorum & cepit ipsum....

ANNOTATA.

a Flos Sanctorum alii que passim notant annum Christi 1216, sed male; cum Alphonfus avus solum obierit anno 1214, 23 Septembris; & postea puer Henricus Rex vixerit in regno ann. 2 menses 10, mortuus 6 Junii 1617.

Sancti Zelus contra hæreticos,

b Huc spectat quod Odoricus Raynaldus ad an. 1236 ex Regesto Gregorii Pape IX lib. 10 Ep. 182. notat his verbis; Cum Palentia aliquos hæreticos lue infectos deprehendisset Ferdinandus, candenti ferro æternis infamiae notis in vultu inuri iussit: ii vero, calamitatis illius sensu

su ad poenitentiam ducti, conciliari Ecclesie solvique anathemate demisse flagitarunt: quam Provinciam Gregorius Episcopo Palentino dedit.

c Quia pater ejus vocabatur Philippus, filius Frederici Anobardi & fratris Henrici Imperatorum, ipse electus post fratrem Imperator; hinc auctori Legende veteris obrepit, ut Beatricem faceret filiam Philippi Regis Francie.

d Eadem Legenda solum nominat quinque, & quidem ordine perturbato, Alphonsum, Fredericum, Emanuelem, Philippum & Henricum.

e Ferrerola, seu Ferrcola, vulgo Herrera.

f Nempe, ut ait Rodericus lib. 7 cap. 31, Alphonsum Castellanus, celebratis filia nuptiis, omnia quæ jure belli abstulerat, nunc genero, olim hosti, dedit filia suæ: & hac utique dirempto matrimonio debebant ipsius filiarumque manere: & sic antea cap. 24 dixerat, quod post divortium guerre & vastationes vix aliquo tempore inter Reges cessaverunt, Rege tamen Castellæ in omnibus prævalente, & de regno alterius castra plurima occupante: sed tamen nec sibi, nec filio, sed nepoti Ferdinando omnia acquirebat: quem vel ideo studiosius apud se retinebat pater ejus Rex Legionis, ut mari opus industria fuerit ad eum recipiendum, sicut in Actis ex Roderico dandis videbimus.

Dos Regina
Berengaria.

g Rodericus (cui potius hic credimus) ait, non nisi exercitus Castellani præcursores fuisset, qui Legionensi Regi occurrentes, absque certamine fugerint in castellum istud, ibique inclusi coeperint de concordia agere, laeso qui bellum suscitabat Alvaro.

h De Prædicatorum Conventu Madritensi extat diploma apud Espinosa fol. 152 lingua vulgari antiqua initio ac fine scriptum, ubi dicitur Ferdinandus, Dei gratia Rex Castellæ & Toleti, &c. Facta carta apud Medinam del campo, xxiv die Junii Era mcccclxvi anno regni sui xi, qui est Christi an. 1228.

i Vereor ne depravata sit lectio, quia tamen Lucas, Chronicon suum non produxit usque ad obtentam Jaën, non audeo legere divisim Martos, Jahen.

a Tarasia, Sancti Regis Portugallie filia, prius ducta quam Berengaria: sed post ternam prolem susceptam, propter affinitatem in secundo gradu, ab Alphonso thoro separata. Agit de hoc conjugio incesto Rodericus Toletanus lib. 7 cap. 24; ac deinde de matrimonio Berengariæ & divertio.

§. II. Successio Ferdinandi in regnum Legionense, expeditiones contra Mauros.

O Biit autem Era mcccclxviii, viii Kalendas Octobris [Adefonsus Rex Legionensis] Rex autem Fernandus filius ejus tunc temporis erat in expeditione in terra Maurorum. & cum audisset quod decesserat pater ejus, festinavit venire Legionem, ut obtineret regnum patrum suorum. Eo tempore facta est perturbatio magna in regno Legionensi: multi namque milites Galleci

Defuncto
Alfonso Legionensi.

*nequid quā
obfistentibus
seditiosis,*

Galleci & Astures, multas populationes, quas Rex Adefonsus fecerat absque murorum ambitu, incendio tradiderunt. Nitebantur etiam resistere Regi Fernando si possent: sed omnipotens Deus illum mirabiliter adjuvabat. Etenim Miles nobilissimus Didacus, cum esset Legione, fecit suos per palatium Regis furtive ascendere, & turrim & ecclesiam B. Isidori occupavit. Reverendus autem Pater Rodericus, Episcopus Legionensis, vir nobilis, providus, & honestus, ut hæc vidit, ecclesiam Legionensis Sedis armis, hominibus, & bellicis apparatus munivit, ut civitas Regi Fernando servaretur; civesque turres murorum & ecclesiarum, ut potuerunt, similiter munierunt.

*uno etiam
divinitus
punito,*

8 Erat tunc in ipsa civitate die ac nocte continua vox belli, & tribulatio, & angustia magna: sed misericordia Dei non defuit; & prædictus Didacus ægritudine valida est percussus, ita ut ipse vel in eo nescio qui clamaret, quod B. Isidorus, ob auxilium Regis Fernandi, volebat ipsum Militem interficere, eo quod occupaverit turrim & ecclesiam ejus. Præterea à capite dicti Militis oculi videbantur avelli, & concavitate sua egrediebantur, non sine magno dolore: unde compulsus, cum se videret tam gravissime vexari, consilio Sanciæ Comitissæ venerabilis matris suæ, Abbati & Conventui ipsius monasterii turrim & ecclesiam restituit, & damna quæ illis intulerat integravit: datoque super sancta Dei Evangelia juramento, quod de cetero esset miles & vassallus B. Isidori Confessoris, illico sanitati restitutus est, & statim cum suis de civitate egressus.

fit Rex Legionis.

9 Episcopus autem Rodericus & cives, gaudentes in Domino, quod etiam Sancti pro Rege Fernando pugnabant, miserunt nuntios illi, veniret cito suam accipere civitatem. Venit itaque Rex Fernandus (qui vere creditur Rex virtutis, eo quod sit virtuosus) una cum prudentissima D. Berengaria matre sua, & Legionen-

gionensem civitatem ingressus cum gloria magna, obtinuit regnum patrum suorum. Tunc confluentibus ad eum de singulis civitatibus & oppidis viris nobilissimis, concessit eis bonos mores & foros antiquos, & etiam illis multa gravamina relevavit. Supererant duæ nobilissimæ sorores suæ, filia Regis Adefonsi, quas genuerat ex Regina Tarasia, Sancia scilicet & Dulcia, quas habuit in magna reverentia, donans illis dum viverent annuatim triginta millia aureorum. Deinde pacificato toto regno suo, omnes Milites, qui populationes patris sui incenderant, exulavit.

10 Post hæc, congregato Legionis & Castellæ exercitu magno, ingressus terram Maurorum, obsedit Ubedam & cepit eam. Eo fere tempore inclytus A-
Ceſis ad Xerez Mauris
 dephonsus frater ejus, & Alvarus heros potentissimus de Castella, de mandato Regis, cum nobilium exercitu deprædantes terram Maurorum, usque ad mare mediterraneum hostiliter pervenerunt: quibus cum exercitu innumerabili occurrit Rex barbarus, nomine Abenfuth, juxta civitatem quæ vocatur Xerez. Commisso certamine fugati sunt Mauri, multis millibus suorum prostratis, & Christiani reversi sunt in patriam, cum multis opibus & gloria magna. Iterum Rex Fernandus movit exercitum; & fines Saracenorum invadens, cepit fortissimum castrum, quod dicitur S. Stephanus, & quædam alia: & acceptis à
is, relicta ad regni gubernationē matre
 Saracenis thesauris multis, reversus est. Divulgabatur fama Regis Fernandi per universas regiones, & de fide, gloria, & victoriis ejus loquebantur omnes gentes. Siquidem magnanimitas ejus & sapientia omnes hostes ejus vehementissime deterrebat.

11 Regina vero Berengaria mater ejus in tanto sapientiæ culmine ferebatur, ut in regni administratione, cuncta sapienter & nobiliter ordinaret: quapropter secure Rex Fernandus faciebat moram in expeditione contra Saracenos, eo quod Regina Be-

C

rengaria

contra eos-
dem egre-
ditur:

rengaria vices ejus sapienter in regno Legionis & Castellæ supplebat: & tanta securitate & pace utrumque regnum gaudebat, ut parvus vel magnus aliquis non auderet violenter res alterius occupare: tantus invaserat cunctos hæreticos terror, ut cuncti de utroque regno fugere festinarent. Mittebat Regina Berengaria abundanter filio suo Regi Fernando, dum esset in expeditione, milites, equos, aurum, argentum, cibaria, & quæcumque erant necessaria exercitibus suis.

* an mo-
nasterio?

manubias
S. Isidoro
vovet.

12 Era MCCLXXIII Regina D. Beatrix obiit, & sepulta est Burgis in regali * cœmeterio, quod bonæ memoriæ fecerat Castellæ Rex Adefonsus. Ante paucos dies discesserat filia Regis Fernandi & Reginae Beatricis Maria puellula, quæ Legionem in monasterio S. Isidori est sepulta. Tunc temporis devotissimus Rex Fernandus, coram corpore B. Isidori fixis genibus oravit, & votum faciens dixit viva voce: Adjuva me, Beate Confessor, contra Saracenos, & de his quæ adquisiero huic ecclesiæ tuæ conferam honorabilem portionem.

Tarasía Al- a Tarasia, Sancii Regis Portugallia filia, prius ducta quam Berengaria; sed post ternam prolem susceptam, propter affinitatem in secundo gradu, phonsi Le- ria; sed post ternam prolem susceptam, propter affinitatem in secundo gradu, gion. uxor 1. ab Alphonsi thoro separata. Agit de hoc conjugio incesto Rodericus Toletanus lib. 7 cap. 24; ac deinde de matrimonio Berengariæ & divortio.

§. III S. Ferdinandus Cordubam recuperat, & ablatas campanas S. Iacobo restituit.

13 **E**O tempore quidam Catholici, viri strenui, de frontaria Maurorum, qui Almugavares vocantur, collecta suorum multitudine, de nocte terram Saracenorum furtive ingressi sunt. Qui cum venissent Cordubam, & custodes murorum ipsius civitatis barbari minime vigilarunt; per scalas & funes civitatem magnam Cordubam intraverunt, & maximam obtinuerunt partem

tem turrium & murorum. Et cum adversus Saracenos fortiter dimicarent, & multos ex eis occiderent; festinanter miserunt nuntios ad Regem Fernandum, ut ad eorum properaret succursum. Erat tunc in partibus illis heros potentissimus, Alvarus de Castella; & veniens festinus ad succurrendum Christianis, extra Cordubam tentoria fixit. Paucissimi erant Christiani, habito respectu ad Saracenos: sed quotidie de barbaris, adjuvante Domino, triumphabant.

14 Quantæ autem magnanimitatis fuerit Rex Fernandus, ex hoc potest adverti, quod statim Beneventanis, & Zemorensibus, & aliis sibi adstantibus dixit: Si quis est hic amicus & fidus vassallus, sequatur me. Erat tunc hiems valde pluviosa: & dum non haberet secum centum milites, ingressus est audacter per frontariam regni Legionis, & cum paucis Cordubam venit. Magnus timor & dolor invasit amicos cunctos Regis Fernandi, cum pervenit adeos Regem se tanto discrimini contulisse. Accelerabant cuncti tanto Domino subvenire, sed resistebant eis flumina inundantia & pluviarum tempestas. Rex autem Fernandus stabat fortis & imperterritus, & Saracenos cum suis fortiter feriebat. Et cum ingressum civitatis & egressum non possent Christiani Saracenis prohibere, eo quod prohibente flumine magno b Guadalquivir ad alteram partem non poterant transire, & Saraceni egrediebantur & ingrediebantur per Pontem; Rex Fernandus fecit fieri balsas c & navigia de lignis & coriis, & ipse Rex cum paucis primus transivit. Tunc prohibitus est Saracenis egressus & ingressus, & cepit Rex castrum quod erat in ipso ponte.

15 Obsessa fuit civitas Cordubensis, undique pro-
perante Christianorum exercitu: & cum quotidie ab utraque parte gladiis mortiferis & jaculis fortiter certaretur, tandem laboribus multis & fame victi

Saraceni, Regi glorioso Fernando Cordubam civitatem inclytam tradiderunt: & ipsi Saraceni recedentes, se aliis Agarenorum oppidis contulerunt. Ingressus est Rex Fernandus Cordubam, cum gloria & lætitia magna; & eliminata omni spurcitia Mahometi, Pontifices sacri, in festo Apostolorum Petri & Pauli, ad honorem D.N. Jesu Christi & Genitricis ejus Reginae calorum Mariæ, in eadem urbe divina mysteria peregerunt; magnum illud Saracenorum oratorium Genetricis Dei Mariæ nomine decorantes.

*Et restituit
campanas
S. Jacobi.*

d

e

16 Inventæ sunt ibi campanæ, quas ob insigne ab ecclesia S. Jacobi Apostoli Rex Cordubensis olim detulerat Almanzor d, & Rex Catholicus Fernandus fecit eas Saracenorum humeris ad ecclesiam S. Jacobi e reportari. Capta est civitas Cordubensis Era MCCLXXIV: & reversus est inclytus Rex Fernandus Toletum cum victoria & gloria magna. O quam beatus iste Rex, qui abstulit opprobrium Hispanorum, evertens solium Barbarorum, & restituens ecclesiae S. Jacobi Apostoli campanas suas cum magno honore, quæ multo tempore fuerant Cordubæ, ob injuriam & opprobrium nominis Christi. Accepit etiam Rex Fernandus Turgellum, Sanctam-Crucem, Alhange, & quædam alia castra.

ANNOTATA.

a Non civitatem acceperunt, sed ejus suburbium unum post antemurale, ut ex sequenti ipsius urbis optugnatione apparet.

*Campanæ
Compostel-
lenses.*

b Quadalquivir, antiquis Bætis, unde Hispania Bætica, nunc Andaluzia.

c Balsa Hispanice ratis dicitur.

d Circa an. 990 anno 13 e ultimo Regis Almanzor, occupata Compostella, minores campanas inde ablatas scribit Rodericus lib. 5 cap. 16: quod sacrilegium Barbaro fatale fuit, etsi alioqui ab ulteriori injuria sacro loco inferenda abstinuerit, fulmine territus.

e Addit Legenda, quod sicuti humeris Christianorum avectæ fuerunt campanæ, jubente Almanfore; sic de mandato Ferdinandi, eas referre coacti sint ipsimet Mauri.

DE

DE VITA S. FERDINANDI III

Regis Castellæ & Legionis

PARS SECVNDA a.

Ex libro Hispano dicto Flos Sanctorum
anni MDXXXII.

§ 1. *Arjonenses, Granatenses, Giennenses Mauri
recepti in ditionem Ferdinandi. Hispalis ab
eodem recuperata.*

Statim post subactam Cordubam, abiit Rex¹⁷
excursionem facturum inditionem Hispalen- *Arjona Re-*
sem: cui Arjona transeunti indicatum est, *gem sibi*
quod ibi esset Rex nomine Alhamad, idem *concilians*
que generosus eques, qui ei magnum posset *Sanctus,*
inferre damnum, posteriora exercitus cum impedi-
mentis carpendo. Hoc intellecto, statim versus Ar-
jonam Rex tetendit, misitque ad Regem Alhama-
dum, causa tractandi cum eo. Qui cum egressus esset
ad Regem, eique se subiecisset, promisit ei Rex, quod
si Arjonam *b* tradere vellet, facturum eum esset Re-
gem Granatæ; interim tueretur exercitus Christia-
ni impedimenta, curaretque ne quid eorum periret.
Quod cum ei Rex Maurus jurasset, abiens Fernandus
incurrit in agros Hispalenses.

¹⁸ Misit deinde Rex nuntios ad præcipuos quosdam *faciensque*
Granatensis urbis incolas, ut exauctorato eo quem *Regem Gra-*
tunc habebant Rege, Alhamadum Arjonensem Regē *nata,*
assumerent: hoc vero cum eis persuasisset, eo quod Al-
hamadus nomen haberet viri fortis, isque ad regnum
pervenisset, continuo tradidit Fernando Arjonā. Fer-
nandus vero eundem monuit, ut recordaretur, quod

per ipsum factus esset Rex Granatensis; ideoque petebat ut sibi traderet civitatem Jaën, sub hac conditione, ut eam ipsi redderet quodcumque is postulasset: atque ita urbem illam obtinuit, arcemque in ea, quæ nunc est, ædificavit. Molitionem autem istam ægre ferentibus Mauris, & cur id faceret interrogantibus, respondit; hoc se facere, ut ne civibus cogeretur esse molestus, sed sibi suisque illac transi-
Jaën ab eo sibi concessam m. n. t. turis absque incommodo eorum hospitium inveniret.

19 Toletum deinde rediturus Fernandus, Cordubæ reliquit Magistrum D. Pelagium Correa, & D. Rodericum Alvarez Asturicensem, aliosque plures, Hispalim usque excursuros. Metatus est autem Magister Pelagius in loco, qui dicitur Sant-Lucar de Albayda, inter Hispalim & Tejadam; Rodericus autem, Alcalæ de Guadaya: atque ex his locis adeo infestos habuerunt agros Hispalenses, ut ad magnas angustias Mauros compulerint. Inito ergo cum Proceribus suis consilio, convenerunt de certa aurifumma, duobus istis Equitibus danda, pro pace cum iis habenda: quam illi haud difficulter concesserunt. Quia autem sciebant Mauri, Fernando Regi constitutum esse manere in Castella totis tribus annis, decreverunt quantam maximam possent sementem facere: quod ita eis successit, ut si messem colligere permitterentur, deesse iis non potuisset annona per annos viginti, adeo fecundus fuit annus iste. Tunc Magister Pelagius & D. Alvarus significarunt Regi quidquid actum erat, & quod, nisi ipse novam messem nunc collecturus veniret, non deberet intra viginti annos de capienda Hispali cogitare.

20 Hoc nuntio accepto Rex, statim & absque mora Burgis discessit, cum Equitibus circiter centum: & evocatorias misit per regnum totum, mandans ut omnes Hispalim convenirent. Advenit autem eo Rex Fernandus medio Martio, anno Domini
f
dein urbem obsidet:

mini g MCCXLVIII, civitatemque tam arcte cinxit ex g
 omni parte, ut necessaria ad victum inferri in eam h
 non possent, nisi per b Axarafam: quæ non poterat h
 præcludi, eo quod prope Trianense i castrum tensa i
 erat catena perquam grandis, trans ipsum fluvium,
 à turri aurea usque ad alteram partem: quæ catena
 adjumento magno Mauris fuit. Quidam autem, Ro-
 manus k Bonifacius dictus, civis Burgenfis, dixit k
 Regi: Habeo navim valde bonam, quacum si bo-
 num ventum annuerit Deus, velis expansis prove-
 ctus, intendo catenam istam perfringere. Tum Rex
 per triduum integrum se recepit ad orandum, &
 nec ullius alloquium suscepit; ab oratione autem
 regrediens mandavit, ut nautæ navim appararent.
 Quæ cum velis expansis promoveretur, tam validus
 ea implevit ventus, ut sursum in flumen proventa,
 non tantum catenam illam perruperit, sed etiam
 pontem justo ab inde spatio dissitum. Qui successus
 magnam Mauris molestiam attulit, utpote jam om-
 ni ulteriori spe necessariæ annonæ obtinendæ pri-
 vatis.

21 Ergo parvo post tempore petierunt Mauri loqui
 cum Rege, qui eis transmisit Rodericum Alvarez A-
 sturicensē; cui dixerunt, quod ei tradituri essent ci-
 vitem, modo sibi liceret egredi cum uxoribus, liberis
 atque fortunis; manere autem volentibus sub Regis
 obedientia atque ad ejus servitium, id liceret. Rex
 vero arbitrium conditionum ad Adefonsū filium
 retulit, qui respondit, faceret pater suus quod bonum
 videbatur. Postea vero redierunt Maurorum legati,
 petentes inducias sibi dari, ad demoliendam turrim
 & mezquitam majorem: qua de re Adefonsus inter-
 rogatus edixit, quod si vel unicam regulam in civi-
 tate moverent, omnes mactari juberet. Videntes
 igitur talia frustra peti, supplicarunt Regi, ut septem-
 dies sibi concederet, intra quos civitatem traderent,
 ea qua Rex vellet conditione & forma. Intravit er-
 go.

I go Rex Fernandus in urbem Hispalensem die viii l
Novembris, anno Domini MCCXLVIII: mansit autem
m in urbe major m pars incolarum.

A N N O T A T A .

a In hac secunda parte multa dicuntur plane aliter quam à Garibato ac Mariana, Chronica Ferdinandi antiquam secutus, cui nos quoque plus fidei inesse arbitramur: volui tamen Legenda istius verba hic dare, iudicium discriminis faciendi Lectori relinquens.

b Arjonam volunt aliqui Albam Virgaonensem Plinii, vel Auri-
giam Livii fuisse, inter Iacn & Anduxar, quam hodieque scimus superesse,
non ex tabula ubi deest, sed ex relatione de inventis ibidem an. 1630 Reliquiis
commemorandis ad 21 Augusti, quando agemus de SS. Bonoso & Maximiano.
Chronica urbem obsessam fuisse scribit & deditione captam.

Giennii de-
ditio.

c Jaen, Latine scribentibus Roderico & aliis Giennium & Gienna,
quam Chronica dicit prius obsessam & ad extrema redactam, quam Rex bar-
barus, se suaque fidei Ferdinandi committens, urbem tradi juberet; nec memi-
nit adjecta conditionis, imo Christianos incolas illuc inductos scribit, utique
Mauris omnibus aut plerisque egredi iussis. Nihil etiam ibi de promotione Al-
hamadi, per Ferdinandum curata.

d San Lucar de Albayda, hodie, San-Lucar la Major, urbi Hispa-
lensi ad Occidentem jacet, cis flumen Guadiamar, intervallo circiter leuca-
rum 4; distinguendum à San-Lucar de Barrameda, maritimo oppido ad
astuaria Batis, ac veluti portu urbis Hispalensis.

e Alcala de Guadayra, ad Orientem ejusdem urbis, vix duabus leucis
inde abest.

f Chronica ait, Cordubæ fuisse Regem, cum obsidende Hispalis consi-
lium cepit, mutato priori proposito redeundi in Castellam: Cordubam quo-
que jussu convenire exercitum, cum quo plura oppida prius occupavit quam
inchoaret obsidionem.

g Chronica ait obsidionem sedecim menses tenuisse, proinde deberet cepta
fuisse an. no priori 1247 mense Maio.

h Axarafa vulgo dicuntur excelsa portus seu ambulationes: sed eo nomi-
ne hic intelligitur ingens terra tractus trans Batim, quia forte excelsior quam
ceterior ripa.

i Dabimus in Actis plenam urbis descriptionem, & ipsius Catenæ, cujus
tamen nulla fit mentio in Chronica.

k In Chronica dictus Raymundus: nempe inter nomina vulgaria Ramon
& Roman sola vocalium transpositio significationem variat.

l Fortasse legendum XVIII, quamvis neque tunc in urbem ingressus est Rex;
sed tali ut summum die signata sint conditiones faciendæ deditionis die XXIII.

m Imo exire coactos omnes docet Chronica.

§. II. *Mora Regis sancti in Bætica, & pius obitus.*

Post hæc tam Rex quam Magnates ejus in 22
Castellam redeundum esse censuerunt, di- *Rex in Ca-*
missis eorum aliquibus ad custodiam civita- *stellam re-*
tis. Verum hoc ne fieret tali ratione dicitur *diturus*
fuisse impeditum. Parasitus a quidam Fer- a
nandi Regis, Paya dictus, conscendit turrin majo-
ris ecclesiæ, numeravitque plateas à Christianis in-
fessas, facile utique distinguendas ab aliis, quia unus-
quisque Magnatum vexillum suum extulerat è loco
in quo hospitabatur. Hinc agnovit quanto in peri-
culo, si Rex discederet cum exercitu, futuri essent
reliqui. Ergo ad Fernandum accessit, & dixit: Domi-
ne, unam à te gratiam peto, videlicet ut cum omni-
bus Primoribus tuis mecum velis prandere in sum-
ma turri majoris ecclesiæ. Cumque responderet
Rex, quod locus omnes non caperet; In illa, inquit,
turricula, ô Rex, quam superne vides, & existimas
tam parvam esse, plus quam quinquaginta viri con-
tineri possunt.

23 Tum Rex petitioni annuit; & abiit Paya: hora
autem congrua accersivit Regem cum suis Magnati-
bus. Qui cum ascendissent, Prandium, inquit Paya,
quod vobis paratum habeo, est ut videatis hanc civi- *ne id faciat*
tatem, quam Dominus Deus noster donavit vobis. *sapienter*
Cui Rex, Video eam perquam bene, & benedictus *monetur à*
sit Deus, per cujus misericordiam acquisimus eam. *parasito,*
At ego, replicat Paya, faciam ut multo melius eam vi-
deas: & monstravit ei vexilla Magnatum & Tribu-
norum, qui ibi erant; & quam exiguum partem civi-
tatis occuparent, jussit considerare. Ad quæ Rex,
Vere, inquit, miseret me civitatis hujus. Tum para-
situs: Si modo, cum hic sunt Castella & Legio, non
habitatur Hispalis: quomodo hinc abiens credis re-

ubique manere vovet :

licturum te, qui eam faciat habitari? Equidem edico tibi, quod si semel hinc abieris, nunquam in eam sis rediturus. Tum vero Rex, inquit, Etiam ex ore fatuorum prudentia quandoque consilia proficisci audivi sæpius; atque ex nunc promitto Deo, me nunquam in Castellam rediturum, sed hic sepulcrum habiturum. Atque ita Fernandus Hispali mansit, eamque à frequenti populo habitari fecit, incolis ex omni Hispania accersitis: & post captam urbem in ea vixit sanctus hic Rex tribus cum dimidio annis.

jubet Regi Granate Jaën restitui,

suscepitque devote sacramentis,

24 Quando autem se vidit morti vicinum, accersito ad se filio Adefonso, post multa sancta ac salutaria monita, ei dixit: Urbem Jaën à Granateni Rege teneo, sub ea conditione, ut eam redderem quodcumque reposceret: volo autem ut fides mea etiam post mortem meam præstetur integra, sicut eam servavi cuicumque ipsam obligavi cum viverem. Itaque volo ut reddas eam Granateni Regi, quodcumque volet; tibi autem serves arcem, quia ædificavi, & est mea. Hoc autem præstitit Rex Adefonsus post mortem patris sui. Fernandus vero, cum res ad animæ suæ statum pertinentes composuisset, magna cum devotione petivit Sacramenta: & recepturus Corpus Christi, surrexit de lecto, seque in terram prostravit, dicens, Domine, unde merui, ut venires ad me? Et prius quam ipsum susciperet, accepit restim colloque circumjecit: tum genibus ac cubitis terræ innixus, dixit: O Domine mi, amore mei passus es aliam magis crudelem restim collo tuo circumdari: ego vero miser quid feci pro te? Obsecro Domine, ne consideres quam male possim tibi rationem reddere eorum quæ mihi commendasti, & temporis impensi: sed considera, qualis ipse sis, & miserere mei. Atque ita cum multis lacrymis recepit Dominici Corporis Viaticum, petens ab omnibus sibi ignosci, si cui gravis fuisset

vel

vel causam querendi de se dedisset.

25 Mox testamentum suum condidit, filio suo Adefonso expresse mandans, ut magnam curam Reginae gereret, fratres bene educaret, famulis suis esset munificus, & subditis omnibus æquus *b*. Denique Clerum totum ibi præsentem, post recitatas Letanias, præcepit canere, Te Deum laudamus. Sumptaque in manus candela, & Cruce ante se posita, inclinavit caput: ac magna cum devotione animam tradidit Creatori, in urbe Hispali, die xxx *c* Maji, anno Domini mcllii, regni vero sui xxxv.

*pie moritur
an. 1252.*

ANNOTATA.

a Hispanice Truhan, quod etiam Morionem significat, quales Regibus ad delicias esse solent, sapienter fatui.

b Rodericus Santius Palentinus Episcopus, parte 3 cap. 40 Habent, inquit, Hispanorum Annalia, quia cum hic gloriosus Princeps in agonia mortis esset constitutus, à quodam Milite interrogatus est quale sepulcrum aut statuam sibi jubebat apponi. Cui ille; Immaculata, inquit, ut potui, vita mea ac gesta sint mihi sepulcrum & statua.

c Idem eodem loco addit. Quo die auditæ sunt voces in cælo, En moritur justus & nemo considerat. Cuncti fideles ob ejus obitum ineffabiliter flebant, dicentes, Utinam talis Princeps aut non nasceretur aut non moreretur!

S. FER.

S. FERDINANDI III

Regis Castellæ & Legionis

ACTA PROLIXIORA.

Ex Libro viii Ruderici Archiepisc. Toletani,
& Chronicâ Hispanicâ sancti Regis,
juxta Ms. Hispalense editâ Vallisoleti.



*R*uderici textum integrum, iisdem quibus est editus verbis, legendum proponens, sed nonnullis ex Chronica acceptis Capitibus interpolatum; primum quidem necessarium duxi numeros Capitum quibus distinguitur textus ille, notare in margine usque ad num. 99, ubi Roderici historia finem accipit: deinde congruum censui, hic præmittere distributionem Capitum in ipsa Chronica editione servatum, adscribendo è regione numeros nostros, initio talis cujusque Capituli respondentes: ut, cum aliquis incidet in libros Hispanicos, in quibus Chronica prædicta citatur per Capita, promptum ei sit sensum Latine expressum invenire. Quod si numero addatur *, notabis istic inchoari, quod ei respondet Caput, ubi tale signum reperitur in contextu.

PRO-

PROLOGUS PRIMI EDITORIS

*In Chronicam Sancti Regis Ferdinandi.*Magnifico & Prænobili Domino,
Don Fernando Enriquez.

INter alias scripturas, Magnifice ac Prænobilis Domine, quæ reperiuntur in bibliotheca hujus sanctæ Ecclesiæ Hispalensis, inveni historiam sancti Regis Don Ferdandi, qui acquisivit sibi hanc insignem & prænobilem civitatem. Quamvis autem Summaria quædam hujusmodi Chronicae fuerint impressa; conducibile tamen mihi visum est, etiam hanc prælo subicere: utpote copiosiore, & quia in ea diffuse narrantur Regis illius heroica facinora, æternâ memoriâ digna; ac denique ne diutius conclusa detineatur historia, tantopere expetita, præsertim in hac prænobili civitate quam obtinuit non sine labore maximo, propriæ vitæ periculo, impendioque suorum reddituum & thesaurorum; quos præmisit in cælum, istic sibi restituendos. Quia autem ad perfectionem historiæ opus est paulo altius repetere ejus originem; incipit narratio à Rege Alphonso, sancti Regis avo, filio Sancii cognomento Desiderati, quo melius intelligatur ordo Regii sui stemmatis, nobiliumque & illustrium ejus operum. Longum enim & confusionis plenum opus foret, ipsum deducere per omnes illos Reges, qui Sanctum regnando præcesserunt; nostræque intentionis dumtaxat est texere illius historiam. Hæc vero emendanda fuit, aut (ut expressius loquar) renovanda, quoad pronuntiationem nonnullorum vocabulorum antiquorum, ut à modernis melius intelligantur.

*Post quædam
Summaria
antea edita**ipsa Chronica integra
profertur:**Et tantum
quoniam voces
aliquas in-
novatas,*

Quia autem ad Dominationem vestram, tam-
quam

offerturque
D. Fernan-
do Enri-
quez,

quam primum Equitem civitatis hujus, & ejusdem cum Sancto nominis consortem, pertinet præcipue favere magnis & nobilibus facinoribus ejus; existimavi quod merito deberem ipsi inscribere hanc Chronicam, ut sub ejus auctoritate & favore publicetur in gratiam legere cupientium: idque eo magis, quod Dominatio vestra, hoc anno millesimo quingentesimo decimo quinto, in festo S. Clementis, efferens Gladium ipsius sancti ac beatissimi Regis, quando celebratur sollemnissima processio, in memoriam ejus diei quo acquisita hæc civitas fuit; & existens in capella Regum, demonstravit desiderium videndi ipsius Chronicam. Hoc enim me permovit, ut ad obsequendum voluntati isti tuæ eam emendarem, sicut dixi, & nomini vestro inscriberem: quo scilicet, nec non ingenuis tuis ac nobilibus moribus, imitaris eundem.

cum execu-
satione mu-
tati leviter
Styli.

3 Credo equidem non defuturos, qui me reprehendant, dicantque non debuisse mutari vocabula antiqua, quæ plus majestatis & auctoritatis quam moderna videntur habere. Verum illis facile respondetur, quod dum historia aliqua Latina in linguam nostram vulgarem convertitur, non utamur Latinis vocibus, quantumvis magis sonoris quam sint nostra Romana; sed idiomate secundum tempus usitato: quem usum videmus intra spatium quadraginta aut quinquaginta annorum notabiliter mutatum ab eo qui ante fuerat. Verum favente Dominatione vestra, hæc & alia maledicorum dicteria parum mihi curæ sunt, aliud non ambienti quam ut maneam, quod sum, famulus vester. Tali ergo fiducia & robore nitens Historia invocato nomine Dei, & Virginis Mariæ Dominae nostræ matris ejus; suisque & vestris protecta armis, initium accipit, quemadmodum sequitur.

VETUS

VETUS DIVISIO CHRONICÆ.

Incipit Chronica Sancti Regis Don Fernandi,
hoc nomine Tertii, qui acquisivit
Hispalim.

- CAP. I** **D**E nobili Rege Don Alphonso, hujus nominis nono, filio Regis Don Sancii Desiderati, ejusque grandibus facinoribus. Num. 1
- II** De Rege Don Henrico, hujus nominis primo, qui regnavit post mortem nobilis Regis D. Alphonfi. 8
- III** Quomodo Rex Henricus comitia celebravit Vallisoleti. 11
- IV** De malis & rapinis exercitis per D. Alvarum, & quomodo conatus sit discordiam adducere inter Regem ejusque sorrorem ac tetricem D. Berengariam. 13
- V** In quo commemoratur mors D. Henrici Regis. 16
- VI** Quomodo post Henricum regnaverit D. Fernandus, & quomodo D. Alphonfus ejus pater voluerit ipsi regnum auferre, ex consilio Comitis Alvari. 20*
- VII** Quomodo D. Berengaria & Rex Fernandus fecerunt adferri corpus Regis Henrici a castro Tarreco, & deportari Burgos. 23
- VIII** Quomodo Comes Alvarus & fratres ejus grandia damna intulerint ditionibus Regiis: & quomodo Rege ac matre ejus Herre-
râ transeuntibus, captus fuerit Comes Alvarus, per Equites qui Regem comitabantur. 25
- IX** Quomodo Comes Alvarus pepigerit cum Rege de tradendis ei oppidis & arcibus, quas ipse & frater suus tenebant, pro sua liberatione: & quomodo Palentiam ambo se receperint. 27
- X** In quo narratur mors Comitis Alvari, & fratris ejus Don Fernandi. 28*
- XI** Quomodo nobilis Rex Fernandus uxorem duxerit D. Beatricem, filiam D. Philippi ex Alemannia & D. Mariæ filię D. Coy-
fat * Imperatoris Constantinopolitani. 31 * I. Ifac.
- XII** Quid negotii habuerit D. Fernandus cum aliquot Equitibus, contra ipsum insurgentibus ejusque ditiones populantibus. 34
- XIII** Quomodo nobilis Rex Fernandus, post pacificatum regnum suum, perrexerit contra Mauros, crudeli bello eos persequens, eisdemque multa oppida munitionesque eripiens. 37
- XIV** Quomodo nobilis Rex Fernandus nobilissime construxerit ecclesiam majorem Toleti, ex manubiis Maurorum, deque ejus aliis pluribus facinoribus. 39
- XV** De morte D. Alphonfi Regis Legionensis, patris D. Fernandi: & quomodo hic post obitum patris regnum ejus obtinuerit. 42
- XVI** Quomodo nobilis Rex Fernandus iverit Legionem regni caput, fueritque receptus & agnitus Rex absque ulla contradictione. 45
- XVII** Quomodo Rex Fernandus ex condito accesserit ad oppidum Tabogal, acturus cum Rege Portugallię, & miserit fratrem suum

- suum Dominum Alphonsum ad infestandum terras Mauro-
rum. Num. 46, 47, & 67
- xviii Quid acciderit D. Alphonso Infanti & D. Alvaro Perez, in-
gredientibus terras hostiles. 67*
- xix Quomodo D. Alphonso Infans conflixerit cum Rege Aben-
huc, eumque vincens fuderit. 69
- xx Quomodo Christiani, postquam repulissent Mauros intra por-
tas Xerezenses, obtenta victoria collegerint spolia: ac postea oc-
ciderint multos Mauros, abditos intra spissitudinem oliveto-
rum. 75
- xxi Quomodo Rex Fernandus obsederit Cordubam, & post dies
aliquot obsidionis eandem obtinuerit, Mauris ei se tradentibus.
Ita habet Hispanicus titulus, sed fallit; debuisse enim sic dumtaxat legi:
Quomodo Christiani obtinuerint suburbium Cordubense. 80
- xxii Quomodo Rex Fernandus confestim discesserit Benaventa, o-
pem laturus iis qui suburbium Cordubense interceperant. 86
- xxiii Quomodo Abenhuc Rex Ecijæ voluerit in auxilium Cordu-
bensium proficisci contra Regem Fernandum; sed ab ea mente
deductus fuerit per D. Laurentium Suarez. 89
- xxiv Quomodo D. Laurentius Suarez Ecija discesserit cum tribus
equitibus versus castra Regis Fernandi, 91
- xxv Quomodo D. Laurentius, post instructum de omnibus Regem
Fernandum, egressus e castris rediderit Ecijam. 93*
- xxvi Quomodo Abenhuc, ad auxilium Regi Valentia ferendum
profectus, à quodam subdito suo sit interfectus Almeriæ. 94
- Hic porro addendum fuerat: & quomodo eo mortuo Rex Fernandus*
Cordubam obtinuerit tradentibus eam Mauris. 95
- xxvii Quomodo major Mezquita Cordubensis fuerit consecrata,
per Episcopos qui erant cum Rege Fernando: & quomodo Rex
eam restauraverit, & necessaria quædam ædificia adjunxerit,
ipsamque dotaverit. 96
- xxviii Quomodo Rex Fernandus, post mortem D. Beatricis, con-
traxerit secundas nuptias cum D. Joanna, consobrina Ludovici
Francorum Regis, filia Comitis Simonis & D. Mariæ uxoris e-
jus. 98
- Prologus historiam prosequentis. 99*
- xxix Quomodo Rex Fernandus Toletum profectus sit Cordubam, ei-
dem aliisque confinium munitioibus, annonæ penuriâ gran-
di laborantibus, provisorus. 100
- xxx Quomodo Benalhamar, Rex Granatæ, magno cum exercitu
Maurorum venerit ad arcem Martanam, eamque ad extremas
redegerit angustias. 101*
- xxxi De morte D. Alvari Perez, deque magno dolore quem inde
hausit Rex Fernandus. 104
- xxxii Quomodo nobilis Rex, hac vice qua in confiniis fuit, multa
oppida & loca munita obtinuerit; ceperitque Regem quemdam
Maurum, qui de trans mare venerat. 105
- xxxiii De quadam discordia inter D. Ferdinandum Regem & E-
quitem quemdam ex Biscaya, qui D. Didacus Lopez nuncupa-
batur. 107*
- xxxiv Quomodo Rex Fernandus, Burgis ægrotans, miserit filium
suum 108

suam D. Alphonsum ad confinia : cui Toletum venienti occurrerunt quidam legati missi ad Regem patrem ab Abenhudi Rege Murcia: quos D. Alphonsus, ibidem Toleti expeditos, remisit Murciam. Num. 109

XXXV Quomodo Rex à morbo relevatus, Murciam miserit magnam annonæ copiam, & versus confinia discesserit ipse. 111

XXXVI Quomodo Rex Fernandus obtinuerit Arjonam, aliasque urbes & munitiones. 113

XXXVII Quomodo Mauri, Gazulæ dicti, incurrerint in arcem Maritanam, & Fratres qui intus erant erumpentes, eosdem repulerint vicerintque. 116

XXXVIII Quomodo Infans Murciam appulerit, cum magno annonæ commeatu, & Mulam obtinuerit. 117

XXXIX Quomodo Rex Fernandus Corduba discesserit cum uxore sua D. Joanna, ad colloquium cum matre sua D. Berengaria in Villa-regali, ac postea in campestria Granatensia incurrerit, & Jaenum obsiderit. 118

XL Quomodo Rex Granatensis tradiderit D. Fernando Jaenum urbem, eique seipsum subjecerit. 121

XLI Quomodo nobilis Rex Fernandus cum exercitu suo discesserit Jaeno Hispalim versus, & ex itinere incurrerit vastaveritque agrum Carmonensem, atque Alcalam obtinuerit. 131

XLII Quomodo nobilis Rex Fernandus, post occupatam Alcalam Guadaya, reversus sit Cordubam, indeque iverit Jaenum, ubi decreta est obsidio Hispalensis. 133

XLIII Quomodo nobilis Rex Fernandus obtinuerit Loram, Cantilianam, Guilenam, Gerenam, & Alcalam del Rio. 136

XLIV Quomodo adveniens Raymundus Bonifacii cum classe, quam Rex adduci jusserat, pugnarit contra triginta Maurorum trirèmes, & victoriam obtinuerit. 139

XLV Quomodo quidam Eques, Rodericus Alvarez nuncupatus, fuderit cohortem Maurorum, venientium adversus classem Christianorum. 140*

XLVI Quomodo D. Pelagius Correa transierit cum suis flumen, & cis Aznalfarachem residens, magno in periculo versatus sit. 141*

XLVII Quomodo Rex Fernandus castra in Tabladam transfulerit, propter damna in loco priori accepta, & metanti exercitui supervenerint Mauri. 142*

XLVIII De eo quod contigit Garciae Perez de Vargas cum octo Mauris, quos obviam habuit, a castris ad pabulatores vadens. 144

XLIX Quomodo post translata in Tabladam castra, in unam eorum partem incurrentes Mauri, pecora quædam abegerint, eademque ab erumpentibus Regiis fuerint recuperata. 147

L De iis rebus quæ acciderunt Magistro D. Pelagio cum Mauris trans flumen. 148

LI Quomodo Mauri Aznalfarachenses sæpius eruperint, pugnaturo contra Magistrum S. Jacobi D. Pelagium Corream & copias ejus, & de eo quod contigit. 148*

LII Quomodo Mauri Hispalenses conati sunt exurere classem Christianorum artificio quodam, sed caruerint successu, fusique ac caesi sunt. 150

- LIII** Quomodo civitas Carmonensis deditionem ex pacto Regi fecerit. Num. 152
- LIV** Quomodo Alxotaf, cum omnibus Mauris Hispalensibus, assultum fecerit in castra Christianorum, dum Rex ad eam fluminis partem transisset, in qua erat Magister D. Pelagius Correa. 154
- LV** Quid actum sit inter navales copias Christianorum & Mauros. 155
- LVI** Quomodo Prior S. Joannis decem Equitibus Mauris eripuerit, quam abducebant in castrorum conspectu, turbam vaccarum; animosiusque incurrens, protractus sit in locum insidiarum, cum maximo suo periculo. 159
- LVII** Quomodo D. Henricus & Magistri Calatravæ atque Alcántara, cum Priore S. Joannis, expilarint suburbia, Benaljosar & Macarenæ dicta. 161
- LVIII** Quomodo D. Didacus Lopez de Haro & Rodericus Gonzalez, qui stationem cum suis habebat ad portam quæ Macarenam ducit, fuderint Mauros, quotidie in ipsos erumpere solitos. 163
- LIX** Quomodo Almogavares exercitus Regii insidias posuerint Mauris, & hi eas detexerint, magnoque numero eruperint contra insidiatores. 165
- LX** Quomodo D. Laurentius Suarez, & Garcias Perez de Vargas, atque alii Equites, cum exiguis copiis, fuderint aciem Maurorum ad portam Guadaya. 166
- LXI** Quomodo Rex Fernandus fregerit pontem Maurorum ad Trianam, duobus magnis navigiis usus, quæ favens ventus in ipsum impegit. 169
- LXII** Quomodo Rex Fernandus, videns confractum Pontem, transierit personaliter ad obsidendam Trianam. 171
- LXIII** De eo quod contigit Garcia Perez cum quodam Infantione, eadem quæ ipse insignia gestante. 173
- LXIV** Quomodo D. Petrus Ponce & Equites quidam alii posuerint insidias Mauris, damna multa inferentibus stationi Archiepiscopi S. Iacobi, quia male posita erat; & multos Mauros occiderint. 176
- LXV** Quomodo viginti Equites Christianos, ad custodiam pabulatorum constitutos, invaserint quinquaginta equites Mauri, perituros nisi ipsis succursus fuisset. 178
- LXVI** Quomodo Maurus quidam, Oria dictus, qui ex voto Hispalim venerat in auxilium suorum gentilium, fraude tentaverit occidere D. Alphonsum Infantem, sed irrito conatu. 179
- LXVII** Quomodo Rex Alphonsus Archiepiscopum S. Iacobi dimiserit domum, quia infirmus erat; & quomodo ad ejus stationem transierit D. Pelagius. 180
- LXVIII** Quomodo Oria alique Mauri Hispali Trianam transierint, eisque præclusus fuerit reditus ad civitatem. 181
- LXIX** Quomodo Mauri Hispalenses proposuerint conditiones Regi Fernando, eique pepigerint tradere civitatem. 181*
- LXX** Quomodo Mauri Hispalenses tradiderint claves civitatis Regi Fernando, eamque liberam dimiserint. 183
- LXXI** Quomodo nobilis Rex Fernandus, ingressus Hispalim, magna cum

egi fe
m. 154
afful
amina
154
Mau
155
nerit,
rum;
rum;
159
anta
far &
161
onza
enam
163
Mau
onra
164
urgas
orum
166
Tria
a ip
169
tem,
171
one,
173
erint
ifco
cide
176
pula
peri
178
alim
occi
179
im
nem
180
nt,
181
egi
81
egi
183
gna
um

[Faint, mostly illegible text in a Gothic script, likely a continuation from the previous page.]

CAPITULUM

[Faint text following the chapter heading, including a large initial 'R' visible on the right side of the page.]

cam la
Clero.
lxxi Ubi
fisione
lxxiii Ubi
obledir
excellen
lxxv Quon
fiam Huf
ment.
lxxv De ren
Andalozin
lxxvi Quon
perit sancti
rem quon
in
lxxvii Quon
concludem
lxxviii De
Atque hic
me terru
nam, quam
fuit aatem in
ra S. Andre
reno millef
Placet autem
Hicque Sancti
no, quia fua

Alphon
R
regnare a
quinquag
fiam Re
qui post
denega

cum lætitia & solenni processione receptus sit ab Episcopis & Clero.

Num. 183*

LXXII Ubi exponuntur labores, quos Rex cum suis exantlavit in obsidione Hispalensi, & ratio castrorum ejus describitur. 184

LXXIII Ubi initur ratio temporis, quo Hispalim Rex Fernandus obsedit; ipsiusque urbis ac nationis Castellanae supra alias omnes excellentiae declarantur. 185

LXXIV Quomodo Rex Fernandus magnis redditibus dotaverit Ecclesiam Hispalensem, & Archiepiscopum atque Canonicos instituerit. 187

LXXV De tempore, quod Rex Fernandus impendit acquirendae toti Andalusiae: & quomodo mare trajicere voluerit. 211*

LXXVI Quomodo nobilis Rex Fernandus tempore mortis suae receperit sancta Sacramenta, cum magna humilitate & devotione: item quomodo advocatis coram se filiis extrema monita dederit 215

LXXVII Quomodo Rex Fernandus expiraverit, sancto sine vitam concludens, & animam Deo creatori reddens. 218

LXXVIII De planctu & sepultura sancti Regis. 219

Atque hic finitur Chronica Sancti Regis Don Fernandi, hoc nomine tertii, qui debellavit & obtinuit Hispalim ac totam Andalusiam, quam amiserat Rex Rodericus, Gothorum Regum ultimus. Fuit autem impressa Vallisoleti in ædibus Sebastiani Martinez juxta S. Andreae, absoluta quoque impressio est die quarto mensis Augusti, anno millesimo quingentesimo quinquagesimo quinto.

Placet autem ad faciliorem intellectum totius sequentis historiae, expeditiones bellicas Sancti complexæ, tabellam proponere geographicam earum provinciarum, quas suo imperio ille tenuit.

CAPUT I.

Alphonfi Regis Castellæ, qui sancto Regi avus maternus fuit, res gestæ & obitus.

Rex Alphonfus, qui obtinuit victoriam dictam de las Navas de Tolosa, fuit filius Regis Sancii cognomine Desiderati; & nepos Regis Alphonfi, appellati Imperatoris Hispaniarum. Nobilis iste Rex Alphonfus cœpit regnare à quarto anno ætatis suæ a, & regnavit annis a quinquaginta tribus; habuitque uxorem D. Alienor filiam Regis Angliæ, ex qua genuit D. Henricum, qui post ipsum regnavit: & D. Ferdinandum b; & D. Berengariam, Legionensem Reginam; & D. Alienor c

Ferdinandus avus maternus Alphonfus.

D 2

Regi-

Reginam Arragoniæ ; & D. Urracam, Reginam Portugalliæ ; & D. Blancam, Reginam Franciæ, quæ fuit mater S. Ludovici Regis ; & D. Constantiam, quæ fuit Abbâtissa monasterii de las Huelgas, quod Rex pater suus fundavit Burgis, sicut infra dicemus.

Institutor Equitum S. Jacobi, d 2 Idem nobilis Rex instituit Ordinem *d* Equitum S. Jacobi, cujus Caput jussit residere in oppido Ucles : deditque hujus Ordinis Equitibus pro tessera sanguineum gladium, in memoriam victoriarum & sanguinis Maurici per eos effusi. Ut autem terra habitaretur defendereturque contra Mauros, deduxit colonias secundum ripam Tagi & per montem Ocaniæ : quem tractum, una cum montibus Orejæ & castello Mora, aliisque locis & oppidis, dicto Ordini tradidit possidendum. Quia autem pater suus Rex Sancius Abbati Fiteriensi Ordinis Cisterciensis dedit Calatravam, confirmavit eidem ipsam possessionem, & exaltavit Militiam istius Ordinis, dando eidem multa loca & oppida, per quæ ipsa Religio valde crevit & sublimata est, ad Dei gloriam & Coronæ Regiæ ornamentum.

Palentina urbis & academiae fundator ac monasterii Burgenfis, e f 3 Prosequens autem bene cœpta, ædificavit civitatem Palentiam, incolis eo deductis, fecitque in ea ecclesiam Cathedralē, ornans eam mitra & Episcopo *e*. Similiter ædificavit monasterium de las Huelgas *f* Burgis, in quo posuit monachas, nobilium filias, dotans ipsum multis fundis : & juxta illud erexit hospitale, quod similiter dotavit ad pauperum receptionem. Et quia in Hispaniæ regnis non parum defecerant scientiæ, propter Mauros qui totam fere regionem occupabant ; sancto suo desiderio impulsus Rex, Palentiæ constituit Studium universale, viros eruditos ac litteratos accersens è Francia & Italia, ut subditis suis illas prælegerent : quod Studium diu *g* in Castella floruit.

circa Arcos victus à Mauris 4 Postea cum bellum Mauricum continuaretur, quidam Maurorum Alarabum Rex, Miramolinus nomine,

mine, ex familia Almohadarum, venit cum maxima suorum multitudine: cui obviam processit Rex cum suis circa *h* Arcos: sed quia Mauri erant longe plures numero, velut locustæ; profligatus est, ægreque ac violenter à suis quibusdam Equitibus extractus è campo, in quo velut miles generosus mori decreverat: deinde vero nullum suscepit gaudium, priusquam rediret ad ultionem sumendam. Ut autem tam Equites suos quam reliquam omnem armigeram gentem exerceret ad pugnam; edixit ut dimitterent vestes pretiosas & aurifrigia aliosque superfluos ornatus, utque eorum pretium impenderent armis: quam enim displicebat Deo inanis ille luxus, tam placituras expensas factas in comparando contra Mauros belli instrumento.

5 Hunc in modum præparatis rebus exivit ad bellum, & in regionem Maurorum ingressus est trans fluvium Xuecar *i*, occupavitque multas villas atque oppida, spolians & occidens plurimos Mauros. Paulo post venit Toletum; ibique copiosum militem colligens, cum exercitu suo egressus est, occupavitque Calatravam atque alia oppida, donec pervenit usque ad fauces Muladarii / supra las Navas de Tolosa *i* ubi obtinuit celebrem victoriam à dicto loco nuncupatam, in qua feruntur occubuisse usque ad ducenta Maurorum millia, & dumtaxat viginti quinque Christiani; unde hodieque ibi inveniuntur plurimæ cuspides ferreæ lancearum ac sagittarum, fræna equestris, aliaque similia ingentis prælii monumenta; adeo ut manente ibidem Rege cum exercitu, totis duobus diebus non aliis lignis ad ignem usi sint, quam hastis sagittisque confractis, sicut scribit Archiepiscopus Toletanus Rodericus, testis oculatus. Commissum fuit hoc prælium die lunæ xvi Julii, anno Incarnationis Dominicæ MCCXIII.

6 Inde porro Rex progrediens obtinuit Ubedam, Vilches, *m* Vaños, Tolosam, & Castrum-Ferral, aliaque loca plurima, quæ usque hodie remanent sub potestate

Et post fa-
mem publi-
cam utrum-
que levatā

testate Christianorum, cum magno gloriæ suæ regiæ ac fidei Catholicæ incremento, tempore Apostolici Romani Innocentii Tertii. Post eum annum, divino id agente iudicio, cessarunt pluvix per totam Hispaniam, & vehemens regionibus fames incubuit propter siccitatem; adeo ut multi morerentur per plateas, quibus nec suppetebat quod comederent, nec ab aliis præberi poterat. Quare tam Rex quam Prælati ac Nobiles largas erogarunt eleemosynas: sed annonæ caritas tanta erat, ut non solum deficeret panis, verum etiam aves & pecora; quia propter siccitatem deerat palea & fœnum, neque in agris quidquam vi-
roris reperiebatur.

moritur 17
Sept. 1214.

7 Inter hæc nobilis iste Rex Placentiam tendens infirmari cœpit in via, venitque Arevalum, & mortuus est anno suæ ætatis quinquagesimo octavo, quorum quinquaginta quatuor regnavit, anno autem Domini MCCXIV, die XXIII Septembris: sepultusque est Burgis in monasterio de las Huelgas, quod fundarat; tanto sui relicto desiderio apud omnes, ut numquam oblivioni danda sit gloria bonitatis suæ: imprimis autem filia ejus Berengaria eum luxit, tantopere hac morte affligens sese, ut & ipsa ad vitæ discrimen deducta fuerit n.

ANNO T A T A.

a Era 1198. inquit lib. 7 cap. 15 Toletanus, id est anno Christi 1160. Et trimus, inquit, successit.

b Si alia potiora argumenta non suppeterent de atate Blance, quam quod hic quarta nominetur, parvi sane id facerem: quia apparet inter filios quoque ordinem ætatis neglectum, cum Ferdinandus primogenitus fuerit, octo minimum annis ante Henricum natus, sed patri præ mortuus an. 1211.

c Ita nomen hoc scribitur Toletano, Hispanice Leonor, quod multis Eleenora redditur.

d De tribus Ordinibus Militari-
bus, S. Iacobi, Calatravæ, & Alcantaræ insignem librum scripsit Franciscus Carus de Torres, ediditque Madriti an. 1629.

e Antiquior Urbis ac Sedis hujus instauratio est, & Regi Sancio patri Aldephonfi adscribenda probatur ex diplomatis Regiis Era 1175 signatis, translato illuc ab Ovetano Episcopatu ad hunc novum Pontio.

f Ita passim, quando ex Hispanica reddendum quid erit, Hispanica nomina locorum hominumque retinebimus: posset alias Monasterium-
ria

deliciarum verti, scilicet spiritua-
lium: sunt enim Huelgæ, virida-
ria & domus recreationi & quieti
comparata. Toletanus passim & sim-
pliciter appellat monasterium Re-
gale, vel S. Mariæ Regalis; de-
que ejus & Academia fundatione agit
lib. 7 cap. 33 & 34: fuit autem Or-
dinis Cisterciensis. Mariana Hispa-
nam vocem Latina forma donans,
Oleas vocat.

g Academia Palentina mul-
tum celebratur propter S. Domini-
cum, Ordinis Predicatorum auctorem,
qui ex illa prodiiit. Alphonsus Gar-
cias Matamori an. 1553 opusculum
scripsit de Academiis Hispaniæ,
sed consilium ait ab eo quo scribebat
tempore annis circiter 380. ergo circa
annum Christi 1173. Atqui tunc nec-
dum natus Ferdinandus erat, mul-
to minus ejus filius, quem ipse Acade-
mie conditorem facit, prouepotem
scilicet loco proavi accipiens. Quan-
do autem deserit esse non addit.

h Alarcum appellat Toletanus,
agenſque de clade hic accepta à Chri-
stianis lib. 7 cap. 29, adscribit eam

Era 1233, qui nobis est annus 1195.
i Toletano Sucaris cap. 36, ubi de
hujus belli apparatu.

k Vide hac de re lib. 8 cap. 6, &
reliquam celeberrima pugne ac vi-
ctoria historiam lege.

l Toletano, Mansio in radice
montis de Muradal; Hispanico,
Puerto de Muladar; eo scilicet
sensu, quo Portus siccos gens illa
appellat, quasvis Angustias mon-
tium.

m Eidem Bileche & Balnea:
Ubeta autem cum Beata, vulgo
Baëza, licet hic prius nominata,
posterius tamen capta fuerunt, ut pa-
tet legenti lib. 8 cap. 12.

n Hactenus historiam Alde-
phonſi IX, ex Roderico Toleta-
no, compendio sumptam habes, ut
est in Chronica nostra: nunc ipsa-
met Roderici verba, id est totum
librum octavum consequenter accipe,
capitibus nonnullis ex Chronica ad-
ditis interpolandam; quandoquidem
auctor Chronicæ, in iis quæ à Ro-
derico accipere potuit, duntaxat
interpretem egit.

CAPUT II.

Henrici pueri breve regnum in Castella, sub Alvaro
Comite & sorore Berengaria, Sancti matre.

EO igitur jam sepulto, filius ejus Henricus
parvulus & heres à Pontificibus & Magnati-
bus, universo Clero Te Deum laudamus can-
tante, ad regni fastigium elevatur. Undecim
annorum erat cum regnare cœpisset, & duo-
bus annis & decem mensibus regnavit. Verum post
mortem Regis nobilis, viginti quinque diebus transa-
ctis, Alienor uxor ejus fuit rebus humanis exempta.
Hæc erat Henrici Regis Angliæ filia, pudica, nobilis
& discreta, & sepulta est in prædicto monasterio jux-

CAP. I.
Alphonſi
Regis duo-
denis filius
Henricus,

*sub tutela
sororis Be-
rengaria*

*traditur ab
eodem Co-
mitem Alva-
ro,*

ta virum: & custodia pueri Regis & regni gubernatio remansit penes Berengariam Reginam, sororem ejus. Cujus diligentia sic apparuit, toto tempore sui Regiminis, ut pauperes, divites, ecclesiastici, seculares, sicut tempore Regis nobilis fuerant, in suis statibus servarentur; licet Baronum varietas, zelo invidiæ circumacta, dissidia procuraret.

9 Cum vero essent tres Comites, Ferdinandus, Alvarus, Gundisalvus, filii Comitis Nunii, coeperunt ad custodiam Regis pueri inhiare, ut concepta odia posset in his quos oderant vindicare, sicut pater eorum fecerat, tempore pueritiæ patris ejus. Aliqui etiam, quibus Regina Berengaria se crededat, eorum studiis consenserunt, mediante quodam Milite Palentino, qui Garcias Laurentii dicebatur, & de mandato Reginæ erat custodiæ Regis pueri deputatus. Hic promissa sibi a Comite Alvaro in hereditatem villa, quæ dicitur Tabulata *a*, Regi suavit ut ad Comitis Alvari custodiam se transferret. Quod cum solers Regina Berengaria percepisset, animo gratanti concessit: sed timens insolentias quæ venerunt, fecit jurare Comitem Alvarum & Magnates, ut sine ipsius Reginæ consilio, nec aliquibus terram auferrent, nec aliquibus terram darent, nec vicinis Regibus guerram moverent, nec mulctam imponerent in aliqua regni parte: & jura-menta & hominum in manu Roderici Toletani Pontificis firmaverunt; ut, si contrarium facerent, proditi-
nis infamia tenerentur.

*Accepta e-
jus & pro-
cerum fide:*

10 Sed quia Regina, propter importunitatem Militum & Majorum, tædio erat affecta, timebat ne regnum in sui custodia turbaretur, & ideo Comiti Alvaro dedit puerum conditionibus supradictis. Qui cum Gondisalvo Roderici & fratribus suis, tunc sibi faventibus, incontinenti Burgis egrediens, coepit exterminia procurare, magnos humiliare, & vulgi divites exhaurire, Religiones & Ecclesias ancillare, & decimarum tertias, quæ ad ecclesiarum fabricas pertinebant, co-
pit

pit similiter infiscare. (Sed excommunicatus à Roderico Toletano Decano, qui vices Archiepiscopi tunc gerebat, coactus fuit restituere, & jurare ^b ne de cetero attentaret) & ecclesiarum homines, qui privilegiorum regaliū immunitate gaudebant, coepit exactionibus subjugare.

11 Verum cum apud Vallem-Oleti Curiam celebrassent Magnates alii, Lupus Didacus & de Pharo, Gonsalvus Roderici & fratres, Rodericus Roderici & Alvarus Didaci de Camberis, Alphonsus Telli de Menesis & alii nobiles, Regni exterminio condolentes, curaverunt tantis cladibus obviare: & Regina Berengariae prudentiam adeuntes, humiliter supplicarunt, ut regni miseris condoleret. Comes autem Alvarus coepit Reginam nobilem infestare, adeo ut ea, quae sibi pater suus dederat, occuparet; & ei etiam ore temerario demandavit, ne in regni finibus remaneret. Tunc Regina nobilis, cum sorore sua Alienor, quae fuit postea Regina Aragonum, & erat tunc temporis domicella, in castrum Gonsalvi Roderici, quod Aptellum dicitur, se recepit, ibique deguit usque ad mortem fratris. Sed praedicti Magnates, tamquam naturali Dominæ fideliter adhaerentes, Regi parva fidelitatis debitum in omnibus servaverunt. Ceterum praedicta Regina solers industria, omnia sic provide ordinavit, cum Magnatibus illis, ut & Comitis Alvari insolentias refranaret, & jura sua Regi parva conservaret.

12 Verum cum Rex tenellus intentionem Comitis sagaci indole jam sentiret, libenter volebat ad fororis custodiam se transferre. Sed Comes Alvarus per suos complices ita cavit, quod Rex puer quod volebat non potuit effectui mancipare. Nam Comes calide cogitavit uxorem ex Portugallia sibi dare, qua mediante posset puerum in suo beneplacito retinere. Sed in contrarium res evenit: nam cum Masaldam filiam Regis Portugalliae adduxisset, & puer non esset

ille vero ecclesias & nobiles vexans,
b

CAP. 11

ideoque in Comitibus accusatus.

contra Reginam insurgit.

Regem impuberem uxori jungit.

in ætate nubili, remansit Domina conjugali commercio defraudata: & quia se consanguinitatis lineâ attingebant, de mandato Innocentii Papæ fuit contrubernium separatum: & post, ut fertur, inter se & Dominam voluit Comes Alvarus connubium procurare: sed ipsa, cum esset pudica *d*, verbum respuit indignanter.

CAP. III
magnam
colligit fa-
ctionem;

13 Post Curiam Vallis-oleti Comes Alvarus cum suis complicibus, & cum Rege Extrema-Dorri peragravit, Majorum animos sibi concilians, ut eorum favore posset aliis imperare, & habentium divitias exhaurire; & inde se transtulit ultra Serram. Et cum venisset Maquedam, quæ est oppidum in diocesi Toletana, Regina nobilis misit nuntium de fratris statu clanculo percunctari: erat enim sollicita, eo quod à Comite Alvaro negligentius servabatur. Et cum Comes Alvarus de nuntio comperisset, fecit scribi litteras imposturæ, & falso sigillo Regina nobilis intercludi, in quibus continebatur, quod Regina nobilis scribebat aliquibus, de consilio Magnatum *e* de campis, ut cum toxico sibi misso fratri suo exitiale poculum propinarent, ut sic puerum ad sororis odium gravius provocarent: & hominem continuo suspenderunt.

conatus Re-
gem aliena-
re à Sorore,

refutatur à
populo.

14 Sed cum labia malignorum sibi velut ebria mentiantur, qui Susannam à falso testimonio liberavit, Reginam nobilem & innocentem ab imposturæ mendacio liberam declaravit: & ut in suis mendacijs caperentur iniqui, communis & fidelis assertio omnium sine dubio affirmabat Regina nobilis veritatem; detestans maledictis & convitijs quod iniquitas adinvenit. Et licet effronti superbia Comes Alvarus niteretur, tanta tamen efferbuit subsannatio populi contra eum, ut cogeretur recedere à partibus *f* diocesis Toletanæ: & Optam *f* veniens ibi aliquamdiu fecit moram. Advenit autem Miles nobilis Rogericus Gondesulvi de Valle-viridi, qui beneplacitum

tum Regis pueri jam habebat, ut ad sororem suam infcio Comite Alvaro se transferret. Sed cum Ferdinandus Nunionis, Comitiss Alvari fautor & nepos, comperisset; ex improvise assumptis militibus supervenit, & captum duxit ad *h* Alarconem.

15 Tunc Comes Alvarus, ut in regno excidia excitaret, fautoribus Reginae nobilis movit guerram; & assumptis quos habere potuit, cum Rege ad Vallem-oleti in sequenti Quadragesima pervenerunt: & Paschate Resurrectionis Dominicae celebrato, cum Militibus Castellanis & de Extremis-Dorii i Vallem *k* triticariam vastaverunt, & domos Magnatum qui Reginae favebant hostiliter dissiparunt. Deinde in castro quod Mons-alacer / dicitur, Suerium Tellii obsederunt. Sed cum Gonsalvus Rodericii & fratres ejus & Alphonsus Tellii pluribus militibus praeminerent, Regis praesentiam reverentes, noluerunt obsessio fieri in succursum: sed ipse Suerius Tellii Regi petenti protinus castrum dedit. Exinde Comes cum Rege procedens in campis, plurima devastavit, & apud Carrionem per dies aliquot fecit moram. Deinde ad Villam-albam de Alcor contra Alphonsum Tellii properavit: & quidam milites ex agmine praecurrentes, extra munitionem Alphonsum Tellii reppererunt: & captis equis & armis ipsum etiam vulnerarunt, & vulneratus in municipio se recepit: ubi per aliquot dies obsessus, viriliter se defendit.

16 Ab obsidione vero Comes recedens Palentiam festinavit. Regina autem & sui Nobiles in Aptello & castro *m* Cisinario morabantur, & nesciebant quid agerent: eo quod in exercitum Rege praesente non poterant insilire, nec illatas injurias sustinere. Unde communiter decreverunt Regi restituere terram suam, & de caelo auxilium expectare. Cum igitur terra, ut dictum est, variis incursionibus vastaretur, & Comes cum parvo Rege Palentiam advenisset; contigit eum in domo Episcopii hospitari, & res ecclesiae

*h**Regis transitum ad sororem impedit:**i**k**l**arma contra ipsam movet:*

CAP. IV

que mortuo puero Rege,

*filiū ac-
cessit.*

** an sup-
prefferūt ?*

clesiæ ut hostem consumere & devastare. Quadam autem die, cum Rex puer instaret ludicris cum coætaneis Domicellis, minus provide custoditus; Domicellus quidam, è turri casu tegulam projiciens, Regem in capite vulneravit: ex quo ictu post dies paucos fuit mors lugubris subsecuta. Sed antequam rumorem loquacitas divulgasset, Regina sapiens misit Lupum Didaci & Gondisalvum Roderici Magnates pro filio suo Ferdinando, qui apud Taurum cum patre tunc temporis morabatur. Qui euntes rumorem de morte Regis pueri * sumpserunt, & Regi Legionis causam aliam suadentes, cum Infante Ferdinando ad Reginam Berengariam redierunt.

A N N O T A T A.

a *Iuxta Chronicam (unde deinceps vulgaria nomina apponemus) Talada quod est in Cerracco: sed forte legendum Tablada; quo nomine etiam planities infra Hispalim nominabitur num 80: in conspectu autem veteris Castellæ ac novæ reperio notatos Montes Tabladæ, unde colligo fuisse hujus nominis oppidum.*

b *In notis ad Historiam Roderici Toletani, editionis Francofurtensis pag. 161, proferuntur charta duæ, Henrici scilicet Regis pueri & tutoris Alvari, apud Soriam 15 Febr. Era 1254, nobis 1216, quibus uterque, Comes vera etiam sub juramento & multo prolixius, abdicat tertias Ecclesiarum.*

c *Vulgariter de Haro. quomodo Hurtado pro Furtado, Herrera pro Ferrera, Hernando pro Fernando, aliq; infinita paulatim invaluerunt, imputato F in H, tam in verbis quam in nominibus adjectivis substantivisque.*

d *Vitam hujus Mafaldæ, ut Sanctæ, dedimus in Appendice primi Tomi ad diem 1 Maji, ubi & Virginis titulum ei vindicavimus, & consanguinitatem explicuimus qua ipsam inter & Henricum erat; vixit autem deinceps Aroca in Lusitania, in fundato à se Virginum Cisterciensium monaste-*

ria, ibique colitur, defuncta an. 1252.

e *Magnates de campis, eos dicere videtur, qui dimissa Curia ad suas se fundos receperant, Regina contra Alvarum adhaerentes.*

f *Opta, vulgo Huete vel Guete, inter Toletum & Concham, huic quam isti vicinior: in tabulis Alcazar de Guete.*

g *Chronica, Ruy Gonzalez de Valverde.*

h *Alarcon, veteribus Illerco, ad Sacarim flumen, medium fere inter Toletum & Valentiam.*

i *Extrema-Durii, vulgo Estremadura, inter Castellam & Portugalliam flumine Durio interfecta: quod vero porro extenditur ad mare secundum eundem fluvium, Extremadura Portugallica nuncupatur ab aliquibus.*

k *Vallis-triticaria, vulgo, Val de trigueros.*

l *Mons-alacer, vulgo Mont-alegre. Carrionem vero esse credo, quod hodie adhuc dicitur Carrion del Conde, inter Burgos & Legionem. Cetera loca ubi sita sint, Hispania permitto querere.*

m *Male impressum Cinisarium, vulgo Castro Cisneros.*

CA

CAPVT III.

*Regnum Castellæ à matre Berengaria filio traditur,
frustra obnitente Comite Alvaro a.*

Fieri potest ut circa hanc successionem lectori ¹⁷
nascatur dubium, quod expedit prius brevi- ^{Mater Fer-}
ter absolvi, quam porro progrediar. Dubium ^{dinandi Be-}
autem tale est. Quandoquidem D. Beren- ^{rengaria,}
garia de jure erat heres Castellæ, mortuo
fratre Henrico, quare opus habuit secreto accersere
filium Ferdinandum, elevandum ad Regnum; maxi-
me cum haberet maritum viventem, Alphonsum sci-
licet Regem Legionensem; ipsa autem succedente in
regnum Castellæ, simul cum ea videbatur succedere
maritus ejus. Præterea non absque ratione interro-
gabit aliquis, quare D. Berengaria manebat in Ca-
stella, & non potius apud maritum Regem? Ratio ^{post suscep-}
utriusque rei hæc est, quod matrimonium inter D. ^{tos ex Al-}
Berengariam & Regem Legionensem Alphonsum ^{phonso R. g.}
coaluerit causa pacis & concordiae conciliandæ: gra- ^{Legion. libe-}
via enim extiterant bella inter patrem Berengariæ ^{ros separa-}
& Regem Legionis; & Magnates Castellæ, præcide-
re volentes cursum damnorum ex ejusmodi bellis
provenientium, ac Reges inter se conciliare, utrum-
que crediderunt per ejusmodi nuptias obtineri posse,
non considerantes quam arcta consanguinitate jun-
gerentur inter se Berengaria & ^b Alphonfus, ex qui-
bus prognatus est D. Ferdinandus, præsentis historiae
argumentum. Pontifex autem conjugium istud irri-
tum esse declarans, sejunxit eos: ideoque Rex Al-
phonfus aliam ^c uxorem duxit; Regina autem Be-
rengaria redivit in Castellam, atque post mortem
patris mansit apud Regem fratrem suum D. Henri-
cum, paterni Regni hæredem. Hoc prænotato ad
historiam regredior.

48 Mor-

*asū recipit
filium ex
ejus pote-
state,*

18 Mortuo ergo, sicut dictum est, Rege Henrico, D. Berengaria cum aliqua cautela accersivit filium suum Ferdinandum: Mittens ad eum finem Equites duos, Lupum Diaz & Gonsalvam Ruyz, in quibus multam habebat fiduciam. Hi profecti cum ad Regem Alphonsum venissent, nullam mentionem facientes de morte Regis Henrici, sicuti præscriptum eis erat; alia omnia & quæ ipsi grata fore sciebant locuti cum Alphonso, tandem, opportunam horam nacti & facilem Regis animum, supplicarunt ei, ut daret licentiam Infanti D. Ferdinando secundi secum ad visendam D. Berengariam matrem suam, quæ magno illius desiderio tenebatur; promittebant autem, quod post mutuum filii matrisque congressum reducturi eum saluum essent. Adeo autem gratam habuit Rex Alphonso supplicationem duorum istorum Equitum, ut petitam licentiam facilis concesserit. Alacres ergo cum Infante regressi Aptillum, eundem adduxerunt ad Reginam matrem.

*& Alvaro
parere re-
cusanti op-
ponit,*

19 Interim autem Comes Alvarus tulit Regem à Palentia, ut in castrum quod Tarecum dicitur celaretur: sed quia res non potuit occultari, soror ejus Regina, funestis rumoribus concitata, Palentiam cum Magnatibus properavit: ubi à Venerabili Tellio Episcopo civitatis cum processione solenniter sunt recepti, & inde ad castrum, quod Doniæ dicitur procedentes, continuo vi ceperunt. Tunc Magnates cum Comite Alvaro de concordia tractaverunt, sed nihil voluit Comes Alvarus acceptare, nisi Infans Ferdinandus Rex futurus suæ custodiæ, ut avunculus, traderetur. Cui pactioni Regina nobilis & Magnates, verentes præterita, nullatenus consenserunt; & procedentes ad Vallem-oleti venerunt; & consilio habito ad Extrema-Dorii processerunt: & cum venisset ad villam quæ Cauca dicitur, habitatores villæ eos recipere noluerunt, sed ad aldeam quamdam quæ S. Justus dicitur secesserunt, & ibidem nuntios receperunt,

*cum eoque
Vallis-oleti
accedit.*

runt, ne Secobiam vel Abulam vel ad aliquam Extremorum-Dorii accederent civitatem.

20 Nuntiatum est etiam quod Sancius Ferdinandi, frater Regis Legionensis, contra Reginam & filium ejus magna cum multitudine adveniret: unde & Regina nobilis & filius suus, cum his qui aderant, ad Vallem-oleti protinus redierant. Cum autem audisset Regina potiores Extremorum-Dorii & de ultra terram Secobiæ convenire, misit nuntios, qui eis fidelitatis debitum suaderent. Cumque viri Extremorum-Dorii hoc audissent, venire ad Reginam nobilem continuo consenserunt. Et cum ad Vallem-oleti communiter convenissent, ibidem tam Extremorum-Dorii Potiores, qui pro omnibus venerant, quam etiam Magnates & Milites Castellani, communi consensu regnum Castellæ, fidelitate debita, Regina nobili obtulerunt. Ipsi enim decedentibus filiis, cum esset inter filias primogenita, regni successio debebatur: & hoc ipsum patris privilegio & probatur, quod in armario Burgenfis Ecclesiæ servabatur. Et etiam totum Regnum, antequam Rex haberet filium, bis juramento & hominio hoc firmarat.

21 Ipsa autem, intra fines pudicitiae & modestiae supra omnes mundi Dominas se coarctans, regnum sibi noluit retinere; sed extra portam Vallis-oleti educta multitudine Extremorum-Dorii & Castellæ, ubi forum agitur, convenerunt: eo quod tantam multitudinem domorum angustia non ferebat. Et ibidem filio regnum tradens, Infans Ferdinandus, de quo diximus, omnibus approbantibus ad ecclesiam S. Mariæ ducitur, & ibidem ad regni solium sublimatur, anno ætatis suæ decimo octavo, clero & populo decantantibus, Te Deum laudamus, te Dominum confitemur. Et ibidem ei omnes fecerunt hominium, & fidelitatem Regi debitam juraverunt. Et sic honore regio ad regale palatium est reductus.

22 Cum autem audisset Regina nobilis, Alphonsus

CAP. V
ubi in Comitibus Regi-
na declarata,

Regnum
tradit filio,

*frustra ob-
mitente Al-
phonso Le-
gionensi.*

f sum Regem Legionensem ad villam quæ Ayroum f
dicitur advenisse; modestiæ suæ insistens pudori, per
Mauritium Burgensem & Dominicum Abulensem
Episcopum humiliter supplicavit, ut se ab inquieta-
tione filii temperaret. Sed ipse Rex elatus superbia,
quam cordi ejus Comes Alvarus instillarat, suppli-
cationi & precibus contradixit, eo quod imperio in-
hiabat. Imo transivit Pisoricam & venit Lacunam;
ubi cum diebus aliquot permanisset, direxit faciem
contra Burgos: & cum loca plurima & domos Mili-
tum devastasset, & alias incendio concremasset, ad
villam quæ Arcus dicitur supervenit, sperans civita-
tem Burgensem se capturum. Sed cum audisset in
eadem urbe Lupum Didaci & multos Milites congré-
gatos, frustratus spe vacua & inani, contra consilia-
rios indignatus, in terram suam propere remeavit.

CAP. VI
*Recipit &
sepelit cor-
pus Henrici
Regis:*

23 Regina autem in Regem filio sublimato, dum
hæc fierent, Palentia morabatur: & ibi venerunt ad
eam ex Secobia & Abula & aliis oppidis Extremo-
rum-Dorii Milites copiosi, Conciliorum suorum ser-
vitia offerentes. Et tunc Regina duos venerabiles
Pontifices, Tellium Palentinum & Mauritium Bur-
gensem misit Tarecum, ut Henrici Regis corpus reci-
perent, cum suis parentibus tumulandum; præsertim
cum & hoc ipsum Comes Alvarus jam mandasset.
Et præfati Pontifices recepto corpore Palentiam re-
dierunt: & inde Rex novus, cum matre sua Regina
nobili, ad castrum quod Munio dicitur advenerunt.
Et dum Rex oppidum impugnaret, Regina nobilis
fratrem Henricum Regem in sarcophago nobiliter
præparato detulit ad monasterium prope Burgos, &
ibidem juxta fratrem suum, Ferdinandum Infantem,
cum planctu magno exequiis celebratis, regaliter se-
pelivit. Inde vero Regina, veniens h Munionem, in-
venit castrum à Rege Ferdinando & suis fidelibus
occupatum, Militibus qui inerant captivatis. Post
hæc ad Lermam & Laram, quas Comes Alvarus
deti-

millia marcarum argenti, & obtulisset tenere ad stipendia ducentos milites, per unius anni spatium, ad defensionem Christianorum contra Paganos, tali conditione ut D. Papa permisisset iis infimul morari, donec Deus daret iis sobolem saltem per tres annos, noluit tamen D. Papa Innocentius in hoc illis consentire. Nempe (ut in simili Alphonfi Arragonii & Vrraca Castellane divortio, ad an. 1110, observat Mariana) Nondum moribus receptum erat, ut Pontificum Romanorum veniâ lege cognationis soluta, conjugia inter cognatos coirent: itaque passim consideramus per hæc tempora, connubia Principum dirempta esse, cognatione inter conjuges illegitima injustaque. Quis & qua occasione coeperit in istis dispensare, nec dum comperi. Ad Alphonsum & Berengariam quod attinet non fuerunt illi statim separati, sed prius duos filios genuerunt Ferdinandum atque Alphonsum, item filiam Berengariam, Joanni Briennio Imperatori Constantinopolitano nuptam anno 1232, aut etiam alios, fortassis usque ad annum 1210: quandoquidem Aldephonsus infra num. 33 pro anno 1235 adhuc dicatur juvenis inexpertus. Anno tamen 1213 nullum fuisse matrimonium constat ex Roderico lib. 8 cap. 13.

c Nihil de alia uxore alibi legitur.

d Ita lectio in margine notata,

magisque id placet quam Cauca, ut pote magis vicinum nomini Cabezon, quod habetur in versione vulgata.

e Nihil hoc obest, quo minus verum sit (si tamen est verum) quod rebelles Proceres scripserunt in Franciam de ultima voluntate Alphonfi, in favorem liberorum Blancae declarata, ut supra ostendimus.

f Alias Arroyum: quod etiam habet vulgata versio.

g Vulgo Pisuerga y Laguna.


h Castrum Munionis, nunc in tabulis non reperitur, uti & alia plurima à Roderico nominata loca, videtur tamen haud procul abfuisse Burgis: hinc enim intervallo sex dumtaxat leucarum absunt mox nominata Lerma ac Lara, ad alteram Arlanzi fluvii ripam sita oppida, primum ad Austrum, alterum ad Ortum Burgenfi civitati objectum.

i Concilium, etiam in vulgata versione saepe recurrens Consejo, ignotum hodie in militia Hispana nomen, videtur hic significare cohortem Militum, à civitatis alicujus communitate submissam Regi, ad expeditionem quampiam, absque obligatione ulterioris obsequii, redituram ad propria illâ peractâ: & sic Rodericus lib. 8 cap. 9 ejusmodi subsidarios appellat Communia civitatum.

k Bellum-foramen, Anagaram & Najara, in versione vulgari nominantur, Bilborado, Anajara & Navarra, forte Najarra legendum.

STEMMA GENEALOGICVM

Regum Castellæ, Legionis, & Lusitanie.



Vides hic quomodo ab Alfonso VI, filio Ferdinandi Magni procedant, hinc quidem Reges Castellæ ac Legionis per Urracam, ex primis cum Raymundo Comite Barcinonensi nuptiis (nihil enim hac faciunt secunda nuptia cum Alfonso Aragonio, nisi quatenus ex tali causa is inter Castellæ Reges numeratur VII) inde vero Reges Lusitania per Sanctiam, Henrico Comiti Portugallie conjunctam. Vides præterea, quomodo Henricus puer Mafaldam Lusitanam in quinto dumtaxat gradu, Alfonsus vero Legionensis Tarasiam Lusitanam in secundo, Berengariam Castellanam in tertio gradu contingebat: atque hac ratione com-

modissime correctum manet, quidquid vel hic erratum est in Annot. b, vel ad 2 Maji ante Vitam B. Mafalda num. 5, confundente se memoria inter tot similia Regum consanguineorum nomina. Remanorum autem Pontificum severitas in dirimendis eorum conjugis, absque Apostolica Sedis dispensatione initis, neglectum potius illius petenda vindicabat, quam indicabat nullo unquam casu eam posse concedi. Habemus enim pro hoc ipso tempore evidens testimonium in contrarium, apud tunc viventem Continuatore Ottonis Erisingensis, dictum Ottonem à S. Blasio, pro anno 1209, quo Innocentius III ad tollendum Imperii schisma, non solum indulgit, sed etiam præcepit

Ot-

Ottoni Saxoni, Regi Romanorum
electo contra Philippū Suevum,
ut acciperet in matrimonium ejus-
dem Philippi jam mortui filiam,
quod alias sine Apostolicæ Se-
dis licentia fieri non licuit, cog-
natione impediens: nam pater
Ottonis avunculus fuit Fride-
rici patris Philippi. Est tamen et-
iam in tam evidenti utilitate Chri-
stianitatis totius cum hac cautela
processum, ut in Comitibus Imperii,
coram Legatis Apostolicis ea de
causa Herbipoli celebratis, surgens
Abbas Morimundensis, Ordini
Cisterciensis, & omnium
Abbatum aliorumque Claustra-
liū utriusque Ordinis, Clunia-
censis videlicet & Cisterciensis,
personam assumens, delictum
hoc connubio contra consue-
tudinem Ecclesiæ, quantumvis
dispensatorie, committendum,
monastico Ordini auctoritate
Apostolica imposuerit, orationi-
bus scilicet & pœnitentiis luendū:
& nihilominus Regi propter
hoc injunxit pœnitentiam,
ut monasteriorum aliarumque
ecclesiarum pro posse defensor
existeret, viduis & pupillis ju-
sto judicio præflet, monaste-
riumque Cisterciensis Ordinis
in fundo proprio ædificaret, ac

post hæc in propria persona
Ecclesiæ Hierosolymitanæ sub-
veniret: quæ omnia Rex humiliter
& gratanter implenda suscepit.
Sciendū tamen quod defectus Pon-
tificiæ dispensationis in istiusmodi
casibus impediret quidem ne vincu-
lum indissolubile contraheretur,
non tamen censebatur officere lega-
litati liberorum, stante tali contu-
bernio susceptorum, ad quoscumque
effectus juris civilis, consanguineo-
rum nuptias extra primum gradum
non prohibentis: adeoque nihil obest,
quo minus S. Ferdinandus Rex
legitimus fuerit, non solum Castel-
læ per matrem, sed etiam Legio-
nis per patrem: qui ipsemet non
alio jure regnavit, utpote natus ex
consanguineis in tertio gradu,
ideoque etiam separatis; prælatus
tamen liberis, ex secundo thoro
Ferdinandi II & Urracæ Lo-
pez magis canonice natis. Præterea
saltem Principissa ipsa excusabiles
erant, & bona fide matrimonium
contraxerant, cui nemo Episcoporum
Regni sese opposuerat: & pleraque
juniores erant, quam ut scrupulo
sibi ducere possent conjunctionem
parentibus probatam: solet autem
etiam nunc tali in casu bona fides
matrum suffragari proli ne notha
censeatur.

CAPVT IV.

*Victoria de Alvaro rebelli relata; ejusque ac fratris
infelix exitus.*

DUm Rex & Regina nobilis essent Burgis, 15
Comes Alvarus, cum fratribus & complici-
bus, per Aggerem-Alliorum ^a & Quinta- a
nam-Fortunii transferunt; & in Belli-fo- ^{Regi se}
ramine hostiliter irruentes, nec ætati nec ^{opponens}
^{Alvarus,}
sexui pepercerunt, sed cuncta cæde & incendio con-
sumpserunt: quod cessit novo Regi & Regina nobili
in amaritudinem & dolorem. Et hac vastatione per-
acta, Comites ad propria redierunt: & Rex novus
cum matre Regina nobili & suis Magnatibus à Burgis
Palentiam cœpit ire. Et dum ad villam, quæ Palen-
tiola ^b dicitur, pervenissent; Comes Ferdinandus in
ripella vallis ^c Guiariæ aciebus dispositis subsistebat.
Comes Alvarus cum suis militibus Ferrariolam se re-
cepit. Et quarta feria ^d quatuor-Temporum mensis
Septembris, cum Rex Ferdinandus & Regina nobilis
ituri Palentiam juxta Ferrariolam pertransirent; col-
lateralem aciem cum Alphonso Tellii & Suerio Tellii
separavit, ne agmen exercitus transeuntis à Militibus
Comitis læderetur. ^{temereque}
^{ad explo-}
^{randum e-}
^{gressus,}

26 Et cum Comes Alvarus extra villam cum ali-
quibus Militibus resedisset, in villam ceteris intromis-
sis, ut posset exercitum contemplari, remisit cum
paucis, in villam colligi dedignatus. Sed cum Al-
phonsus Tellii & Suerius Tellii & Alvarus Rodeici,
& quidam alii cum eminus agnovissent, contra eum
equorum impetu processerunt: & videns multitudi-
nem præminere, jam exanimis, quamvis superbus,
recolligere sese cœpit. Sed cum predicti Milites adve-
nissent, Comes Alvarus de equo descendit, & jacens ^{divus capia-}
^{tur}
in terra clypeo se obtexit. Sed illi manibus eum

E 2

tra-

trahentes, captum cum duobus Militibus concapti-
vis Regi & nobili Reginae praesentarunt: & qui mul-
tos offenderat, qui nulli pepercerat, qui naturali
Dominæ ejus dominium abnegarat, divino judicio
nunc prostratus, suorum Militum & Fratrum intuen-
tium auxilio destitutus, capitur inglorius & confu-
sus. Tunc Regina nobilis, gaudio & lacrymis Deum
laudans, diu gratiarum institit actioni, quod inimi-
cum suum & regni & filii sibi tradidit tam facili cap-
tione.

CAP. VIII
cumque se
redemisset
usurpatis
cedendo,

27 Videntes igitur cuncti qui ad erant, quod Deus
omnipotens Reginae nobilis opera dirigebat, cum
gaudio & actionibus gratiarum, Palentiam intrave-
runt, & inde ad Vallem-oleti iverunt: ubi fuit Co-
mes Alvarus in captione & vinculis custoditus. Cum-
que ibidem de compositione aliquamdiu tractaretur,
ea conditione fuit pactio acceptata, ut Comes Alva-
rus restitueret castra omnia quæ tenebat, scilicet
Cannetum & Alarconnem, Amajam & Tarecum-
Cæsareum & Villam-francam, Turrim Belli-forami-
nis, Anagarum & Pandicurgum: & his deditis sol-
veretur. Castrum Xeriz f & Orsejonem detinebat
Comes Ferdinandus frater ejus, & ad eorum captio-
nem tenebatur Comes Alvarus cum centum Militi-
bus Regem sequi, donec ea suæ potentia subjugaret.
Comes autem Alvarus Gundisalvo Roderici fuit
commisus, donec compleret superius prænotata.

28 Rex autem duxit exercitum versus Castrum:
& licet Comes Ferdinandus, fultus copia victualium
& multitudine armatorum inibi rebellaret, ea con-
ditione restituit Castrum & Orsejonem, ut ejus vasal-
lus fieret, & ab eo ut vasallus proprius castra teneret.
His peractis, Domino disponente, quievit perturbatio
novi Regis: & sex mensium spatio fuit seditio sic seda-
ta, quæ credebatur perpetuo duratura, quod Rex Fer-
dinandus susceptus ab omnibus cœpit ubique jurisdi-
ctionem Regiam exercere.

29 Post

29 Post hæc autem Comites, videntes in regno ^{CAP. IX}
 potentia suæ gloriam minoratam, imo potius an- ^{ac Legionem}
 nullatam, in Valle-Juniperi & territorii Palentini, ^{fugisset,}
 cœperunt iterum rebellare, & prædas in Campis ^g
 Gotthicis exercere: sed Rex Ferdinandus, cum Regina ^h
 nobili matre sua & aliqua parte Magnatum, venit ad
 Aggerem-fumorum & Medinam de Rivo-sicco, & ⁱ
 sic Comitum insolentia: pro parte maxima cessave-
 runt. Sed videntes Comites in Valle-juniperi non
 posse resistere, Regis Legionensis dominio se dede-
 runt; & ut moveret guerram filio, suaserunt. Cum-
 que utrimque exercitus convenissent, & quidam
 Nobiles ex Castella versus partes Salmantica intra-
 vissent, videntes Regem Legionis sibi cum suo exer-
 citu occurrentem, in aldea & Medina del Campo, ^k
 quæ Castellio dicitur, intraverunt. Cumque Rex ^{bellumque}
 Legionensis eos inibi obsedisset, & Comes Alvarus ^{resuscitaf-}
 cœpisset caligis ferreis calcari, percussus à Domino ^{set, moritura}
 cœpit gravissime infirmari: & firmata treuga inter
 patrem & filium ab invicem discesserunt. Comes
 autem Alvarus, morbi & treugæ dolore vexatus,
 Taurum semianimis est delatus: ubi mortis anxietas
 te coactus, Militiæ S. Jacobi sese dedit, & ibidem
 vitam finivit, & Uclesii est sepultus.

30 Et post modicum temporis Comes Ferdinan- ^{uti & fra-}
 dus frater ejus, cujus non ut voluit in regno Castel- ^{ter ejus}
 læ desideria provenerunt, in Africam transfretavit, ^{Marocci}
 & ab Amira / Momenino susceptis muneribus varia ^l
 jactitavit. Et dum ibi longa mora, ut moris est in A- ^m
 rabum, traheretur, cum contigit infirmari: & fecit
 ad vicum prope Marochos, qui Elbora dicitur, se
 transferri: vicus enim à Christianis dumtaxat inco-
 lis colebatur. Et dum percepit ex incurabili morbo
 interitum imminere; à Gondifalvo Fatre Hospitalis,
 qui Innocentii Papæ III familiaris extiterat, suscepit
 habitum Hospitalis; & universæ carnis viam ingres-
 sus, cum aliis qui ibidem obierunt ad domum Ho-
 spitalis.

n spitalis, qui Pons-Fiterii *n* dicitur, in diœcesi Palentinensi, in sarcophago est delatus: & ibidem ab uxore sua Comitissa Majore, & filiis suis Ferdinando & Alvaro, & multis aliis est sepultus.

A N N O T A T A.

a Agger-alliorum, & Quintana-Fortunii; in vulgari, Oterdajo. Quintana, y Fortunio, ut videatur tria loca ponere.

b Palentiola, in eodem vulgari (per aliquem forsan errorem) Herrera: quod nomen mox iterum ponitur pro Ferrariola.

c Vulgariter Ribera de la val de Grajera.

d Annus 1217 litteram habuit Dominicalem G, proinde hac quarta feria incidit in diem 19 Septembris.

e Eadem loca in vulgari sic nominantur, Cañete, Alarcon, Tarriego, Cicafeio, Villa francadi monte d'Oca, Torre di Bilborado, y Najara: omittitur autem Pandicurgum.

f Ibidem Castro Xeriz y Monzon, quod ultimum valde discrepat.

g Vallis-juniperi, vulgo, Val de pero.

h Campos-Gothicos ignoravit interpres, ideoque simpliciter vertit, terras, seu agros.

i Agger-fumorum & Medina de Rivo-sicco, vulgo, Tor de

humos y Medina di Ruyseco; harum locorum ultimus locus abest Palentia ad Occasum circiter 7 leucis, unde de situ aliorum locorum Camporumque Gothicorum facilis fit conjectura, cum in confiniis Regni Legionensis fuisse.

k Aldea Hispanis Villam seu Burgum denotat: est autem Medina del Campo media inter Vallisoleum & Salmanticam via.

l Amiras Saracenis & Mauris Dux seu Rex dicitur: hic vero, contractis in unum duabus vocibus, passim vocatur ab historicis Miramolinus: quod tamen non est proprium sed appellativum nomen, summi Saracenorum Principis, & Latine redditur Imperator fidelium. Vido Cangium in Glossario.

m Interpres vulgaris, inter multas delicias.

n Idem, Puente di Fitero en la ribera de Pisuerga: qui fluvius, nunc Legionensis & Castellani regni limes, supra Castrum Melgar exoriens, à Septentrione procurrit in Austrum, atque infra Septimanicam Durio se immergit.

CAPUT V.

*Ferdinandi matrimonium cum Beatrice, ex eoque
liberi: repressi seditiosi.*

ADversariis itaque sic à Domino judicatis, ³¹
Rex Ferdinandus regnum obtinuit pacifi- ^{CAP. X}
ce & quiete, Regina nobili omnia dispo- ^{Petita à}
nente; quæ adeo solícite filium educavit, ^{Frederico}
ut regnum & patriam juxta morem avi sui ^{Imp. Bea-}
nobilis Alphonsi in pace & modestia gubernaret, us- ^{trix}
que ad vigesimum quintum ^a filii sui annum. Sed
quia indecens erat, ut tam magnus Princeps extra-
ordinariis petulantibus traheretur; mater sua, quæ sem-
per voluit eum ab illicitis custodire, procuravit ei
uxorem nomine Beatricem, quæ fuit filia Regis Phi-
lippi ^b in Romanorum Imperatorem electi, & Mariæ
filia ^c Isaac Constantinopolitani Imperatoris: quæ
fuit optima, pulchra, sapiens, & pudica. Missique
pro ea nuntii, Mauritius Burgenfis Episcopus, vir
laudabilis & discretus; Petrus Abbas S. Petri de Aslan-
tia, Rodericus Abbas de Rivo-sicco, Petrus Odoarii
Prior Hospitalis, ad Fredericum ^d Romanorum Re-
gem, sub cujus custodia erat tunc temporis Domi-
cella, in Teutonia accesserunt; ab ipso Rege hono-
rabiliter sunt recepti. Cumque legationis causam,
ut injunctum fuerat, explicassent; prædicti nuntii
expectarunt.

³² Tandem Rex Fredericus, in Imperatorem ele- ^{impetrata}
ctus, consobrinam suam Beatricem, Domicellam ^{que}
nobilem, pulchram, compositam & prudentem,
Regi Ferdinando per dictos nuntios, cum apparatu
nobili, destinavit. Et cum Parisios advenissent, Rex
Francorum Philippus nomine, qui tunc Gallis præsi-
debat, eam honeste recepit, per terram suam hono-
rifice dans ducem; ad regnum Castellæ felici itinere

pervenerunt, & Regina nobilis Berengaria, cum comitatu nobili religiosorum & secularium Magnatum & Dominarum, ultra Burgum qui Victoria *e* dicitur, occurrit nobili Domicellæ; & Burgis exinde venientes invenerunt Regem Ferdinandum, cum Magnatibus & Nobilibus & civitatum Primoribus expectantem. Qui Domicellam & Nuntios honore quo *f* de-
cui recepitavit, & tertia die *f* ante festum S. Andreae, in regali monasterio prope Burgis celebrata Missa à venerabili Mauritio Burgenfi Episcopo, & armis militari-
bus benedictis, ipse Rex suscepto gladio ab altari manu propria se accinxit cingulo militari: & mater sua Regina nobilis ensis cingulum deaccinxit.

*in festo S.
Andreae.*

33 Tertia die, in festo scilicet S. Andreae, Beatricem dulcissimam Domicellam duxit solenniter & legitime in uxorem, Missam venerabili Mauritio in Cathedrali ecclesia celebrante, & benedictionem nubentibus largiente: & fuit ibi Curia nobilissima celebrata, assistentibus totius regni Magnatibus, Dominabus, & fere omnibus regni Militibus & Primoribus civitatum.

g
CAP. XI
Rex compescit insolentiam Roderici de Camberis.

34 Post modicum vero temporis, propter injurias quas Rodericus Didaci de *g* Camberis in terra sibi credita exercebat, licet esset Cruce signatus in subsidium Terræ-sanctæ; Rex Ferdinandus citavit eum, ut ad Curiam veniens satisfaceret de objectis. Cumque ille ad Vallem-oleti Curiam advenisset, cum naturaliter iræ inconstantia duceretur, à falsis amicis suafusus, inviso & insalutato Rege recessit. Rex autem pro hujusmodi indignatus, abstulit ei Terram suam. Et cum prædictus Rodericus Didaci nollet restituere munitiones, tandem restituit ex pacto, ut Rex daret ei quatuordecim millia aureorum. Et cum pecuniam suscepisset, tunc demum reddidit castra Regi.

35 Anno postea iterum revoluto, Gonsalus Petri Dominus Molinæ *b*, consilio Comitis Gondisalvi, cepit contra Regem minus provide rebellare, & partem

partem Reginae, Molinae vicinam, rapinis & vastationibus molestare. Cumque monitus nec desisteret nec satisfacere voluisset, Rex Ferdinandus super eum exercitum congregavit. Sed superveniente nobili Regina Berengaria matre sua, cum Rex non posset castrum Zaphare expugnare, concordiam procuraverat, & certis pactionibus Rex soluto exercitu à Molina recessit, & diebus aliquot interpositis Comes Gundisalvus Nunii, qui ad Arabes se transfulerat; cum à Rege Castellae beneficia non posset assequi ut optabat, iterum se restituit Agarenis: & dum in partibus Cordubae moraretur, in villa quae Beatia dicitur infirmitate gravissima contigit ipsum mori: & delatus à suis sepultus est in i Cephinis, ubi habent oratorium Fratres Templi.

*item alium
sibi rebel-
lem:*

36 Suscepit autem Rex Ferdinandus ex uxore sua gratissima Beatrice filios hic notatos, Alphonsum primogenitum, Fredericum Ferdinandum, Henricum Philippum *k*, qui oblatus à Domina Berengaria, Regina nobili avia sua, Deo & Roderico Toletano Pontifici, per manus ejusdem Pontificis ad titulum Ecclesiae Toletanae in sortem Domini est vocatus: & in continenti idem Pontifex Praebendam & alia Beneficia in praedicta Ecclesia assignavit. Habuit alios filios, Sancium *l*, qui oblatus Roderico Toletano Pontifici, à quo cum Clericali tonsura Psalmistae officium est adeptus, Praebendam & Beneficium in Toletana Ecclesia est consecutus; Emanuelem, & duas filias, Alienor, quae decessit parvula; & Berengariam quae in Regali monasterio degit, Virgo Domino consecrata.

*CAP. XII
otto liberos
ex uxore
suscepit:*

k

l

37 Verum Regina nobilis Berengaria mater Regis, volens cum à Christianorum injuriis alienum, militiae suae primitias voluit Domino dedicare; & Treugam cum Arabibus noluit ulterius protelari: sed exercitu congregato, assistentibus sibi Roderico Toletano Pontifice & aliis Magnatibus regni sui, per

*procedit contra Mauros
semel.*

E 5

Beatiam

m Beatiam & m Ubetam vastationes exercens, aggres-
 n sus est n Cascatam: & captis & interfectis multis
 millibus Saracenorum, quia castrum variis impu-
 gnationibus erat dirutum, tunc noluit retinere. Rex
 iterum, autem Cascata, ut diximus, occupata, per ripam
 o Bætis magni fluminis ad partes pervenit o Giennii;
 & destructis quibusdam munitionibus & urgente in-
 stantia hiemali ad propria est reversus. Post hæc au-
 tem iterum exercitum congregavit; & tradente eas
 sibi Avomahomat, qui erat Arabum Princeps nobi-
 p lis, filius p Avoabdellæ filii Abdelmurris, cepit Bea-
 q r tiam, q Andujarum atque r Martos; & castrum istud
 tertio, nobilissimum dedit Fratribus Calatravæ. Et destru-
 ctis aliis castris & municipiis, ad sua feliciter est re-
 versus.

38 Et tertio ingressus terram Arabum, cepit Se-
 s vioth s, Xoparum & Gartiez, & bellatoribus obfirma-
 vit; aliisque vastationibus peractis, ad urbem rever-
 sus est Toletanam. Eo tempore erat in Hispaniis
 t Legatus Romanæ Ecclesiæ, Joannes t de Abbatis-
 villa, quæ est in Comitatu Pontivi, Sabinensis Episco-
 dus Cardinalis, vir bonus, sapiens, litteratus: qui
 quarto, celebratis in singulis regnis Conciliis, postquam mo-
 nita salutis proposuit, ad Sedem Apostolicam est re-
 versus, tribus annis legationis expletis. Post hæc
 iterum Rex Ferdinandus terram Arabum est ingres-
 v sus, & cepit Eznatoraph, v Turrim de Albet, S. Ste-
 phanum, & Chorlanam. Et alia vice duxit exercitum
 per Giennium circa festum S. Joannis, quod propter
 sui fortitudinem non potuit expugnari. Et inde pro-
 x cedens cepit x Pegum: & captis incolis & occisis
 quinto, munitionem funditus desolavit. Et veniens ad op-
 y pidum quod y Alhama dicitur, captis habitatoribus
 & occisis, locum destructione simili dissipavit. Post
 quod ad propria cum exercitu remeavit. In hac ex-
 peditione non interfuit Rodericus Pontifex Toleta-
 nus, qui Guadalphajare remanserat, febris acumine
 fata.

egres-
multis
impe-
c. Rex
ripan
crimi:
me in-
ge au-
nte us
is nobi
in Be-
m ubi
debre
re est
pit So-
lume-
re ve-
litanis
liberis
Episc-
us: qui
am no-
n est re-
st hac
ingre-
S. So-
crum
perpet
de pro-
occi-
ad op-
toribus
c. Post
ae ex-
toletu-
amine
fate



Gasp. Boultats. fecit Antwerp.

fatigatus, ubi finis periculum vix evasit. Sed misit cum exercitu Dominum Capellanium suum, virum venerabilem Episcopum & Placentinensem: qui in exercitu loco ejus Pontificalia exerceret.

39 Et procedens iterum contra Mauros obsedit Capellam, castrum munitissimum in diocesi Toletana, & diutinis impugnationibus tandem cepit. Et expletis quatuordecim hebdomadibus expeditionis, ad urbem regiam est reversus. Et tunc jecerunt primum lapidem Rex & Archiepiscopus Rodericus in fundamento ecclesiæ Toletanæ, quæ in forma Mezquita tempore Arabum adhuc stabat. Cujus fabrica opere mirabili de die in diem, non sine grandi admiratione hominum exaltatur ^a.

CAP. XIII

Novam Toletanæ Cathedralē adificat.

a*

ANNOTATA.

a Cum Toletanus dicat S. Ferdinandum creatum fuisse Regem anno atatis sue 18, idque factum sit anno Christi 1217; oportet ut is natus sit anno circiter 1198, sic & annus 25 illius erit 1223 Christi. Corrigendum autem hic fuit evidens mendum, textui Hispanico nescio quomodo indutū; dum numeratur annus 25 regni. & quidem velut ex auctoritate Toletani; hic enim annus esset Christi 1241 quousque dici nequit regnum gubernasse mater: quæ tamen rationabiliter credi potest, ea lege tradidisse filio suo Regnum ut ipsa illud gubernaret, quousque is annum atatis 25 attigisset, licet aliquot annis prius ei uxorem jungendam curaverit.

b Philippus Dux Sueviæ, Alphonsus à Cartagena dictus Dux Bavaricæ, Frater Imperatoris Henrici, an. 1197 defuncti, electus an. 1198; cui oppositus discordi electione fuit Dux Saxoniæ Otto, Obiit Bambergæ, occisus anno 1208.

c Isacius Angelus, ab anno 1185 Constantinopolitanus Imperator, & anno 1195 excacatus depositusque à fratre Alexio; à Francis

& Venetis, victo tyranno regia urbe potitus, restitutus fuit. Hujus secunda filia Maria, aliàs Irene, nonnullis etiam Cæcilia nuncupata, primum Rogerio Tancredi Sicilia Regis filio nupsit; hoc autem mortuo, & Sicilia ab Henrico Imperatore occupata anno 1195, ab eodem tradita est fratri Philippo, eodem quo hic anno mortua, & in Lorcheni ad Tubingam monasterio sepulta: uti accuratissime tradit, in suo de familiis Byzantinis eruditissimo opere, amicus noster Dominus du Cange pag. 294. Loco, Isac, in textum irrepserat, Corfac, sive (ut vulgaris interpret legit) Coysat: quod in gratiam leætoris correxi. David Blondellus volum. 2. Tabula genealog. 144 Beatrici nostræ, quam unigenitam aliqui fuisse volunt, sorores addit (sed forsitan ex alio patre) Mariam Brabantia Ducissam, uxorem Henrici II, Cunigundim uxorem Wenceslai Regis Bohemæ, & Elisam Ottoni IV Imperatori desponsam.

d Fredericus II, Henrici Imp. filius, adeoque Beatricis patruelis, Rex Romanorum factus 1215, Imperator

Ætas Sancti regnare incipientis

Beatricis Regina germanus,

tempus cele-
brati inter
ipsam &
Sanctum
conjugii.

perator coronatus 1220 Roma 22 No-
vembris. Sed quoniam ab eo tempore
usque ad obitum Philippi Regis
Francia (qui sponsam transcentem ex-
cepit & mortuus est an. 1223) non
facile est invenire menses quatuor
continuos, quibus in Germania Im-
perator fuerit; oportet Imperatorem
vocari per proleptim; & hoc matrimo-
nium conclusum fuisse in celebribus
illis comitiis Norimbergensibus, quo-
rum ad annum 1219 meminerunt
Annales Augustenses; & hoc indu-
bitabiliter confirmat Zuniga ad an.
1251 num. 9, allegans Privilegium
Futirensi monasterio datum die 12
Decembris, signatumque sub hac for-
mula, Anno regni mei tertio,
anno videlicet quo ego præfa-
tus Rex Ferdinandus, in mona-
sterio S. Mariæ Regalis de Bur-
gis, manu propria cingulo mili-
tari me accinxi; & Dominam
Beatricem Reginam, Philippi
quondam Regis Romanorum fi-
liam, duxi solenniter in uxo-
rem. Probat autem ex multis instru-
mentis idem Zuniga, coepisse Ferdi-
nandum annos sui Regni numerare à 31
Augusti an. 1217.

e Victoria oppidum in Canta-
bris, conditum an. 1180 trans Ibe-
rum, distat Burgis ad leucas circi-
ter 20.

f Id est 27 Decembris, qua anno
1219 incidit in Feriam 4 & Festum
S. Andrea in Sabbato, cum esset lit-
tera Dominicalis F.

g Vulgariter Ruy Diaz de los
Cameros.

h Molina, oppidum montanum,
in finibus Castellæ novæ versus Arago-
niam, unde vicinis montibus appella-
tio Sierra de Molina: cujus domi-
nio videtur postea investitus fuisse
frater Regis Ferdinandi Alphonsus,
cum eo titulo semper appellatus à
Morgado.

i Cephini, in vulgata, Zafi-
nos.

k De Philippo vide annotanda

ad Caput. 18 lit. C

l Hunc Sancium, Franciscus
Tarapha Archiepiscopum Tole-
tanum fuisse, & in prælio con-
tra Mauros occubuisse, refert.
Ita nota ad Rodericum marginalis.
Idem autem confirmatur ex Catalogo
apud Tamayum 25 Octobris, ubi
Sancius sedisse dicitur ab anno 1262
ad 1266, obiit 1295.

m Utera seu Ubeda, Bæza
propinqua ad Orientem, qua oppidum
respicit trans Bætim situm, vulgo
Punta de Ubeda. Primus hic forsi-
tā antiquæ urbis situs fuerit; ita ut hæc
prædicto fluvio nomen suum vel dede-
rit vel dederit: urbes enim plerasque
in aliquam ubi antiquitas fuerant si-
tu locarunt Mauri, servato quandoque
veteri nomine, etiam in longiori di-
stantia.

n Caseata, vulgo Quesada, à
caseis dicta, nescio an adhuc super-
stes: infra num. 65 conjungitur Bæ-
za & Ubeda, notis in extrema Anda-
lusia ad Ortum urbibus.

o Giennium, vulgo Jaën, di-
stat Bæza 6 circiter leucis.

p In vulgata nominantur Aben-
Mahomat & Aben-Abdale filius
Abdel-Moyn. De quo apud Zuni-
gam ad an. 1252 num. 10 habetur
memoria, sub diplomate signato per
Regem, 8 Januarii, anni deditionem
proxime secuti 1226, anno autem
regni sui nono (à præcedenti Sep-
tembri capto) quo anno Azehid
Abu-Mahomad, Rex Bæciæ, de-
venit Vassallus Regis & oscula-
tus est manus suas. Quem sane
modum annos regni signandi aliquo
memorabili facto, jure laudat Zuni-
ga, tamquam historia commodissi-
mum.

q Andujar, oppidum cis Batim,
aliquanto vicinius Corduba quam
Giennio.

r Martos, nominatissimum in hac
historia castrum, hodieque superstes
trans Batim, pari fere à Corduba atq;
Granata leucarum 12 intervallo.

s Chre-

s Chronica de horum locorum acquisitione tacet. uti & de adventu Legati Apostolici.

c De hoc Joanne Ferdinandus Veggellus tom. 1 Italia sacra in Episcopis Sabiniensibus: Vix sub Gregorio IX roseo pileo fuerat donatus anno 1227, cum ad prædicandam Cruciatam contra Saracenos statim in Hispaniam ac Lusitaniam missus est.

v Hodie Iznatoraph, & ultimum locum Chiclanam dici, monet nota marginalis: neutrum tamen reperitur expressum in tabulis, sicut nec alia plura.

x Pegum vulgo Pliego, in ta-

bulis Priego, & circiter leucis ultra Martos in Austrum.

y Alhama, in vulgari Alhambra.

z Chronica. Placentinum hunc Episcopum, tunc Archiepiscopi vice functum, nominat Dominicum, quem Tamajus in Catalogo ad 16 Obis sedisse ait ab anno 1221 ad 1233. & adfuisse pugna ad Navas Tolosanas: locum autem in quo egrotavit Archiepiscopus, Chronica vocat Guadalajar.

a Eadem Chronica: Perfecta autem nobiliter ecclesia ista novis quotidie augetur ornamentis & ædificiis.

CAPUT VI.

Mauvorum dissidentium motus. Ferdinandi in regnum Legionense successio.

IN diebus hujus Regis Ferdinandi, surrexit quidam nomine Abenhuch, in castro Rechoc *a* in territorio Murtiensi & coepit contra Almohades *b* rebel-
lare, qui cismarinos Arabes adeo crudeli dominio opprimebant, quod de facili Abenhuchi proposito consenserunt. Et obtenta Murtia & finitimis oppidis & castellis, omnes Almohades quos habere potuit capite detruncavit: & omnes Mezquitas præsentia Almohadum judicans inquinatas, aspersione aquæ fecit à suis Sacerdotibus expiari, & armorum suorum insignia fecit *c* nigra, quæ in bellis & alibi præferebat, quasi luctu præsignans excidium gentis suæ. Et in modico tempore obtinuit Vandaliæ *d* Hispanorum, præter Valentiam & confinia, in quibus Zahen de genere Regio rebellavit.

41 Erat autem Abenhuth de genere Abohaget olim Regis Cæsaraugustæ: & cum fere Monarcha in cismarina Vandaliæ haberetur, audacia, largitate, iustitia, veritate (prout gentis ejus infidelitas seu ver-

Mauri mauris cadibus debilitati

Christianis sunt causa rei bene gerenda.

futia

futia tolerat) præminebat. Sed a quodam fuorum,
 qui Aben-Raman dicitur, invitatus ad epulas & deli-
 cias familiares, quas gentis illius colit voluptas,
 factione hospitis & vasalli occiditur in conclavi,
 apud præsidium e Almaria. Et tunc invaluit Arabs
 e f quidam, dictus Mahoma f Alienalaginar, qui paulo
 ante boves & aratri vestigia sequebatur. Hic Arjo-
 nae, & Giennii, Granatae, Vastæ & Accii & locis
 aliis adhuc hodie principatur: & post interitum A-
 benhuthi Vandalia Cismarina in plures Regulos est
 divisa, & ab Almohadibus separata, quod Christia-
 nis utile invenitur.

CAP. XIV

Mortuo Al-
 phonso Le-
 gion. 1230

42 Post hæc iterum Rex obsedit Giennium, &
 machinis validis impugnavit: sed videns quod civi-
 tas tantâ fortitudine præminebat, quod non posset
 humano ingenio expugnari, habito Magnatum
 g fuorum consilio, inde recessit. Et cum g Abdalarfar-
 team pervenisset, rumor advenit patrem suum in
 Villa-nova de Sarrea ab hoc seculo migravisse, & in
 h ecclesia B. Jacobi h traditum sepulturæ, Era MCCLXVIII:
 i & quod etiam regnum legaverat i, quas ex Regina
 Tarasia susceperat, filiabus. Propter quod mater ejus
 Regina nobilis D. Berengaria ad eum materna soli-
 tudine veniebat, ut ad recipiendum bonum pater-
 num quantocyus festinaret, quod ei de mandato Pa-
 tris Pontifices, Magnates, & Civitatum Concilia ju-
 rarent; ne forte in mora perturbatio aliqua orire-
 tur.

Berengaria
 filium ducit
 Legionem,

43 Erant autem cum eo Rodericus Pontifex To-
 letanus, Lupus Didaci, Alvarus Petri, Gonsalvus
 Roderici, Garcias Ferdinandi, Alphonsus Tellii,
 Guillermus Gonsalvi, Didacus Martini, & alii Nobi-
 les & Magnates, & plures Milites civitatum, qui
 cum Rege inclyto venientes, Reginam nobilem, in
 k pago qui Orgatium k dicitur, invenerunt: & inde
 communiter urbem regiam intraverunt. A qua mo-
 ra postposita omnes continue recesserunt, & ad op-
 pidum

pidum quod / Agger-fellarum dicitur, pervenerunt; ¹
 indeque ad castrum S. Cypriani de Mozoth cum ^{qui per viam}
 matre & comitatu veniens, castrum ei ut Domino ^{bene excep-}
 reddiderunt. Sequenti die cum similiter in Villa- ^{ptus}
 Lalii ⁿ receperunt, ubi ad Regem, tamquam ad
 Dominum, ex Tauro nobilissimo oppido Milites ad-
 venerunt, qui Regem sui & oppidi naturalem Do-
 minum cognoverunt: & ut sequenti die Taurum
 adiret instantissime supplicarunt, nobili Regina hæc
 omnia solertissime procurante.

44 Altera vero die Taurum intravimus, ubi om-
 nibus annuentibus Rex Ferdinandus, facto sibi ho-
 minio, in Regem & Dominum est receptus. Inde-
 que per castra Dominae ^o Reginae aliquamdiu ince-
 dentes, recepimus ex aliis civitatibus Milites & nun- ^o
 tios venientes, qui videbantur de receptione Regis ^{Episcopi}
 aliquantulum dubitare. Sorores enim Domini Re- ^{regni,}
 gis, Sancia & Dulcis, de quibus diximus, rebellio-
 nem cum complicibus preparabant. Sed tamen re-
 gni Prælati, quorum interest Regnum & Sacerdo-
 tium contueri, in auditu auris Regem Ferdinandum
 in Regem illico receperunt, scilicet Joannes Ove-
 tensis, Nunius Astoricensis, Rodericus Legionensis,
 Michael Lucensis, Martinus Salamantinus, Marti-
 nus Mindonensis, Michael Civitatenfis, Sancius
 Cauriensis. Hi omnes cum suis civitatibus, patre
 mortuo, filio se dederunt, nec rebellio cogitata po-
 tuit invalere: nam quam cito venimus Majoricam
 & Mansellam ^p, Regi se protinus reddiderunt.

45 Sequenti vero die intravimus Legionem, quæ ^p
 in Regno illo Sedis regiae præminet dignitate, ibi- ^{CAP. XV}
 que ab Episcopo & universis civibus ad regni Legio- ^{demum Lea-}
 nis fastigium elevatur, Clero & populo Te Deum ^{gione Rex}
 laudamus cantantibus concorditer & jucunde: & ^{proclama-}
 ex tunc Rex Castellæ & Legionis ^q pariter est vo- ^{tis}
 catus. Ibique nuntii advenerunt ex parte Reginae ^r
 Tarasæ, ut super compositione internuntia refe-
 rentes.

rentes. Et licet verbum Magnatibus displiceret, tamen Regina nobilis in tantum timuit regni & pauperum vastationem, quod procuravit, ut Rex subsisteret Legione, & ipsa iret Valentiam, de concordia cum Regina Tarasia tractatura. Cumque ambæ Reginae Valentiae convenissent, sic solertia Reginae nobilis Berengariae procuravit, ut Regis sorores Regi restituerent omnia quæ tenebant, & ipsæ essent provisione contentæ, quam eis Rex & Regina nobilis assignarent: & si quid juris in regno habebant simpliciter resignarent.

assignata sororibus dote

pacifice regnavit:

46 Et pacto hujusmodi confirmato Rex advenit, & inde omnes ivimus i Beneventum, quo etiam Infantes filia Reginae Tarasiae advenerunt: ubi Rex Ferdinandus & Regina nobilis eis redditus triginta millium aureorum in locis competentibus assignarunt, percipiendos toto tempore vitæ suæ: & sic obtinuit omnes munitiones & omnia castra quiete & pacifice Rex Ferdinandus. Et in hoc enituit quam plurimum Reginae nobilis solers cura: quæ non minori gratia Regi filio dedit hoc regnum, quam regnum Castellæ, quod ad eam jure hereditario pertinebat. Sic enim scivit omnia ordinare, ut, licet Regnorum unio fere omnibus displiceret, ipsa studuit taliter providere, ut sine sanguinis effusione Regnorum unio proveniret, & utrumque Regnum ipace perpetua lætaretur.

Toletana ecclesia plura loca donat

47 Indeque Rex ivit Zemoram, Salmanticam, Lethesmiam, Civitatem Roderici, & Albam, & per ceteras Regni partes, in quibus honore Regio & hominio ab omnibus est susceptus. Tunc Rex Ferdinandus dedit Caseatam jure hereditario Roderico Archiepiscopo Toletano, quæ tamen aliquantulum reparata à Saracenis incolis tenebatur. Sed Rodericus Archiepiscopus, evolutis à donatione mensibus tribus, exercitu congregato, ivit contra Caseatam cum multitudine armatorum: & expulsis Mauris, qui ruinas oppidi

oppidi reparabant, illud retinuit, & ad honorem Regis, qui illud dederat Ecclesiæ Toletanæ custodivit hætenus, & custodit cum aliis castris; scilicet Pilos, Toyam, Lacra, Agasmo, Fonte-Juliani, Turribus, Dela, cum Ficu, Alaulula, Areola, Duobus-germanis, Villa-montini, Nubila & Castorla, Concha & Chellis x.

48 Post hæc iterum Rex Ferdinandus obsedit Ubetam, oppidum populosum bellatoribus, & munitione magna tutatum: & adeo fortiter impugnavit, ut conclusi salvis corporibus oppidum resignarent. Et tunc Rex oppido acquisito ad urbem regiam est reversus, Era mclxxii, obiit Regina Beatrix in oppido quod Taurum dicitur, & ducta ad regale monasterium prope Burgis, juxta Regem Henricum regaliter est sepulta y.

ANNOTATA.

a Rechoc, in Chronica Ret dictum, Murcia autem, olim Murgis ad fluvium Seguram olim Setalim, modica sed fertilis regni caput, inter Granatense & Valentinum regnum, ad mare mediterraneum sinuntque Vergitanum sui.

b De ortu Almohadum agit auctor noster lib. 7 cap. 10, tanquam nomen habentibus à pseudo-propheta quodam, Alcorani interpretationem novam & eatenus recepta contrariam predicante, sublato in Regem quodam Aldelmone siguli filio; qui regno Africano potitus, etiam Hispanos Arabes subjugavit, itaque in Africam rediit, ex cujus semine tunc regnabat in Africa Miramolinus ille vulgo dictus, de quo supra.

c Doctor Laurentius Galindez de Carbaxal, in suis fragmentis, apud Argote de Molina allegatum in Appendice ad Annales Zuniga, pro anno 1248 ait, inter libros, quos Ferdinando & Isabella Regibus Catholicis traderunt Manri Granatenses, inventa

esse eadem omnia quæ referuntur de Almohadibus & Abenhuch: & addi, quod Magus quidam, inter Mauros Propheta habitus, præsens cum tesseraria illa scuta sic tingeretur, exclamarit, nunc finem Maurici in Hispania regni adesse: & Abenhuch quidem pœnas daturum effusi Almohadum sanguinis, eoque die quo is necaretur, lapsura scuta istæ nigra, nec amplius Regem Maurum futurum Hispali. Itaque revera accidisse: nam mortuo Abenhue scuta prædicta, in Mezquita Hispalensi appensa, delapsa esse: & Axatahum, sub quo amissa urbs fuit, Capitaneum dumtaxat non Regem fuisse. Mauros autem, ex die prædicti lapsus scutorum, certam habuisse perditionem urbis.

d Vandalia Hispanorum, vulgo Andaluzia, quasi Vandaluzia.

e Almaria vulgo Almería, nunc civitas

F

civitas Episcopalis in regno Granatensi.

f In vulgata est Mahomat Algrajae.

g Alia lectio, ex Ms. in margine apposta, sic habet: Et cum ad Datalferiam pervenisset: in vulgata scribitur, Guadalajara.

h Videlicet Compostellae in Galicia, regno Legionensi adnexa, unde etiam in Annalibus Rogerii de Hoveden passim vocatur, Alphonfus Rex de S. Jacobo.

i In quibusdam Roderici exemplaribus, juxta editionem Francofurtensem, non tamen in Ms. Tolitano, similia, sed multo brevius, sic leguntur lib. 7 cap. 25 ubi de patre: Reliquit duas filias, Sanciam atque Dulcem, quibus Regni successionem legavit. Sed quia omnes regni Nobiles, tam de civibus quam de aliis, olim filio suo Ferdinando juraverant, non potuerunt regnum filiae obtinere: sed aliquantis dissidiis procuratis, & civitatibus & nobilibus in varia studia separatis, nobilis Berengaria Regina Castellae interposuit partes suas, & sic omnes gratiae solertia dulcoravit, quod, licet Infantes quam plurimos fautores haberent, & munitiones & castra quam plurima in omnibus fere regni finibus possiderent, ad hoc Infantes & matrem earum Reginam Tarasiam necessitate induxit, ut ejus gratiae responderent: unde paternae largitatis in omnibus imitatrix, curialitate sua, Infantibus quoad viverent magnos redditus fecit à filio assignari. Porro jam diximus ab inveterato Castellanos odio ad ejusmodi dispositionem adductum patrem, ingratum beneficiis acceptis à filio. Franciscus Macedo in Vita Tarasiae, cujus ut Sanctae ratio nobis habenda est ad 17 Junii, cap. 31 de hac Alphonfi dispositione agens, nescio an animadvertitis agi

Cur filias
pater pra-
terito filio
haeredes vo-
luerit?

de Ferdinando; non qualicumque, sed Sancto Rege; parentum observantissimo, indole mansuetissimo, bellicis aequae ac civilibus curis exercito, & jam agente aetatis annum 31. Si enim animadvertisset, non puto scripturam fuisse, quod Alphonfus filio Ferdinando, propter turbulentum ejus & ferox ingenium minus initio aequus & indulgens, postea & infensus fuit: hinc primum dissensiones, deinde similitates, tandem apertae inimicitiae extiterunt; adeo ut Alphonfus moriens regnum Legionense penes filias testamento reliquerit: tam abalienarant animum patris, filii mores. Inter causas deinde quae regnorum conjunctionem videbantur dissuadere potuisse, etiam hanc addit idem Macedo: Obrutum in tanta mole rerum juvenem, minus & gratum & expertum rerum publicarum. Ignoscendum viro, multiplici librorum scriptione de argumentis prorsus aliis distractissimo, quod historicas quaestiones levi nimium manu tractaverit, uti etiam ex Appendice ad Vindicias S. Hilarii Arelatensis, ab eodem infeliter tractatas, poterit lector agnoscere ad diem 5 Maji: fuit aliqui amicus mihi, sicut in praefatione ad Vitam S. Masaldæ demonstravi, sed amicis cunctis magis amica veritas.

k In Chronica dicitur Orgaz circa Toletum, ubi notatur in tabula intervallo leucarum circiter 4.

l Agger-sellarum, ibidem, Tor de fillas, ad alteram Durii ripam, distat Valli soleto leucis circiter 6. Non tamen Valli soleto, sed Abula venisse debuit Rex, cum fines regni Legionensis est ingressus, à Giennensi obsidione revertens.

n In topographica regni Legionensis tabula Villalar, simili unius diei itinere distans Tordesilla, recto versus urbem Legionensem itinere, unde mox retro vocatur Taurum, vulgo Toro, regio palatio nobile oppidum &

ubi

hūi Ferdinandus fuerat moratus cum patre, quando est ad regnum Castella accersitus, uti dictum num. 11.

O Castrorum horum aliqua enumerat auctor lib. 7. cap. 8 dicens, Rex Castellæ & Rex Aragonum, ex Monte-Palumbario juxta Abulam, contra Regem Legionis processerunt & obtinuerunt Castrum-Legionis, & Ardon, & Castrum Gundisalvi, & Castrum-terræ, & Albam de Aliste, & usque ad Astoricam cuncta cæde & incendio vastaverunt. Nullus interim horum locorum nunc exprimitur in tabula, & forte aliquorum etiam nomen mutatum est: nam Moral del Reyna, id est, Habitatio Reginæ, quod eo tractu est, à Berengaria Alphonso nupta potest exultum appellatumque fuisse: si quidem, ut mox dicitur cap. 31, celebratis nuptiis, Rex Castellæ, omnia quæ abstulerat nunc genero, olim hosti, dedit filiæ suæ huptæ: & rursus, cum post factum divortium super dote reddenda controversia extitisset, Idem Rex (ut dicitur lib. 8 cap. 13) cum Legionensi olim genero suo anno 1213 fœdus initum innovavit, & restituit Carpium & Montem-regalem, ita ut diruta de cetero non starent: & sic mansit Berengaria in pacifica dotalem castrorum possessione quoad vixit; nec illorum tantum, sed etiam aliorum quæ avus nepoti acquisierat, crepta genero rursus hosti, ut supra ad Vitam ex Tudensi diximus.

p Mansilla in tabulis, in eodemque recto itinere Legionem versus, una solum diata distat ab urbe: Majoricam tabulis non reperitur.

q Quemadmodum, inquit Chronica aliquam diu factum fuerat præteritis temporibus, scilicet sub Alphonso VIII, Imperatore Hispaniarum dicto.

r Receperat se Tarasia post deversionem Lusitaniam, & cum tra-

ductis ad Lorvanense Benedictinorum cenobium Monialibus Cisterciensibus Tarasia vitam agebat, monacham inter eas professæ, ut vult Macedo in ejus vita: qui cap. 31 fusa tractat, quomodo Berengariæ litteris, ad ipsam & ad patrem ipsius Alphonsum datis, evocata sit mediatrix inter Infantes & Regem futura: quas litteras, si extant alicubi, optaremus videre.

s Valentia, non illa Valentini regni caput, quæ tunc Maurorum erat, longissime distans à Lusitania; sed altera (plures enim sunt, minoris nota) dicta Valentia Alcantaræ, quod intra hujus propinqua urbis districtum sita sit, in Extrema-dura Lusitana atque Hispana confiniis, triplo fere longius distita Legionem quam ipsa Contimbrica, in cujus districtu Lorvanum est: Tarasia autem Legionenses fines omnino non attingit.

t Beneventum, vulgo Beneventa, medio fere inter Legionem & Zamorram itinere.

v Hic interserit Chronica, quod Ferdinandus, post res compositas cum Sororibus, ivit in Sabogal, ad conferendum cum Rege Portugalliæ, quemadmodum inter eos conductum erat: peractoque colloquio circumire cœpit regnum, administrando ubique justitiam, atque ita pervenit usque Zamorram: hac autem civitas est ad Durium fluvium, antiquis Zenitica, Tauro propinqua. Sabogal ad confinia Portugalliæ situm est, duabus vel tribus leucis à Civitate-Roderici.

x In Chronica sic nominantur loca, Toyalaera, Araysino, la fuente de Julian, Torres de Alecuz, Pegura, Aulala, Elervela, Dos Hermanas, Villa-montin, Nubla, Cazorla, Cuenza, Archillas.

y Vereor ne Roderici Toletani historia insigni uno vel altero Capite mutilata casu aliquo sit: nam à capitione Ubedæ, quæ contigit an. 1234, immediate transitur ab obtentâ Cordubam an. 1236. Hunc vero hiatus ex-

plebit nobis Ferdinandæa Chroni-
ca, cum qua deinceps progrediemur.
De hujus fide ne possimus dubitare in
argumento tam glorioso (quod alias non
videretur Toletanus prætermittere po-

tuisse) facit Lucas Tudensis nu-
mero 7, eandem ad Xerez victo-
riam, ab Alphonso Regis fratre
relatam, paucis verbis vehementer
extollens.

P A R E R G O N I.

*An & quomodo ad hujus temporis ac Regis historiam
pertineat revelatio Crucis Caravacanæ.*

49
De Cruce
Caravaca-
na narratio,

Ioannes de Robles, Caravacensis Presbyter, anno
MDCXV Madriti imprimendam vulgandamque curavit
Historiam apparitionis & miraculorum sanctæ
Crucis Caravacanæ. De miraculis, quæ sunt recen-
tioris ævi fere omnia abundeque testata, nemo am-
bigit: apparitioni miraculose, quoad substantiam rei, suffi-
cientem fidem faciunt, præter immemorabilis temporis tra-
ditionem, antiquissima ipso in loco monumenta, de quibus
infra. Temporis circumstantiam, ratione cujus ea res admi-
scetur historię sancti Regis, tum à Roderico Caro tum ab alijs,
Ioannis de Robles auctoritate motis, dubiam merito faciunt
illa ipsa, quæ jam dixi antiqua monumenta.

Io. Zamora
tributa, ut
coævo testi,

50 Hoc prius quam ostendo, lubet verbotenus producere
totum suspecta nobis narrationis fundamentum, cujus auctor
dicitur, Fr. Joannes Ægidius Zamora, in Additioni-
bus seu Adversariis, quas contra aliqua puncta Chro-
nici, à Juliano Toletano Archipresbytero compila-
ti, scripsit de mandato sancti Regis Ferdinandi,
quemadmodum eæ reperiuntur in quaterno P. Mag.
Hieronymi Roman de Higuera. Vereor, lector, ne cum
Iuliani Toletani Chronicon & Higuera nomen vides, si
intelligis qualis in talibus sit fides Higuera apud eruditos, &
quale illud Pseudo-dextero succenturiatum Iuliani opuscu-
lum, continuo præjudices, & apud te definias, has quoque
Ioannis Ægidii Additiones Chronico isti oppositas, ab eadem
prodiisse officina, ex qua tot alia figmenta emanaverunt,
omnem ecclesiasticam historiam apud Hispanos & quidquid
ibidem

Ibidem est rerum sacrarum inquinantia. Sed iudicium, obsecro, suspende tantisper, & qualem qualem Joannem Ægidium prius lege.

51 Anno MCCXXXI, ut ex relatione Conchenfi & Carabacensi constat, profectus est ex urbe Conchenfi cum salvo conductu Regis Mulei Azebutei, Carabis & Valentia, Dominus Genesius Petri Chirinus, Persona Conchenfis Ecclesiæ, nepos Chirini populatoris Conchæ, Carabacam ad prædicandum Euangelium Christi Christianis captivis & Mauris. Cumque iste sanctus vir Magister Genesius semel plusque quam alias inveheretur in sectam Mahometi; ipso die sanctæ Crucis Maji, iussus est à Rege Azebuteo inter captivos conjici in vincula. Postmodum, anno sequenti mense Januario in fine, cum Rex iussisset captivos duci ad se, visus est & ipse sanctus vir; qui questus est quod in vincula coniectus esset sub fide publica & salvo conductu. Rex dixit, nisi hujus rei rationem habuisset, plane interfecisset: & iussus est recludi; donec sub finem Martii, cum Rex inquireret singulos de suis officiis, Mag. Chirinus dixit, se Sacerdotem esse Christi. Et cum juberet Rex, ut sacrificaret; dixit, id fieri non posse sine sacris vestibus. Missus est qui Concha illas afferret: quibus allatis, & frontali, & ara, & calice & aliis necessariis ad divinam celebrationem, indutus vestibus cum subtristis stetit, dixit Rex, quid subsisteret? Respondit Chirinus, Crucem deesse. Rex vero attollens oculos, vidit duos Angelos afferentes Crucem Patriarchalem, quam abstulerant ex collo S. Roberti Patriarchæ tunc Hierosolymitani, idque Angelis nuntiantibus scitum, & Carabacensibus misso nuntio est compertum.

52 Hæc Crux erat ex ligno sanctæ Crucis, ubi Christus pependit. Perfecit Sacrum Chirinus, & sunt qui dicant Regem in Hostia vidisse puerum formosissimum. Qui tantorum miraculorum magnitudine (ut quod Hierosolymis vulgo jactaretur ante, hanc

annum signans 1231

Et Crucem
allatam
Hierosolymis
dicentis

3 Maji,

crucem disparuisse post annum MCLXXXIV, invenit autem Patriarcha Dositheus) stupefactus, proponit se Christianum fieri: vocatusque est Rex iste, Dominus Vincentius, idque sub Rege Jacobo Aragonum Bellatore. Hoc miraculum accidit ipso die inventionis sanctæ Crucis mense Majo, qui semper in Ecclesia dies illuxit faustissimus, & toti terrarum orbi celeberrimus. Crux etiam ex illo ad hunc diem cœpit multis clarere signis & miraculis, & per Hispaniam illustris haberi. Ego dum hæc scriberem aliquoties allocutus sum, scilicet Azebuteum vel Dominum Vincentem Velvisium. Erat homo comis, humanus, prudens, justus, procero corpore, jure regio, oculis pulcherrimus, facie decora plena majestatis, capillis demissis, integumento capitis serico, veste purpurea, semper multis famulis comitatus: filii eum sequuntur.

peccat contra regiam

53 Hactenus fidele istud & Latinum cœvi testis, si Superis placet, monumentum: sed in quo difficile sit speciem aliquam vetustatis agnoscere, facillimum suspicari novitatem, ex vocibus recentioris plane usus, ut sunt, Salvus conductus, Persona, Magister, Populator, Frontale, Sacrum, Ara, isto seculo XIII non sic nominata. Jacobus Arragoniæ Rex, titulo Bellatoris hic insignitus, ac veluti jam mortuus memoratus (quid enim alias eum attinebat potius nominare, quam Ferdinandum, cui fingitur scribi fabula, cuique suberat Caravaca, medio inter Toletum & Concham illic sita) Rex, inquam Jacobus anno MCCIX primum natus, vix dum excefferat adolescentiam, totis triginta annis Ferdinando superstes. Robertus Patriarcha Hierosolymitanus circa annum MCCXI. primum ordinatus fuit, non Hierosolymis, sed Accone, post captam ab infidelibus urbem sanctam, sede exulantium Latinorum Patriarcharum, certe anno MCCXXXVI primum mortuus est Jacobus de Vitriaco, postulat in Patriarcham, post cujus obitum Gregorius IX ad illam Cathedralem evocavit Valentinum in Gallia Episcopum Gerondum vel Geraldum,

& Patriarchæ chronologiam.

dum, decessorem Roberti. Quomodo autem ad Latini Patriarcha potestatem venisset Crux, à Dositheo Græco & schismatico Patriarcha inventa? Aut quomodo merebatur hic invenire, quod tribus ante captam à Saracenis urbem annis, Latinus Patriarcha Heraclius amiserat?

54. Cur autem vocatur Crux Patriarchalis, & de collo ^{fugit encolpion Patriarchale} sumpta dicitur? Recentius omnino inventum est Patriarchis duplicem Crucem assignare: ut autem ad collum gestari ^{fuisse,} potuisset vice Encolpii (quo nomine appellabant Græci reliquiarias thecas cruciformes, ex catenula de collo gestari solitas, sicut explicat Goar in Euchologio pag. 313) debuisset superne habuisse annulum, per quem catenula seu vitta collo injicienda posset duci: Ast in ligno, unde quaque integro & nusquam forato nullum uspiam est vestigium annuli, cui infereretur ipsa catenula. Sicut ergo ex eo quod in Cruce Carvacana inferne nec clavicula nec clavicula foramen appareat, recte colligit Robles non esse ipsam ex earum genere que hastili imposita præferebantur Episcopis vel Patriarchis; (Si tamen Græcis in hastili præferebatur, de quo valde dubito) sic & nos ex consideratione partis superioris inferre possumus, eandem non fuisse eo factam, ut de collo portaretur. Est ergo simpliciter talis, qualem Græci, non solum Episcopi, sed etiam Presbyteri in Liturgia sua ante se constitutam habent super altari, nulli infixam basi, quo tractari facilius possit quando eâ utendum est, tum ad alia, tum ad benedictionem solennem aquæ, in festo Epiphaniæ eidem ter immergendâ, sicut ipse à Græcis nostris tali die usurpari Romæ vidi. Nec duplici ejus transverso ullum mysterium subest: cum videas à Græcis indifferenter usurpari Cruces, aut semel aut bis transversatas, tum alibi tum in imaginibus Sanctarum Parasceves, Barbara, & Marina ante tomum i Maji pag. LXI & in parvo Moscorum Triptycho, ubi M. Piatenka, id est Parasceve, in manibus duplicata Crux ponitur, uti & in vetustissima S. Rosalie Panormitana imagine in monasterio Marturanensi. Sed cum hujusmodi manuales Cruces inferius manubrium longius habeant, non item Crux Carvacensis restat solum, ut eum quem dixi usum habuerit in Sacris,

non alium ullum. Vnde vero allata sit, definire præsumat nemo; nemo etiam cum fundamento asseveraverit formatam esse ex ligno vera Crucis, ex qua pependit Dominus. Satis nobis sit, quod Angelorum ministerio allata credatur; quod utique ad eam specialius venerandam fidelibus omnibus abunde sufficit.

Et contra-
ria est vetu-
stissima in-
scriptioni
Arabica

55 Nunc quod attinet ipsum qui in principio notatur annum, non Hispanica Ara, quæ tunc adhuc sola in usu erat, sed à Christi nativitate numeratum, communi omnium aliorum quæ Higuera produxit figmentorum vitio: quod, inquam, ad annum attinet MCCXXXI, propter quem ætati S. Ferdinandi res hæc adscribitur, falsitatis eum convincit,



quamvis nesciat, ipse Robles, quando cap. 13 proponit formam orbicularis fenestra, in turri Caravacana adhuc servata, per quam ipsi sacello, & altari ubi Crux sancta custoditur, lumen venit; & interpretatio characterum veterum Arabicorum in pariete circumcirca sculptorum, quam ait hanc esse, scriptam à peritissimo Linguarum peregrinarum interprete, Licentiato Michael de Luna medico. Anno quingentesimo nonagesimo quarto Arabum, tempore Mahomet,

notanti an.
Heg. 594

met, Abuzeyt Rex potentissimus, & triginta homines, in hoc habitaculo conversi fuerunt ad Salvamenti veram legem (& hoc Dei gratia Cruce duplicata mediante, quam Angeli Dei attulerunt) & alii multi eos comitantes & adjuvantes ad celebrationem: ad quorum memoriam hæ littere fuerunt cælatæ.

56 *Anni Hegiræ Arabicæ lunares sunt, dierum dumtaxat CCCXLV, quorum epocha ab omnibus nunc peritis constituitur in anno DCXXII, die XV Iulii; sic ut primus iste annus finiatur anno DCXXIII die III Iulii: atque ita retrogradiendo per dies X, progredimur, donec circulo nostrorum mensium revoluta, annus unus Arabum incipiat mense Ianuario, & sequens mense Decembri unius ejusdemque nostri anni; sicut fit anno DCXL, quando cum die I Ianuarii inchoatur annus Hegiræ XIX, & die XX Decembris annus XX ejusdem Hegiræ; tum vero post quoslibet triginta duos annos idem usu venit. Sic ergo procedentibus annorum triginta duorum cyclis, contingit annorum numerum Arabibus, magis quam nobis crescere; & annum illis DXCV, qui equaliter progrediendo nobis debuisset esse MCCXV in isto progressu inæquali solum est MCXCVII, quemadmodum videre est in tabella chronologica, inserta novo Glossario Cangii ad vocem ^{quiesc} ~~sti~~ 1198.*
Annus, continente epochas, tum antiquiores recentioresque alias, tum etiam Arabum, in annis expansis à Iacobe Gravio Anglo reductas.

57 *Iste autem annus MCXCVII Christi, ad quem prænotati characteres Caravacani reducuntur, optime convenit cum imperio Mahumad; qui videtur post cladem Christianis illatam anno MCXCV successisse patri suo Miramolino, in Africam compositis induciis regresso, qui his finitis parem ad Navas Tolosanas cladem recepit anno MCCXIII: post quam in Africam regressum volunt, relicto Hispaniarum regimine. fratri suo Zeyt Avozecrith, sicut cum Rodericus appellat. Quidquid autem sit de isto recessu, dicit Robles Mahomadum obiisse anno MCCXIX; atque ita destruit, quod maxime probatum cupiebat, de anno MCCXXII quo Crux Carava-*

*pertinens ad
tempus R.
Mahomad.* cana sit allata: siquidem jam non amplius vivebat Mahomad, quo regnante res contigit. Mirum est autem quod in annis Arabum ad communem calculum reducendis, neglecta methode quam agnoscit tradi à Marmol in Historia Africana, & à Mariana in Hispana, utique talium intelligentissimis; maluerit sequi Pinedam, docentem quod Mauri lunares suos annos æquaverint solaribus, triennali quodam embolismo; atque ita eos habuerint æquales nostris. Nam etiam hoc posito, quod tamen non probatur in usu civili valuisse; posito etiam quod Epochæ Hegiræ prædictæ sumenda sit ab anno DCXXX, quod tamen, jam non recipitur; additi ad DCXXX anni DXCV non plures faciunt quam MCCXXIV; atque ita transitur ætas Mahometi, nec tamen obtinetur annus qui prætenditur MCCXXII.

*quando non
regnabat S.
Ferdinandus,* 58 Subverso in istum modum Higuera figmento, & vel ex ipsis Caravacensibus monumentis falsitatis convicto; corrumpunt omnia quæcumque ruinoso isti fundamento Castellani Arragonique scriptores, à Robles citati, inadificarunt; fingendo circumstantias, quibus orsam male fabulam adornarunt. Vt quod Abuzeyt fuerit ille à Roderico nominatus Avozecrith, frater Mahomadi, idemque Rex Murcia, Valentia & Caravace: qui Ferdinandi atque Jacobi Regum armis concussus, pacis causa Concham venerit ad Ferdinandum; hospitioque Genesii Presbyteri usus, eidem fecerit facultatem Caravacam excurrendi: post miraculum vero allate, ut dictum est, Crucis, suumque baptismum coram Ferdinando Rege & filiis celebratum, regno privatus à rebellibus subditis, confugerit ad eundem Ferdinandum cum uxore & filiis, Alphonso & Ferdinando in baptismo dictis: multisque donatus possessionibus, post rem fideliter contra Mauros gestam in obsidionibus Cordubensi ac Hispalensi, apud Concham consenuerit & vixerit usque ad annum MCC-LXX octogenario major, quidquid in regno Valentino jam Christiano possidebat dono Jacobi Regis, relinquens prædictis filiis; de aliis vero in Murciensi regno possessionibus, disponens in favorem Hospitalis S. Iacobi Conchenensis.

59 Si conjectare liceat, mihi nihil propius verosimili occurrit, quam quod Abuzeyt iste Caravacanus, Alphonfi ^{sed unus a-}
IX initio fuerit Rex Conche, & subditus Mahomado, sicut ^{ius Alphon-}
& alii plures civitatum majorum Reguli, Reges dicti, quod ^{sui.}
essent è regio sanguine, vel ex usu seculi XIII, cum plurimi
sibi titulum istum sumerent inter Mauros. Hic vero, Concha
ac tota circum regione per Alphonsum prædictum sub-
jugata anno MCLXXVII, vitam ac libertatem pactus, permissus
sui more suo vivere Caravacæ; Mauris autem circa annum
MCXCV erectis præsentia Regis Almahadi, immani cum ex- ipse vero
ercitu ex Africa trajicientis, amissa recuperare sperans Abu- nascitur.
zeyt iisdem se conjunxerit, pugna & victoria ad Alarcu-
rim, anno istius seculi XCV obtenta, particeps; ex eoque fe-
rocior erga Christianos, quorum complures abduxerit secum
Caravacam. Inter captivos autem habuerit etiam Sacerdotem
istum, cujus nomen ignorare malim, quam ex Higuera discere;
& eo Missam celebrare jussu, factum sit miraculum, propter
quod non solum ad obedientiam Alphonfi redierit barbarus,
sed etiam ad Christianam fidem accesserit, cum aliquot è suis
anno MCXCVII. Cum autem eodem isto anno natus sit S. Fer-
dinandus, dici potest præsagium hoc fuisse, quod per eum
Crux exaltanda plurimum, atque ad sacra religionis cultum
toto istæ regio reducenda foret. Sic optime consistunt, nec ni- Rei gesta
hil ad S. Ferdinandi laudem faciunt, quæcumque ante Hi- historia
guera signa Caravacæ sciebantur de revelatione & histo-
ria Sanctæ Crucis: atque imprimis relatio facta à Commenda-
tore Caravacensi Garcia Lupi de Cardenaz, anno MCCCC-
LXXX exhibita coram testibus & Notario, ex suo originali
Hispano apud Robles cap. 11 sic Latine sonans.

60 Omnibus, quaternum hunc testimonii visu- multo vera-
ris, quos Deus honoret & servet à malo. Ego Gar- cius discen-
cias Lupi de Cardenas, Commendator Carabacæ, da ex M^{ss},
Concilium, Equites, Scutiferi, Rectores, Officiales Carava-
& Boni-homines prædictæ villæ, inclinamus & 1480
commendamus nos vestræ gratiæ & nobilitati, tam
quam iis quibus optamus, ut Deus honorem multum
multamque felicitatem impartiantur, Sciatis, quod
ad

ad notificandum & demonstrandum fidelibus omnibus Christianis statum veræ Crucis Caravacensis, & miracula quæ per illam sunt facta ac fiunt quotidie, uti visibiliter conspexerunt majores nostri, & nos conspiciamus quotquot hodie sumus habitatores hujus villæ; mittimus Gratiæ vestræ Procuratorem nostrum, Fr. Petrum Prædicatorem Ordinis Prædicatorum: quem etiam rogamus ut velit habere custodiæ ac gratiæ vestræ commendatum, juvetisque elemosynis vestris, ad exornandam reparandamque sanctam ecclesiam & turres sanctæ ac veræ Crucis, quæ in hunc modum reperta est.

*narante,
quod defi-
ciente ad
Missam
Crucis,*

61 Cum Rex Zeyt Abuzeyt, suo tempore potens Rex Carabacæ, haberet captivum Clericum quemdam Presbyterum; accidit sciscitari ex eo Regem, quare Missam celebraret. Qui respondit, Scito, Rex quod omnis Clericus ordinatus ad Missam, postquam sacris vestibus indutus est, & protulit sancta illa verba, quæ Christus dixit feria quinta in cœna, Hostia illa quam elevat fiat caro, & vinum in calice merus sanguis: & sic conficit Clericus corpus Dei puri ac veri. Dixit Rex, quod hoc non crederet, nisi seipsum faceret id videre. Respondit Clericus, Domine, si mihi facis adferri omnem apparatus necessarium ad faciendam Missam, faciam te videre quod cupis. Tum Rex mandavit ut quidquid necessarium erat referret in syllabum ad memoriam: & hoc fecit Clericus, nisi quod oblitus fuerit Crucis. Deinde misit Rex nuntium suum; quo reverso, die mane sequenti surrexit Clericus, & recitavit Horas suas; unaque cum Rege ingressus turrin castri, ubi vera Crux est, vestivit sese, fecit confessionem devote, & accedens ad altare veneraturus Crucem, nullam reperit: quapropter animo consternatus conversusque ad Regem, dixit, Deficit una ex rebus maxime necessariis ad Missam dicendam. Quærenti vero, quæ; respondit, Crux, Domine. Tum Rex aspiciens versus altare, visa ibi sancta

*ea ab Ange-
lis allata
sit,*

sancta ac vera Cruce, dixit: Estne ista, quæ stat supra altare? Accepitque illam Clericus cum magna devotione, & cœpit Missam dicere. Et quando elevabat Hostiam, animadvertit Rex inter manus Clerici puerum candidum & formosum: ille autem Missam absolvit.

62 Eadem hora cognovit Rex Zeyt Abuzeyt, quod lex Christianorum erat res sancta: & liberavit Clericum, factusque est Christianus ipse, & ^{conversus Rex baptizatus.} subditi ejus quotquot voluerunt: & dedit terram suam Christianis: qui vicissim ei dederunt turrim circa Concham, quæ vocatur turris Abuzeyt, ut illic vitam duceret: & ibi sepultum jacet ejus corpus. Atque hæc est primigenia historia veræ ac sanctæ Crucis, quamvis pro dignitatis suæ magnitudine satis describi nequeat.

63 Venio ad antiquissimas in Caravacensi ecclesia picturas, quas idem Robles describit cap. 14. tam consonantes jam dictæ narrationi, quam nihil continentes quod ^{Consonantibus veteris pictura,} faveat figmentis Higuera & sequacium ejus. In pariete collaterali altari, quod est in capella sanctæ Crucis, ad latus Evangelii, cernitur pictura Regis, equo insidentis, & toga cerulea induti; juxta quem stare videtur multus populus, Clericum captivum adducens: in ora autem togæ extima, velut acupictæ cernuntur hæ notæ,

DNVLPORRHEESVIN

SELONELKH NSJETT

quas Licentiatius Luna sic interpretatur: In memoriam meæ conversionis, & ad gloriam Dei, obtuli hanc Regiam vestem, ad induendum eam in die sanctæ Crucis, propter solennitatem festi.

64 In



Indulgentia cum Crucibus Caravacanis alias edita, tam de eo quod ante Higuera credebatur, nihil absurdi continens aut non verosimile; quam de eo, quod antiquis adjecit somniator iste, & stolidissimarum nugarum propola primus, nullo nisi emotæ mentis titulo excusabilis. Item quod in Gallia Historiæ Caravacane epitome, hic Antverpiæ vulgata per quemdam Carmelitam Discalceatum anno MDCLII, aliisque Latine & Hispanice editis Relationibus quas non vidi, subtexantur Indulgentiæ, velut applicatæ Crucibus, at tactu Caravacane Crucis sacratæ, per Papam Pium V, & confirmatæ per Papam Gregorium XV anno MDCLXII, ac denuo confirmatæ per Papam Urbanum VIII: quarum indulgentiarum ultimus, articulus, qui debuisset à Gregorio fuisse adjectus, prioribus omnibus addit pro habentibus tales Cruces, Benedictiones concessas in Canonizatione S. Caroli Borromæi facta à Paulo Papa V annis XLVIII post obitum Pii: hæc autem sunt tam amplæ, ut tales ulterius non propagandas, nec tanta cum plenitudine elargiendas censuerit Papa Alexander VII, id nobis suomet ore testatus anno MDCLXI.

declarantur apocrypha.

67 Decretum ea de re promulgatum anno MDCLVII habes, apud nostrum P. Georgium Gobat in Quinario, Tract. 4 de Indulgentiis num. 678, in quo etiam diserte cavetur omnis alienatio rerum Indulgentiis præditarum; ita ut nec commo- dato quidem alteri concedi possint: Cruces autem istæ trans- eunt de manu in manus, non solum donatione, sed etiam venditione. Extat etiam apud eundem Gobat num. 703 In- diculus Indulgentiarum, quas apocryphas declaravit sacra Congregatio Inquisitionis, sub die XVIII Maji ejusdem anni MDCLVII; ubi penultimo loco ponuntur Indulgentiæ concessæ Crucibus de Caravaca: ob quæ aliæque num. 705 idem auctor concludit, quod manifestis impostoribus ac- censendi sunt omnes, qui vendunt donantve eas aliis, tamquam ornatas Indulgentiis, saltem post hujusmodi Decreta; si tamen adhuc inveniuntur aliqui tam temerarii, quod non puto, nisi forte ex prædictorum ignorantia, cui consultum oportuit indicio abusus præteriti. Qui etiam ne latius apud nos serperet, cavere volens R. P. Guilielmus de Wael

Vael Flandrobeltica nostrae Societatis bis Praepositus Provincialis, anno MDCXLIX Teutonice imprimendam vulgandamq; curavit Epitomen praememoratae Historiae, sumptam ex eodem Robles, omisis istiusmodi Indulgentiis: qua occasione in formam aliquanto minorem, quam Robles dederat, & elegantiore nonnihil, contracti fuerunt inscriptionum Arabicarum typi lignei, quibus hic usus sum.

68 His jam praelo subjiciendis, dum typos emendo, video characteres omnes Arabicos, qui à dextris ad sinistram duci debuerant, more nobis contrario, inversos reperiri apud Robles, quomodo eosdem etiam hic incidendos curarunt alii, quorum antiquis formulis usus sum, ea sola excepta quae ponitur num. 64, quae quia inter operarum manus amissa fuerat, de novo sculpta est. Non lubet ob rem tantillam praelum sistere, donec novae figurae sculptae fuerint; cum eruditus lector excusaturus sit facile errorem ex aliena ignorantia commissum: Orientalium vero linguarum imperito perinde sit, quomodo scriptas inveniat litteras quas non intelligit.

CAPVT VII.

Ingens victoria de Mauris ad Xerez relata per Alphonsum sancti Regis fratrem.

NArrat porro historia, quod cum Rex Zamoram venisset, uti superiori capite dictum est, inde miserit fratrem suum Alphonsum ad incursionem faciendam in terras Maurorum, jungens ei D. Alvarum Perez de Castro, natione Castellani, ut exiguum Infantis a juvenis experientiam grandi sua prudentia suppleret cum titulo Capitanei: erat enim Eques perquam strenuus & exercitus in armis: occasionem vero magnum aliquem successum sperandi contra Abenhuc Maurorum Regem offerebat subditorum ejus contra ipsum rebellio, postquam Ambalule Miramolius Marocchos redierat, trajecto mari. * Infans ergo Alphonsus;

69

Missus Alphonsus frater,

a

G

fus;

*cum Alvaro
Perez
belli duce,*

fus, secundum mandatum Regis Salamanca egrediens, cum Capitano suo D. Alvaro Perez & D. Egidio Manrique, perrexit Toletum: & assumptis ibidem equitibus quadraginta, transito Muladarii portu, venit in Andujar: unde D. Alvarus in omnes partes emisit expeditos equites, qui prædam infinitam collegerunt, Cordubam usque progressi, quidquid poterant expilando destruendoque; & sic pervenerunt Palmam **b**, quam generose oppugnaverunt, eaque vi capta omnes intus repertos Mauros ad unum usque interfecerunt. Inde vero ingressi Hispalense territorium, conculcando omnia & mactando, transita Hispali **c** procurrerunt usque & Xerez, miseruntque cursores & prædam multam fecerunt. Collectis autem manubiis, mandarunt Infans & D. Alvarus tentoria poni prope Xerez secundum fluvium Guadalete: ubi equitatum traduxerunt provide & caute.

*contra
Maurorum
copiosissimum
exercitum,*

70. Rex interim Abenhuc, ex quo scivit quod Infans popularetur Andaluзіam, quantasque prædas ibi ac ruinas faciebat, iussit convocari quidquid erat Maurorum ex hac parte maris, secumque proficisci Xerez ubi erat Alphonsus: itaque collecta est undique multitudo magna, non solum imperio Regis sui sed etiam famâ Infantis excita. Considerans ergo Abenhuc Christianorum exercitum, & minime numerosum esse intelligens, certo credebatur quod non posset elabi sibi de manibus: idemque credidisset, quicumque collatas utrimque vires inter se comparans, non cogitasset Deum posse in paucis æque ac multis vincere. Quare castris positis in oliveto, inter Christianos & oppidum, ante omnia peditibus suis edixit, ut præpararent multa vincula funesque ad vinciendos captivos; quod sane neutiquam frustra fuit, suum enim usum opportune habuerunt, ad ipsosmet constringendos abducendosque.

71. Non tamen Christianos, quia pauci erant, contempsit Rex Abenhuc: sed curavit, ut aciem instrueret quam

quam ordinatissimam contra eos, eamque in septem
 turmas distribuit; quarum minima mille quingentos
 equites, quædam bis mille numerabant, aut et-
 iam amplius: adeo ut totus equitatus Christianorum
 non posset cum minima Maurorum cohorte æqui-
 parari, quamvis conjunctus eis esset filius Regis d Baë-
 zæ; qui erat Regis Ferdinandi vasallus, Infantique ad
 expeditionem progressuro submiserat istum suum fi-
 lium, cum equitibus ducentis ac trecentis peditibus.
 Venerant etiam ad Infantis subsidium multi Fratres
 militarium Ordinum S. Jacobi & Calatravæ: sed fi-
 nius omnes respectu Maurorum pauci erant. Reperti
 quoque in eodem prælio fuerunt Tellus Alphonsus,
 & Ruy Gonzalez de Valverde, in eoque generosissi-
 me se gesserunt: universus autem Christianorum nu-
 merus, tam equitum quam peditum, vix censebatur
 mille quingenti.

72 Hi tam pauci, videntes tantam Maurorum mul-
 titudinem collectam, haud parum fuerunt conterriti;
 maxime cum hostibus subsidio venit quidam Rex A-
 rabum cum septingentis equitibus: qui post Christia-
 norum terga se collocantes, majores etiam angustias
 fecerunt, neque progredi neque regredi valentibus:
 utpote quibus ab una parte obiciebatur fluvius valde
 profundus Guadalete, ab altera Maurorum exercitus.
 Nihilominus D. Alvarus, ut erat dux strenuus, ani-
 mos addere suis conatus, tam efficaces adhibuit ratio-
 nes, ut excusso metu expeterent prælium, ac si de-
 cuplo plures Mauris fuissent. Frontem aciei obtinebat
 Alvarus, posteriora tuebatur Alphonsus, habens apud
 se Mauros quingentos ea excursione captos, quos
 omnes ut decapitari juberet Infans, edixit Alvarus,
 id enim in præsentī casu convenientius videri. Inito
 deinde cum præcipuis militiæ suæ capitibus consilio,
 decreverunt peditatum ab equitatu sejungere, sicuti
 & Mauri fecerant; non tamen in turmas dividere
 suos, sed in unam omnes phalangenī componere.

Mandavit etiam ut pedites quam multi possent mulas & jumenta farcinaria conscenderent, turmamque construerent, & sese ad eam partem jungerent quæ magis urgeretur.

*animati ad
pugnam
milites &
expiati,*

73 Ingens erat Maurorum clamor fremitusque, tympanorum vero æneorum crepitus atque tubarum clangor tam horrendus, ut cælum terraque misceri viderentur. Illo autem die, quo pugnandum erat, tunica delicata se vestit Alvarus; sumptaque in manus virga, veluti satis superque instructus ab armis, adhortabatur milites ut parvi facerent Maurorum potestatem, fiduciam omnem collocantes in Deum, qui eis daturus esset victoriam de sanctæ suæ fidei inimicis. Tum Christiani, quotquot habebant copiam Sacerdotum, confitebantur eis peccata suâ; alii vero mutuas excipiebant confessiones: prius autem quam congredierentur exercitus, D. Alvarus Perez. Equitem ordinaverat Garciam Perez de Vargas, cujus deinde multa erit mentio in historia, & hoc principium fuit armorum ejus.

*invehuntur
in hostem,
eumque
fundunt,*

74 Absolutis Confessionibus Christianorum, cum sibi invicem mutuas condonassent offensas, seque Deo commendassent ex animo; misit D. Alvarus nuntium ad Infantem in fine consistentem, ut (quem admodum convenerat) in unam phalangem jungerent sese: quo facto exorsus denuo est Alvarus omnes animare, in hanc illamque partem discurrens, eaque suggerens magna cum prudentia quæ res locustque postulabant, ad excutiendum timorem & alacritatem ciendam. Itaque juncti simul omnes, inclamantes S. Jacobum & aliquando Castellam, inveci sunt in Maurorum turmas; quarum primam perumpentes, moxque secundam ac tertiam, singulas denique unam post aliam profigarunt, disjicientes ac mactantes quoscumque obvios, cum maxima ubique clade. Adeo autem se illis permiscuerunt Christiani, ut unum Maurum cum altero non sint passi consistere.

Sic

Sic disiecti confusique verterunt terga, qua maxime poterant fugientes, insequentibus eos Christianis atque mactantibus & infinitos captivantibus, usque ad portas Xeresii: ubi ingens fuit Maurorum invicem se prementium, imo & occidentium strages facta. Perdites autem, præ numero cadaverum super campum stratorum, vix poterant progredi, & tamen multos etiam ipsi captivos fecerunt.

75 Grande eo die miraculum in favorem Christianorum creditur operatus fuisse Deus, misso ad eos in prælio juvandos sancto Apostolo Jacobo, idque duabus de causis sustineri potest. Primum quia impossibile erat, Christianos tam paucos, de Mauris decuplo pluribus, reportare victoriam istiusmodi absque simili auxilio; deinde quia plurimi ipsorummet Maurorum dixerunt, se vidisse Equitem equo albo investum cum vexillo albo in manu una, gladio evaginato in altera, quem alii multi Equites albi sequebantur: vidisse etiam per aërem discurrentes Angelos: quodque Equites isti multo plus damni inferebant Mauris, quam ipsimet Christiani, quorum etiam aliqui idem se conspexisse testati sunt.

*à S. Jacobo
apparente
adjuv.*

76 Sed regrediens ad historiam, dico, quod cum eo modo campum obtinuissent Christiani, Mauris partim caesis partim captis fugatisque, inter mortuos numeratus fuerit Rex Gazularum aliique honoratissimi multi: in cæde autem prædicti Regis præcipuam laudem retulit novus, quem diximus, Eques Garcias Perez de Vargas: hic enim occidit eum. Ipse autem adduxerat septingentos illos equites Arabes, unde maximus terror Christianis in principio fuerat incussus. Quamquam enim historia eos superius Arabes nominet, hic vero Gazulas, de una tamen eademdemque gente ac Rege intelligenda est. Hic siquidem quasi ex voto, in sui Mahometi honorem peregrinatione suscepta, cum transitum hac haberet, accepit à Rege Abenhuc civitatem dictam de los Gazules, f

*Rex Gazula-
rum occi-
duntur*

G 3

utique

*Rex Aben-
huc fugit.*

utique ab iis qui in hoc prælio adfuerunt. Porro Rex Abenhuc, cæsis ac dispersis copiis suis, non credidit satis tutum se esse Xeresii, & quam occultissime potuit, se recepit, ea via qua sperabat posse evadere.

*Christiani
præda in-
genti po-
tuntur;*

77 Christiani vero plena potiti victoria, redierunt in campum ad colligenda spolia, quæ plane innumerable erant; adeo ut fastidio denique essent colligentibus, maxime quia tentoria inveniebantur tam plena ac referta omnis generis annona, ut nihil esset aliunde conquirendum. Toto etiam tempore quo ibi substiterunt, non aliis ad focum lignis usi sunt quam hastis lanceisque & telis confractis; vincula & manica ac funes, quæ præparari Abenhuc jusserat pro abducendis captivis Christianis, perquam necessari fuerunt ipsismet colligandis, quorum tamen numerus copiosior fuit quam apparatus vinculorum. Post hæc effuderunt se pedites per oliveta, in quorum densitate adeo multos Mauros mactarunt & ceperunt, ut licet eos dumtaxat occidissent atque cepissent, solæ hæc postremæ manubiæ abunde eos potuissent locupletare. Multi Equitum Christianorum insignia in hoc prælio patnaverunt facinora: imprimis autem D. Alvarus Perez, quamvis cum sola virga armatum ad pugnam venisse *g* Historia dicat. Similiter fecerunt etiam Ægidius Manrique, Tellus Alphonsus, & Ruy Gonzales, atque alii plures, ferientes lanceis, gladiis & clavis; Equites etiam Toletani varii, quorum gesta narrantur, ei qui non viderit difficilia creditu: Fratres quoque militarium Ordinum grandem Maurorum fecerunt stragem; omnes denique, per gratiam Dei auxilium ferentis, generosissime se gesserunt.

*imprimis
Didaci*

78 Inter ceteros celebratur quidam, Didacus Perez de Vargas dictus, ipsius D. Alvari subditus, cui contigit ingentes suas vires hac occasione monstrare. Cum enim amissis inter præliandum hasta atque ense, aliud nihil haberet quo manum armaret; rescidit ab

ab olea quadam nodosum ramum, cum coque ingressus qua maxime calebat pugna, à dexteris & à sinistris graves ictus incutiebat, patrabatque facinora justis armis vix exequenda; quibus cum delectatus plurimum Alvarus identidem acclamaret Eia, eia Didace, Machuca, Machuca, id est Contere, Contere, mansit Equiti isti ex eo die cognomen istud, quod hodieque ex posteris ejus aliquibus adhæret.

79 Alius ejus frater germanus, dictus Garcias Perez de Vargas, ille quem creatum Equitem ante pugnam fuisse diximus & Regem Gazularum interfecisse, alia plura insignia opera eo die fecit, quamvis casotertium ejus equo sumendus toties novus ei fuerit. Deinde autem in aliis occasionibus quibus adfuit magna effecit, quemadmodum in decursu historiæ apparebit: æquum est enim virorum fortium generosorumque Equitum commemorare heroicæ actiones, non minus quam degeneres aliorum culpas.

80 Accidit autem casus perquam notabilis die ista duobus inter se cognatis Equitibus, odio invicem prosequantibus: scilicet, quod cum sibi mutuo confitebantur milites inituri certamen, is cui magis videbatur incumbere ut alteri satisfaceret, veniam à commilitone petiit solum *h* pro die illa: & hic erat jam nominatus Didacus Machuca, alter vero Petrus Michael vocabatur, Toletani ambo. Sed Petrus ignoscere Didaco noluit, quantumcumque à Clericis ac viris religiosis admonebatur (quamvis etiam ipse Infans D. Alphonfus ac D. Alvarus Perez cum rogarent) nisi hac sola conditione, ut Didacus complexum ejus admitteret; id scilicet agens, ut eum occideret: tantarum enim erat virium, ut quemcumque posset complexu stringere *i* elisum suffocaret. Cum ergo Didacus conditionem abnueret, nolens tali periculo se exponere, nec aliter quam in Dei servitio mori propositum habens; ambo ad pugnam sunt progressi.

*Garcias
Perez frater
trium.*

*Quidam
volens ini-
mico ante
pugnam re-
conciliari.*

h

i

*in eadem spe-
lus perit.*

G 4

Placuit

Placuit autem Deo, quod ex omnibus Equitibus Christianis ad praeliumeductis, solus Petrus Michael, qui commilitoni noluerat condonare offensam, consideratus sit, neque inventus postea aut vivus aut mortuus; quamvis visus sit in ipso conflictu singularia multa patrare facinora, præ grandi virium suarum robore; & licet post receptum fuerit diligenter quæsitus. Sunt quidem qui affirmant, quod nimio prosequendæ cædis ardore abreptus, inter fugientes Mauros Xeresii portam sit ingressus, ibique numero obrutus & occisus: verum nihil certi potuit de eo resciri, ad exemplum eorum, qui audent prælio se committere, prius quam offensam deprecanti sodali eam condonarint.

*Victores re-
vertuntur
ad Regem.*

81 Grandes fuerunt favores quos Deus in illa die Christianis fecit, grandis honor & gloria quam hi retulerunt, nec minor confusio barbarorum, quando quidem ex toto fidelium exercitu vix decem homines occubuerint, Maurorum vero cæsorum atque captorum numerus modum omnem excefferit. Itaque Infans Alphonsus & D. Alvarus Perez multa laude clarum & spoliis opimis onustum exercitum reduxerunt ad propria; filius autem Regis Baëzæ gloriosus & opulentus revertit in patriam. Illi vero Palentiam venientes, ubi Rex Ferdinandus erat, perquam benevole sunt excepti. Victoria porro ista, causa fuit cur Christiani postea acquisierint totam Andaluziam: tantus enim terror incussus est Mauris, ut numquam potuerint pristinos animos viresque resumere k.

ANNOTATA.

a Rudericus lib.8 cap.13. docet, Alphonsum Castella Regē an.1213 celebrasse Peztecosten, præsentibus uxore Alienor & filio Henrico & filia Berengaria & nepotibus Ferdinando & Alphonso:

erat ergo Alphonsus tunc saltem trium aut quatuor annorum puer, atque adeo nunc agebat ætatis annum haud minus quam vigesimum quintum.

b Palma, oppidum Andaluzia inter

inter Cordubam & Hispalim, trans Batim.

c Xeres de la frontera, juxta fluvium qui paulo post in mare influit ad sinum Gaditanum, dicitur de la frontera, quia respicit consinia Regni Granatensis, quod diu mansit in potestate Maurorum, sub tributo tamen, ut mox videbimus; atque ita distinguitur ab altero ejusdem nominis oppido, in consinjis Andalusia & Alegarbia, dicto Xerez de Guadiana, quia ad Ana flumen situm circa ejus ostium.

d Cum ergo supra nura. 37 dicitur Rex, tradente Arabum Principe, cepisse Beatiam aliqua vicina loca; intelligo non omnia retinuisse, sed quadam restituisse amico jam ac tributario, cum titulo Regis, ad continendos facilius Mauros Granatenses; Beatia tamen ipsa Christianis incolis data, cum Episcopo inferius nominando, non fuit reddita.

e Etiam hoc tempore, in defectu Sacerdotum urgente periculo certaminis vel naufragii, aliquando tale quid usurpatum scio; vix credo tamen aut olim aut recentiori memoria fuisse audeo rudes Christianos, ut crederent ejusmodi Confessionem aequo esse Sacramentalem, ac est Baptismus in casu necessitatis collatus à laico, sed solum pro actu aliqualis poenitentiae eandem usurpavisse.

f Alcala de los Gazules exprimitur in tabula, unius dumtaxat diei itinere distans à loco pugnae inter Medinam Sidoniam & Arundani.

g Historiam suam, an priorem aliam à se transcriptam, auctor intelligat, haud facile est dijudicare ex phrasibus, identidem licet recurrente. In Summario Processuum num. 50 Testis primus super art. 51 dixit, quod omnes historiae; tam im-

pressa quam manuscripta, narrent miraculosum successum conflictus ad Xerez, & quod ibi apparuerit S. Jacobus; eundemque etiam refert Lopez Garzia de Salazar, cujus Ms. est omnium quae sunt in Hispania Mss. Codicum auctoritate praecipuum fol. 647. Mex autem narratur successus hic relatus inter duos milites dissidentes, & supponitur Ferdinandi Regis mandatum fuisse, ut milites sui ante conflictum mutuas sibi invicem condonarent offensas. Si quis praedictum Ms. habeat & simul Chronicam Ferdinandeam, dijudicare poterit uter auctorum alterum transcripserit, & junior sit.

h Non credo tamen solum ita intelligendum, ut voluerit post pugnam resumere inimicitiam is qui reconciliari petebat; sed idem hic valere, quod saltem: quamquam hoc non minoris simplicitatis fuit, quam quod supra dicitur Rex Legionensis petivisse, ut saltem per tres annos sibi liceret cum consanguinea matrimonio uti.

i Nemini à incredibile videatur: nam & parentum nostrorum memoria fuit in Antverpiensi arte Hispanus miles, tantarum virium, ut rhedam, à duobus equis effuso currentibus protractam, retro apprehendens sisteret, vectem ferreum grandem trans fossas latissimas murosque sat altos in arcem jaceret, stannearum lancium oras flectendo crisparet solis duobus digitis, & pomum manu comprehensum non dimitteret, quamvis quatuor alias robustissimi viri simul id niterentur extorquere.

k Hic primum ponit Chronica ex Roderico captam Ubedam & mortem Reginae Beatricis, ut videatur hanc victoriam relatum dicere ipso anno 1234.

Fides confirmatur
Aus memorandi ad
Xerez

Hispani u-
nus stupen-
da fortitu-
do.

CAPUT VIII.

*Cordubense suburbium intercipitur, urbs deinde ipsa
obsidetur.*

82 **Q**UINQUE annis a post patris sui Alphonfi
a mortem, iam bene stabilitus in regno suo
An. 1235. Legionensi strenuus Rex Ferdinandus, cap-
taque Ubeda gloriosior, anno MCCXXXV ob-
sedit Cordubam, civitatem Regiam, unam-
que ex præcipuis Andaluziæ, idque hac ratione. Cum
Ferdinandus Regnum Legionense visitando obiret,
administrans iustitiam & curans publicum commo-
dum populorum; contigit eum venire in oppidum
Benavente, eo ipso tempore, quo Christiani Mauris
vicini equites ac pedites, cum velitibus ac veteranis,
convenerunt in Andujar quod Christianorum erat.
Factaque in regnum Cordubense excursionem, inter
spolia quæ retulerunt, etiam adduxerunt Mauros ali-
quot; ex quibus intellectum est, gentem istam Cor-
dubæ perquam securam agere, neglectis vigiliis cu-
stodiisque, eo quod à Christianis nihil sibi crederent
formidandum. Offerebant autem illi se parandam
eis viam, designaruntque modum quo capi subur-
bium unum posset, Arabice Axarquia b nuncupatum;
de quo facile convenit, quia credebatur per illud
posse obtineri civitas, sicut & factum est.

*Mauris cap-
tivis sugge-
rentibus.*

83 Tum deliberatum est, qua ratione dispo-
nerentur omnia, ad executioni mandandum adeo salutare
consilium; paratæque sunt scalæ & omnis alius ne-
cessarius apparatus. Visum deinde est occupadam
noctem aliquam obscuram & pluviam, qualem cito
promittebat mensis, qui tum currebat, Januarius.
Rebus sic compositis, omnium certiores fecerunt
Petrum Ruyz Tabur, & Martinum Ruyz de Argote,
miseruntque Martos, ut id de quo conventum erat
indica-

indicaretur D. Petro Ruyz, & D. Alvaro Perez fratri ^{persuasi}
 ejus; significantes quod pro tali, quam nominabant, ^{suburbium}
 nocte cuncta habebant ordinata; adessent illi cum ^{tentava} Christianis
 justo militum numero in succursum. Dum nuntius
 excurrit Martos, ipsi quantas potuerunt copias ag-
 gregarunt, & in eam qua condictum erat noctem
 scalas suas expederunt, ac minimo strepitu subie-
 runt usque ad pedem antemuralium; maceriamque
 circumeuntes, auscultabant solícite an in turribus
 & antemuralibus vigiliæ agerentur; inveneruntque
 mutire neminem, sed omnes alto sopore teneri, ple-
 numque mediæ noctis silentium servari.

84. Cunctis autem probe exploratis, suoque con-
 silio favere judicatis, locuti sunt cum quibusdam il-
 lic repertis Christianis, quid agendum esse putarent.
 Respondit autem iis Dominicus qui viam monstra-
 verat. Domini mei, suaserim ego, ut benefacientes ^{hiberna no-}
 signum Crucis, commendemus nos Deo vero & glo- ^{liis silentio}
 riosissimæ Virgini matri ejus benedictæ sanctoque ^{accedunt,}
 Apostolo Jacobo, & sic viribus omnibus connita-
 mur hoc opus effectui dare; ideo enim huc venimus,
 fidentes Deo ejusque benedictæ Matri quod nos ju-
 vabit, quia agitur de ejus servitio & honore atque
 exaltatione sanctæ fidei ejus. Quod si nequeamus ja-
 cere sparteas hasce scalas, utamur ligneis, atque per
 eas conemur ascendere. Primi autem ascendant qui
 melius è nobis callent Arabicam linguam & gentis
 more vestiti sunt, ut occursum forsitan eis Mauri suos
 esse credant, neque agnoscant qui sint. Qui autem
 sic ascenderint, satagant primam turrin occupare,
 donec ascenderit multitudo reliqua.

85. Placuit omnibus Dominici consilium, ipsum-
 que executioni mandantes experti sunt tres ligneas ^{turrin unã}
 scalas: cumque has nimium curtas esse viderent, alias ^{inobservatã}
 aliis adnectentes applicuerunt ad primam turrin. ^{occupant,}
 Ascenderunt ergo priores Alvarus Colodro & Bene-
 dictus de Baños, quia hi accuratius callebant idioma
 Arabi-

Arabicum : secutique sunt alii quotquot vestibibus ac mitris Mauricis induebantur : ceperuntque turrim quæ usque in hodiernum diem nomen habet Alvari Colodro. Hic quatuor Mauros sopitos invenerunt, quorum unus ex illis erat qui cum Christianis ad hoc negotium conspirant, in ea quam supra dixi excursionē capti, & tentandæ rei auctores primi. Cum ergo accedentes ad turrim Christianos interrogarent Mauri, quinam essent & quid quærerent, responderunt Arabice se esse inspectores vigiliarum.

*de deinde
ceteras cum
porta:*

*admissisque
sociis potiti
loco,*

86 Tum Maurus, quem dixi è conspiratis fuisse, Alvarum Colodrum ex voce agnoscens, apprehendit manum ejus, atque in aurem clam dixit : Ego ex eis sum quos nosti ; cura ut hos qui mecum sunt occidas, & ego vos juvabo. Tunc Christiani manus in ipsos miserunt, oribusque obstructis dejecerunt ex turri, ubi mox ab aliis mactati sunt ; cœperuntque Christiani ceteri confestim ascendere : cumque jam pro parte majori ascendissent in turrim istam, progressi sunt per murum, & figillatim occuparunt turres omnes, usque ad portam ducentem Martos, qua ipsa etiam sunt potiti. Jam illucescebat aurora, & Christiani, omnes quas dixi turres ipsamque portam habentes in potestate, aperuerunt illam, atque intro miserunt Petrum Ruyz Tabur cum suo equitatu. Mauri autem ut viderunt suburbium totum, quod Axarquia dicunt, Christianorum esse ; coacti fuerunt dimissis domibus suis confugere ad civitatem, cum modico eo quod quisque auferre potuerat fortunarum suarum, quorum ingens strages facta est a Christianis, usque dum civitati sese inclusissent.

87 Hoc facto Christiani firmiter sepierunt omnes plateas suburbii, excepta principali atque directa, per quam insequiebantur fugitivos. Mauri vero, postquam in civitatem intulerunt quidquid rerum suarum salvare quiverant, eruperunt contra Christianos, cum eisque cœperunt pugnare ; aliis interim
ex

ex urbis mœnibus sagittas jacentibus & petras, tanta cum rabie & contumacia, ut victores tertium coacti fuerint usque ad murum recedere. Videntes ergo tam acriter se urgeri à Maurorum multitudine, inito consilio duos viros emisserunt, alterum ad Regem Ferdinandum Dominum suum; alterum ad D. Alvarum Perez, qui in Martos habitabat, eratque ex nobilioribus ac potentioribus regni Castellæ; & ad quemdam Equitem, Ordonium Alvarez nuncupatum; huic autem posteriori nuntio imperarunt, ut per quæcumque transfret Christianorum Mauris finitimorum loca, propalaret quod actum erat, sicut & fecit. Qui vero ad Regem fuerat missus, diu noctuque accelerans iter, venit in Benavente, offenditque Regem ipso quo ad mensam erat accubiturus tempore, ac genibus flexis epistolam tradidit.

88 Visa Rex epistola, nec unam quidem horam cunctari voluit; sed illico conscendens equum, cum equitibus centum se dedit in viam, mandans ut subditi ceteri sequerentur (idque per omnes civitates, oppida, & loca munita) atque in confiniis convenirent. Tempestate illa vehementer abundabant aquæ, adeoque intumuerant fluvii, ut cum vado transiri nequirent, Rex non potuerit tam cito quam optabat adesse subsidio suis: clementiori tamen aurâ reddita, profecutus est iter, valdeque opportune supervenit Christianis. Iter autem quod tenuit fuit hujusmodi. Benavente venit ad Civitatem Roderici, & hinc Alcantaram. Alcantara digressus, transit navi Guadianâ, Metellinum venit, Metellino Magazela *d* & Bienquerenciam.

89 Bienquerencia Maurorum castrum erat, cui ex ea gente præfectus obtigerat, Eques generosus & valde probus; qui intelligens Regem Ferdinandum tentorium tetendisse in campo prope fontem vicinum castro, exivit ad manus ei deosculandas, adferens ei dono panes, vinum, carnes, & avenam.

Excepit

nuntios ad
subsidia pet-
tenda expe-
diunt.

Rex conti-
nuo adven-
tans

c

d

cum solis
30 armatis
eo pervenit,

Excepit hominem Rex per quam humaniter & honorifice, rogavitque ut castrum sibi traderet: qui respondit, Domine, tu modo proficisceris ad Cordubam capiendam, donec autem hoc fueris executus non poterit usui tibi esse hoc castrum; postquam vero urbem ceperis, & hoc & quidquid habeo, me ipsum quoque, tibi in servitium tradam. Hoc autem fiste dicebat & ironice; pro certo habens fore ut numquam Rex Cordubam caperet; quippe qui solum triginta armatos viros secum ducebat, quorum præcipui erant D. Ferdinandus Ruyz, Caputvaccæ cognominatus; D. Didacus Lopez de Vaya, tunc adhuc Scutifer; Martinus Gonzales de Jamaica, Sancius Lopez de Allos; D. Joannes Arias de Mexia, & alii plures nominatim ab Historia non expressi.

quo alii ex
variis locis
jam præve-
nerant.

90 Porro à castro Bienquerenciæ transiit Rex ad Duas-germanas & Guadalbacar; hinc vero discedens, relicta ad dextram Corduba, tetendit ad Pontem Alcoleæ; ibique explicuit tabernaculum, cum paucis illis quos post se trahebat Equitibus. Quando autem illuc advenit Rex, jam à diebus aliquot suburbium Axarquiae ingressus erat Alvarus Perez in auxilium Christianorum; & D. Petrus Ruyz frater ejus, quem Mauri Alastac nominabant, quia simus erat. Similiter ex confiniis omnibus accurrerat eodem magna multitudo tam equitum quam peditum, augebaturque quotidie numerus, mox atque mandatum Regis innotuit, ex tota Castella, Legione & Extremadura, ut Deo Regique præstarent obsequium, ad honorem nominis Christiani fratrumque auxilium. Hi vero ut intellexerunt adventum Regis Ferdinandi Domini sui, dici non potest quanto fuerint repleti gaudio; utpote jam vehementer fatigati, atque in angustiis positi; obliviscentes quidquid passi erant malorum, & novas vires resumentes, ad facinus, quod feliciter cœperant, consummandum.

AN

ANNOTATA.

a Obrepperat Mt. Latino Ruderici Toletani vitium, quod & impressa retinent, & biennium legebatur, pro quinquennio: hoc tamen revera exigunt Era 1268 ab auctore notata in morte Regis Legionensis, & Era 1272 notata in captione Ubedæ; idque non per litteras numerales, sed per verba ad longum descripta: quod mirum est non observatum fuisse ab interprete; pro annis Era Hispanica annos Christi substituent, & hic signanter obsidionem Cordubensem ad annum 1235 referente. Quia vero multo prolixior hic est textus Hispanicus quam Latinus Ruderici; Latini infra post cap. 9 seorsim exhibemus.

b Axaraquia, Ruderico (ut jam vidimus) Exarquia, non tam ambitus debet Latine dici (quamvis ita reddat Rudericus) quam suburbium, cui voci respondet in Chronica Hispanum Arraval. Et hoc ipsum innuere videtur Rudericus cum dicit Christianis promissum ambitum unum: possent enim ac debent plura unius urbis ad precipuas portas suburbia, non plures circumcirca ambitus concipi. Talia autem suburbia notare est in expressione ipsius urbis Tab. 5 lib. 6 Theatri Urbium ad utramque secundum flumen extremitatem, quarum suprema, Orientem versus, Andujarium respicit, & videtur portam ac pontem habuisse Martos ducentem: ibi enim hodieque notatur catayacta cum titulo Molen-

dinum de Martos: hic autem dicuntur viatores occupasse portam de Martos, eamque subsidiis ab altera fluminis parte venientibus aperuisse.

c Magna hac itinera sunt & 12 leucarum singula, nec potuerunt uno die nisi citatissimis equis confici; non ducunt autem recta Cordubam, sed multum declinant, fortassis propter commoditatem pontium, istis magis quam alibi paratorum: qualis si tunc, ut nunc est, fuisset Emeaita, non habuisset Rex necesse transire Anam navibus Metellini; nisi forte id factum causa rectioris itineris deinceps tenendi. Locus autem ille hodie Medelim vocatur: extatque liber de Sanctis ibidem passis aut natis auctore Io. Ant. de Figueroa ibidem Archipresbytero, editus Madriti an. 1650, totus ex novitiis Pseudo-dexteri ac Iuliani & sequacium figmentis consarcinatus, quod ad Sanctos attinet, quod autem ad secularem medii ævi historiam, multa utilia continens.

d Magazela distat Metellino leucis circiter octo, & Magazela tantundem fere distat Benalcazar, aliis Belalcazar, quod hic fortassis Bienquerencia dicitur: unde porro Andujarium ire volenti media via occurrit fluvius, innominatus in tabulis, hic verosimiliter Guadalbazar dictus; post quem transitus fuerit Batis ad Pontem Alcoleæ, nunc forsitan est Aldea del río.

CAPUT IX.

*Ecijensis Regis succursu aliorum verso, Vrbs Sancta
deditur.*

91 **I**llo tempore Ecijæ a morabatur Rex quidam
a Maurus, nomine Abenhuc, multum habens mi-
litem peditem equitemque: apud quem versa-
batur Christianus Eques, D. Laurentius Xuarez
nuncupatus, atque à Rege Ferdinando propter
facinora quædam relegatus. Dum ergo ante Cordu-
bam erat Ferdinandus & exercitus Christianorum
adhuc exiguus, licet ex variis partibus identidem
novus miles accederet, si voluisset Rex ille Maurus,
ad cuius ditionem Corduba spectabat, contra eum
progredi cum omnibus quibus poterat viribus, haud
difficiliter eum inde pepulisset. Sed Deus, qui sup-
petit remedium adversus quæcumque pericula,
istiusmodi cogitationem menti ejus excussit, in gra-
tiam Regis Ferdinandi. Siquidem Abenhuc iste ve-
hementer formidabat alia facinora aggredi, jam
sæpe in similibus castigatus, & numquam sine clade
regressus ab ejus generis expeditionibus. Quare li-
cet ei diceretur, Regem exiguas tantum copias ha-
bere, non audebat iterum tentare fortunam: de-
inde non poterat persuadere sibi, quod vir talis,
qualis Ferdinandus erat atque tam potens, cum par-
va manu obsideret Cordubam.

92 Deliberandum igitur sibi maturius ratus, inter
consilio Ca- alios voluit etiam audire D. Laurentium Xuarez, quia
stellani a- existimabat hunc sibi quod utilius foret consultu-
pud se ex- rum, idque duabus de causis: quia scilicet multum
lantis, fidebat ei credebaturque in omnibus, & quia existi-
mabat ipsum pessime velle Ferdinando, à quo fue-
rat ejectus. Talia considerans, vocavit eum, & dixit:
Laurenti, quid hic mihi agendum suades? Respondit
ille;

ille; Domine, quandoquidem Celsitudo tua me interrogat, quid agendum sit, dicam. Ego, Domine mi, transferam me ad castra Christianorum, tribus Christianis equitibus comitatus; in eaque secreto me insinuans accurate perlustrabo omnia, & quo res loco sit cognoscam, ac deinde revertens dicam, quid faciendum sit; interim mihi promittas velim, quod nihil omnino moturus sis usque dum regrediar, nec moveri ab aliis sines. Placuit autem consilium Regi, & ut ita faceret imperavit.

93 Tunc D. Laurentius, tribus secum pariter equitibus comitantibus, in viam se dedit; perveniensque ad illos colles qui sunt ad alterum caput pontis, desiliit in pedes; unumque ex tribus sequi etiam peditem iussit, duobus aliis commendans e quos usque in reditum suum. Ingressus in castra lento passu pervenit usque ad tentorium Regis, ibique reperit venatorem in excubiis positum, atque ei dixit: Amice, gratiam quæso hanc mihi facito, ut aliquem ex ministris Regiis voces, dicasque hominem adesse, qui ei loqui velit, idque confestim, magni enim momenti rem esse. Introivit ergo in tentorium venator, vocavitque Martinum de Orizella, qui continuo consurgens egressus est foras. Hunc rogavit Laurentius ut vellet secum in partem secedere, ubi secreto loqui cum eo posset, dixitque ei, Noscis me? Ego sum Laurentius Xuarez: ingredi ad Regem & dic ei, quod hic sim, & cupio loqui ei; rogo autem ut Celsitudo sua mihi det licentiam introeundi ad se, nec enim aliter ausim quidquam.

94 Ingressus Martinus excitavit Regem, tum forte dormitantem, indicavitque adesse Laurentium Xuarez, qui Celsitudini suæ loqui volebat, modo daretur ingrediendi licentia. Ingredi ergo iussum interrogavit Rex, quomodo audebat in suo conspectu apparere. Respondit Laurentius, Domine, tu

H

me

atque ad castra Christiana exploranda emissi, b

Ex cum R. Ferdinando clam locuti,

me eiecisti in regionem Maurorum, ad male faciendum mihi; ego autem credo quod hoc fuerit ad meam vestramque utilitatem. Atque inde narravit ex ordine quidquid acciderat; jubebat autem, ut porro dispiceret Celsitudo sua, quid mandatum ac factum vellet. Placuerunt verba Laurentii, quæsitque ab eo ecquid ipse faciendum judicaret. Tunc dixit ei D. Laurentius; Domine, videtur mihi quod Celsitudo & vestra debeat hic manere quieta, ubi nunc castra fixit cum exercitu suo, sed majori quam nunc adhibeat vigilantia opus esse: videat autem quantum militem habeat in suburbio Axarquiae: qui si sufficiat ad tuendum illud, id tibi satis sit, ceteros autem omnes ibi non necesarios junge exercitui tuo. Ego autem revertar ad Regem Abenhuc, & meliori quo potero modo conabor eum divertere à proposito, dicamque quod omnia quæ ei sunt relata sint falsissima; & vestram Celsitudinem hic esse cum copiis numerosis, nec ulla ratione ipsi expedire ut huc veniat, atque ita dimittat militem quem collegit. Duarum autem rerum alterutra continget; ut scilicet vel ego divertam eum, ne veniat adversus Celsitudinem vestram; vel si efficere id non potuero, promitto Celsitudini vestræ, quod continuo veniam cum omnibus qui ibi sunt Christianis ad serviendum tibi in propria persona, ac vitam reliquam eidem impendendam: quid autem ibi factum sit, tertio abhinc die intelliges per epistolam meam, ab hoc quem adduxi scutifero deportandam.

95 Tunc Rex Ferdinandus D. Laurentio gratias egit, pro tam bona voluntate ejus erga se; eique veniam præteritorum concedens, recepit in subditum, dimisitque dicens, ut quemadmodum promiserat ita ageret. Osculatus manum Regis Laurentius abiit, & abiens dixit Regi, ut per tres aut quatuor sequentes noctes juberet in castris excitari fo-

COS

*de modo per-
riculi im-
minentis
avertendi,*

cos multos, ut si forte Abenhuc mitteret alios exploratores Mauros, numero focorum persuasi crederent vera esse quæ ipse retulisset. Respondit vero Rex, iret in pace, curandam rem ita ut consuluerat. * Dimissus à Rege Laurentius egressusque é castris, rediit eo ubi dimiserat comites & equos; subditisque calcaribus, quam potuit celerrime iter suum relegendis, primo mane pervenit Castrum, atque inde Ecijam appulit sequenti nocte sub primum somnum; moxque ad Regem Abenhuc accessit. Gavissus est eo viso Rex, & quid vidisset interrogavit. Ipse vero respondit: Domine, haud equidem libenter dixero, certus non habendam mihi fidem: sed mitte alios qui videant, & invenient Regem Ferdinandum bene armatum & munitum in castris suis valde copiosis: quod autem moram aliquam traxerim, eo feci ut melius cuncta circumiens explorarem, & explorata referrem certius. Quid ergo, inquit Abenhuc, suades? Cui D. Laurentius: Non convenit mihi consilium dare Cellitudini tuæ, sed ipsi omnibus viribus meis servire & mandata exequi.

96 His auditis quievit nocte illa Abenhuc, sequenti die consilium initurus. Tunc autem adven-
runt legati Regis d Valentia, significantes quod Jacobus Arragonia Rex, cum omnibus copiis suis im-
minebat Valentia civitati, contra quem ut auxilio
sibi veniret Abenhuc etiam atque etiam rogabat. Il-
le vero lectis litteris, in consilium advocans Satrapas Mauros, interque eos D. Laurentium, exquisi-
vit eorum sententiam super postulatis Valentini Regis; quorum omnium mens una fuit, videlicet, quod cum Christiani jam tenerent suburbium Axarquia, ipsa vero civitas diu resistere eisdem posset, satius esset succurrere quantocyus periclitanti Valentino Regi: quo facto satis tempore veniretur ad succursum Corduba, postquam interim copia Ferdinandi

abducitur a proposito:

in auxilium R. Valentini progressus,
d

*per fide occi-
ditur ab a-
mico Mau-
ro.*

nandi Regis (ut fieri assolet) magna parte diffuxissent. Hoc consilium cum Regi Abenhuc placuisset, instructis mox copiis progressus est Almeriam, ubi habebat naves quasdam, ad custodiam Valentini portus servituras. Almeriæ porro cum esset Rex Abenhuc, Maurus quidam ipsi perquam carus invitavit eum, ac probe potum suffocavit in piscina sua: mox autem atque innotuit militibus mors Domini sui, dissoluti sunt & singuli ad sua reversi. Laurentius autem, assumptis secum Christianis omnibus, transiit ad Regem Ferdinandum, qui eum gratanter excepit pro tam insigni servitio sibi præstito. Ex hoc vero tempore dominium Maurorum eorum qui portus obtinebant multifariam divisum est, eo quod nollent Regem qui simul omnibus imperaret, sicut factum eatenus: & Regem Ferdinandum Deus infinita sua misericordia liberavit à discrimine tali, de medio tollens Regem barbarum, qui exaltationi fidei sanctæ ejusque restaurationi per Ferdinandum curandæ potuisset obfistere: eademque via Jacobo Arragonum Regi expeditam reddidit victoriam de Valentinis Mauris, quorum civitatem interceptit, sicut narrat Historia.

*Anctus in-
terim copiis
Ferdinan-
dus,*

97 Interim Ferdinandi Cordubam obsidentis copiarum augebantur quotidie, multis ex utroque regno Nobilibus, & Communitatum plurium delectis eodem accedentibus. Tum vero arctius cœpit obsideri civitas & in majores angustias cogi Mauri, audientes extinctum esse Regem Abenhuc, Principatumque multifarie divisum & novis identidem viribus auctum Ferdinandum. Quare cum animadverterent, non destitutum eum ab incepto opere prius quam id ad finem perduxisset, se vero plurimum fatigatos fame, consumptis fere victualibus omnibus, & undique pressos; petierunt pacisci de conditionibus tradendæ urbis. Conditio autem non alia eis data est, quam ut vita personisque salvis egre-

egrederentur quo vellent, urbem cum rebus suis omnibus victori dimitterent. Ita civitas, ex præci- *urbem dedi-*
 puis Andaluziæ una, tradita est in festo Sanctorum *tione capit,*
 Apostolorum Petri & Pauli, atque à Mahumeticis spurcitiis evacuata: Rex autem Ferdinandus iussit continuo Crucem in summa turri collocari, unde execrabilis Mahometi nomen invocari solebat: & coeperunt Christiani magno cum gaudio laudare Deum adiutorem suum, atque exaltare sanctam ejus fidem. Sua quoque insignia juxta Crucem collocari mandavit Rex, & Episcopos cum universo Clero in exultatione vocum Te Deum laudamus decantare, sic ut ab omnibus Christianis exaudirentur; qui similiter præ devotione lacrymantes dabant laudes Deo e.

98 Et tunc venerabilis Joannes Oxomensis Episcopus, Regalis aulae Cancellarius, cum Gundisalvo Conchenfi, Dominico Beatienfi, Adamo Placentinensi, Sancio Caurienfi Episcopis Mezquitam ingressus est Cordubensem, quæ cunctas Mezquitas Arabum ornatu & magnitudine superabat. Et quia venerabilis Joannes, de quo diximus, Roderici Toletani Primatis vices gerebat, qui tunc temporis apud Sedem Apostolicam morabatur, eliminata spurcitie Machometi & aqua lustrationis perfusa, in ecclesiam commutavit, & in honore Beatæ Virginis erexit altare, & Missam solenniter celebravit. Et sermonem exhortationis divinæ proponens, secundum sapientiam sibi datam & gratiam suis labiis instillatam, diffudit eum in cordibus auditorum; adeo ut pœnitentiali gaudio recreati, contriti cordis sacrificia & labiorum vitulos immolarent: & Rex Ferdinandus novæ Ecclesiæ dotem obtulit competentem.

99 Postea consecrato ibi Episcopo Magistro Lupo, Rodericus Primas & Pontifex Toletanus aliquos redditus privilegio confirmavit, & Lucenas insuper dedit ei. Et tanta est urbis illius abundantia, *S Jacobo*
oblatus
campanas
restituit.

amœnitas & ubertas, quod audito præconio tantæ urbis, ex omnibus Hispaniæ partibus habitatores & futuri incolæ, relictis natalibus sedibus, quasi ad regales nuptias cucurrerunt; & sic incolis continuo est repleta, quod domus habitatoribus, non habitatores domibus defecerunt. Et cum in opprobrium populi Christiani, campanæ S. Jacobi, quas Almanzor detulerat in Cordubæ Mezquitam, dependere functæ officio lampadum; Rex Ferdinandus easdem campanas fecit ad ecclesiam B. Jacobi reportari: & ecclesiæ B. Jacobi restitutæ sunt: ubi cum ceteris cymbalis benefonantibus, peregrinorum devotio laudat Deum in Sanctis suis.

ANNOTATA.

a Ecija, olim Asti, ad alteram Singulis fluvii ripam, inter Cordubam & Osunam, qua limites Cordubensis & diocesis Hispalensis terminos proxime contingunt.

* imo quinquennio
CAP. XVI

b Pontem intelligo Bati instratum, de quo supra, ad quem castra Rex habebat in succursum suorum, trans flumen in Axarquia turribus consistentium.

c In vulgari Alteza: & hic titulus sufficiebat quando composita est Chronica, nec eum judicavit usquam mutandum, qui ante 120 annos eandem curavit imprimendam, licet tunc Majestas daretur Regi: quod ideo solum noto, ut appareat quam fidelis editio hac sit, quamque ab originali mutatum nihil, quod intelligi eo tempore poterat, licet modus loquendi tunc alius esset.

Obsidionis
Cordubensis
historia ex
Roder. To-
lor.

d Zahenûm Valentiae Regem appellat Mariana lib. 12 cap. 12 agens de exitu belli Valentini, quod finem habuit deducta urbe, Arragonisfue in eam ingressis mense Septembri in pervigilio S. Michaelis, die 28 mensis. 1238.

e Hactenus Chronica: quod ultra nunc possumus ex Roderico da-

re; consequenter accipe ipsis ejus verbis.

f Hæc Roderici absentia causa fuisse potuit, cur de victoria ad Xerez nihil; de Corduba capta, brevius scripserit; cujus tamen contextum propter auctoris reverentiam hic addendum censeo: est autem hujusmodi. Ceterum elapso * biennio à morte patris sui Regis Legionensis, obsedit Cordubam, regiam & patriciam civitatem: ad cujus obsidionem hoc modo venit. Saraceni quidam, offensi Primoribus civitatis, venerunt ad quosdam Milites Christianos, Spondentes se daturus unum ambitum civitatis. Hi autem Milites, qui Almogavares dicuntur Arabice, verbum gaudii audientes, licet non crederent, periculo sese dederunt, & in noctis silentio ad murum Cordubæ pervenerunt. Et cum vocem vigilum non audissent, quia soporis ignavia tenebantur, appositis scalis quas secum tulerant, ad muri altitudinem ascenderunt, & tures aliquot occuparunt; in quibus vigiles occi-

occiderunt, & ambitum qui Ex-
arquia dicitur invaserant, mul-
tis ex Arabibus interfectis qui in
hoc ambitu habitabant. Et ipsi
metu postposito in turribus re-
federunt, licet ex alio ambitu
Arabes sagittis, fundis, jaculis,
& lapidibus fortiter impugna-
rent: & successum huiusmodi
nuntiarunt Christianis qui in
Frontaria morabantur. Quod
cum audisset Miles quidam de
familia Regis, qui Ordonius Al-
vari dicebatur, statim omnes,
quos habere potuit, Cordubam
secum duxit, & statim obli-
dionis Domino Regi continuo
intimavit: interim autem adve-
nit Alvarus Petri, de Regni
Magnatibus, potens & nobilis,
& obsidentibus se adjecit. Et
Rex Ferdinandus, qui in Regno
Legionis eo tempore moraba-
tur, recepto nuntio, convoca-
tis civibus & militibus, licet non
expectatis, vix cum centum mi-
litibus coepit continuo profici-
sci. Sed imbrum & fluviorum
inundationibus aliquantulum

impeditus, non potuit tam cito
occurrere ut volebat. Advenit
tamen tempore opportuno, &
quotidie tam ex Castella quam
ex Legione veniebant Milites &
Magnates & Communia civita-
tum. Coepit Corduba gravius
coarctari: tandem affecta pug-
nis, & inedia victa, redditur
& invita, & vitæ tantummodo
conservari inclusi Arabes exie-
runt, & in festo Apostolorum
Petri & Pauli à sordibus Maho-
meti patricia civitas expurga-
tur; sed Rex in turri majori,
ubi solebat nomen perfidi in-
vocari, præcepit lignum Cru-
cis vivificæ exaltari: & coepe-
runt omnes cum gaudio & la-
crymis, Deus adjuva, concla-
mare, & subsequenter regale
vexillum juxta crucem Domi-
nicam collocari. Et coepit in
justorum tabernaculis gaudii &
letitiæ vox audiri, Clero cum
Pontificibus acclamante, Te
Deum laudamus, te Dominum
confitemur. *Hactenus verba ipsius
met Roderici.*

CAPUT X.

*Ferdinandi cum Ioanna Pontivenfi matrimonium, cura
confiniis tuendis & muniendis impensa.*

Stabilita igitur incolis & bellatoribus civitate, 100
Rex Ferdinandus Toletum ad Reginam nobi-
lem est reversus; quæ pari victoria jucunda
ta (utpote quæ consilio & subsidio, licet ab-
sens, omnia procurarat) gratias cum lacrymis
egit Deo, quod antiqua dignitas; ignavia Principum,
laturata, sui solertia & studio filii fuit Hispaniæ re-
stituta. Hæc enim Regina nobilis Berengaria sic fi-
lium in bonis operibus enutrivit, quod bona stu-
dia, quæ Regina nobilis, nullius virtutis oblita,

*Rex Toletum
regressus ad
matrem.*

H 4

nullius

nullius charismatis expers, ut lac mellifluum gratiis circumfufum, cordi ejus influere non cessavit, nec umquam ab ubere pleno virtutibus ablaetavit. Et licet vir factus, in atate roboris confirmatus, mater ejus numquam cessavit nec cessat, quæ Deo & hominibus sunt accepta studio vigili suadere: quia nec umquam feminea, sed semper magnificentia opera persuasit.

laudatissi-
mam ma-
triam;

101 Hæc enim Regina nobilis, tanto studio conservavit, & adeo dilatavit recepta charismata gratiarum, ut omnis ætas, omnis sexus, omnis conditio, omnis professio, omnis natio, omnis lingua affectum sentiat cum effectu, & virtutum fasciculo non partito, omnibus misericordiae opera comparitur: & paternorum operum provida executrix, plus invenitur regni & rerum prodiga quam virtutum. Quam merito nostra tempora admirantur, cui numquam similem nec moderna nec patrum nostrorum tempora habuerunt: pro qua Dominum exoremus, ut eam dignetur diutius conservare & sibi profutura concedat, & bonis operibus abundare, donec felicem spiritum suo restituat Redemptori.

CAP. XVIII
anno 1237
ducit Ioan-
nam Fran-
cicam;

102 Et ne Regis pudicitia alienis commerciis læderetur, Regina nobilis mater sua Domicellam nobilem, generosam, proneptem Regis Francorum Illustrissimi Ludovici, filiam Simonis Comitis de Pontino & Mariæ illustris Comitissæ ejusdem, Joannam a nomine, procuravit in conjugem sibi dari.
b Era mcccclxxv Burgis adveniens, more regali curia & nuptiis celebratis, ad Reginae assumitur dignitatem. Hæc vero Regina pulchritudine, præstantia & modestia sic floruit, ut in conspectu viri virtutibus gratiosa, coram Deo & hominibus sit accepta. Et suscepit ex ea filium, qui dicitur Ferdinandus; & filiam parvulam, quæ à proavia Alienor est vocata, & alium parvulum Ludovicum.

103 Verum Rex Ferdinandus, cum filiis suis Alphonso

phonso & Ferdinando, qui tunc in flore adolescentiæ lætabantur, Cordubam est reversus: & in adventu suo multa castra Saracenorum, quæ Christianorum incurſibus & intestinis cædibus longo tempore tabescebant, volentes colere pacifice terras suas, supradictis interpositis se Regis Dominio tradiderunt. Tunc datæ sunt ei civitates & castra, quorum præsidia Christianis ut diximus investivit: & ab Arabibus tributa suscepit; & eorum nomina notantur, Ecija, Almodovar, Luc, Luxena, Stepa, Sitefila *d* & multa alia, quorum nomina longius esset enumerare. Atque hætenus historiam suam perduxit Rodericus Archiepiscopus Toletanus, finem eidem ponens per hæc verba. Hoc opusculum ut scivi & potui consummavi [anno Incarnationis Domini MCCXLIII], Era MCCXXXI, anno XXVI regni Regis Ferdinandi, quinta Feria, pridie Kalendas Aprilis, anno Pontificatus mei XXXIII, Sede Apostolica adhuc vacante anno I, mensibus VIII, diebus X, Gregorio Papa IX viam universæ carnis ingresso *e*. Ut autem tam nobilis Regis facinora non hæreant imperfecta, compilationis huiusce Auctor ex hinc eundem pertexuit, ut sequitur.

104 Solent ii qui cœptam ab alio historiam prosequuntur, supplere siquid ab auctore priore omis-
sum videant, memoratu dignum. Cum igitur Archiepiscopus Rodericus, relata Regis profectione ad confinia, finiat nominando loca quæ eidem in Castellam revertenti se submisere, neque explicet illius profectionis causam, hinc resumendum argumentum censeo. Dicit ergo Historia, quod Rex, post consummatum suum cum Regina Joanna matrimonium, regnum suum perlustrans, Toletum venerit, ibique intellexerit, civitatem Cordubensem aliaque recens acquisita loca in confiniis, magna annonæ penuria laborare ac premi. Quare vehementer tristatus Cordubam misit viginti quinque

H 5

mil-

*quædam op-
pida Mauri-
is eripit.*

*Finitam hic
à Roderico
Archiep. hi-
storiæ pro-
sequens au-
ctor.*

addit quod laborantibus inopia confiniis,
f millia *f* Maravedisiorum in auro, totidemque per alia loca munitiora distribuenda, cum multa annona, pro numero hominum in unoquoque loco commorantium; atque hoc facto discessit Toletum Vallisoletum, ubi diebus aliquot mansit, animum relaxans cum matre & uxore plurimum dilecta.

105 Hic vero iterum ei nuntiatur in Dominica Palmarum, Cordubam & cetera loca gravi fame laborare: statimque regressus Toletum aperuit thesauros suos, indeque quod necessarium videbatur promens Alvaro Perez tradidit, & ipsi cunctos obedire iussit, tamquam sibi. Quod is perquam bene executus, in nullo defuit personæ & potestati sibi commissæ, omniumque amorem & æstimationem sibi conciliavit. *Cunctis autem recte dispositis, atque excursionibus aliquot factis, revertit ad Regem, relinquens apud Martos, cujus arcem tenebat beneficio Regio, Comitissam uxorem suam, cum nepote Tello & quadraginta quinque equitibus sibi subditis; invenitque Dominum suum Toleti, intentum apparando commeatui annuario ad tuitionem confinium.

& Martana Arce absente Alvaro Comite

106 Interim Benalhamar Rex Arjonæ, sic enim (quia inde erat oriundus) principio regni sui nominabatur, postea Rex Granatæ dictus; contra prædictam arcem de Martos magna cum multitudine Maurorum venit, eamque obsidens oppugnare disposuit; parumque abfuit quin eam caperet. Quando enim illuc appulit, omnino vir nullus in arce erat, Tello cum suis quadraginta quinque equitibus in aliquam contra Mauros excursionem profecto; & locus necdum tam bene munitus erat, atque est modo. Comitissa autem obsideri se viciens, puellis & mulieribus mandavit, ut capillitio in modum virilem composito arma sumerent, cum iisque inter pinnas murorum comparerent conglomeratæ: modum etiam invenit, quo per emissum nuntium admoneret

moneret D. Tellum, de iis quæ ad Martos agebantur.

107 Accurrit mox cum suis Tellus; sed viso Maurorum numero, & quomodo cœpissent arcem quaterere, herebat anceps consilii; hinc pudore confusus, quod Dominam turbamque muliebrem tanto periculo expositam videret, per suam improvidam temeritatem; inde impossibile existimans loco succurrere. Erat in numero Equitum Tellum secutorum Didacus Perez de Vargas, is cui diximus Machucæ cognomen, à nobili ad Xeres oppidum successu, adhæsisse. Hic succursum tentandum vel per medios Mauros suavit sociis, oratione *g* tam efficaci ut persuaserit. Quare calcaria subdentes equis invehuntur in Mauros, nonnullisque eorum generosa morte defunctis, alii pro majori parte penetraverunt ad rupem: & eo suo facto ita consternaverunt barbarum, ut existimans nequaquam id ausuros fuisse, nisi certos quod locum possent tueri, inde discesserit; atque ita soluta obsidio Martana est, & Comitissa periculo liberata.

108 Dies aliquot post hæc transierant, & Rex Ferdinandus Ayllone erat, quando sub noctem à confiniis advenit D. Alvarus Perez, contulitque cum Rege de rebus bellicis, atque obtinuit promptum expeditumque subsidium pecuniarium & annonarium, pro urbe Cordubensi totisque confiniis, quibus utrumque vehementer necessarium erat: deinde vero confestim rediit, tum quia mandatum Regis urgebat, tum quia res ipsa id exigebat. Licet enim, ex eo tempore quo capta est civitas, ibi pro Rege manebat Tellus Alphonsus, Alvaro tamen commissa erat summa potestas, cum titulo Vice-regis omnium Confiniorum istorum. Ceterum à Rege digressus, ubi Orgaz pervenit, graviter infirmatus, ibidem defunctus est, & sepultura tam honorifica donatus, ac si Rex ipse fuisset. Interim Ferdinando

*ab ejus uxore
re mirabiliter
servata,*

g

*mortuo de
inde ipso
Alvaro,*

dinando Toleti existenti allatus est nuntius de obitu D. Didaci Lopez de Haro, quod sane perquam dolenter ille tulit: erat enim ex nobilioribus & fidelioribus Proceribus regni, multamque in eo fiduciam collocatam Rex habebat. Superveniente autem altero quoque nuntio de obitu Alvari Perez, geminatus est dolor, quia defectu personæ tam necessariæ ad res bellicas, quarum scientissimus erat, periclitabatur quidquid conquistum fuerat: ideoque oportuit ipsummet confestim proficisci Burgos atque inde Cordubam. Ita primum illuc rediit Ferdinandus ex quo capta urbs fuerat, propter prædictam D. Alvari mortem.

Rex Cordubam rever-
tit,

Et plura lo-
ca capit,

h

109 Veniens autem Cordubam Ferdinandus, eadem communiendæ impendit tres menses, quibus ibi substitit, nisi quod aliquoties, optimo cum successu, excurrit in Mauros, eisque loca quædam ademit. Interim multos illuc habitatores induxit, optime iis prospiciens de fundis hereditariis Regio beneficio tenendis, liberalis tamen maxime erga eos, qui causa obtinendæ civitatis fuerant, scilicet erga Dominicum Muñoz Veteranum, & socios ejus in capiando suburbio Axarquix, unde initium victoria habuit. Eodem tempore Rex etiam cepit Regem quemdam Maurum, qui trans mare venerat cum spe occupandi Andaluziam. Similiter obtinuit Rex, partim vi, partim conditionibus pactis, Ecijam, Estepam, Almodavar, Siete-villam, quorum Rodericus Archiepiscopus meminit Historiam suam finiens: alia vero loca quæ nominare prætermisit, appellantur Moratilla, Hornachulos, Mirabel, Fuente-Romiel, Zafra, Ynogon, Rubefella, Montorum, Aguilar, Bennaexit, Zambra, Ossuna *h*, Cazalla, Marchena, Zaheros, Curet, Luque, Porcuna, Corte, Moron, præter alia ignobiliora.

110 Causa autem cur Moron, oppidum tam frequens populo, tamque munitum, adeo cito venerit

in potestatem; fuit Nobilis quidam, nepos Laurentii Xuarez, dictus Meledon Rodriguez Gallinatus: <sup>que Chrl-
stianus E-
ques excu-
sionibus cre-
bris vexa-
rat.</sup> qui non minus expertus belli quam generosus, cum turrim quamdam in vineis positam, nomine Magazamaram, non nisi quarta leucæ parte Morono distantem, occupasset; ter quotidie excurrebat ad oppidum prædabundus: eoque tantum sui metum Mauris incussit, ut nomen plorantibus pueris matres objicerent, & ita facerent conticescere, dicentes, Tace, quia Meledon venit. Cum ergo nullum finem faceret Moronenses vexandi, nec quidquam securum eis extra muros permetteret, elegerunt ipsi tandem se Regi tradere, sicut fecerunt, se suasque facultates salvas pacti. Rex porro loca sic conquistata ut plurimum distribuit inter Ordines militares, aut eorum fructus applicavit ecclesiis.

ANNOTATA.

a Joanna, Pontivi seu Pontini (utrumque enim reperitur) & Monstrolii Comitissa, aviam matrem habuit Alisiam Sororem Philippi, adeoque magnam amitam S. Ludovici, sic ut hic & Joannæ mater Maria, parentum suorum heres unica, esset subgermani. Joannæ autem pater Simon de Dommartin nominabatur, frater Reginaldi Comitis de Dommartin: & avus maternus vocabatur Willelmus.

b Ignatius Ioseph à Iesu Maria, in Historia Abbavillana lib. 1 cap. 28 graviter hallucinatus est, quando matrimonium hoc adscripsit anno 1250, & in eo vixisse Ioannam annis quatuor tantum aut quinque. Nam sanctus Rex obiit anno 1252, & secunda huic uxori iunctus fuit anno 1237: potuisset ergo Ignatius, si Hispanos auctores consulisset, scribere annos quatuordecim aut quindecim.

c Hæc moritur patre reversa est

cum matre in Franciam; ubi nupsit Edoardo I Regi Angliæ. Mater vero Ioanna Pontivo anno 1255, tamquam Regina tivi, sancti Castellæ & Legionis, Pontivi Regis uxor & Monstrolii Comitissa, fecit insignem donationem Decano & Canonici S. Vulftrami; & mortua anno 1278, sepulta est juxta propyleum ecclesiæ de Valloriis Ordinis Cisterciensis. Quomodo autem puniti fuerint, qui sub spe alicujus thesauri reperiendi tumbam ejus aperuerunt, narrat prædictus Ignatius loco jam citato. Matris & filia meminit Chronicon Triveti his verbis: Obiit anno filia Alio-
mccclxxviii Regina Castellæ, nor.
mater Regina Angliæ, ad quam jure hereditario post mortem matris devolutus est Pontivi Comitatus.

d Ita junctim legendum, quod impressum legitur, Sed & Fila, vel, Site & Filia, decet nos interpres Hispanus: qui deinde suo Marte persequitur historiam. Est autem Luccena ad eundem ad quem Ecija &

Cor

Corduba jacent Xenilem fluvium, media fere utrimque via: Stepa ab Ecija versus meridiem procurrit in confinio Andalusie & Granatensis regni; hinc de situ aliorum duorum locorum conjectura fiat.

e Obierat Gregorius IX 21 Augusti 1241, post quem electus quidem fuerat Celestinus IV, sed & ipse 19 Novembris sequentis obiit. Sedem vacuum reliquerat: vacavit autem usque ad 29 Iunii anni hic signati 1243, quando coronatus est Innocentius IV. Ceterum annis Incarnationis Domini, [] inclusimus. Cum enim auctor nulla suorum operum parte utatur nota Era vulgaris; vehementer dubito utrum ea verba vere sint Roderici; nisi hoc forte loco ea addere voluerit propter externos, suam historiam forte lecturos, quibus jam ubique in usu erat vulgaris Era numerus, quamvis Hispani, receptorum semel verborum aque ac

suorum retinentissimi, dimino ultimi cum receperint ad historiam usumque civilem: & quidem haud diu post mortem Roderici atque Ferdinandi, si ante finem seculi 13 scripta est Chronica Ferdinanda quam Latine reddimus, quaque annos numerat ab Incarnatione.

f Ita superius num. 46 ubi agebatur de annua pensione Sororibus à Rege addicta etiam scripserat: ubi Rodericus nullam certam expressebat.

g Non fuit visum opere pretium ipsam orationem, satis prolixam, Latine reddere.

h Offuna hodieque celebratur, tamquam nobilis iis in partibus Academia, distatque Ecija versus meridiem leucis circiter quinque: ac porro versus Xerez ituris, pari circiter intervallo, occurrit castrum Moron, de quo mox. Cetera loca querere nihil attinet.

CAPUT XI.

Rebus domi compositis Sanctus in fidem suam suscipit Regem Murciae, & Arjonam occupat.

111
Rex Toletum regressus

Postquam Rex Ferdinandus munitionibus omnibus rite prospexisset, trium praedictorum mensium spatio, Corduba Toletum revertit, ubi uxor sua & mater erant; quas deinde, expeditis ibi negotiis, assumpsit & secum Burgos duxit. * Hic Regi cum Didaco Lopez, Biscayae Domino, subnata discordia est, propter quam eum sua spoliavit ditio. Sed Didacus statim se recipiens, non modo sententiae Regiae se opposuit, verum etiam in ipsam Castellam incurrens coepit damna quanta poterat irrogare subditis Ferdinandi. Qui coerciturus audaciam hominis, inter altissimos duos montes se continentis, eduxit contra eum

eum copias. Didaco autem non auso expectare venientem, destruxit munitiones quibus præcipue fidebat, ac nominatim a Briores; recedensque filium suum Alphonsum reliquit in confiniis Biscayæ, eadem defensurum. Mox autem ad hunc accedens Didacus, gratiam apud eum invenit: qui secum assumptum ad patrem duxit, ipsique reconciliavit. Inde simul abierunt Burgos, ac demum Vallisoleum.

2

*Biscayæ De-
minum re-
bellantem
semel,*

112. Paucis diebus post necesse habuit Rex Olmedum proficisci, quando Didacus Lopez iterum in Biscayam abivit: quod ubi Rex inaudit suspectum habuit, eumque sequi instituit, ne denuo damni quidquam crearet. Postquam autem in sua se recepit Didacus, copias aliquas Rex colligens, iterum tradidit eas filio Alphonso ad tuendos Biscayæ fines, rectaque contendit Valmasam, Infantem præmittens. Hoc intellecto, saniori consilio usus Didacus, ultro ad Regem venit, ejusque se commisit potestati, sane perquam feliciter; humaniter namque exceptum Rex Burgos deduxit, ibique, intercedentibus pro eo Reginis, non solum eidem ablata restituit, sed etiam Alcaraz condonavit.

*iterumque
compefcit.*

113. Rebus sic pacatis, Ferdinandus in morbum Burgis incidit; & finitæ induciæ sunt, quas cum Granatensi Rege pactas habebat. Cum autem per mortem D. Alvari Perez confinia essent custode destituta, missus eo est Infans Alphonfus, omni necessario apparatu instructus, una cum D. Roderico Gonzales Giron. Qui Toletum perveniens obvius ibi habuit legatos Habenhuedi Murcia Regis, tendentes ad Regem Ferdinandum, ut ei pro Domino suo ac toto regno Murcia fidelitatem jurarent, sub conditionibus quibusdam quas ferebant accurate descriptas. Visis iis noluit longius ire Alphonfus, sed ipsemet patris sui nomine condiciones accepit; Murciaque regressos subsequutus est. Venienti autem

*Murcia
missi ad Re-
gem Legati*

b autem in Alcaraz^b obviam processerunt iidem legati, attuleruntque confirmationem pactorum; & Infantem invitarunt ad ineundam regni possessionem.

114 Comitabatur tunc Alphonsum Pelagius Cor-
 c rea^c, Magister Ordinis de Ucles dicti, magnoque
Alphonso ei adjumento fuit, tum recte consulendo ea quæ ad
Infanti ur- negotium conducebant, tum militem annonam-
bem suam que sumptibus suis subministrando, ubi opus esse
tradunt; videbatur. Hoc ergo comitante Infans Murciam in-
 travit, obtinuitq; arcem cum toto dominio regiisque
 redditibus, salvo eo dumtaxat quod inde debeba-
 tur ipsi Abenhucdi, toparchisque in Crevillen, A-
 licante, Delche, Orihuela, Alhama, Aladeo, Rico-
 te, Cieka, aliisque dynastiis, jus ad dictorum redi-
 tum partem habentibus. Atque ita D. Infans sus-
 cepit de manibus Maurorum possessionem Regni
 nomine patris sui, exceptis dumtaxat Lorca, Car-
 tajena & Mula: quibus parum profuit quod in pacta
 ab aliis sancita noluerint consentire: si quidem bre-
 vi ad ea vi compulsi sunt, D. Alphonso cum Magi-
 stro Pelagio regnum universum perlustrante, mu-
 nitiones reficiente, Mauros pacificante, rebellium
 villas pro merito tractante, sicut postea suo ordine
 refertur.

*quem eodẽ
 cum annona
 regressum*

115 Restitutus interim ab infirmitate Ferdinandus,
 digressus est Burgis ad visitandum regnum suum ju-
 stitiamque administrandam: quod valde necessa-
 rium fuit, præsertim Palentiæ, ubi multorum que-
 relas audivit, & malefactores plurimos districtè pu-
 nivit. Ibi esistenti Corduba & Murcia advenerunt
 nuntii, annonam postulantes, quia magna istic fa-
 me laborabatur. Auditis illis, statim Rex Toletum
 se contulit, ibique constituit Murciam deportan-
 dum magnum commeatum victualium, per loca
 noviter acquisita distribuendum. Venerat ad eum
 excipiendum Alphonso, sed prius quam Murciam

rever-

reverteretur, abiit cum patre suo Burgos: ubi per manus D. Joannis Cancellarii velum sacrum impositum fuit D. Berengariae, sorori Alphonfi: qui peracta ceremonia festinavit; cum preparato sibi comitatu, unde venerat regredi, comitante eum Magistro Pelagio, & apud Regem manente D. Ruyzio Gonzalez.

116 Rex autem ipse, quam citissime potuit, curavit ad confinia proficisci, secum ducens D. Joannam uxorem suam, & D. Rodericum filium Comitiſſae d, nec non quinquaginta circiter equites, perditum vero numerum haud multo majorem: atque ita non sine periculo transiverunt portum de Muladar. Etenim grandis ibi metus erat Regis Granatensis, superbi ac tumidi propter victoriam, paulo ante relatam contra Dominum Alphonsum, filium Regis Legionensis & fratrem Regis Ferdinandi: quo in praelio occubuerat D. Isidorus, Eques generosus & Commendator in castro Martos, utpote Ordini Calatravae donato à Rege. Ibidem etiam caesi fuerunt alii plures Fratres Ordinis praedicti, & Martinus Ruyz de Argote, rebus in conquisitione Cordubensi gestis memorabilis; captus est autem Martinus Ruyz frater ejus. Ceteri autem ex Equitibus majoribus caesi numerantur usque viginti, multaque gregariorum turba; & hoc successu elatus Rex Granatae, valde formidabilis erat toti isti regioni.

117 Transito eo quem diximus portu, venit Rex Ferdinandus in Andujar, moxque eodem post ipsum appulit frater ejus D. Alphonſus, cum D. Nonnio Gonzales aliisque, numero quidem non admodum multis, sed robore animoque praestantibus: qui simul omnes iverunt Arjonam, demetendo fruges, hortos subruendo, oliveta scindendo, magnum ubique Mauris damnum facientes. Inde proficiscentes versus Jaën, tantumdem fecerunt & Alcaudetæ, unde Rex Nonnium Gonzales & D. Rodericum filium

*secutus pater
ter Ferdinandus?*

d

*Arjonam
occupat?*

e

I

Comi-

Comitissæ remisit Arjonam, ut eam obsiderent oppugnarentque, cum majori parte eorum quos secum ipse habebat militum. Hi mandata facientes, brevi Mauros ad magnas redegerunt angustias; sequenti autem die mane cum reliquis supervenit Rex ipse. Quo cognito rebus suis diffisi Mauri, miserunt qui agerent de facienda deditioe. Factum hoc die Mercurii: die autem Veneris tradiderunt oppidum, vacuum illud dimittentes, præter eos quos ibi manere Rex voluit. Qui cum ibidem biduo mansisset, cunctis bene prospiciens quæ videbantur ad loci tuitionem necessaria, victor recessit.

*Et alia loca
non nulla,
f*

118 Eadem excursionem obtinuit etiam Pegalhajar, Bexixar, & Escarenam f: indeque fratrem suum Alphonsum Granatam direxit, quidquid posset ferro ac flamma deleturum, jungens ei quos apud se habebat ex Ubeda, Baëza, atque Quesada delectos, nec non Sancium Martinez de Xodar, cum bono, licet non valde numerofo, peditatu. Cum his Granatensem regionem, qua plana erat, ingressus Alphonfus, stragem ut fuerat iussus fecit.

*vastat agrum
Granaten-
sem.*

119 Rex autem revertit in Andujar, sumptamque inde uxorem Reginam deduxit Cordubam; & mox festinato abiit Granatam versus, fratri præmisso se conjuncturus. Hic eo in tractu jam decimum diem agebat, nec absque periculo; quia Rex Maurus tenebat urbem cum equitibus octingentis. Nec tamen ideo dimiserat cœpta Alphonfus. Postquam autem Rex advenit, nihil integrum relictum est in hortis aut turribus usque ad portas ipsius urbis, cuncta pro arbitrio conculcantibus vastantibusque Christianis, per totos viginti dies, quibus ante Granatam Rex mansit. Contigit autem una dierum istorum, ut Mauri, tanta rerum suarum jactura irritati, eruptionem subitam in Christianos facerent, magna cum vociferatione. Sed immisiss in eos equitibus, ita erumpentes excepit Ferdinandus,

us, ut cum multa clade fuerint coacti terga dare, insequentibus & cedentibus eos usque ad portas Christianis: neque posthac ausi sint urbe egredi, tam duriter castigati.

ANNOTATA.

a Briones castrum, Ibero adiacens in confinio, & pontem fluvio impositum habens, 7 milliaribus supra Lucronium.

b Alcaraz, Castellæ nova oppidum, unde nomen vicinis montibus ex quibus Batis oritur; à Caravaca, in finibus Murciensibus sita, adhuc bidui itinere distans.

c Huic Pelagio Corree tribuitur in Relatione Romana, quod de ordine sancti Regis, juxta oppidum de Segura Legionensis diocesis, persequens Saracenos, & committens cum his prælium; quia sol inclinabat, commendavit se gloriosissimæ Virgini ut sol sisteret, donec victoriam consequi posset: & sol miraculose stetit per notabile spatium: & quia dicta die, sciens Rex quod prælium committendum esset, continuo Deum oravit, ut sibi concedere victoriam dignaretur contra infideles; ideo fuit successus hujusmodi miraculi orationibus sancti Regis, mediante ejus Generali, reputatus. Allegatur numerus 51 Summarii, in cujus margine dicitur, Miraculosus successus juxta oppidum de Segura Legionensis diocesis. Verum in toto illo Numero nec semel quidem tale oppidum nominatur: sed neque ullum ejus nominis in Legionensi diocesi est, neque in corde regni potuerunt ad conflictum venire Mauri. Quid ergo? Ibi lego ad urbem Seviliam, id est Hispalim, factum tale quid esse; iterumque in Montibus-Maurianis, vulgo Sierra de Morena dictis, territorii Cordubensis; & allegatur auctor Bales de An-

drada, in historia trium Ordinum impressa an. 1609. Agit hic lib. 1 cap. 16 de dicto Magistro, creatumque ait anno 1242, ac sequenti anno profectum in expeditionem cum Infante Alphonso. Tum verbotenus fere describit omnia, quæ in hac Chronica de illo narrantur, sine ulla talis miraculi ad Hispalim facti mentione; ac denique narrat prælium, à Pelagio commissum ad Sierram Morenam, ubi hodieque stet ecclesia, in memoriam prædicti miraculi ab eo constructa, vulgo dicta S. Maria de Tudia, quod traditio vulgi interpretatur sic abbreviate dici, pro S. Maria de Ten tu dia, eo quod Magister solem sistens dixerit, Ten tu dia id est, Siste dies. Eadem magis confirmat Espinosa lib. 4 cap. 7, dum allegat antiquas memorias Ordinis Mss. in quarum aliquibus id tribuatur nocturna Sancti Regis orationi; in aliis etiam addatur, quod idem Magister post victoriam, lancea percutiens rupem, elicit, velut alter Moyses, fontem exercitui fesso ac sitibundo, qui hodieque fluens mirabilia multa operatur circa infirmos inde bibentes. Opera pretium esset scire quam antiqua sint Mss. illa. Vixit autem Magister Pelagius & pugnavit cum Mauris usque ad annum 1275.

d Comitissam intelligo, uxorem D. Alvari Perez supra laudatam.

e Alcaudete, inter Cordubam & Iacn.

f Nescio an horum locorum nunc si persit memoria: uti & plurimum infra nominandorum.

Solem sistisse dicitur
in Corree
Mag. Ord.
de Veles.

CAPVT XII.

*Expugnata Mula, Giennium obsidetur & deditur:
decernitur obsidio Hispalensis.*

120
Rex succur-
rit, arci
Martiana,

& Cordu-
bam redit,

dum inte-
rim filius
Mulam fa-
me expug-
nat,

DUm Rex ad Granatam esset, Mauri, Ga-
zulæ dicti, excurrerant ad Martos, lo-
cumque obsederant: quo intellecto, sta-
tim missus est Alphonsus Regis frater: hic
autem cum Magistro Calatravæ ejusque
Fratribus illuc properans, invenit Mauros jam re-
cessisse. Etenim qui intus fuerant Fratres, adjuti ab
aliis qui auxilio venerant, contra ipsos erumpen-
tes ita generose pugnarant, ut multis eorum cæsis,
& captis non paucis, plenam de barbaris victoriam
per Dei gratiam reportarint, magna præda equo-
rum aliarumque rerum ditati. Interim Rex Ferdi-
nandus, satis diu circa Granatam hæsisse, & Mau-
rorum insolentiam repressisse visus, populata regio-
ne eorum ut libuit, sicut prædictum in Historia
est, paulatim sese recepit Cordubam; ubi honorifi-
ce latanterque receptus, apud uxorem suam D. Jo-
annam, necessaria sibi suisque quiete corpus refecit,
& copias refocillavit.

121 Dictum etiam superius ab Historia est, quo-
modo Rex Ferdinandus Alphonsum filium suum
Murciam miserit; nunc addendum, quod illuc cum
credito sibi com meatu appulsus, eodem per muni-
tiones & arces distributo, omnes perlustravit; &
ubique justitiam administrans ac bene meritos re-
munerans, cuncta optime disposuerit. Tum demum
excurrit Mulam, a Lorcam, & Cartagenam, quæ ei
se noluerant tradere, ac multa singulis damna in-
tulit per campos. Intelligens autem, quod Mulæ
magna esset annonæ penuria, eamque si obsidere-
tur fame cogi ad deditiōem posse; consulto prius
D. Pe-

D. Pelagio Correa oppidum cinxit, atque ante illud tam diu perseveravit, donec fames ipsi locum tradidit: ex quo atque ex arce ejus Mauros omnes eiecit, exceptis paucis quos in suburbio permisit manere. Hunc primum locum Infans Alphonsus obsedit & obtinuit, præsente ad omnia Magistro Pelagio, qui numquam ab ejus latere discedebat. Est autem Mula oppidum validum ac bene munitum, cum arce insigni & turribus circumsepta, opulentum præterea terris cultis ac pascuis, fructibus item & aquis commodum, atque districtu territorii sui complectens montes bene fertiles spatiumque perampulum. Sed nunc in Murcia regno dimittentes Infantem, redeamus ad patrem ejus Ferdinandum.

122 Erat is cum Regina uxore sua Cordubæ, post reditum ex agro Granatensi; ibique à filio Alphonso accepit lætissima sibi nuntia de Mula intercepta, deque statu Maurorum necdum subjugatorum: præterea nuntiatum ibidem ei est, Regem Arjonæ, cum maximo commeatu plus quam mille bestiarum oneratarum, proficisci Jaën, ut civitati illi prospiceret de annona. Statim ergo Alphonsum fratrem, cum delectis Ubeda atque Baëza adductis, misit, qui venientibus se medium interponeret, adituque ad urbem prohiberet. Mox ipse post eum ivit, iveruntque cum eo D. Rodericus de Valduerna, D. Didacus Gomez, & D. Alphonsus Lopez de Vaya. Profecti sunt autem Arjonam indeque Jaën, biduo toto expectantes venturum commeatum: sed frustra: nescitur tamen utrum Mauri, adventu ejus cognito, an alia ex causa venire prætermiserint. Rex vero, nolens ibi tempus terere, post grandia damna circum urbem facta, revertit Cordubam; ubi priusquam aliquam requiem caperet, intellexit matrem suam D. Berengariam Toletum ad se venire. Hoc cum gratissimum ei accidisset, ad excipiendam eam confestim egressus est cum Regina Joanna; transito-

*frater
impedit
commeatū
Giennensē
urbi desti-
natum.*

*Rex cum
matre ex-
tremum
congressus.*

que portu venerunt ad locum, tunc Pozuelo dictum, ubi filius eorum Alphonsus postea insigne oppidum condens, Villam-regalem ^b nuncupavit. Ibi inter se viderunt mater & filius, mutuoque aspectu & convictu recreati sunt totis sex hebdomadis, numquam amplius invicem revisuri; nam ipsa Toletum reversa, Rex cum uxore ad confinia abiit, neque in Castellam amplius venit.

*post vastav-
sos Mauro-
rum agros*

123 Transito autem portu ivit in Andujar, ubi totum suum exercitum colligens, cum Regina uxore profectus est Jaën. Ac primum vastavit hortos vineasque & messem totam, nec quidquam quod reperit dimisit integrum: deinde progressus est Alcalam Abenzaidæ, & similiter egit, multos Mauros abducens in servitutem. Postea transiit Illoram, intravitque suburbium & expilavit; oppidum vero incendit, occisis captivatisque Mauris toto illo districtu. Fuit autem præda copiosa quam inde avexerunt, tam in gemmis lapidibusque pretiosis, quam supellectile ac vestimentis, copiaque magna pecorum ac jumentorum: erat enim oppidum dives valde. Inde nobilis iste Rex ad campos Granatenses populabundus excurrit, idemque fecit in montanis locis, donec veniret usque Granatam: circa quam mansit diebus aliquot, destruens ac vastans omnia quæ Maurorum erant, absque eo quod hi auderent contra eum procedere. Videns ergo frustra se ibi hæsurum, recessit Martos, ubi ad eum Murcia venit Magister D. Pelagius Correa, Regique narravit quam prospere ibi egisset D. Alphonsus filius, ejus victoria relata de resistentibus Mauris, quod Regi lætitiā non parvam attulit.

*Giennium
obsidet.*

124 Tum illius consilium exquisivit, interrogans, quid ei de Jaën civitate obsidenda videretur: qui respondit optimum id factu esse; idemque sensus fuit omnium aliorum Procerum. Convenerunt ergo Magnates hominesque opulenti & cuncta sodalitia

litia militaria, & statuerunt qua ratione alii hoc, alii alio tempore, adessent ad obsidionem per vices continuandam, donec urbs traderetur. Et hoc ita quidem coeptum est; sed cum vidisset Rex, post dies aliquot ibi consumptos, non procedi quemadmodum constituerat & volebat; ipsemet eodem accessit, mansitque, licet incommodissimo tempore, frigido utique & pluvio, quia media hiems tunc agebatur: unde fiebat ut tam homines quam iumenta plurimum damni paterentur, nec tamen ab obsidione recessum.

125 Videns ergo Rex Arjonæ, qui idem & Granatæ, Ferdinandum tam pertinaciter inhaerere proposito, neque recessurum nisi capta urbe; quæ longa fame pressa, non videbatur diu posse resistere, fatigatis extenuatisque propugnatoribus; se vero non sufficere ad auxilium obsessis ferendum, omni ex parte sic clausis, ut nec egredi quisquam nec ingredi ad eos posset; statuit ad Regem supplex accedere, seque ac sua omnia ejus fidei tradere, confidendo in ejus magna bonitate, quod clementer habiturus eum esset. Hoc suum consilium cum Mauris proposuisset Rex barbarus, quo nullum ei occurrebat salubrius, ad ipsis suoque honori ac regno consulendum; perrexit ad Regem Ferdinandum, seque subditum ejus professus, cum osculo manuum tradidit in illius potestatem; simulque obsessam urbem in pignus perpetuæ fidelitatis. Excepit eum sic humiliatum Rex humanissimus, cum ea clementia qua tales solebat; pactusque cum eo est, ut maneret in regno ac dominiis suis sub tributo centum & quinquagies mille maravedisiorum annue pendendorum, & obligatione sequendi suam Curiam, ac fidæ societatis pace & bello; solum urbem obsessam, utpote jam propemodum subactam, dimitteret. Quod cum utrimque placuisset firmatumque esset, tradita est Ferdinando urbs Jaën.

Cujus defensionem desperans Granatæ Rex

C

ultra se Ferdinando subiecit

*relictis eidem
urbe Iacensi,*

126 Est autem urbs hæc perquam populosa & ampla, multisque ac fortibus turribus munita, abundatque aquis bonis intra muros, & copia rerum omnium quæ possent in nobili atque opulenta civitate optari: bellicosa etiam multumque formidata erat, antequam veniret in potestatem Christianorum; postquam vero his cessit, fuit semper propugnaculum confinium, quæ ex hinc secura manserunt, atque extra periculum habitari ab eisdem potuerunt. Sed regrediamur ad Historiam.

qua Christianis habitanda traditur.

127 Tradita in illum modum civitate, ingressus eam est Rex cum processione totius Cleri, rectaque procedens ad Mezquitam majorem, dedicari in ecclesiam fecit sub invocatione S. Mariæ, Missam cantante D. Guiterio Episcopo Cordubensi. Stabilivit etiam ibidem Cathedram d' Episcopalem, attribuens ei oppida & Castella ac fundos sufficientes; misitque in omnem partem, invitans ad implendam urbem, sub pollicitatione multarum immunitatum ac privilegiorum, quæ venientibus illuc habitatum fideliter præstitit, dividens eis civitatem & agros. Mansit autem ibidem Rex mensibus octo, pacem constituens, munitionesque restaurans quatenus opus erat.

*Decernitur
obsidio Hispalensis.*

128 Postea convocatis in consilium Magnatibus atque ditioribus regni Magistrisque Ordinum, dixit, aliquid denuo tentandum videri, quandoquidem jam pridem otiabantur. Singulis vero sententiam dicentibus, & quibusdam excursionem versus Hispalim suadentibus, aliis castella quædam Maurorum adhuc relictæ in confiniis expugnanda; Magister Pelagius & varii Equites Ordinis S. Jacobi, rerum bellicarum experientissimi, magis probaverunt ut obsideretur ipsa Hispalis, qua urbe superata prona essent futura omnia. Erant tamen quibus consultius videbatur, excursionibus iteratis prius depopulari agros circumquaque, ac tum demum defatigatos obsidere;

obsidere; ita minori tempore atque periculo capiendam urbem. Nihilominus Magister Pelagius aliique multi perstiterunt in sententia, asserentes, tempus illud quod ponendum esset cundo ac redeundo, & sumptus faciendos in expugnandis minoribus locis melius impendendos metropoli capiendæ; ita uno eodemque labore omnia simul absolvi: quod consilium etiam Regi, magis placuit, & stabilitum fuit.

ANNOTATA.

a Lorca ad fines Granatenfes jacet, Cartagena ad mare, portu & Episcopatu insignis: sed quæ prima ac præcipua hic nominatur Mula, nusquam apparet in tabulis.

b Villa-regalis, media fere via inter Toletum & Cordubam trans flumen Guadiana: nec adeo procul, intervallo circiter 6 milliarium ad ortum, est Civitas-regalis, urbs ampla, olim etiam florentissima.

c Addit Mariana, Regem Oysemelium, factione inter suos tumultuante, de vita deque imperio periclitantem, præsidium quæsisisse à Christianis.

d Ægidius Davila tom. 1 Theatri sui Ecclesiastici pag. 245 pri-

mum hujus urbis Episcopum facit Dominicum, qui tamen Bæza fuderit totis 59 annis, fueritque Ordinis Predicatorum, & successorem habuerit Petrum, à quo Bæza Episcopus relata sit Sedes anno 1249, annuente Innocentio IV. De Petro nulla occurrit dubitandi causa, de Dominico longe maxima; cum S. Dominicus Patriarcha, teste Bzovio Dominicano in Annalibus, primos in Hispaniam Predicadores solum miserit anno 1219, & Bæza tunc necdum fuerit Christiana, primum capta à Ferdinando aliquot annis post: ut si ibi revera fuerit Episcopus Dominicus iste, fortassis id solum fuerit annis 19.

P A R E R G O N I I.

*De situ & munitionibus urbis Hispalensis tempore
obsidionis mox narrandæ.*

129

P Rins quam porro pergam Latine reddere textum
Chronicæ Ferdinandæ, expediet, ad eum
clarius & facilius intelligendum, præ oculis po-
nere situm statumque urbis, qualis erat cum eam
obsedit Rex sanctus, præeunte & pralucente
accuratissimo Hispalensis historiæ & antiquitatum urbis
scriptore Alphonso Morgado, annis ab hinc ferme cen-
tum impresso Hispali. Hic cum lib. 1 cap. 14. dixisset, quod
Mauri Hispalenses, progeniti à primis ex Africa
transgressis Hispaniarum domitoribus Arabibus, eo
tempore Rege destituti, numquam se voluerunt sub-
jicere Maurorum Granatensium Regi, utpote igno-
biliorum & ex Palæstina, post ipsos advectorum,
quamvis diu eos multumque sollicitasset; sed unius
inter suos præcipui, Axataf dicti, consilio fere &
auctoritate regebantur; hæc inquam cum dixisset Mor-
gadus, quam fuerit urbs armis annonaque & omnis ge-
neris apparatu ad vitam bellumque ducendum instructa,
colligi jubet ex diuturnitate obsidionis toleratæ.

*Describitur
urbis am-
plissima*

*cincta tur-
ribus. 166,*

130 Sed & hæc, inquit, brevis temporis fuit,
respectu ingentium hujus urbis virium. Etenim am-
bitu præcipui sui muri complexa spatium non mi-
nus quam octies mille septingentarum ac quinquaginta virgarum, plena erat populo bellicoso ac fe-
re innumerabili. Muri alti ac firmi, absque rima aut
ruptura ulla; utpote numquam bello pulsati, in-
structique turribus per circuitum centum sexaginta
sex & pluribus. Præcingebat eandem antemurale,
quale cuicumque magnæ civitati vel solum suffice-
re ad munitionem posset, cum fossa bene profunda
ac larga. Portæ ejus principales duodecim (ut de
posticis

posticis duobus taceam, Alcazarum & Atarazanarum
diētis) cum procurrentibus oblique propugnaculis,
densatæ clavis & ferreis laminis obductæ, supra du-
rissima boum tergora, craticulis chalybeis sub-
strata.

131 Quia tamen ex latere uno, atque adeo dimi-
dia sui parte, sex portas habente, securam magis
urbem faciebat fluvius Bætis, ad cuius sinistram ver-
sus Occidentem ripam jacet; ideo ex altero latere
sublimiores firmioresque muros turesque cum an-
temuralibus fecerant de industria, fossam etiam la-
torem profundiorumque, sicut hodie videntur. Sed
nihil æque magnam Mauris fiduciam dabat, ut sese
inexpugnabiles crederent, quam commoditas subfi-
dii tam hominum quam alimentorum, inferendo-
rum ex famoso illo & fertilissimo Herculis horto
(Axarafam ipsi appellabant) qui ex adverso urbis
trans flumen incipiens, decem leucas in longitudi-
nem & quinque in latitudinem extenditur, triginta
autem leucas suo ambitu complectitur, usque ad o-
liveta Nieblensia pertingens; in quo centum millia
prædiorum, præter arces vicosque, numerabantur;
habebatque in fronte Castellum Trianæ nuncupa-
tum, quod ex una parte, qua Hispalim respicit, flu-
men alluit; ex altera muri cingunt, instructi turri-
bus altis ac firmis, quales nunc quoque conspi-
ciuntur.

paratus
habens ex
Axarafa
subsidiū

132 Hinc porro vix dimidia leucæ horariæ parte
distabat perquam munita civitas Haznalpharache,
quæ omnes totius Axaraphæ Mauros tuebatur, po-
sita supra jugum montis, ad dexteram Bætis infra
Trianam, turrita etiam ipsa: quæque una cum ca-
stro Trianæ clavis erat regionis istius. Castro autem,
præter tures, prætensa ex hac parte erat fossa gran-
dis, quæ nomen usque nunc retinet foveæ Trianen-
sis; per quam derivabatur fluminis ipsius brachium,
Castello ac turribus ejus circumductum. Ut autem
faci-

per castellū
Triana,

in portum.

facilior esset inter urbem castellumque istud communicatio, ligneum supra naves grandes ac robustas pontem straverant Mauri, quem ferreis catenis ipsi castello adstrinxerant. Ut vero naves cis pontem stantes, & occupantes grande illud quod ante urbem protenditur fluminis spatium, ab omni incurfu securiores consisterent, ad Turrin auream affixa erat ingens catena ferrea, quam quoties visum fuerat tendere poterant trans ipsum flumen, affigendam cuidam firmissimo muro, hodieum manenti in platea quadam Trianensi, ab inde nomen Parietinae habenti.

Ejusdem
icon in thea-
tro Urbium

non valde
ab antiquo
discrepans.

133 Hæc Morgadus, tam clare omnia, ut præter ichnographiam urbis atque suburbiorum, oculis ipsis subjiciendam, desiderari amplius nihil possit: hunc autem defectum curioso lectori supplere poterit triplex iconismus urbis Hispalensis, secundum varium ejus aspectum insertus Theatro civitatum orbis, per Georgium Braun sociosque & successores sex libris vulgato Colonia, ab anno MDXXIII usque ad MDCXVII, scilicet lib. 1 tab. 2 lib. 4 tab. 2 & lib. 5 tab. 7, quarum secunda instituto huic accommodatior est, quia ad planum aptatur, cum enumeratione ac designatione singularum portarum, præcipuorum templorum, fororum atque suburbiorum. Interest tamen inter hic descriptam antiquam, & ibi notatam designationem recentiore, quod ibi nulla appareant indicia ætemuralium, & quod suburbium Trianae, ex quo conspiciendus urbis situs datur, representetur absque exterioribus ab aversa parte mœnibus, turribus ac fossa, fortasse solo jam æquatis; pro quibus ibidem videre est ad caput pontis Trianensis Carceres formidabiles sacre Inquisitionis, in modum castelli octonis turribus septi, & ultra illos longam secundum fluminis flexum plateam utrimque habitatam, usque ad monasterium de las Cuevas seu Cavearum, Patribus Carthusianis attributum, quod originem suam primum sumpsit circa finem seculi XIV.

134 Ultra pergendo, secundum fluminis ejusdem flexum, eadem tabula ostendit Amphitheatri amplissimi rudera, cum

eum monasterio S. Isidori, locisque nomen à Sanctis Brigit- ^{Vetus Hisp.}
 ta & Pontio sortitis; additurque epigraphe Sevilla la Vieja, ^{palis usi?}
 id est Hispalis vetus. Et sane verosimillimum prorsus est,
 quod Mauri, qui vix ullam Hispaniæ civitatem aut ne vix
 quidem ullam dimiserunt, quam non aut aboleverint peni-
 tus, aut alio transtulerint; eam quæ sub Romanis Gothis-
 que fuerat Hispalim, à dextero Batis fluminis latere ad
 sinistrum transportarint. Hoc autem si tenere quis velit, ces-
 sabit ei omnis quæstio de situ veteris ante Maurorum ir-
 ruptionem Cathedralis; eamque frustra requireret aliquis eo
 loco, ubi etiam illi ædificarunt Mezquitam, totius Hispa-
 niæ speciosissimam: quam victor Ferdinandus in Deiparæ
 Virginis ecclesiam convertit, & cuius adhuc turris clau-
 strumque ex parte supersunt. Non desunt quidem aliqui, <sup>quam præ-
 cul ab Italicæ</sup>
 existimantes veteris Italicæ, potius quam Hispalis, reli-
 quas esse amplissimorum, quæ istic adhuc reperiuntur, ru-
 licæ,
 derum vestigia: sed verosimilius est, fideli traditione trans-
 missum nomen loco isti remansisse. Quod ad Italicæ situm
 attinet, eum non audeo in Tablada concipere, nedum sus-
 picari Hispali in nominis appellatione Italicam successisse:
 paris enim antiquitatis utrumque nomen esse liquet ex Iti-
 nerario Antonini Imperatoris, Ab Hispali Italicam P. M.
 vi constituyente. Est autem & alius locus, Talca dictus, in
 partitione territorii Seviliensis à sancto Rege decreta, qui
 proprius nomen veteris Italicæ representat: quod tamen
 non ausim definire, donec partitionis prædictæ liber publici
 juris factus, plura tali conjecturæ fulcimenta suggerat. Cete-
 rum ipsa Hispalis antiqua proprium ex re nomen habuerit, si <sup>& unde na-
 men?</sup>
 (quemadmodum docuit Ortelium nostrum Arias Montanus)
 Phœnicium illud est, ex spila vel spala deflexum, quod
 planiciem sive virentem regionem significat, qualis est
 omnis ea, ubi Amphiteatri vestigia videri diximus.

CAPVT XIII.

*Progressus Hispalim Rex oppida quadam per iteꝝ
capit : ejus classis Mauricam vincit.*

135
*Post vastas
agros
Carmonen-
ses,*

*decepam-
que Alcalā
Guadayaꝝ,*

*nuntiatur
Regi mors
sua matris.
b*

REbus apud Jaën compositis, uti dictum est, obsidioneque Hispalensi decreta, Ferdinandus pro se reliquit Ordonium Ordoñez urbis Præfectum, qui reliquam domorum agrorumque partitionem prosequeretur, secundum mandata sibi facta; & ipse Cordubam rediit, atque post paucos dies egressus tetendit a Carmonam, quotquot extra portas reperit Maurorum mactans aut capiens. Eorum qui hac vice comitabantur Regem præcipui erant hi: Alphonsus frater Regis, filius D. Henricus, Magistri Ordinum S. Jacobi & Calatravæ, Didacus Sanchez & D. Ferdinandus Xuarez. Comitabatur eundem equitatus Cordubensis, perquam bene exercitatus; & Rex Granatensis, jam Regis Vassallus, cum equitibus quingentis, apud Carmonam eundem assecutus. Desolatione autem circa Carmonam quanta potuit facta, Rex cum exercitu abiit Alcalam Guadayaꝝ: Mauri vero qui Alcalæ erant, intelligentes Granatensem Regem esse in comitatu, egressi ex oppido ipsum ei tradiderunt: qui continuo illud consignavit Ferdinando in manus. Hic vero Alcalæ subsistens, fratrem suum Alphonsum cum Magistro Pelagio jussit incurrere in Axarapham Hispalensem, Regem vero Granatensem, cum Magistro Calatravæ ac filio suo Henrico, immisit contra Xerez.

136 Ibidem Alcalæ existenti Regi locumque munienti, nuntiatur obiisse ejus matrem D. Reginam Berengariam: nec dici potest quantum ex illa morte sensum doloris hauserit atque monstrarit. Succurrit tamen ei, ne tristitiæ succumberet, innatum animi robur,

robur, invictaque constantia ad quosvis casus perfectendos. Neque vero præter rationem erat, quod talem jacturam dolenter se ferre Rex tantus monstraret. Perdebat enim matrem, cui parem generositate atque virtute Rex nullus habuit: quæ utrique regno, Legionensi atque Castellano, imo Hispaniæ universæ, speculum omnis probitatis fuerat; cuius unius consilio, non unum tantum sed plura regna gubernabantur; quæque omnes ætatis suæ Reginas meritis exuperavit. Deplorata autem mors ejus fuit per omnes civitates, oppida, villas Castellæ ac Legionis, à magnis æque ac parvis; sed præcipue à nobilibus egentioribus, erga quos beneficentissima erat; perfecta & consummata in virtute, Dei rerumque divinarum amans, virtutis exemplum: quam bonorum omnium remunerator ut veram famulam & amicam dilectam faciat cum Sanctis suis regnum æternum hereditare. Amen.

137 Meminit historia nostra superius, quomodo Rex Ferdinandus, Alcala Guadayaꝛæ potitus, fratrem suum in fines Hispalenses, Regem vero Granatensem jussit in Xeritanos excurrere; nunc refert, quomodo iisdem à demandata sibi expeditione regressis, Ferdinandus ratam ac gratam habens operam sibi à Rege Granatensi navatam, eundem in regnum suum remiserit, ab ulteriori servitio absolutum. Hic magnas ei gratias agens, lætus atque hilaris ad propria rediit; ipse autem Ferdinandus Cordubam ivit, propositum habens in Castellam regredi. Sed suorum consilio desuper audito mutavit mentem: considerabat enim rebus suis perquam noxium tali tempore fore regressum in Castellam, ubi inventurus esset multa, quæ ut remedio sic etiam mora longiori egebant; interim vero messem facturos Mauros viresque sumpturos, quas postea difficiliter multo frangeret, atque ad eam in qua nunc erant imbecillitatem reduceret.

Qui dimisso ad suam Rege Granatensem,

jussitque parari classis,

138 Hoc ergo consilio approbato, Corduba discedens versus Jāen rediit; ibique intendentem bello contra Mauros prosequendo convenit Burgenfis quidam civis valde opulentus, nomine Raymondus Bonifacius: cujus adventus Regi gratissimus fuit, quia erat vir instruendæ regendæque classi navali idoneus, & ipse decreverat fabricandam unam, qua uteretur in mari ad subjiciendam sibi facilius Hispalim. Quare post longos cum illo sermones, remittens eum, in mandatis dedit, ut quam maximam possit classem & compararet navium & triremium, cum eaque veniret versus Hispalim. Raymundo cum talibus mandatis dimisso, regressus est Cordubam Ferdinandus: ibi enim condixerat Proceribus atque Magistris Ordinum ac populorum deputatis: mox autem atque exercitus convocatus adfuit, procedere versus Carmonam jussit, ipsemet continuo subsecuturus.

*Carmonam
deditione
capit,*

139 Præcessit ergo ille, & Rex quinto post die affecutus eum est: quo presente, statim cœperunt vastari suburbana omnia, horti, vineæ, fruges; crescente continuo numero Christianorum, per eos qui ex regno Legionensi, Coriā item, Granata, Motanches, Medellino, Caceres, aliisque ex locis affuebant. Quod videntes Mauri Carmonenses, ratique se obsidendos, petierunt inducias mensium sex, quibus manerent quieti à bello sub certo tributo, interim vero tractaretur de oppido Regi tradendo. Placuit Regi propositio talis, libenterque eis postulata concessit: quippe cui minime in animo esset, obfidioni isti se suasque vires impendere. Similiter etiam Mauri illi, qui Constantinam, quique Reynam incolebant, accesserunt ad Ferdinandum, postulantes condiciones, sub quibus oppida sua traderent ei; quas continuo eis definivit, & Constantinam Cordubæ, Reynam Ordini S. Jacobi concessit, manentibus ibidem Mauris, quia sic convenerat.

140 Tum

140 Tum Priori S. Joannis, qui postea Commendator fuit, mandavit Rex, ut cum numero congruo militum peteret e Loram: cujus incolæ diffidentes sibi, mox pacti deditionem, locum Priori pro Rege tenendum tradiderunt; hic vero illum cum districtu suo donavit Ordini Hospitalariorum S. Joannis. Deinde Carmona discedens, transivit vado flumen Guadalquivir dictum, non sine magno suo suorumque periculo, propter spatiosas salebras ibi occurrentes, quibus operiendis superandisque contextæ fuerunt plurimæ crates ex ramis arborum, per quas solo stratas utcumque transgredi multum laborantibus contigit. Transito autem flumine, itum est Cantillanam, quæ Maurorum erat; & hanc vi obtinuerunt Christiani, occisis captisque quotquot intus erant, numero septingentis.

deinde Loram;
c

Cantillanæ

141 Tum porro processum Guillenam, Mauris quidem refertissimam, sed excidio Cantillanæ factæ sic territis, ut elegerint pacisci quietam in loco commorationem, salvis rebus ac fortunis suis, seque Regi sic subdere: qui eis in fidem receptis, perrexerunt Gerenam f, ubi Mauri sese ad strenuam defensionem paraverunt. Hoc cognito crates ac vineas Rex fieri iussit, & resistentes validissime oppugnari. Qui ad angustias magnas redacti, pacisci quidem voluerunt; sed audire eos Rex noluisse, omnes perditos volens, nisi Magnates sui ei suassent, ne istic se pateretur occupari. Quare indulgit iis ut liberi egredi è loco possent, nihil secum auferentes; ipse vero Guillenam rediit, ubi gravi pressus infirmitate, ne cursus victoriæ sisteretur, exercitum misit versus g Alalam del Rio, obsiderique eam iussit & oppugnari usque dum caperetur.

f
Guillenam;

g
Alalam
del Rio.

142 Hoc dum machinis adhibitis conantur exequi duces militesque, convaluit Rex; illucque profectus, præsentia sua accendit oppugnationem: exiguo tamen cum successu, quia balistæ murales tertia

K

quarta-

quartaque vice rumpebantur. Erat autem intra oppidum Axatas Maurus, qui cum equitibus trecentis frequentes ac damnosas Christianis faciebat eruptiones. Ideo mandavit Rex omnes hortos, vineas segetemque succidi: quo viso Maurus, non ausus ibi diutius subsistere, egressus inde sese Hispalim recepit; ceteri vero, quibus potuerunt conditionibus, fecerunt Regi deditionem.

*Ejusdem
classis pro
obsidione
Hispalensis
adducta*

143 Oppido huic muniendo dum intendit Ferdinandus, nuntiatum ei est Raymundum Bonifacium venire quidem cum classe, ab epibatis, militibus, annona, & omni apparatu bellico optime instructa; in magno tamen periculo positum esse, propter ingentem vim copiarum Mauricarum ex Tanger Zeuta, atque ipsa Hispali terra marique venientium in occursum, proinde opus esse auxilio festinato. Ad hujusmodi nuntium exhilaratus Rex, ne quid damni classis pateretur ex mora, misit continuo Rodericum Flores, Alphonsum Tellez, & Ferdinandum Diañez, cum sufficiente equitatu ac peditatu. Hi cum venissent eo ubi in anchoris stabat *h* classis, nullos conspexerunt Mauros; nec adventuros rati, rediverunt Alcalam, ubi Regem dimiserant.

*Maurorum
classem pro-
fligat,*

144 Verum vix abierant, quando advenerunt Mauri, coeperuntque acriter oppugnare naves Christianorum. Qui viso discrimine, nequaquam dimiserunt animos: sed generosissime præliantes, Deoque cuius causa agebatur fidentes, adjuvante eos benedicta Virgine Maria suiue Regis Ferdinandi fortuna, adeo strenue rem egerunt contra fidei inimicos, ut turbatis eorum ordinibus triremes tres ceperint, unam combusserint, tres mari merferint, ceteras in fugam egerint, quæ usque triginta advenerant, cum Raymundus solum tredecim numeraret. Ita in aquis res acta: terra autem magna quoque vis Maurorum egressa erat, tam Hispali quam ex aliis partibus; quando ex castris regiis processit Eques

Eques D. Rodericus Alvarez: qui intelligens Mauros eo tendere, ut classem aditu prohiberent; quam potuit celerrime cucurrit in auxilium Christianorum, inciditque in cohortem Maurorum, cum quibus confliens dispulit in fugam, & magnam in fugientes stragem exercuit.

ANNOTATA.

a Carmona, etiam Ptolomaeo ac Straboni nota, urbs olim ampla, nunc exiguum oppidum, distat Hispali ad ortum leucis sex, uti ait Morgadius cap. 15 ex quo plurimam huic & sequentibus capitibus lucem adferemus, utpote qui hanc ipsam Chronicam pra oculis habuerit, & accurate expendit.

b Annus agebatur 1247, quare eum (sicut dictum est) à prima Berengariae cum Conrado desponsatione, facta circa annum 1185, anni ut minimum 62 effluxerint, ipsaque tunc esse debuerit saltem duodennia, apparet longe ultra septuagenariam obuisse. Moriens humiliter & in plano sepeliri voluit, in regio Huelgarum monasterio Burgis: sed cognominis ei ex sancto filio neptis, anno 1251 honorificentius transferendam curavit; & ne soli praesenti seculo pompa illa serviret, ab Innocentio Papa IV obtinuit Indulgentias, omnibus ipso die ac decem post secuturis pro anima ibidem oraturis, de quibus Indulgentiis vide Odericum Raynaldum in Annalibus num. 27 anni jam notati 1251.

c Incole S. Vincentii de Barquera, istam classem apud se fabricatam fuisse gloriantur, apud Zuni-

gam ad an. 1247. num. 1.

d Sed neque consultum erat urbem hostilem tam potentem, qualis erat Carmona, habere à tergo. Constantina autem & Reyna, in tabulis Venta la Reyna, Castella finibus propiorescis Batim, etsi longius ab Hispali posita (praesertim Reyna, quatrIdui itinere distita) incommodare tamen vehementer poterant comineatibus, ad castra vel Murciam deducendis.

e Lora, Media fere via inter Cordubam & Hispalim, ad dexteram Batis ripam.

f Cantillana, Guillena, Gerena, uno fere tractu ab Ortu in Occasum tendenti occurrunt, prior ab urbe leucis 5, secunda 3, totidem quoque distat ultima.

g Alcala, del Rio dicta, quia in dextra Batis ripa sita, duobus leucis supra urbem.

h Quamvis Hispalis decem circiter leucarum spatio ab Oceano distet, aestuario tamen amplo dilatata pars extrema fluminis, navibus copiosis aditum praebet, easque ad urbem usque transmittit: itaque Classis Christiana non nisi una alterave ab urbe leuca videtur stationem sumpsisse.

CAPUT XIV.

Terrestres aliquot victoriola de Mauris, post pugnam navalem.

145
Rex traje-
ta parte
exercitus

Necdum intellexerat Ferdinandus relata-
a à classe sua contra Mauros victoriam, qua-
b re in illius auxilium festinans etiam ipse,
c nocte prima dormivit ad Vadum quod à
d Palis a nuncupatur, idque ad decimum
e quintum diem Augusti. Altero die pervenit ad Tur-
f rim b appellatam ab Aquæductu; multumque exhi-
laratus est, audito pugnae navalis successu; iussitque
c retroagi classem, & istuc c ubi ipse erat appell. * Pe-
lagius autem Correa Magister Ordinis S. Jacobi,
cum equitatu suo, tam Fratrum quam secularium
d circiter ducentorum septuaginta capitum, fluvium d
e transivit subtus e Aznalfarache. Audax profecto
f consilium: ad eam enim partem posuerat sese, tran-
situm exercitui prohibiturus, Abenamafon Rex f Nie-
blæ; tota autem exinde terra erat Maurorum nume-
ro fere infinitorum, ipsumque Aznalfarache habe-
bat equites peditesque, & ex toto districtu plurimi
undique accurrebant. Ita Magister cum Equitibus
f suis quotidie pugnare debuit, modo cum unis, mo-
do cum aliis, nullam ei requiem permittentibus:
g & nihilominus semper remanebat victor, modo
confusis ordinibus recedere eos cogens, modo gran-
des eorumdem strages edens.

eaque ripam
alteram ob-
tinente,

g

146 Videns autem Ferdinandus Rex, quanto in
discrimine versaretur Magister; Non est aqua, in-
quit, partitio inter nos & eos qui sunt trans flumen:
hic enim sumus ad mille equites, & illi trecentos
non numerant: oportet ergo ut aliqui adhuc eis se
jungant. Itaque mandavit Roderico Flores, Alphon-
so Tellez, & Ferdinando Diañez ut & ipsi ad alte-
ram

ram ripam transirent: quod feliciter factum, magno rebus adjumento fuit, sicut infra dicetur. * Interim Rex ipse, ^{cis flumen} cis flumen metatus castra, ^{castra ma-} quotidianis et ^{tatus in-} iam Maurorum incurfibus fatigabatur, nec pauca re- ^{commoda} cipiebat ab iis damna, tam hominum quam jumentorum; idque hi faciebant citra periculum suum, eo quod regio tota esset plana, ubi insidias nullas timere debebant; opusque erat Christianis continuo manere in armis. Quare visum est Regi transferenda esse castra *h* Tabladam.

147 Huc ergo cum procederet exercitus, latus ejus tegebat Eques quidam, Gomez Ruyz Manzanedo nuncupatus, cum cohorte Madritensi: in quem incurrentes magno cum impetu Mauri, equites duos & sex equos occiderunt. Tamen adeo generose repulsi sunt à Christianis, ut denique eos in fugam egerint fere Hispalim usque, multis Maurorum ^{Rationem mutat.} mactatis, & equis captis; atque ita probe suorum cædem ultus est Gomefius. Traductus autem Tabladam exercitus, ut melius potuit castra munivit, pro exiguo numero quo constabat: necdum enim adveniant delecti à communitatibus milites: quare ut ab incurfibus Maurorum tutiores se redderent Christiani, circumduxerunt iisdem castris profundam fossam.

148 Contigit porro quosdam equites egredi ad custodiam pabulorum, post quos egressi sunt, aliquantam moram in castris trahentes, Don Garcias Perez de Vargas & alius quidam Eques, videruntque obviam sibi venire septem Mauros: quibus conspectis dixit ille alter D. Garciae, Domine, vertamur retro, ipsi enim septem sunt, nos autem dumtaxat duo. Cui Garcias, Non ita, inquit, mi Domine, sed progrediamur; neque enim nos audebunt expectare. Visa est alteri fiducia ista plena demencia: quare adducto fræno retro egit equum, reditque in castra quam occultissime potuit, seque in

*Spēctante o-
minis Rege,*

tentorium recepit. Erat interim in speculis Rex, & quoniam regio plana erat, ipse vero tentorium in editiori nonnihil loco habebat, vidit omnia quæ agebantur, mandavitque ut in auxilium illius, qui solus pergere contra septem præsumebat, egredierentur aliqui. Sed Laurentius Xuarez, lateri assistens, qui viderat egredientem ex castris D. Garciam Perez, certoque sciebat ipsum hunc esse; Nihil, inquit, est opus, Domine mi Rex: eques enim ille est Garcias Perez, nec eget auxilio contra septem Mauros; qui, si noverint eum, cavebunt congressum; sin autem, videbit Celsitudo sua quantus ille sit.

*impune eos
transit:*

*iterumque
eodē rediens
ob amissum
pileolum,*

149 Cum ergo Mauri appropinquarent, petiit à scutifero arma sua, mandavitque à se ne abiret longius; cassidem vero alliganti excidit pileolus inobservatus, atque ita viam est profecutus Garcias, pone subsequente scutifero. Mauri vero agnoverunt eum (erat enim inter ipsos famosus ex rebus quacumque occasione gestis) nec præsumpserunt eum aggredi, sed in utrumque latus viæ partiti comminabantur. Transivit ergo Garcias, irretorto vultu eos intuens. Tunc illi abeuntes, substiterunt in loco, ubi Garcias pileolus de sub casside exciderat: quem deinde galeam dissolvens, ut deesse vidit, quæsit ex scutifero ubinam is esset. Hoc autem respondente, se nihil de eo scire; intellexit Garcias excidisse eum sibi: ideoque resumens arma, relegere iter quo venerat voluit, mandans scutifero, ut attento oculo elapsum requireret. Graviter id ferens armiger, Eia, inquit, Domine, an tu propter pileolum vilem redire in tantum discrimen cupis? nec satis gloriæ tibi esse putas, quod unus non timueris septem equitibus occurrere, eisque despectis progredi via tua? At Garcias: Tu vero, non vides, sine pileolo si sim, sine capite me esse? (erat enim calvus) & hoc dicens regressus est eo, ubi primum arma induerat.

150 Tunc

150 Tunc Laurentius Xuarez redeuntem videns, inquit Regi: Vide quomodo regrediatur ad Mauros, aggressurus ultro eos, qui se aggredi transeuntem timuerunt: nunc videbis quam fortiter in eos inventurus se sit, si forte eum audeant præstolari. Ast hi redeuntem versus se conspicati, receperunt sese, nec ausi sunt hominem exspectare. Tum iterum Laurentius: Eccum, ut dixeram; nonaudent septem Mauri expectare unum Garciam Perez, quod Cel-
*in fugam
 agit solo sui
 terrore.*

itudini tuæ specimen sit ejus famæ, qua etiam hostibus noti sunt generosiores Equites tui. Denique perveniens ad locum Garcias ubi pileolus exciderat, armigero desilire in pedes jussu ipsum recepit capiti-
i
 que imposuit, atque ad pabulatores perrexit. Reversis autem equitibus iis, quos egressos diximus, ad illorum custodiam, cum iisque Garcia; quæsiuit ex eo coram Rege Laurentius, ecquis fuerit Eques iste, qui cum deseruerat. Sed Garcias negavit se novisse hominem, neque patienter tulit se in faciem laudatum: idem vero postea sæpe interrogatus, semper excusavit se scire quis esset, quamvis hominem quotidie videret in castris; nolebat enim quidquam ejus famæ detractum, qui vulgo bonus Miles habebatur; sed & armigero inhibuerat, ne cuiquam faceret illum notum, interpositis minis si aliter fecisset.

151 Translatis, ut dictum est, Tabladam castris, impetum in ea Mauri fecerunt, ex ea parte quam tenebant Magistri Calatravæ, Alcantaræ *k*, & Alca-
k
 nizii *l*, inventosque ibidem verveces aliquot abdu-
l
 cebant. Quod intuens Ferdinandus Ordoñez Magister Calatravæ aliique Magistri, una cum suis Fratribus, celeriter insecuti sunt Mauros. Cum vero eos
*Protracti
 ad insidias
 Christiani
 pauci*
 jam pene attrigissent, inciderunt in locum ubi Mauri Equites quingenti se collocaverant, porroque pergentes venerunt in locum alium insidiarum, ubi equites trecenti subsistebant cum multo peditatu. Tum vero utrimque erumpentes in Christianos, in
mediq

medio eorum deprehensos, acriter eos coeperunt hinc & inde urgere. Qui tali in discrimine positos se reperientes, & vel moriendum sibi vel vincendum esse, Deo commendaverunt animas suas; tantoque cum impetu insiluerunt in barbaros, ferientes à dextris atque sinistris, ut denique in fugam utroque compulerint, quamvis nonnumquam subsistentes ac pugnam redintegrantes. Duravit autem certamen istud ab aurora usque in horam nonam, in quo multi Mauri tam equites quam pedites occubuerunt; Christiani vero, obtenta victoria revertentes ad castra, obviam habuerunt Ferdinandum Regem auxilio sibi venientem, cum quo pariter regressi sunt exultantes ob successum.

victores rediens:

alii similiter

152 Talia dum agerentur ex hac fluminis parte apud Regem Ferdinandum, in altera erant Magister Pelagius Correa, Rodericus Flores, Alphonsus Telles & Ferdinandus Diañez, stationem habentes subtus Arnalfarache: qui procedentes inde irruerunt in Gelves *m*; atque adeo strenue oppugnarunt, ut vi locum ingressi occiderint aut ceperint Mauros omnes intus repertos, cum opulentis spoliis. Hinc vero perrexerunt Trianam, unde contra eos egressi Mauri multi pedites equitesque: sed eos sic exceperunt Christiani, ut denique in fugam actos persecuti sint usque ad portas castri: atque ita cum honore & nemine suorum amisso, redierunt ad stationem prædictam. * Ibi cum essent, Mauri Arnalfarachenses quotidie excurrebant, non sine aliqua jactura hominum nostrorum ac jumentorum: cui malo remedium posaturi illi, consilio inter se habito, posuerunt insidias. Cum ergo solito more egressi essent Mauri, venissentque in præparatum sibi locum; prius quam eum omnino transissent, detexerunt insidias. Quod ipsis quidem nonnihil principio profuit: sed antequam se recipere possent, adeo acriter inventi Christiani sunt, ut occiderint ceperintque plures quam

minutus aliquot historias

quam trecentos, persecutique sint usque in Arnalfarache, neque deinceps illi ausi sint amplius è sua munitione prodire.

153 Post hæc intellexit Magister quod Capitaneus quidam nauticus, Hispali missus, transisset Triana, venturusq; esset in Arnalfarache ad subsidium suorum ibidem existentium, itaque tetendit ei insidias: quas quidem evasit Maurus exerrans à via, assecuti tamen eum Christiani sunt; & occisis novem è comitatu, ipsummet dejecerunt de equo; parumque abfuit quin caperetur, nisi maximo numero erumpentes præfidiarii, periculo eum subtraxissent, quamvis non sine jactura suorum. referunt.

ANNOTATA.

a Vadum hoc, inquit Morgadus, est supra Alcalam duabus leucis, sed propter commoditatem transitus, utendum hoc circumcivita fuit: vulgo est Vado de las Estacas. Cur autem ommissa commoditate, quam ad obsidionem formandam ex eadem parte fluminis præbere videbantur jam occupata oppida Cantillana, Guillena & Gerena, maluit Rex iterum trajicere flumen, paulo ante tanto labore transitum? Causam addit Morgadus, quia, ut ex illa parte occurreret classi, transeunda fuisset tota Axarapha, Mauris confertissima.

b Vulgo Torre del Caño, quæ hodieque permanet, sed modo nominatur Turris-pabulatorum, juncta magno Aqueductui (vulgo Caños de Carmona vocat, Romana magnificentiæ æmulum opus, uti in tabula videre est, Carmonæ deductum) distans à sinistra Bætis ripâ quarta circiter leucæ parte, ab urbe autem leucis duabus, & sex à vado prænominato de las Estacas.

c Confusâ hæc narratio est, inquit Morgadus, dum tacetur,

qua ratione à Turri-aquæ ductus pervenerit exercitus ad ripam fluminis infra civitatem, vel ubi metatus sit prima castra: ex eo tamen quod mox dicitur Pelagius transisse fluvium infra Aznalpharache, colligimus castrorum locum fuisse media circiter leuca infra Hispalim. Ibi ergo steterit classis, ubi circa annum MDLX eruta fuit anchora antiquissima, & formæ prorsus differentis ab hodierno usu, quæ potuit à tempore hujus obsidionis ibi jacuisse.

d Cum fluvius ibi profundissimus sit, & maximas etiam naves usque Hispalim transmittat, fieri non potest ut eum Correa transiverit Vado sicuti impressum legitur, & bene observat Morgadus. Quid ergo? Vitium fuerit transcribentis librarii, qui omissis syllabis aliquot legerit, à vado, ubi legendum erat à Puentelevado; fuerit autem sic dictus Pons eo loci positus, quia in medio ligneus attolli poterat & navibus præbere transitum. Pontem certe ibi fuisse probat Morgadus, ex pilis ibidem adhuc remanentibus, atque ad justam

K 3 inter

intervalla dispositis, qui debent à præternavigantibus magna cum cautela transiri, ne alterutro latere naves impingant.

e In tertia Hispalensis civitatis tabula, notantur velut rudera magni oppidi atque turriti, uno quadrante ab urbe, cum titulo S. Joannis del Foratche.

f Niebla, oppidum nunc, tunc ampla satis urbs, trans Rivum-tintum sive Azecham, Hispali fere ad Occasum sita, intervallo circiter 10 leucarum.

g Iterum hic erratum videtur à librario, scribente Embarcandolos; est enim embarcar navigio imponere; neque satis commode id explicat Morgadus de fuga Mauro-rum ad naves suas, vel de captivorum transmissione ad castra Regia: quare credo scribendum fuisse Embarazandolos quod est impedire, confundere, vel Embargandolos, quod idem est.

Tablada
planities Hi-
spali pro-
pinqva.

h Tablada, inquit Morgadus, nomen ab eo habet, quod sit campus planus ac spatiosus (Latine Tabulatam diceremus) ab ipsis Hispalensibus muris patens versus meridiem; atque adeo locus in quem translata castra dicit Chronica, magis ex fronte respiciebat civitatem, paulo amplius quam media leuca ab eadem distans, trans pontem Guadayræ, mediam Tabladam percurrentis, donec se in Batim immergat. Tam igitur commode illuc subvehi omnia poterant, quam ad ipsam Batum ripam, meliusque muniti castra quam in uliginoso fundo, qualè ad Batim longo tractu esse scribit Morgadus. Zuniga num. 7 addit ibi hodie visum Eremitorium S. Mariæ de Valme, atque ex traditione haberi quod ipso loco steterit sancti Regis tentorium. In Theatro Urbium lib. 4 fol. 2

dicitur, quod hoc loco plurima antiquitatis monumenta eruantur: veluti tymbi, lapideæ ac vitreæ lampades, urnæ, numismata, & alia id genus, ex quibus Romanorum sepulturam hic quondam fuisse intelligi potest.

i Zuniga, in Appendice ad Annales, pro an. 1247 num. 8, fatetur non deesse, qui putent totam hanc narrationem esse apocrypham: neque ipse pro ea fide jubere audeat: ad ejus tamen qualemcumque confirmationem ex Argote de Molina in 3 parte Nobiliarii Andaluziæ, ipsam refert rhythmo vulgari expressam: qui cujus ætatis sit nescitur, scitur autem etiam typis vulgatus fuisse ante annos ducentos. Non video eam eni quomodo res plane fabulosa irrepere in Chronicam hanc potuerit, nisi hac successu temporum transcripta ex originali fuerit & transcribendo interpolata, quod probari deberet, non simpliciter præsumi. Ego ut inveni sic dedi: penes auctores fides sit.

k Alcantaræ Magister VI D. Petrus Yañez, ab anno 1234 usque ad 1254, cui Rex donavit Metellinum & Bienquerenciam. Calatravæ Magister XII D. Ferdinandus Ordoñez, ab anno 1243 ad 1254: sub quo Ordinem istum ingressus est Regis Frater Alfonsus. Dominus de Molina, licet uxorem filios ac filias haberet, ut dicitur in Historia trium Ordinum.

l Alcanizium, oppidum Legionis ad confinia Portugalliæ juxta Mirandam-Durii: sed de Ordine inde nominato hætenus nihil reperi: ac neque Morgadus eum nominat, unde intelligimus pridem eum extinctum esse, vel uni ex tribus aliis incorporatum.

m Gelves, oppidulum seu vicus, Trianæ proximus ad occasum est.

CA.

CAPUT XV.

*Pugna & Velitationes terra fluvioque eventu
vario.*

Post tot tantasque strages, quas Mauris Chri-
stiani intulerunt, perseverante in obsidione
Hispalensi Ferdinando, illi in arctum se cogi
videntes tam aqua quam terra, & undique
oppugnari; magis tamen senserunt damna
quæ patiebantur à classe fluvium insidente, atq; adeo
auxilium, quod ea parte facilius haberi poterat, præ-
cludente. Quare, ut incommodum istud à se amoliren-
tur, construi fecerunt ex trabibus inter se contextis ra-
tem adeo magnam, ut totam fluminis latitudinem oc-
cupans caveri nullatenus posset: hanc autem onera-
runt vasis, igne Græco pice, ac resina plenis, stuppisque
& alia materia multa, ad flammam concipiendam dif-
fundendamque idonea. Ita instructæ machinæ impo-
suerunt militem multū, antecedentibus aliquot navi-
bus bellicis; magnaq; cū ferocia invec̃ti sunt in naves
Christianorum, ignem omnibus, si possent, injecturi.

154

*Mauri flu-
vium sibi
aperturi**conantur
classē Re-
giā in-
cendere,*

155 Eodem vero tempore etiam terrestres eorum
copiæ se moverunt, & horrendo utrimque tuba-
rum ac tympanorum strepitu vociferationeque ter-
ribili commissum est prælium: ad quod nec aqua
nec terra imparati Christiani, sic exceperunt adve-
nientes, ut utrimque tandem eos verterint in fu-
gam, coꝑti sui sero poenitentes. Magna tamen diei
parte duravit conflictus, potissimum navalis, prius
quam vinci se passi Mauri fugam arriperent cum
clade magna, eorum præcipue qui de navibus at-
que de rate desilientes in fluvium hauriebantur a-
quis. Neque damni quidquam passi sunt Christiani
ab igne Græco, quem ipsimet succedentes reddi-
derunt inutilem, æque ac ceteram materiam flam-
mi-

sed frustra.

miferam. Terrestres etiam Christianorum copiae, in utraque fluminis ripa, stragem magnam ediderunt fugientium tam equitum quam peditum, donec eos compulerunt partim intra portas Hispalenses, partim intra Trianense castellum: atque hunc exitum habuit Maurorum machinatio tam formidabilis.

Castra regia pene vacua esse referent.

156 Interim explebatur tempus induciarum cum Carmonensibus pactarum: qui considerantes Ferdinandi Regis fortunam proficere, res autem Maurorum retro ferri, pepigerunt cum Rege ut oppidum & omne ejus dominium ei cederent, ipsi vero ibidem vivere permitterentur salvis suis rebus omnibus. Hac conditione firmata misit Rex illuc D. Rodericum Gonzales Giron, ut suo nomine possessionem iniret: quo facto, relictoque in arce idoneo praesidio, rediit ad Ferdinandum Rodericus; actorumque reddens rationem, perquam bene receptus est. Contigit autem diebus illis castra regia pene absque milite relicta fuisse, dum aliqui egressi erant ut impedirent com meatum annonarium civitati inferendum, alii in Maurorum regionem incurrerant, alii denique pabulatores comitati aberant, Rege cum valde paucis castra custodiente.

credere non audent:

157 Tali rerum statu Eques quidam Maurus, exploratum egressus, recta ad tentorium Regis se contulit, meditata pridem fraude simulans, quod se & creditam sibi arcem vellet in potestatem ejus contradere. Ita benigne auditus & exceptus, castra perlustravit securus; cunctisque pro libitu exploratis, cum adeo male custodita omnia comperisset, lanceam sumpsit; cursuque versus civitatem arrepto, obvium quemdam balistarium occidit. Ubi vero civitati appropinquavit, immensum vociferari coepit, ne tardarent erumpere in Christianos, quorum nemo posset eorum manus evadere propter eorum paucitatem. Sed frustra omnis adhortatio fuit, & nemine egredi audente, etiam hac vice discussum periculum est a capite Regio.



158
Magistr
tenda
centio
celligen
merosis
clamore
dinatis a
caltra;
dos in fi
cum du
nu, sub
barbaros
fint mul
infecuti
in civitat
tenere p
tes in co
peditum
runt in fi
vibus sui
frages e
159 Q
bus suis
rum stab
dias in q
civitate
fueverat
tam diu
ter quad
porro di
locum,
qui om
bito eru
nati, c
facere,
ta iplis

158 Alias accidit Regem trans fluvium abiisse ad ^{egressi plene} Magistrum Pelagium, castraque cum exiguo milite ^{ripam} tuenda reliquisse Infanti Henrico, Dominisque Laurentio Xuarez & Ariæ Gonzales Quixadæ. Hoc intelligens Axataf, cum omnibus copiis suis bene numerosis egressus Hispali, ingenti cum strepitu atque clamore prorupit contra Christianos, tamquam ordinatis ad prælium turmis impressionem facturus in castra; sperans vel solo sui adventus terrore agendos in fugam esse custodes. Sed Infans Henricus, cum ducibus prædictis & exigua illa militum manu, subjicientes calcaria equis sic procurrerunt in barbaros, ut adjuvante ipsos Deo in fugam avertent multitudinem totam: quo viso, generose eos ^{profligantur} insecuti sunt, ferientes atque necantes, donec eos ^{a paucis} in civitatem retruserunt. Prius autem quam portas tenere possent omnes qui egressi fuerant, incurrentes in cohortem equitum quinquaginta & turmam peditum plus quam quingentorum, eos compulerunt in flumen, mactandos à Christianis qui cum navibus suis occupaverant ripam: atque ita magna strages eo die est facta.

159 Quia autem consueverant Mauri cum navibus suis sæpe accedere illuc, ubi classis Christianorum stabat in anchoris; visum his est ponere insidias in quadam arborum densitate, media inter civitatem & exercitum suum. Mauris ergo ut consueverant venientibus, progressi in eos Christiani tam diu secuti sunt fugientes, quoad necatis circiter quadraginta, ceteri in tutum se receperunt. Alio porro die triremes suas in ipsum illum deduxerunt locum, ubi insidias tetenderant antea Christiani: qui omnium securi cum illac præterveherentur, subito erumpentium adventu ac multitudine consternati, coacti sunt fugam retro quærere viamque vi facere, quod absque cæde hominum circiter triginta ipsis non licuit: ita par pari redditum fuit.

*ad impactus
fluminis al-
veo fudes*

*sape certa-
tur,*

*cæbro ex-
currentium
lembi*

160 Ceterum quia Christiani vehementer timebant navibus suis ab igne Græco, quem Mauri jaciebant; consuluerunt Ferdinandum Regem ecqua possent ratione amoliri periculum; qui respondit, successurum illis qualecumque remedium excogitassent. Illi ergo trabes duas crassissimas altissimasque in medium flumen defixerunt, qua Maurorum navibus transeundum erat. Quod cum fieret ægre admodum ferentes Mauri, & transitum sibi præcludi videntes, rem impedire conati sunt; itaque fiebat, ut ad trabes istas quotidiana committerentur certamina. Cum autem die quadam minus attenderent sibi Christiani, venerunt Mauri in lembis suis, quos probe armatos habebant; & prius quam observarentur grandibus funibus unam trabium constringentes, eamque extrahentes defundo, abierunt magno cum plausu propter successum. Raymondus autem Bonifacius, irritatus injuria & probro suis facto, assumptis triremibus suis bene instructis accessit ad ipsam navium Mauricarum stationem, seque de iis egregie est ultus, multis barbaris occisis & captis, nec paucioribus submersis; abduxitque secum grandiore navem unam satis pretiosam, cum minoribus quatuor, nullum ipse passus damnum suorum.

161 Hunc in modum quotidie inter Christianos ac Mauros terra & aqua res gerebantur: habebant autem Mauri quoddam balistariorum arcuum genus, quod adeo certos validosque perferebat ictus, ut excussum telum transiret equitem quantumcumque gravibus armis munitum: cumque eo utebantur, evibratis telis in naves Christianorum, adeo celeriter recipiebant sese, ut consequi eos Christiani nequirent; hoc vero sæpe facientes magnum inferebant terrorem & damnum. Suos ergo videns aliquando Ferdinandus sine fructu reverti, mandavit Raymondo Bonifacio ut iterum venturis Mauris poneret

ponere
ille ergo
lite m
quemd
& ope
etiam
vigiliorum
162
suis, om
tes; ac
dem su
rent qu
num Ab
tamqua
bat ad l
auxilium
succurre
occultat
in aquar
runt; &
tes, me
ad civita
tus est,
exceptis
tem len
Christian
nam &
mis fuga
dierunt

poneret insidias aliquas, eisque si posset illuderet. Ille ergo navigia duo bene instrui & generoso milite mandavit impleri, collocarique intra hortum quemdam Aycafae, ex parte Axarafa, abscondique & operiri ramis, sic ut conspici nequirent: paratas etiam esse iussit triremes, in subsidium dictorum navigiorum, quandocumque opus foret.

162 His ita dispositis venerunt Mauri in lembis suis, omnino securi nec aliquid insidiarum suspicantes; ad locum tamen earum cum venerunt, ibidem substiterunt. Christiani ergo ut eos pertraherent quo volebant trans ipsum locum, suorum unum Arabicæ scientissimum immiserunt in flumen, tamquam esset Maurus, qui natatu evadere cupiebat ad lembos. Hoc itaque Arabice vociferante & auxilium inclamante, festinaverunt Mauri eidem succurrere; itaque prætervecti sunt locum, ubi occultabantur Christiani. Hi autem, navigiis mox in aquam protractis, subsequi prægredientes cœperunt; & triremes ex parte altera iisdem occurrentes, medios interceptere Mauros, frustra reditum ad civitatem tentantes. Ita lemborum unus captus est, Maurique in eo venientes occisi omnes, exceptis quatuor quibus vita servata: secundus autem lembus, dum altero capiendo occupantur Christiani, evadere se posse speravit, sed frustra: nam & in hunc victores insilierunt, præcisisque remis fugam inhibuerunt, & gemina præda læti redierunt ad ceteros, nullo damno accepto.

*trahuntur
ad insidias
sibi positas.*

CAPUT XVI.

*Incurfiones utrimque ancipites, inter obfeffos
& obfidentes.*

163
*Ad vacua
iterum ca-
stra progres-
fos pradones
infequendo*

Iterum porro contigit ut militibus in varia par-
titis; ſcilicet ad tutandos pabulatores, ad impe-
diendum commeatum inferendum in urbem,
ad excuſionem aliquam in Mauros, & demum
ad excipiendum Infantem Alphonſum Murcia
venientem, caſtra Regia pene deſolata manerent.
Tali occaſione venientes Mauri equites ex Gazulis
decem, audacter ingreſſi ſunt verſus tentorium Prio-
ris S. Joannis; ſed nihil reperiunt quod auferrent,
præter paucas vaccas ante illud oberrantes, quas con-
tinuo abigere ſtuderunt. Prior vero cum Fratri-
bus nonnullis, injuriam animadvertens, ſumptis
mox armis progreſſus & inſecutus eſt prædones; qui
dimiſſis inter oliveta vaccis fugam capeſſiverunt.
Tum Prior receptas vaccas armigero cuidam per oc-
cultam ſemitam reducendas commiſit; ipſe vero
fugientes aliquoſque ſecutus, receptum cogitabat;
cum vidit peditum ſuorum aliquos longius progres-
ſos periclitari de vita, ſi dimitterentur ſoli. Hos ille
ut recolligeret, equites ſuos promovens, incidit in
locum, ubi centum quinquaginta equites Mauri
cum multo peditatu ſe latenter abdiderant.

*deducti ad
inſidias
Chriſtiani
pauci*

164 Videns igitur præcluſum ſibi receptum ad ca-
ſtra, adeoque aut pugnandum aut moriendum, li-
cet viginti ſolum equites apud ſe habens & pedites
paucos, tamen genereſe in hoſtem inveſtus eſt:
quorum multitudine cito obrutus fuiſſet, niſi eo-
dem ardore ſui omnes pariter impreſſionem facien-
tes, ducem eripuiffent periculo, amiſſo Equite uno
Commendatore Sietefillæ & ſcutiferis ſeptem.
Tum vero recrudit pugna, tanto genereſior ex parte
Chri-

Christianorum, quanto spes minor erat evadendi periculum; idque agebant tantum, ut ne inulti morerentur: quare ex his universim viginti, ex Mauris longe plures occubuerunt: donec denique totis castris clamatum est ad auxilium, Priori jam capto vel mortuo (ut credebatur) ferendum. Tum scilicet, egressis inter primos Episcopo Cordubensi D. Guiterio & D. Sancio Episcopo Coriæ, cum delectis Equitibus satis multis, ad festinatum eorum adventum, cœperunt Mauri receptum circumspicere, dimissis quos cinxerant Christianis; quare advenientes subsidiarii, paucos solummodo pedites in fuga tardiores affecuti, satis habuerunt Priorem non sine clade aliqua salvum recepisse.

165 Alia die D. Henricus, cum Magistris Calatravæ atque Alcantaræ, nec non D. Laurentius Xua-^{spoliant suburbia Hispalensia,} rez & Prior Hospitalis S. Joannis, communi consilio ad spoliandum suburbium Benaljosar a dictum noctu egressi, magnum ei loco damnum intulerunt, bona ejus parte incensa, abductisque pecudibus & jumentis non paucis, cum multa præda vestium rerumque aliarum: licet non sine vulneribus multis, quæ receperunt à barbaris, quorum plurimos vulnerarunt atque mactarunt, & sic tandem victores redierunt in castra. Iterum vero iidem Equites cum Infante Henrico ad suburbium alterum, Macarena b dictum, per nocturnas inveci tenebras, plurimos Mauros occiderunt & ferierunt: locoque ex parte combusto & spoliato, cum opulenta præda regressi, desolatum dimiserunt. Hujusmodi autem incurfus multi facti sunt durante obsidione.

166 Interim Rex Ferdinandus, recepto ad se Infante Alphonso, qui Murcia accersitus venerat, propius urbem castra admoveere constituit, mandavitque Infanti ut metaretur intra olivetum civitati propinquum, ipse vero cum reliquo exercitu Ta-

L

bladæ

bladæ substitit: quod perquam moleste tulerunt obsessi. Igitur Alphonfus, cum loco sibi præscripto metatus esset, militibus suis & Arragoniis à Rege Jacobo submissis imperavit, ut quod è re videretur pararent: qui constituerunt erupturis mox Mauris insidias ponere, quod & fecerunt. Et Mauri quidem (ut credebatur) excurrerunt; sed qui erant in loco insidiarum locati, citius quam par erat egressi, fortiter nihilominus rem egerunt; cumque iis se Infans Alphonfus junxisset, simul omnes secuti sunt fugitivos, mactantes & cædentes usque ad portas civitatis. Arragonii vero, propriam aliquam gloriam cupientes, separaverunt se ab Alphonso, quod eis nequaquam bene cessit.

*pauci plurimos fun-
dunt semel*

167 Duobus post adventum Alphonfi Infantis mensibus, venit cum novis copiis etiam D. Didacus Lopez de Haro: qui optime receptus, metari jussus est circa portam Macarenæ, jussus etiam est eidem se jungere Rodericus Gonzales de Galicia. Mauri autem videntes quod milites horum duorum Equitum non erant valde numerosi, sæpius contra eos erumpebant, quotidie lacessentes, semper tamen generose excepti. Quadam ergo die equites ex Gazulis Mauris fortissimis multi, cum congruo peditatu progressi contra D. Didacum, cum eodem ad pugnam egresso aliquamdiu ancipiti Marte pugnarunt; sed denique, victoriam Christianis largiente Deo, compulsi in fugam sunt; & quamvis aliquoties sese converterent ad resistendum, multitudine freti & hostium paucitate, identidem tamen acti sunt retro usque ad portas civitatis. Christiani vero, multis equis obtentis, ovantes regressi sunt ad stationem suam.

iterumque.

168 Alias iterum contra prædictos duos Equites emissum è civitate est omne robur Maurorum, ordinataque bene acie progrediebantur ad pugnam: expectabant autem eos obviam egressi Christiani,
nihil

nihil minori cum fiducia. Infans autem Alphonfus, qui promota ultra locum designatum statione, jam progressus erat trans fluvium supra Trianam, videns tantam Maurorum multitudinem, contra eos qui erant in altera ripa progredientem; confestim conscensis navibus trajicere properavit ad auxilium periclitantium: quo facto & Mauris se ultra non moventibus, quies utrimque fuit diesque elabebatur: quare priores se Christiani moverunt, sed Mauri expectare eos non ausi in civitatem se receperunt.

169 Eodem tempore & obsidione durante Almogavares c, qui erant in castris Ferdinandi, pro sua quique virili parte fatigabant Mauros, nunc incursione aperta vastando agros, nunc ex insidiis rem agentes, ea qua fieri solet in obsidionibus fortuna, dum utrimque ingenium solertiaque intenditur in mutuum damnum. Contigit ergo aliquando ad eum locum, ubi Christiani insidias posuerant, appropinquare multo copiosiores Mauros quam expectaverant. Quare videntes se latere difficulter posse, generose egressi in occursum sunt; sed Mauri tam validum impetum in eos fecerunt, ut fugere compulerint amissis viginti è suis. Atque ita Almogavares hac vice victi sunt, sed aliis deinde vicibus se egregie uli. Magister etiam Templi, in statione sua sæpius impetitus à Mauris, & toties iteratarum molestiarum pertæsus, mane quodam sub auroram exivit, seque in insidiis collocavit cum suis tam prope civitatem quam potuit. In horum manus cum incidisse se viderunt Mauri, solito more egressi, conati sunt quidem sese recipere in urbem; sed non ita cito fugere potuerunt, quin equites è suis septem, pedites autem plures quam centum amitterent. Itaque factum est, ut sæpe repulsi barbari, multum remiserint de fiducia egrediendi, qua initio utebantur.

C
vario Marte
pugnant Almogavares,

Templarii
fortiter agunt:

*Victoriam
fervidius
prosequentes
aliquē*

170 Solebant etiam iidem Mauri saepe erumpere per portam Alcazarii, quæ est propinqua vico nunc appellato Judæorum, transeuntesque per portam Guadayaṛæ aggrediebantur castra Christianorum, ac multis illatis quotidie damnis recipiebant sese ad pontem. Quibus indignatus D. Laurentius Xuarez, inito consilio cum Garcia Perez de Vargas & Equitibus aliis, ut eos deinceps ab huiusmodi cæptis absterret, egressus cum iisdem est ad ponendas insidias. Dum autem irent, edixit omnibus, quod si forte ad manus veniretur cum Mauris, eosque contingeret in fugam dari, nemo procurreret ultra portam Guadayaṛæ; fore enim ut ibi perirent, quandoquidem ab exploratoribus didicerat, trans portam illam, inter pontem & civitatem, resedisse magnam vim Maurorum, cui resistere non possent si pontem ingrederentur. Hoc autem dicebat, experiri volens quid acturus esset Garcias Perez: itaque se collocaverunt expectaturi Mauros, solito more trans pontem venturos contra castra.

*dimissum
inter Mau-
ros Garcia
Perez*

d 171 Cum ergo venissent, & locum insidiarum transissent, prodire in hostem qui latebant, accepto signo à D. Laurentio, adeo ferociter insilientes in eos, ut Mauri cæperint se recipere trans d pontem, insequentibus usque eo Christianis. Illis autem hic pedem figentibus, iidem Christiani eos generose pepulerunt trans pontem, multis fugientium in flumine demersis. Porro victoriæ dulcedine abreptus Laurentius jam pervenerat usque ad medium pontem; unde rediens atque post tergum respiciens, & animadvertens Garciam Perez minime sequi; recurrit ad pontem, viditque permixtum Mauris periclitari, quatuor eorum jam præcipitatis ab equo.

172 Tum vero Laurentius, Decepit nos, inquit, Garcias Perez, eo progressus ubi nobis opus erit manibus strenuis uti, si cum velimus recipere saluum.

Hoc

Hoc vero formidans, caveram ne quis nostrum transiret pontem. Verumtamen, quoniam eo loci nunc est, progrediamur in auxilium ejus; grande enim dodecus nobis foret, si tam insignis Eques per nostram culpam hodie amitteretur. His dictis irruerunt contra Mauros pontem tenentes, feriendo, mactando, & precipitando barbaros, quorum multi de ponte in flumen dati, alii ex ripa transitum natatu tentantes, submersi omnes sunt; ceteri turbatis ordinibus perquam confuse intulerunt se in portam Alcazarii, desiderantes e suis vice ista plus quam tria millia hominum. Cum vero redirent victores Christiani, dicebat eis Laurentius Xuarez, non invenisse se catenus cui inferior haberi vellet animi & corporis robore, praeter Garciam Perez, qui omnes eo die fecerat fortiter agere. Atque ex hoc tempore omnino non fuerunt amplius ausi Mauri redire ad oppugnanda castra Christianorum, sed quieti se continuerunt intra civitatem.

aggrece-
piunt hoste-
caso.

ANNOTATA.

a Liber quintus Theatri urbium, cujus Tabula 2 Hispalim exhibet in plano, cum nominibus portarum, platearum, ecclesiarum, precipuarum, atque etiam adium suburbanarum, usque hujus nominis meminit: sed plura ex eo tempore mutata esse patet ex portis Alcazarii & Guadaryx, mox nominatis ac Vico Judaeorum, quae hodie aliter nuncupantur.

b Macarenæ suburbium nomen dedit ei porta quae est in orientali urbis latere; incipiendo à Turri aurea septima inter decem.

c Almogavares, inquit Mariana lib. 10 cap. 10, hoc est veterani equites, præcipua dexteritate &

multis bellis adversus Mauros exerciti: & hujusmodi adscribit Rodericus supra initium expeditionis Cordubensis.

d Tagaretta, ultima sui parte urbis fere maenia lambens, videtur ponte instratus fuisse inter portam & pontem Guadaryx ubi erant castra regia: quae porta nunc à carnibus nomen habet, propter macellum ei propinquum, unde carnes ad urbem inferuntur; estque secunda à Turri aurea: quae igitur inter hanc & Turrim auream est porta prima, & nunc nominatur à Xerez quo ducit; porta est Alcazarii, diversa à Pestico alibi dicta inter hanc portam & turrim.

CAPVT XVII.

*Varia ad Trianensem pontem arcemque fortuna
partium.*

173
*Trianensi
ponte nava-
li destruen-
do*

H Abebant Mauri pontem ligneum, navi-
giis instratum, & catenis ferreis perquam
firmiter connexum, ea parte qua transi-
batur ab urbe Trianam: qui pons magno
commodo obsessis erat, sublatu autem
ad extremam eos poterat rerum omnium penuriam
deducere. Ferdinandus ergo, cui propositum erat
vel urbem capere vel in ejus obsidione mori, con-
siderans omnem annonam omneque auxilium civi-
tati per pontem istum venire, itaque differri cupi-
tam victoriam, forte etiam se numquam potiturum
ea; in consilium advocavit Raymundum Bonifa-
cium & alios maritimarum rerum expertos, eosque
jussit excogitare modum quo posset pons Trianæ
frangi. Post longam deliberationem, imprimis pla-
cuit accipere è tota classe navigia majora ac firmio-
ra duo, eaque instruere omni necessario apparatu,
ac denique expansis velis immittere in pontem. In-
travit autem Raymundus in unum eorum cum con-
gruo numero suorum, alterum vero conscenderunt
ii quos idem Raymundus ad hoc delegerat: quan-
do circa meridiem ventulus aliquis assurgens rei be-
ne agenda spem fecit. Huic intenti Christiani na-
ves prædictas aliquanto spatio siverunt flumine se-
cundo delabi, ut ex majori intervallo accipientes
deinde impetum vehementius in pontem impelli
possent.

*parata na-
vigia duo*

174
*in festo in-
ventæ Cru-
cis.*

174 Dies sanctæ Cruci sacer agebatur & mensis
Majus, quando tentanda res erat. Jussit igitur Fer-
dinandus Rex, pro sanctæ fidei exaltatione servitu-
ris navibus aplustria sericeis crucibus signata im-
poni:

poni: quæ cum tensis quantum ventus aspirabat
 velis sursum proveherentur, subito requievit ær,
 & remittens se ventus mœstitiam movit Christia-
 nis. Sed brevi alius isque valentior ventus insur-
 rexit: quo impellente provectæ sunt naves, frustra
 id conantibus impedire Mauris, qui per Arenariam a
 dispositi, arcubus balistisque & fundis atque omnis
 generis machinis jaciebant majora minoraque tela, ^{rem conf-}
 quod idem fiebat à custodibus Turris-aureæ, & ex ^{ciunt.}
 altera ripa à præfidiariis Trianensibus: sed exiguo
 utrimque cum damno. Itaque prior navis, quæ se-
 cundum latus arenariæ provehebatur, acta in pon-
 tem est; sed confractio in quod impegit navigio,
 ipsum pontem frangere ac perrumpere non potuit.
 Hoc autem fecit navis altera, qua Raymundus Bo-
 nifacius vehebatur, magno cum plausu spectan-
 tium rem eminus Christianorum; quorum Rex Fer-
 dinandus, volens fracto jam ponte tutum navibus
 prædictis receptum parare, cum filio Alphonso mul-
 tisque Equitibus ac numerofo milite, impetum fe-
 cit in Mauros arenariam insidentes, omnesque re-
 trusit in civitatem.

175 Ex hinc cœperunt Mauri rebus suis omnino ^{Triana ipsa}
 diffidere, præcisa cum ponte etiam spe omnis ul- ^{obsessæ}
 terioris subsidii. Rex autem, cum filio & Magistris
 Ordinum totoque exercitu, movit contra Trianam,
 eamque cœpit ex omni parte quater; accefferat e-
 nim eo per flumen etiam Raymundus Bonifacius
 cum universa classe. Verumtamen Christiāni, tam
 aqua quam terra, grandia patiebantur incommoda
 à saxis sagittisque ex castello in ipsos continuo den-
 seque emissis: quod animadvertens Ferdinandus,
 neque id pro tempore caveri à se posse, receptui
 signum dedit. Cupiens nihilominus obtinere locum,
 moram alioqui facturum victoriæ de civitate spe-
 ratæ, Infantem Alphonsum aliosque filios suos, D.
 Fredericum & D. Henricum, emisit ad castellum

propius lustrandum: qui mandata patris executi, jussurunt fieri crates ac vineas, quibus protectus miles ad murum subiret. Comitabantur eos Magister de Ucles, D. Rodericus Gomez & D. Rodericus Flores, Alphonsus Tellez & Petrus Ponce, qui stationem ceperunt ad Trianam juxta flumen, totusque eodem mox accessit exercitus: parsque adoriri vi aperta castellum cœpit, pars ad illud cuniculum ducere. Sed latere Trianenses conatus iste non potuit: quare cuniculo è contra acto occurrerunt fossoribus Christianorum, atque in omne periculum tam vigilanter intenderunt, ut Christiani desierint cuniculos nihil proficientes moliri.

frustra oppugnatur. 176 Mauri porro Trianenses, qui per pontem jam ruptum sperare auxilium nullum poterant, collatis ex omni circum regione necessario ad sustinendam obsidionem apparatu, non desponderunt hic animos: sed crebris eruptionibus fatigabant obsidentes, & balistis quas habebant fortissimis fundisque tela & saxa jaciendo, haud parvum nocumentum inferebant. Judicavit ergo Rex Ferdinandus, murrariis tormentis & machinis sibi esse opus ad oppugnationem promovendam: quibus paratis & admortis, fortiter quidem quatiebatur castellum: sed Mauri suis contra machinis usi, adversas aut impedire aut etiam frangere conabantur: sæpe etiam erumpentes & mox sese recipientes, haud infeliciter fallebant adversarios, ardore pugnae & hostis persequendi propius protractos ad munitiones, à quibus non facile erat absque damno reverti, quantumcumque ageretur caute. Atque in hunc modum ducebatur tempus ad castellum, aliis illud expugnare, aliis propugnare nitentibus.

177 Interim ad castra venit nobilis quidam, ex iis quos Infanzones *b* nominant; qui ibi conspicuens Equitem, eadem qua ipse tessera militari utentem, undis scilicet albis & ceruleis, accessit ad alium Equitem, indignans quod eadem qua ipse tessera uteretur

retur aliquis minoris conditionis, dicensque quod eam ipsum cogeret abdicare. Cui is qui rogabatur respondit, idemque affirmarunt alii præsentes. Etiam atque etiam videret quid inceptaret. Iste enim, in-
 quiebant, Eques, licet exteriori habitu despicabilis videatur, est Garcias Perez de Vargas, Eques honoratus & in dignitate positus, mireque generosus & fortis in armis, qui si verba tua intellexerit, haud facile manus ejus evades: tantum enim in armis valet, ut ceteri Equites libenter ei primas deferant. His ille auditis verecundatus conticuit: res autem, nescio quo deferente, ad aures Garicæ Perez pervenit, qui quidquam se scire dissimulavit.

*Quidam
indignatus
Garcia Perez propter
scutarium
tesseram;*

178 Quodam autem die, cum simul ad claustra castrorum observarent ipse & nobilis iste, Equitesque nonnulli alii; egressi Triana Mauri, nonnullis Christianorum cæsis, accedebant versus ipsos illos Equites, uno inter ceteros præcedente atque monstrante, quod eorum aliquem ad singulare certamen deposceret. Hoc viso, Garcias Perez subdidit equo calcaria, & Maurum tam felici ictu perculit, ut eum in terram prosterneret: tum ceteri similiter in Mauros proveci, pepulerunt eos usque sub arcem. Hic enimvero pugna recruduit, animadversa paucitate Christianorum, ita ut totum fere diem duraret. Validis autem utrimque ictibus agebatur res, lanceis, gladiis atque clavis, dum interim ex arce densissima sagittarum ac lapidum pluvia mittebatur in Christianos, quorum sane multi læsi fuerunt, sed multo plures Maurorum cæsi: atque ita his intra arcem compulsis, isti victores reverterunt in castra.

*eodem contra Mauros
pugnante
fortiter*

179 Ingentia eo die facinora Garciaz Perez ediderat, ictusque tam multos & grandes clypeo suo exceperat, ut totum pene confRACTUM referret, atque è tessera undarum eidem appictarum nihil amplius appareret. Videns ergo Infanzonem prædictum, ad claustra castrorum eodem loco consistentem,

*Et tesseram
in conflictu
abolitam
referente,*

atque ad si-
militudinem
experimentum
provocante,

confundi-
sur.

tem, ubi eum dimiserat (nec enim inde se move-
rat) Domine, inquit, Eques, talibus in locis depono
ego tesseram undarum, quæ expungitur eo quem
vides modo: si placet, altera vice, quando Mauri
redibunt, simul ambo egrédiamur in occursum; ibi
apparebit uter nostrum magis mereatur undas istas
gestare. Non fuit Equiti illi, jam pridem dictorum
à se temere verborum poenitenti, gratus sermo;
jamque metuebat, ne suas ipse undas cogeretur de-
ponere; quapropter voce modesta respondit: Do-
mine Eques, bene tibi convenit undulata tessera,
multumque decoris ipsa ex te recipit, ac majori
deinceps in pretio erit: obsecro te, ut tamquam ge-
nerosus, qualis es, ignoscas mihi, si quid contra te
locutus sum priusquam haberem cognitum. Benig-
ne, quod petebat ille jam bene humiliatus, indulgit
Garcias; gratiasque accepit à supplice suo, multum
gaviso, quod tam parvo culpam redemisset. Scivit
autem rem gestam D. Laurentius Xuarez & Regi
Ferdinando retulit, vehementer probanti factum,
utpote cui jam pridem notus erat Garcias: mox
autem totis vulgata castris, confusionem haud mo-
dicam attulit Nobili isti; passim enim explodebatur,
& interrogabatur, ecquid ei cum Garcia Perez ac-
cidisset.

c
Mauri sta-
tionem in-
festantes
Compostel-
lani Archi-
episcopi,

180 Eodem tempore D. Arias Archiepiscopus S.
Jacobi venit in castra, & stationem sibi elegit circa
Tagarete; moxque infirmari coepit tum ipse tum
comites sui. Mauri ergo, videntes ipsum adeo pro-
cul abjunctum ab aliis, frequentius incurrebant in
eum, & magna inferebant damna. Hoc cognoscentes
D. Petrus Ponce, D. Rodericus Flores, & D.
Alphonfus Tellez; atque inurbanum ac minime fe-
rendum rati, quod adversus infirmum Archiepisco-
pum adeo insolenter agebant Mauri; conspirarunt
ut eis insidias struerent. Quare accersitis viarum du-
ctoribus, quorum unus fuit Dominicus Muñoz,
illa-

illarum expertissimus, idemque vir fortis ac generosus, assumpserunt secum equitatum aliquem ex copijs Infantis D. Alphonfi, modicum illum, sed bonum; seque convenienter disposuerunt, & venturis Mauris ad se pertrahendis exposuerunt oves Archiepiscopi. Ut ergo venerunt barbari, ovesque *castigantur.* à statione aliquantum abjunctas sunt conspicati, pertranseuntēs infidiarum locum, abigere eas cœperunt: sed egredientibus qui latebant, dimissa præda fugam inierunt qua quisque poterat. Insecuti autem eos Christiani, ferientes atque mactantes, sic castigarunt, ut plerique in loco occubuerint, interque illos equites Gazulæ quinquaginta ex generosioribus (ex istis enim erant qui prodierant) peditum vero ad quingentos: pluresque periissent, si non tam cito ex insidiis suis prodissent Christiani.

181. Solebant equites Ferdinandi Regis, per vices cohortesque suas egredi ad custodiam pabulatorum, secundum ordinem à Rege constitutum: quodam ergo die, cum vices custodiæ obvenissent Didaco Sanchez & Sebastiano Gutierrez, exiverunt cum equitibus viginti, viderunt autem eos centum quinquaginta equites Mauri, Xerez egressi: contemptaque Christianorum paucitate irruerunt super illos. Qui in orbem collecti, defendebant se quo meliori poterant modo, Mauris circumquaque prementibus, tantumque non obruentibus telorum ac sagittarum multitudine. Sed profuit Christianis consilium, quo jacta in se missilia frangebant omnia, non retorquebant in hostem: laesi tamen fuerunt ambo duces, ex quibus Sebastianus Gutierrez statim expiravit; Didacus vero Sanchez nequaquam evasisset, nisi fideliter adjutus à suis fuisset. Hi autem *Pabulatorum custodes ab eisdem invas* adeo fortiter se premi sentientes, aliquoties impetum fecerunt in hostes: fuitque tam pertinax utrimque pugna, quia neutris subsidio veniebatur, ut totum fere diem tenerit. Christiani vero omnes, *agere mori evadunt.* nimio

nimio fessi labore, mactandi fuissent vel capiendi, nisi tandem, audita in castris Regiis praelii fama, initum fuisset in auxilium: quo viso receperunt se Mauri, & prius se muris incluserunt, quam assequi eos possent qui sequebantur. Alias accidit, ut equites ad pabulatores tuendos designati, serius egrediantur, atque praegressi illi in Mauros inciderent: qui caesis circiter ducentis viris, jumenta multa abduxerunt, prius quam advenientes praesidiarii attingere eos possent.

*Simulatus
transfuga
spe sua frustra
sine.*

182 Eques Maurus, ex voto peregrinus, Andulziam intraverat, Hispalensibus Mauris adjutor futurus: qui eos videns tam arcte obsideri, modum aliquem ultionis per fraudem de Christianis sumendae excogitavit, communicavitque cum obsessorum primoribus. Probato eo, misit ad Alphonsum Infantem qui nuntiaret, quod ei traditurus esset duas turres quas tenebat, tantum cito veniret ad eas occupandas. Suspecta Alphonso erat fides Maurica; ideoque non ausus ire ipse, pro se misit D. Petrum de Guzman cum aliquot equitibus; quos neci continuo destinarunt Mauri: sed D. Petrus fraude agnita, subditis equo calcaribus, velocissime se recepit aliique post eum; insequentibus Mauris, & unum, qui minus cito ab iis se expediverat, assequentibus, quem etiam occiderunt, de reliquo votis suis insidiisque frustrati.

*quotidiani
conflictus
parium.*

183 Rex porro Ferdinandus, videns Archiepiscopum S. Jacobi infirmari, ipsum, cum majori suorum parte aequae infirma, in propria remisit curandum; transivitque ad stationem ejus Magister D. Pelagius Correa cum suis, juxta muros civitatis; usque eo enim stringebatur, nec nisi natatu poterant Mauri egredi: non tamen propterea cessabant ultro citroque Hispalenses ac Trianenses inter se commeari, non valentibus Christianis claudere aquas. Aegre valde id ferebat Ferdinandus Rex, mul-

multumque angebatur, quod neque commercium istud communionemque præsidii & auxilii mutui posset præscindere, nec Trianam pugnando obtinere. Advocato igitur in concilium Raymundo Bonifacio & reliquis nauticæ rei peritis, delibera- vit de transitu illo occludendo, atque ad eum fi- nem voluit arenariam occupari, admotis illuc tri- remibus suis. Sed Mauri tanta mox copia se infu- derunt in arenariam, ad tuendum eam, ut tota die peragi nihil potuerit.

ANNOTATA.

a A Turri-Aurea usque ad Portam Almenillæ, inquit Mor- gadus, Arenaria ea extenditur, id est secundum totum latus urbis Oc- cidentale, reflectendo per Boreale ur- bis cornu ad latus Orientale, ubi se- cunda à dicto cornu porta Alma- nillæ est. Latissima tamen est Are- naria in spatio, quod inter Turrim prædictam & pontem procurrit, ubi inter Portam Trianensem & Posti- cum Ataracanarum id est Armamen- tarii (hodie Posticum Carbonarium dictum) media est speciosissima nunc Porta del Arenal: Morgadus au- tem tam spatiosam Arenariam esse asserit, ut capere possit plusquam quinquaginta millia bellatorum, præter suburbanas domos quæ tunc nullæ erant.

b De Infantionibus multa & erudita Cangius: eorum tria genera apud Aragoones distinguit Vitalis E- pisc. Oscensis. Michael de Molina in Repertorio, Militum filios appellat, ita ut hi nascentur, illi creentur.

c Tagarete rivulus infra Tur- rim-auream Bati insluit, vario flexu ante illam oberrans, & ex Tablade planicie exorians, inter Guadayram & civitatem. Quacumque porro hic de illo Episcopo dicuntur, omnia ha- bet Davila in Episcopis Compostella- nis pag. 55, veluti accepta ex Chroni- ca generali Alphonsi Sapientis. Notat autem Zuniga, quod rivuli illius a- quis inundantibus pratum S. Iustæ, vapores indo exurgentes verno tem- pore, valde insalubrem viciniam red- dant.

CAPUT XVIII.

Deditio Hispalensis urbis ejusque descriptio.

184
Capto Orias
Mauro

agitur de
urbis deditione.

EXpectatione sua circa transitum frustratus Rex Ferdinandus, edixerat, præmia se largituro ei, qui ipsum impedire posset. Cum ergo quadam die Hispali Trianam Orias & alii quidam Mauri transissent sine obstaculo ullo, non ita expeditum invenerunt reditum: siquidem Raymundus Bonifacius eis se objecerat, cum navibus & lembis bene armatis. Quo viso, reditum ad suos desperans Orias & qui cum eo erant, petierunt adduci ad colloquium Regis. * Hic vero ad audiendos eos misit Rodericum Alvarez: ac primam ab iis propositam conditionem attulit ex parte Axatafi, quod arcem Hispalensem Ferdinando traderet, pecuniam vero annue pendi solitam Miramolino, ipse & Axataf partirentur; itaque Mauri permetterentur manere in civitate. Sed Rex, qui eos tam arte constrictos tenebat, nec audire quidem voluit conditionem ejuscemodi: quare alias ei obtulerunt Mauri, quas æque rejecit; omnino volens civitatem sibi liberam ab illis relinquere.

185 Tum denique petierunt ut egredi sibi liceret, cum liberis, uxoribus, & facultatibus suis: quod si ad Regis militiam transire vellent aliqui, in ea reciperentur: atque in hanc conditionem Rex non invitatus consensit. Petierunt deinde, ut liceret sibi æquare solo Mezquitam majorem, quod Rex arbitrio filii sui Alphonsi reliquit: hic vero respondit, quod si vel unicum tegulam inde dejicerent, nec Maurum nec Mauram vivam dimitteret ex tota civitate. Tum supplicarunt ut saltem liceret sibi demoliri turrim, pro qua essent aliam fabricaturi: sed etiam ad hoc respondit Alphonsus, quod vel propter

propter laterculum unum ablatum Mauros omnes
esset interfecturus. Ergo nihil his profici videntes <sup>qua conclusa
in urbem
obtinuit Rex</sup>
Mauri, promiserunt quod intra septem dies evacua- ^{23 Nov.}
tam urbem tradituri essent. Atque ita obtinuit Rex
civitatem in die S. Clementis xxiii^b Novembris an- ^b
no MCCXLVIII.

186 Firmatis deditionis faciendæ conditionibus,
continuo Alcazarium ^c traditum Regi est, & Mau-
ri ab eo petierunt unius mensis spatium, quo pos-
sent quæ collibitum foret vendere. Hoc autem <sup>ex Mauris
egressis,</sup>
obtentio, distractaque qua volebant carere supelle-
ctile, ac pretio recepto, claves civitatis tradiderunt
Regi, liberam eam vacuumque facturi; quibus Rex
mandavit ituris mari naves atque triremes ^d con-
signari, terra autem discessuris jumenta & custodes
præberi, qui salvos ubi optassent sisterent. ^e Egressi
autem versus Xerez sunt terrestri itinere trecenta
hominum millia, quos comitatus usque Xerez est
Magister Calatravæ. * Ipse vero nobilis Rex Ferdi-
nandus, cujus tot illustria gesta refert præfens Hi-
storia, nobilissimam civitatum Andaluziæ Hispalim
ingressus est in festo translationis ^f S. Isidori, quon-
dam Hispalensis Episcopi xxii Decembris; solenni
cum processione exceptus ab Episcopis & plurimo <sup>eam 22
Decembris
ingreditur</sup>
Clero, communique gratulatione laudantium Deum
ac benedictum, propter favores Regi impensos,
tantasque victorias de fidei Christianæ inimicis con-
cessas. Ingresso autem Rege in ecclesiam S. Mariæ,
Missam celebravit nobilis quidam Prælati D. Gu-
terius Electus ^g Toletanus: qua finita Rex abiit ad
arces suas, comitatus Magnatibus omnibus; festum-
que ibi diem cum iis agens, cunctis lætitiæ signis
eum celebravit.

187 Incredibile porro est quantis laboribus vigi- <sup>post infinitos
16 mensium
labores</sup>
liisque Ferdinando steterit conquisitio civitatis præ-
dictæ; quantis periculis ærumnisque, in tot præliis,
excursionibus, velitationibus; in adducendo ad ca-
stra

fra sua commeatu omnis annonæ, eumque hostibus præsciindendo; inter plurimas fuorum mortes, necessariorum rerum defectus frequentes, assultus Maurorum fere quotidianos, gravesque & vulgatos per exercitum morbos, quos generabat intensissimus æstus, aërem sic inflammans, ut sudore omnium diffuerent corpora, castrensibus operibus pridem fatigata & debilitata. Habuerat autem idem

- h Rex castra instar *h* populosæ urbis, in plateas vicosque distributa; ut cuique opificum generi sua esset specialis habitatio, in quibus & textores, & campores, & aromatarii, & pharmacopœi, & frænarii nominabantur; fora item piscaria & macella: ut quicumque illa vidit, dicere potuerit, nihil illis castris magis ordinatum, opulentum ac nobile se conspexisse, nequidem in potentissimis civitatibus. Ita enim ibi fixus hærebat exercitus, cum mulieribus, infantibus, suppellectileque domestica, ac si perpetuo habitandum eo loci fuisset: sciebant enim omnes, Regem Ferdinandum habere propositum, imo votum, toto vitæ suæ tempore numquam discedere nisi capta urbe: certa que persuasio de constantia Regiæ in quocumque cœpto voluntatis, fecerat homines undiquaque affluere, ibique tam fixe permanere *i*.

*in castris
ordinatissi-
mis, exan-
tatos.*

*Vrbs orna-
tissimis tur-
ribus in-
structa.*

- 188 Sexdecim menses operi isti Rex beatus impendit: & vero operæ pretium retulit. Est enim Hispalis circuitu amplissima, conditione nobilissima civitas regionis totius: cuius muri altissimi, amplissimi que ac fortes valde, ornantur turribus pulchre dispositis & eleganter elaboratis. Antemurale quoque ejusmodi est, ut quælibet civitas eo se solo perquam bene muratam crederet. In ripa fluminis ab aquis ipsis turris assurgit, Aurea nuncupata, propter venustissimam qua nitet speciem. De turri autem S. Mariæ quid dicemus, cum in ejus ornatum humana omnis industria consumpta videatur? Est
autem

autem sexaginta pedes lata, alta ducentos quadraginta. Scalæ interiores, per quas ascenditur, gradibus tam amplis planisque assurgunt, ut mula vel equo conscendere eam Reges, Reginae, ac Magnates possint. Supra hanc & turrim alia minor eminet octoginta solum pedes alta, sed opere admirando fabricata: supra quam ænei / orbes seu sphaeræ quatuor gradatim consistunt, ita ut minima summum locum teneat, secundum major aliquantulum; sub illis major sit etiam tertia: quæ licet omnes sint speciosissimæ, neque similes sibi fortassis uspiam habeant, quarta tamen & infima, ut magnitudine ceteras, sic & elegantia superat. Distinguitur enim quasi per canales duodecim, singulos quinque palmorum amplitudinis; adeo ut cum inducenda hæc machina in urbem esset, nec ulla portarum satis ampla ad ipsam excipiendam, latior aperiendus aditus fuerit: quando autem radiis solaribus illuminatur, visendam se præbet plus quam spatio diurni itineris.

189 Alia præterea ornamenta multa & prærogativas habet hæc civitas, paucis communes: ad ipsam enim ac pene sub muros ejus, appellant undeque advectæ naves ex Tanger, Zeuta, Tunez, Bugia, Alexandria, Genua, Lusitania, Anglia, Pisa, Burdegala, Bajona, Catalaunia, Sicilia, Vasconia, Aragonia, Francia, aliisque regionibus transmarinis, tam Maurorum quam Christianorum, qui ibidem omnes censent aliquos nationis suæ habitatores. Oleo præterea sic abundat, ut terra marique sufficiat magnis etiam regionibus, aliasque innumerabiles opes: & in districtu ejus numerantur centum millia prædiorum absque portibus, unde ingens annue redditus provenit. Denique victoria hæc ex memorabilioribus fuit, quæ umquam tam brevi tempore relatae in mundo sunt: cui credi possunt causam dedisse, primo ac præcipue divini favoris indulgentia erga servum suum, nobilem ac beatum Regem D.

& totius
orbis com-
mercii no-
bilis:

M

Fet

Ferdinandum: deinde eximia fides optimorum subditorum erga eundem, quia nullus Rex umquam tam bonos tamque obsequentes habuit, quam Castellanos suos Ferdinandus; cum ipsa eorum natio ex propria natura Regibus suis fidelissima sit, præ alia quacumque; cujus utinam probitatem provehat Deus porro, evehatque ad sui honoris incrementum!

190 Nobilissima autem civitas ista obtenta fuit
 m anno Domini MCCXLVIII^m die S. Clementis, id est
 statumque xxiii Novembris: & postea nobilis Rex Ferdinandus
 Ecclesia & obtinuit alias multas civitates & regiones, suoque
 politica ordi- adjunxit imperio. Subjiciendo sibi Reges & regna,
 unt. quæ ei clientelari jure subdiderunt se, tamquam Domino solventes tributa & vectigalia: quidquid enim eis mare ex parte Castellæ Mauri possident, in ejus venit potestatem. Primum autem opus Regis hic fuit, restituere pridem vacantem Sedem Episcopalem, ad Dei Matrisque ejus honorem, cui ecclesia
 n ipsa est dedicata; stabilire in ea Canonicatus & ac
 o Dignitates alias, perquam bene fundatas; dotare illam multis possessionibus oppidorum atque vicorum opulentia insignium, præter ingentem gazam,
 p quam donavit primo ejus Archiepiscopo p Raymundo. Ecclesiasticis porro rebus tam bene dispositis, etiam politicum statum optime constituit, collocans in urbe habitatores omnium ordinum atque conditionum, quibus domos fundosque distribuit liberaliter; accersens etiam cunctarum artium opificiorumque magistros, & cuique generi suos sigillatim vicos tribuens; litteratos etiam ac doctos viros invitans; ea denique omnia curans q, quæ civitatem aliquam ornare ac nobilitare possunt. Similiter & territorium circumjectum habitari colique præcepit: & civitatem magnis communivit instruxitque privilegiis, quibus gavisuri in posterum essent, tam qui illuc habitatum venirent, quam

quam quos ibi ab initio collocavit, propter fidelem operam sibi navatam obsidionis tempore.

ANNOTATA.

a Morgadus ait secundas conditiones fuisse, ut Mauri Regi penderet totum quod Miramolino dabatur, & præter Alcazarium traderent partem tertiam civitatis: denique, ut traderent partem dimidiam cum eodem tributo, & suis expensis ducerent murum, qui utramque partem separaret.

b Hunc diem festum quotannis agunt cives, solenni cum processione, in qua circumfertur Gladius de sepulchro sumptus, quem creditur in manibus habuisse Rex Sanctus cum urbem invaderetur; quod tamen non nisi unico mense post factum mox indicatur. Dicit autem Morgadus tunc Regi traditas claves urbis: moxque non solum arcem, sed omnes etiam turres & Mezquitam fuisse præsidio regio occupatas, post annos quingentos triginta quatuor, quibus civitas fuerat in potestate Maurorum.

c Alcazarium olim dicebatur quod nunc Palatium, istic ubi Australe cornu civitatis à turri aurea versus ecclesiam majorem procurrit in modum trianguli: cuius basis à dicta turri ultra portam Xeritanam se extendit, murisque ac turribus per singula latera denis aut pluribus instruitur, & versus ecclesiam suam portam habet quæ Palatii dicitur, propterea quod ducat ad palatium ibi situm. ~~respondetque postica autem urbem dicens~~: atque ita habet portam Alcazarii supra quaestitam, eique adhaerentem Vicum Judæorum.

d Centum millia hominum mari se commisisse scribit idem Morgadus, quibus Rex indulserit quinque naves, per Bærim subductas usque Hispalim, cum de-

cem trirēmibus & una carraca; id est navi Majori rotunda, qualem Nonius in Plautum videtur appellare Circerum, quam Navim Asianam prægrandem interpretantur Lexicographi: hæc tamen naves debuerunt sæpius ivisse & rediisse, ut tanta turba evinceretur.

e Addit idem Morgadus concessum Axatafo, quem Maurorum Archithalassum appellat, ejusque partiaris & fautoribus, ut quæ possent meliori fortuna remanerent in Sanlucar, Aznalpharache & Niebla.

f De S. Isidoro ejusque translatione egimus 4 Aprilis.

g Roderico scriptori defuncto sub an. 1241 succedens Joannes Vaxamensis, supra laudatus, ac deinde Burgenfis Episcopus, uno vix anno tenuit Primatiales Cathedram Toletanam; successit autem eidem Guiterius, dicitur vixisse biennium in eodem gradu, & obiisse anno 1250. Verum observat Zuniga, num. 23 hujus anni 1248, vacasse Sedem Toletanam adhuc mense Martio anni 1249. Cum autem ex Canonico Episcopus factus Guiterius sit, Electus licet, non potuit ejusmodi actione perfungi, quæ soli Episcopo consecrato competat, ideoque suspicatur ille, erroris occasionem ex synonymia sumptam, & eum qui ecclesiam dedicavit fuisse Guiterium Episcopum Cordubensem. Quia autem præcipuum domandæ urbis instrumentum fuit navalis illa machina, quæ pontem fregit; ideo credit idem Zuniga, Capitulum Hispalense pro Sigillo, cujus formam representat, sumpsisse navim, tensis pro vectam velis, residente ad puppim Deipara.

h Simile quid in triennali obsidione

M 2

Ofon-

Sigillum
Capituli
Hispal.

Ostende in Flandria contigisse mentoria parentum nostrorum, audivimus.

Sancti ab-
stinencia à
bonis eccle-
siasticis gra-
vandis.

i Testis II super art. 54 in Sum-
mario dicit ex historiis, quas legit &
habet, quod sanctus Rex, quan-
tumcumque gravatum se videret
in expensis ad bellum facien-
dis, Deo tamen & justitiæ armorum
suorum confidens, numquam
aggravaverit populum sibi
subditum novo aliquo tributo.
Quæ ejus abstinentia maxime
patuerit in obsidione Hispani-
ensi, ubi cum hoc ei suaderetur,
quin etiam suggereretur, pos-
se eum in causa fidei etiam uti
argeitrea suppellectili ecclesia-
rum, quibus eandem deinde
copiose restitueret, responderit,
aliud se subsidium ab ecclesiis
earumque ministris non sperare
quam orationes, aurum vero aut
argentum nequaquam (sicut in
particulari narrat Mariana de
Regis institutione) quantum au-
tem ad regnum gravandum at-
tinet, magis timere se maledi-
ctionem unius edentulæ vetulæ,
quam totum exercitum Mauro-
rum: posse enim Deum, qui ta-
li loco ipsum posuerat, & regni
defensionem commiserat, pro-
spicere de mediis ad victoriam
necessariis, sicut eatenus fece-
rat, & hoc narrat Fr. Domini-
cus de Baltanas alique. Mariana
libellus hic citatus ad manum mihi
non est: Baltanas Dominicanus post
an. 1550 obiit, eumque Nicolaus An-
tonius in Bibliotheca Hispanica scribit
edidisse Compendium rerum Mo-
talium in Hispania gestarum, &
curasse ut ederetur apud Joannem
Truxillo Flos Sanctorum. In al-
terutro, Lector, credo, invenies di-
ctum hic allegatum.

k Quamvis vox Hispanica Bra-
zas, communiter ulnas notet, men-
suram scilicet duorum & semis pe-
dum geometricorum: apparet tamen ex

omnium recentiorum consensu, pedes
dumtaxat hic numerari: & quidem
cum aliqua varietate. Nam ubi Chro-
nica numerat latitudinis Brazas 60,
illi solum habent 50; & 240 brazas
altitudinis mutant in 250. His verò
securius stabimus, credemusque nume-
ros Chronica à transcribentibus vitia-
tos, quod mox infra certiori exemplo
constabit. Opera pretium fuerit legere
Morgadium lib. 4 cap. 1 describentem
quam minutissime & accuratissime
totam istius molis fabricam; quam
una cum adhærente Mezquita totam
esse à fundamentis opus Maurorum
evidenter probat, contra nonnullos, à
Romanis petentes illius originem; esto,
inquit, nulla uspiam appareat A-
rabica inscriptio, quam Catho-
lici dejecerint, sicuti inventus
est Corbubæ similiter dejectus
titulus, marmor albo in seulp-
tus, quo dicebantur Alderamen
& Isen, pater ac filius, Mez-
quitam Cordubensem condidisse.
Allegat etiam idem Morgadius
auctoritatem Ludovici del Marmol
Caravajal lib. 3 cap. 40 in descrip-
tione Africa, afferentis ex quadam
Chronica Africana quod Jacob Al-
manzor, nepos Abdulmumeni
ædificavit ad Mezquitam mayo-
rem apud Marocchos turrim,
quæ hodieque ibi visitur, eadem
omnino forma ac fabrica, qua
structa est Hispalensis & Raba-
thana in Mauritania Tingitana:
casque fecit unus idemque ar-
chitectus. Et turris quidem ut di-
ctum est, hætenus fere manet: Mez-
quita vero solum superest pars Atrii si-
ve Claustrum, reliquis ejus partibus de-
jectis ad ædificium nove Cathedralis.

l Similiter ait de Marocchèsi turri
quod supra ejus cacumen eleva-
bantur quatuor orbes aurei, per
axem ferreum trajecti, quorum
infimus capiebat octo Hanegas
tritici, secundus quatuor, tertius
duas, quarta unam. Hanega au-
tem creditur idem esse quod Romanus
Me-

Medimnus. & sex modios continere. Porro testatur Morgadus. quod ingenti quodam terra motu fractus sit axis, cui vasti illi orbes inserti erant, in die S. Bartholomei anno 1394: & quod hanc ruinam reparaverit Archiepiscopus Ferdinandus de Valdes, suis & Capiuli sumptibus, ultra 250 pedes quos à principio turris habuerit, elevando ipsam ad alios 100 pedes, qui post tertiam quartamque zonam novi operis desinunt in ornatissimam pyramidem, cui incumbens sphaera aenea inaurata altitudinis pedum quinque, sustinet simulacrum Victoriae similiter ex aere fusum & inauratum ulnarum quatuor & dimidiae. Qua de re ibidem insculptus lapidi legitur titulus, à Canonico Francisco Patisco compositis in hunc sensum:

ÆTERNITATI SACRVM.

Magnæ Matri Virgini So spitaë; sanctis Pontificibus Ilidoro & Leandro; Ermenegildo Principi, pio, felici, illibata castimonie & virilis constantie Virginitibus, Justæ & Rufinæ; Divis Tutelariibus; hanc Turrim, Pupicæ structuræ molisq; admirandæ, atque in pedes ccc. olim editæ, in augustiorem faciem, opere accurato & splendidiore, aucto insuper C. pedum operosissimo fastigio, auspiciis Ferdinandi Valdesii, Antistitis pientissimi, Hispalensis Ecclesiæ Patres ingenti sumptu instaurandam curarunt: cui, ob pietatis res egregie compositas, capite diminutis atque sublati Romanæ Ecclesiæ perduellibus, victricis fidei colossus, ad universa cæli tempora captandæ tempestatis ergo versatilem, imponendum iussere: absoluto opere, anno instauratæ salutis MDLXIX, Pio V Pontifice Opt. Max. Philippo II Aug. Cath. Pio, Felici, Victorii, Patri patriæ, rerum Dominis.

Dabimus sub finem tabulas aliquas, in quibus etiam hæc turris spectanda occurret. Proportionem fenestrarum, interiores salas illuminantium, & cum iis sic paulatim assurgentium delatere in latus: ut oculos intuentium pene fallat differentia, contemplandam exhibet Georgius Braunius in Theatro Urbium lib. 5. tab. 8. sicut ipsam anno 1569 excepit Georgius Hoefnaglius: ubi sic collocatam invenies, ut duo simul latera spectare possis. Sed ne te fallat adjuncta ibidem scalarum ipsarum delineatio, in quadrum recte quidem circumductarium, sed ita ac si nihil mediaret, cum interim, teste Morgado, ipse circumceant quamdam quasi minorem turrim, pedes 23 unoquoque in latere protensam, inter quas & turrim exteriorem procedunt; non ut ibi pinguntur gradatim (per tales enim scalas numquam eques ascenderet) sed leni ac plano clivo quinque pedum per latera singula; sic ut universim pedibus 20 discent inter se singulorum laterum fenestras; quæ adscendentibus lumen præbent, nec non conclavibus iis, quæ intra mediam turrim cuique elevationi respondent.

In Hinc supposititia esse convincitur Charta iurium ac privilegiorum Carmonensium, cui sic subscribi fingitur, apud Carum lib. 3. cap. 44. Facta carta, Rege Christo, VIII die Maji, anno quo dictus Rex Ferdinandus, felix, populator, invictus, cepit Hispalim nobilissimam civitatem de populo Christiano, æra millesima ducentesima nonagesima. Hæc enim respondet anno vulgaris æra 1252, quando obiit Ferdinandus, non Ferdinandus, sed Fernandus scribi suo ævo solitus. Eodem anno primum etiam electus & ordinatus est, mortuo Ioanne, Cancellario Fernandi, Apparicius Episcopus Burgenfis, confirmans eandem Chartam, post Reginam Ioannam, Infantes Ferdinandum & Philippum, eorumque pa-

Charta.
Carmonen.
viliū.

truum Alphonsum & Ioannem Archiepiscopum Compostellanum, qui tamen ager remissus in Galiciam fuerat; & aderat Toletanus Electus Guiterius cui id potius competebat, si ipso capta urbis anno talis charta scribenda fuisset: sed tunc Apparicius necdum erat Episcopus Burgen-
sis.

n Constat Capitulum Prabenda-
tis nonaginta, inter quos undecim
Dignitates, qui Archiepiscopo Pon-
tificatiter celebranti assistunt mitrati.
Omnium autem in frequentando divi-
no Officio commendatur assiduitas: sed
imprimis Beneficiatorum quos ap-
pellant Vicenæ, eo quod viginti Pres-
byteri, voce & cantus peritia præstan-
tiores, suffragiis Capitularibus ad hoc
eligantur, ut diurnis nocturnisque.
Horis indefinenter assistant. His acce-
dunt plures quam quadraginta Ca-
pellani, suffragiis Capituli similiter
delecti. Hujus tertia atque ultima clas-
sis fuit Venerab. P. Ferdinandus
de Contreras, Apostolici plane spi-
ritus concionator, tantoque animarum
zelo æstuans, ut non solum ad Confes-
siones audiendas esset assiduus, sed
frequenter etiam trajiceret in Afri-
cam, captivos Christianos de barba-
rorum servitute redempturus. Hujus
tamquam viri sancti causa cum in
Romana Rota versetur, & pro impe-
tranda canonizatione magna fiat ex
parte Regis & Capituli instantia, erit
fortassis de eo plenius aliquando agen-
dum in Supplemento Februarii, cujus
mensis die 20 an. 1548 obiit, insigni
tumulo conditus inter utrumque cho-
rum, ubi nec Archiepiscopis quidem
sepultura conceditur. Ad commendan-
dam quoque Regii hujus Capituli
præcellentiam facit, quod ex institu-
to Catholicorum Regum Ferdinandi
& Isabellæ, quotquot in novo Orbe
instituantur Ecclesia, titulo Capella-
nie subiciantur Ecclesia Hispalensi,
jubeanturque secundum statuta &
ceremonias illius ordinari. Item quod
Urbanus VIII 18 Novemb. 1637

speciali indulto cesserit provisioni Pre-
bendarum intra Pontificios menses va-
cantium, jure hoc in Archiepiscopum
Capitulumque translato, etiamsi con-
tingeret defunctum Prabendatum ip-
sius S. R. E. Cardinalem fuisse: uti
& hæc & alia plura nobis Hispali
perscripta fuerunt.

o Extat apud Odoricum Raynal-
dum tom. 13 Annal. ad annum 1248
num. 47 Innocentii Papæ IV epi-
stola, eodem anno data Lugduni
III Kal. Aprilis, anno Pontifi-
catus V, scilicet usque ad Iunium
adhuc currente; qua hoc ipsum ut fie-
ret sollicitus Pontifex præmonuerat,
scribens Illustri Regi Castellæ &
Legionis, & nobili viro Alphons-
o primogenito suo, hoc tenore.
Virtutum Dominus discretionis
tantæ gratiam utrique vestrum
contulisse dignoscitur, ut libere
devotis mentibus agnoscatis,
quod suæ Majestatis oculis pro
eo placiti semper debeatis exi-
stere, quia ipse multa & gran-
dia regna vestro Dominio, cum
interventu famosi nominis, no-
scitur subjugasse. Propter hoc
itaque securâ fiduciâ magnitudi-
nem vestram, affectione qua
possumus, rogandam duximus &
monendam, in remissionem vo-
bis peccaminum injungentes,
quatenus Sedes Episcopales ter-
rarum illarum, quas virtus Al-
tissimi principaliter per vestra
& aliorum fidelium victoriosa
subsidia de manibus Paganorum
eripuit, & ad lucem religionis
Christianæ deduxit, de multipli-
ci honorum vestrorum affluen-
tia, pro divini honore nominis,
dotare magnifice studeatis; ita
quod præsentibus & posteris
nomen vestrum semper efful-
geat, & Deo propitio vobis
augmentum gloriæ triumphalis
accedat, succedentibus postmo-
dum felicibus præmiis, quæ re-
compensat æterni Regis benig-
nitatis

nitas pro fructuose operibus pietatis.

p Sic etiam infra num. 16 Raymundus vocatur Archiepiscopus Hispalensis, saltem per prolepsin; erat autem cum Hispalis caperetur Episcopus Segoviensis. Hic quia anno 1285 baptizavit Sancium filium Aldephonsi X, postea Regē, vocat eum Aldephonsus Rex Compatriem suum, in quodam instrumento relato apud Davila tomo 2 Theatri Ecclesiastici pag. 52. Mox autem idem Davila subiungit Raymundi Epitaphium, tamquam si corpus ejus Hispali translatus fuisset Segoviam ad tumulum parentum. Sed perquam inepte. Quia sunt quatuor diversi tituli, per totidem ecclesie Parochialis S. Egidii parietes distributi, cum ejus & parentum ibi tumulorum memoria. Hoc intelliges, si placeat dividere versus, & correctis mendis, cum quibus eos edidit Davila, legere, quomodo legi potuerunt, ac vero etiam debuerunt ut aliquem tolerabilem sensum haberent.

I
Gloria Raymundi, perlustrans
climata mundi,
Ejusdem nomen & felix prædicat omni.
Segovix micuit Pastoris culmine pridem
Hispalis Archiepisc. factus modo floret ibidem.

II
Templum dotavit præfens ac
ædificavit
Præsul præfatus Raymundus,
quo est tumulatus
Præsulis ipsius pater Hugo,
Ricardaque mater,
Presbyter ipse pede quos calcet marmoris æde.

III
Hæc loca fundavit propriis,
fundata paravit
Præsul expensis Raymundus
Segoviensis.

IV

Hoc fundamentum sancti tenet ossa parentum
Præfulus; Hugo pater, mater Ricarda vocatur.
Claruit ex meritis ejus Segovia pridem,
Hispalis & tandem fuit Archiepiscopus idem.

ERA MCCLXXXVII

Annus hic est Christi 1259, videtur ergo tunc vere Archiepiscopus fuisse, nec debet aut potest dici solum successisse Philippo, titulum Archiepiscopi abdicanti anno 1261, ut vult Tamayus in Catalogo Archiepiscoporum Hispalensium ad 11 Martii.

q Mariana lib. 13 cap. 8 Regium, inquit, Senatum, Senatus Hispalen. cujus hoc tempore litibus dijudicandis summa in Castella est auctoritas, ab hoc Rege excogitatum esse memoratur, duodecim virorum collegio creato, ad quos majores controversiæ spectant, & causæ ab aliis dijudicate ex provocatione, periculo pecuniæ si is qui provocavit sit victus. Paulatim gliscente calumnia multitudineque causarum crescente, novum constituere forum opus fuit, cum antea civitates, domesticis iudiciis contentæ, aut certe ad proximos conventus juris petendi causâ appellantes solummodo, turpe ducerent atque importunum Regium auxilium implorare. Magnis præterea viris legum condendarum potestas data est, colligendarum cura injecta earum quas Partitas vulgo vocant: quod opus ingentis laboris Alphonso demum Rege perfectam est. Qualem porro Hispali juris dicendi rationem Rex Sanctus instituerit, colligere licet ex ea quam suo tempore servatam scribit Morgadus lib. 2 cap. 16. primò loco constituens Audienciam Regiam, à qua non detur appellatio.

M 4

Universitatem filius successor instituit.

Partitio urbium & agrorum Hispalens.
 r Coeptam à S. Ferdinando distributionem civitatis, ac territorii totius ab ea pendens, perfecit & legitimis tabulis consignavit successor Alphonsus, proximo anno à morte patris 1253: quas tabulas integras exhibet Morganius lib. 2 cap. 1, ex eoque transcripsit Carus parte 2. Earum principium, relatu dignum, hoc est ex Hispanico translatum.

Sevilie die Jovis primo Maji, æra millesima ducentesima nonagesima prima, ex scientia & magna voluntate quam habuit D. Alphonsus, Dei gratia Rex Castellæ, Tolerti, Legionis, Galitiæ, Sevilie, Cordubæ, Murciæ, Jaën, præstandi obsequium Deo, & ad honorem prænobilis Regis D. Ferdinandi patris sui, & ad remunerandum Infansem D. Alphonsum patruum suum, suosque Fratres & Homines divites suos, & Ordines suos, & Nobiles suos, & omnes qui juverunt ipsum in obtinenda prænobili civitate Sevilia, propter servitium & auxilium quod fecerunt Regi D. Ferdinando patri suo & sibi in ea acquirenda, subjugandaque Andalusia, po-

pulandaque & componenda prædicta nobili civitate Sevilie; necesse habuit scire quod essent ibidem prædia, ficeta, oliveta, horti, vineæ, agri: & hoc scivit per D. Raymundum Episcopum Segoviensem & per Lupum de Mendoza . . . qui totum Hispalense territorium circuiverunt, & sigillatim omnia cognoverunt: & secundum quod illi retulerunt esse in quovis loco, distributionem fecit Rex, prout describitur in hoc libro. Videtur hic etiamnum in Regio tabulario asservari, essetque opera pretium ad notitiam ventustatis aliquando publicari: multorum enim nominum nunc abolitorum cognitio haberi ex eo posset ex nominibus vicinorum locorum adhuc in usu vulgi quadamtenus superstitis. Cum autem Raymundus hic solum vocetur Episcopus Segoviensis, qui in Titulis præmissis dicitur Archiepiscopus Hispalensis, sequi videtur quod Philippus inter annos 1253 & 1259 deposuerit voluntatem perseverandi in Ordine Clericali, & denominationem suam transtulerit in Raymundum, eatenus titulo Segoviensis usum, & veluti Chorepiscopi munere functum.

PARERGON III

Ad quatuor precedentia Capita.

Ex Hispanico Spinozæ, Zunigæ, & aliorum.

§. 1. *Devotio sancti Regis erga Deiparam
durante obsidione, miraculo insigni
probata.*

Licentius Paulus de Espinosa, Presbyter & ci-¹⁹¹
vis Hispalensis, patriæ Historiam, antiquitates, <sup>Ex recentio-
ri scriptore</sup>
& magnalia edere in lucem cepit anno MDC-
XXVII; cujus parte 1 lib. 4. & ultima agit de re-
cuperatione urbis per sanctum Regem Ferdinan-
dum. Narrat autem Paulus iste non pauca, vel ignorata
vel præterita auctori Chronica, potissimum intento suc-
cessibus bellicis referendis. Et quoniam accurate satis refert
fontes ex quibus hausit singula, visum est in unam omnia
appendicem, recuperationis Hispalensis narrationi subjun-
gendam, colligere; prudentisque lectoris arbitrio relinquere, <sup>veteres
membranas
allegante,</sup>
quid fidei singulis dandum existimet. Ac primum fol. 148
ex veteri Ecclesiæ Hispalensis membrana, in sacello Regis
asservata, asserit idem quod habent Lectiones, ad Matutinum
in dedicatione Hispalensis Ecclesiæ XI die Iulii recitande, & à
Congregatione Rituum approbata anno MDXC. Quomodo sci-
licet Rex Hispalim obsedit, ad eam expeditionem à S.
Isidoro Hispalensi Episcopo per visionem excitatus,
quod scilicet sanctissimus Præsul suam Ecclesiam, tot
seculis jam ab infidelibus profanatam, Christo resti-
tuendam curaret.

¹⁹² Prudenti tamen cautione additur in dictis Lectionibus, Ut fertur; quo nempe intelligatur id non constare
ex certis auctorum coævorum monumentis, sed solum con-
stanti traditione receptum esse: uti etiam, quod pius
Rex, tum alias, tum in eo bello Deiparæ Virginis
M 5 (cujus

probatur de-
votio sancti
erga B. V.

(cujus sacram venerandæ Majestatis imaginem quocumque iret in exercitu secum ducebat, ac mira devotione & honore prosequabatur) præsentem opem non semel sensit. Prædictam autem membranam, inquit Paulus, continentem miracula aliquot sancti Regis, transcripsit Licentius Franciscus Pachieus, Capellanus Major Capellæ Regiæ & Canonicus ipsius Sanctæ ecclesiæ, cujus exemplum ego habui, à quodam Regni hujus Magnate communicatum. Vtinam suis originariis verbis, Hispanicis vel Latinis (nec enim qua lingua scripta fuerit exprimitur) membranam istam curasset Lectori suo Paulus exhibere, vel Processuum summario inserta invenirentur notata ibi miracula, sicut notantur alia infra danda ex libro veteri Flos Sanctorum.

cujus imaginem Antiquam in urbe

193 Interim ex membrana illa attulerat Paulus fol. 134, quod post conflagrationem igniarie illius machinæ (de qua in exitium Christianæ classis comparata dictum est num. 154) acturus pius Rex de tam singulari beneficio gratias Deo & Deiparæ, quibus acceptum id referebat, in suum se recepit tentorium prostravitque ante imaginem Virginis in oratione. Postero autem mane sub ortum solis sine gladio egrediens ex castris, progressus est orabundus usque ad ambitum mœniorum urbis, & ea usque ad portam Cordubensem transiens, intravit per eandem; eoque venit ubi est locus supplicii Martyrum, oravitque coram imagine Mariana, quam à vetustate Antiquam appellant; & tota civitate transita, nulli Maurorum conspicuus, egressus est per portam Xeritanam; veniensque in tabernaculum, & superiorem vestem quietis capiendæ causa deponens, deprehendit se absque gladio esse: unde intelligitur extaticæ orationis fervor, quo abreptus toto illo itinere fuit.

194 Doctor Hieronymus de Gudiël, arte Medicus (qui anno 1577 Compluti vulgari lingua edidit Compendium aliquot Historiarum Hispaniæ, in quo

quo tum aliæ antiquitates memoria digniores traduntur, tum præcipue illustratur familia Gironum) cap. xi dicit eundem se casum vidisse in alio Ms. antiquo de rebus & antiquitatibus Hispânicis, hoc verborum tenore expositum. Videns Rex sanctus obsidionem protrahi in longum, idque peccatis suis imputans, ideoque vehementer afflictus, continuas ad Deum Virginemque gloriosam ejus matrem preces fundebat, ante imaginem quæ hodie Regum dicitur, quamque circumducebat secum; supplicans ne sua peccata respiceret, sed zelum sanctum, quo impellente obsidionem tam arduam susceperat. Hoc tota una nocte agenti responsum fuit, animos fumeret, cito enim potiturum esse desiderato gloriosi laboris fructu. Surgens autem mane Rex, ambulavit usque ad civitatem, non visus à suis; & per unam portarum, quæ inter Turrim auream & portam Xeritanam clausa apparet, introgressus est; ubi dicunt excidisse ei non animadvertenti gladium suum; & perveniens usque ad Mezquitam majorem, veneratus est imaginem quam appellant Antiquam, quamque istic reperit, ubi etiam nunc consistit: atque per eandem portam regressus in tentorium, invenit ibi gladium qui sibi exciderat.

195 Eodem mane D. Petrus de Guzman & D. Petrus Pontii, non inveniētes in tentorio Regem, perquisiverunt totis castris, usque dum venirent ad tabernacula DD. Roderici Gonsalez Giron & Didaci Lopez de Haro. Qui suspicati Regem ingressum esse civitatem, ingressi sunt etiam ipsi per portam Macarenæ, quærentes eum usque ad Mezquitam majorem. Quo cum plurimi Mauri accurrissent, pugna acris ibidem ipsis exorta est; in qua, protegente eos Deo progressi usque ad portam Xeritanam, per eandem redierunt ad castra; in quibus Regem repererunt, sanum atque hilarem, & gavisi sunt. *His relationis, apte, inquit Zuniga, sub jungit Gudiel: Si postremum*

*eodem in ex
tasi ingres-
sus adora-
rit.*

num istud facinus Roderico Gironi & focis affictum Poëtice est, apte inventionis istius auctor legit personam cui ipsum adscriberet. Scimus tamen etiam in Granatensis urbis acquisitione, occasione non absimili, quid simile patratum fuisse à Ferdinando del Pulgar.

regressusque
invenerit se
inermem
fuisse.

196 *Pergens deinde Spinosa*, Alii, inquit, auctores dicunt, quod tota una nocte ferventi orationi insistens Rex, à Deo sibi concedi petiit ingressum in urbem Hispalensem, ad introducendam illuc sanctam Christi fidem, & visitandam magnæ religionis imaginem Marianam, quam quidam à Columna nominant; quia stabat ad columnam cujusdam fontis ad concursum platearum Genuensis & Marinæ: quidam vero asserunt fuisse miraculosam illam imaginem, quæ Antiqua nominatur, eratque intra ipsam Mezquitam Maurorum, honorata ab his, adorata à Christianis. Postea ajunt, surrexisse Regem, velut in ecstasi præ attentione atque fervore spiritus; & inobservatum prodiisse de tabernaculo, ac transito Tabulatæ campo quam longus erat, circuvisse murum, usque ad portam Cordubensem, & campum illum in quo solebant Mauri capitis supplicium sumere de Christianis, inde appellatum Decollatorium Martyrum. Hinc inductum, vidente nemine, in civitatem, ab Angelo, usque ad locum imaginis: qua adorata, Rex egressus fuerit per portam Xeritanam; ingressusque in tabernaculum, animadverterit periculum in quo fuerat, absque gladio existens.

quibus præ-
nitentis u-
sus durante
obsidione?

197 *Triplicem hanc extatica illius peregrinationis narrationem, tam unam in substantia facti, quam in circumstantiis variam, ideo credo proposuisse Spinosa; ut pluralitate testium, non omnino recentium, ejusmodi de sancto Rege credulitati faceret fidem traditionis saltem popularis: quæ licet raro aliquid integrum invariaturumque transmittat ad memoriam posteritatis, non sit tamen contemnenda, quamdiu nulla gravior ratio in contrarium obsistit.*

Et

Et hujusmodi sunt quæ idem auctor adjungit, solitum Regem ter in hebdomade, quamdiu duravit obsidio, seipsum noctu flagellare usque ad copiosam sanguinis effusionem; cum autem pugnandum esset, cilicinam crucem, ferreis aculeis asperam, supra nudam carnem gestare, quæ pectus & brachia complectebatur: habuisse etiam in exercitu Sacerdotes, qui militibus pœnitentiam & virtutum exercitium prædicarent, in quibus præcipui fuerint beatus Fr. Dominicus, vir sanctissimus, discipulus & socius gloriosi Patriarchæ Dominici, Confessarius Regis, ei-
 que adjunctus socius, thaumaturgus Pater Fr. Petrus ^{an etiam socius S. Petro Gonzalez} Gonzalez, quem asserit Christophorus Nuñez, Capellæ Regiæ Sacellanus, in historia quadam à se scripta de singularibus rebus urbis Hispalensis, multa prædixisse sancto Regi obsidionis hujus tempore, quæ exitus vera demonstravit. *Egimus xv Aprilis de S. Petro Gonzalez, ibique notavimus ad num. 15 Vite litteræ d, hunc mortuum esse septem annis citius, quam obsidio inchoaretur; nunc vero occurrit etiam alius error ejusdem Vite notandus, quo dicitur idem Petrus capta urbe comitatus Regem, ad urbem suam regiam regressum: neque enim amplius rediit in Castellam Ferdinandus, aut vivus aut mortuus.*

§. II: De imaginibus Marianis, Hispalim indutis à sancto Rege.

Interim eximiam Sancti Regis devotionem erga ¹⁹⁸ Deiparam Virginem confirmat nobis etiam Lucius ^{Circumdatus} Marinus Sículus, libro 5 de rebus Hispanicis, agens ^{cere imaginem D. V.} de S. Ferdinando, brevissimis quidem verbis, sed ^{solius,} tam dignis hic legis Deiparæ effigiem, inquit, quam semper habebat apud se, devotissimus adorabat, summaque devotione celebrabat. Ab ea itaque quidquid & necessario & honeste petebat, facile impetrabat. Hac igitur adjuvante, Hispali aliisque pluribus

pluribus oppidis potitus est. *Notabile est autem quomodo locum hunc corruerint editionis Francofurtensis curatores haeretici, pro genio sectæ non solum usum, sed etiam memoriam Mariani cultus omnem abolitam cupientis: siquidem loco Deiparæ, ibi legitur Dei; & pro Hac, invenitur Hoc numine.*

199 *Dedicationis porro Hispalensis Læctiones jam supratitate argumentum istud sic prosequuntur: Capta urbe Ferdinandus felicem victoriam, non sibi, sed Deo ejusque sanctissimæ Matri acceptam referens; dictam imaginem, triumphantis specie ornatissimo ferculo impositam, ad templum, quod ejus nomini dicandum erat, inferri fecit. Hac celebritate triumphieadem sacratissimæ Virginis imago, cum splendida Episcoporum & Sacerdotum processione, signis ac legionibus præcedentibus, sequente postremum Rege & Procerum comitatu, in urbem delata & in templo est collocata: quod jam à Guiterio Archiepiscopo Toletano à superstitionis sordibus fuerat expurgatum, & Christiano cultui restitutum. Tum vero idem Toletanus Præsul ecclesiam, præsentibus Episcopis & innumerabili populorum multitudine; solenni ceremonia Deo in titulum & honorem beatissimæ Virginis Mariæ dedicavit: cujus venerandam imaginem, cum multis Sanctorum Reliquiis, ibidem Rex reponi curavit.*

200 *Hæc ergo illa est quæ hodie ibidem colitur, & cui ipsique Sancto Regi, ut communis olim honor deferebatur, sic communiter accepta referuntur miracula antiquiora inferius proponenda: quorum occasione ipsam Guilielmus Gumperberg noster retulit in suo Atlante Mariano, continente centurias duodecim miraculorum toto orbe imaginum, ubi ex Vita S. Ferdinandi scripta per Joannem de Pineda, sic habet: Fama est duas Deiparæ statuas Hispalim esse allatas à Ferdinando Rege. Altera argentea est, & colitur in altari principe summi templi; altera lignea & justæ staturæ, sedet, pue-*

*eamdem
triumpha-
bundus in-
ducit in ur-
bem:*

*ibi etiam
nunc in ho-
more est,*

puerumque Jesum manibus tenet. Hæc à Regibus nomen habet, sive quia in Sacello Regio est, sive quia à Ferdinando Rege contra Mauros semper inter primos militum ordines collocata: refertque constans fama, in oppugnatione urbis Hispalensis, Regem Ferdinandum à Virgine doctum esse; quibus modis Maurorum machinas everteret.

201 *Hæc ille ad Imaginem CCXLI: addit deinde:* Tanto hodie in honore est hæc sancta Statua, ut à Regiis ministris Custodes præfidiarii constituantur, quos Armorum reges vocant. Hi rogati cum clava argentea præ foribus adstant. A cubiculis Deiparæ, velut Imperatrici, nobilissima quæque virginum deligitur: quibus omnibus Regis diplomate hæc officia assignantur. Tanta porro in hac sancta Statua vestienda est religio, ut hoc officium non nisi Canonicis permittatur. *Sed ista collata cum præcedentibus, credere nos faciunt, Testem in Processu Neapolitano V super art. 26 in Summario allegatum, perquam confusa usum memoria fuisse, quando dixit, quod cum sancto Regi apparuisset imago quædã Deiparæ cum puerulo, promittens victoriam in conflictibus; ille similitudinem monstratæ sibi imaginis factam volens, plures pictores accersiverit: quorum nemo cum voto ejus posset facere satis, secundum ea quæ memoriæ habebat impressa lineamenta; demum oblatis sint duo, qui opus susceperint, unumque in locum simul clausi absoluerint intra dies aliquot: sed opere completo inventi amplius non sint, proinde crediti fuisse Angeli: & hanc ait devote servari sub altari in capellâ Regia: atque ita & vidisse se sæpius, & ex antiqua parentum traditione accepisse.*

202 *Sane non pictam esse, sed sculptam imaginem; non subius, sed supra altare collocatam, extra controversiam videri debet. Sed video quid fefellerit hominem, Hispania advenam, & bona (quod præsumendum est) fide visa auditaque ut meminerat referentem. Est in eadem Hispalensi ecclesia*

*non tamen
ut picta ab
Angelis,*

*quod forte
de Antiqua
dicebatur,*

ad miracu-
tum specio-
sa,

ecclesia imago alia supra memorata, non allata, sed inventa
Hispani à Sancto Rege, maximeque in veneratione habitas.
Antiquam vocant estque Compenbergio Imago CCCLXXXI,
depicta in pariete, staturâ sesqui major humana,
formâ speciosissima, ut miraculum sit inter majores
pictorem fuisse tanta arte præstantem: & quod ipso
miro magis est, in hanc usque diem & integra est,
& vel formæ vel colorum nullum omnino passa
damnum, quantumvis Mauri, quibus antiquiorem
esse fama celebrat, eidem expungendæ ligones &
malleos adhibuerint. Vestis tota deaurata est. Cul-
tus hodieque ingens; ardent perpetuæ in facello,
quod augustissimum, lampades; nulla diei hora sa-
crum locum accedas, quin tibi via sit per confertum
populum facienda. Omnia pene superant litaneu-
ticæ preces, quas Lauretanæ vocamus, & quovis
Sabbato, assistente toto Clero Cathedralis templi,
symphoniaci non minori pietate quam majestate
concinunt.

203 Eadem omnia de prædicta imagine ante centum an-
nos habemus apud Morgadum impressa lib 4 cap. 10: qui ad-
dit quod prius stetit ad manum dexteram capellæ;
& an. 1578 sed non ita pridem (Zuniga, qui rem plenius describit,
translata. notat annum 1578, 18 Novembris) ab Archiepiscopo
Christophoro, maximo ingenio & molimine trans-
lata est, in eum ubi nunc est locum, una cum tota
illa parte firmissimi parietis, supra quem formata
est. Nec tamen illa prima videtur fuisse translatio:
cum enim ablata est à priori loco, apparebat clare,
partem illam parietis non cum reliquo pariete fabri-
catam, sed aliunde acceptam, ibique insertam fuis-
se. Estque hoc omnino verosimillimum; tum quia Mauri so-
lotenus debuerunt omnia destruxisse, ut suam Mezquitam
novam à fundamentis edificarent, tum quia verosimilius est
à Sancto Rege fuisse repertam extra ipsam Mezquitam,
quam intra eandem, quo Christianis non patuisset accessus.
Addit Zuniga num. 17, desperantes de ipsius imaginis
de-

destructione Mauros, educto ante eam pariete, ipsam occu-
luisse; sed frustra, cum propterea Christiani non obliviscen-
tur illius, & tectam quoque pergerent in veneratione habere.
Usque dum paucis ante hanc expeditionem annis, ille paries
concidit, sub eoque apparens imago novo quodam fulgore in-
tuentium Maurorum ita perstringere cepit oculos, ut arcano
quodam impulsu coram ea stare erecti non valentes, genua
flectere cogèrentur; sicuti testatur, sub annum MDXX florens,
Bacalaureus Peraza, ejus Ms. & haecenus anecdoton
autographum extat in Bibliotheca Ducis de Alcala. Hanc er-
go imaginem, quæ modo est in ultima capellarum ingredien-
tibus ad latas sinistrum, juxta capellam Domicellarum inter
laterales portas Patii & Lagarti dictas: hanc, inquam,
imaginem bonus ille Neapolitanus testis, non distinxerit ab
ea quæ Regum dicitur; nec animadverterit haud esse in ta-
bula sed muro pictam. Vt vero ipsa statua, quæ vere est
& dicitur Regum, credi possit Angelicis manibus fabrica-
ta, videtur opus esse plurium concordi testimonio: quod cum
desit, deest quoque idoneum argumentum fidei miraculo
adhibenda.

204 Altera imago est, cujus meminit Gumpenbergius
tamquam argentea, sed eburnea tota est, inquit Morgadus,
& assentitur recentissime Zuniga: qui postea utrumque con-
ciliare videtur dicendo, argento totam obductam esse,
quod post Morgadi etatem factum credi potest. Et hanc ait Spi-
nosa, anno MDLXXIX, quando ex veteri in novam arcam
transferendum erat sacrum corpus, inventam esse parvu-
lam ac positam supra mortui pectus, creditumque quod ip-
sam solitus fuerit secum semper deferre; & quando pugnan-
dum cum hoste erat, supra hastile vexilli Regii figere; quod
etiam Testium aliquis in Processu affirmavit; alius vero
Testis dixit, auditum vel lectum sibi esse, quod ipsam in
tali discrimine ante se haberet positam in arcu ephippii sui.
Atque hinc originem sumpsisse videtur, ut recentiores om-
nes sancti Regis imagines, pro Vellere aurco, Austriacorum
postea Regum gestamine, appictam habeant ex collari torque
pendulam effigiem Deiparæ.

N

205 Quid

205 Quid autem mirum si Deipara Virgini tam devotus fuit Sanctus, qui à puero ei vitam debere cepit? Nam anno MCCIX, agentem in Castella apud matrem & Reges avos, tam gravis eum invaserat infirmitas, ut somni cibi-que capiendi facultate destitutus, brevi crederetur moriturus: sed Berengaria, ad Marianum altare in Oniensi monasterio filium detulit, novemdium pro ejus salute ibi ducendum vovens: quo facto subito confortatus puer somnum capere cepit, à quo expectatus cibum petiit, intra quindecim dies magis quam umquam antea sanus. Miraculo autem motus Rex avus, votivam illuc quoque peregrinationem instituit, gratias pro servato nepote acturus. Constant hæc omnia ex uno eorum Canticorum, quæ plura lingua patria Alphonsus Sapiens, filius Sancti Regis, composuit; servanturque in Escuriacensi bibliotheca, unde illud quo ista continentur acceptum, ad an. 1252 num. 4 recitat Zuniga; estque stropharum, duodecim hoc initio intercalatim ordinandarum:

Decere videtur Reges ut ament Sanctam Mariam,

Quia in maximis periculis ipsis occurrit ad custodiam.

Eodem facit similis Ode Stropharum septem, sub hoc identidem iterando principio apud Zunigam num. 13.

Qui in Virgine gloriosa multa fide nititur,

Licet valde infirmetur bene resanabitur.

Idque probatur exemplo Regine Beatricis, primæ uxoris Ferdinandi, quæ Concha ad mortem ægra, ipsa invocata subito convaleuit.

§. III. De sancti Regis gladio & labaro, nec
non de clavibus ingredienti traditis, aliisque
ejusmodi monumentis.

Prudentius de Sandoval in historia trium E- 206
piscoporum, ad finem Vitæ Comitis Ferdi-
nandi Gonsalvii (*suit hic Castellæ Comes tem-* *Ensis & la-*
pore Ranemiri Regis, heroicis contra Saracenos *barum ad*
gestis clarus; quem ab insigni pietate & felicitate *obsidionem*
delatum,

te multum laudat Rodericus Toletanus lib. 5 cap. 2 & 12. &
floruit sub medium seculi x) ad hujus, inquam Herois vi-
tam addit Prudentius de Sandoval, apud Spinosa, quod
sanctus Rex Ferdinandus, iturus ad obsidionem His-
palensem, extulerit secum os unum de illius corpore,
cum ense & labaro, tamquam viri sancti, & cujus
meritis speraret multum se adjuvandum. Deinde pro-
sequitur Spinosa: Quod exemplum imitati successores
Reges, eundem gladium sæpe petierunt, ad ma-
ximi momenti expeditiones profecturi, ac nomina-
tim Infans Ferdinandus, in obsidione Zaharana &
Antiquerensi. Est autem gladius ulnam unam lon-
gus & acutissimus, in capuli vertice globum habens
crystallinum, & pro transverso pretiosam ex lapide
flavo petram, ad unius digiti crassitiem. Servatur au-
tem in sacristia Capellæ Regiæ, indeque effertur ad
processionem, die S. Clementis xxiii Novembris du-
ci solitam, in gratiarum actionem pro liberata à
Mauris urbe; quem sursum elatum portat Assistens
Hispalensis, præcedente illustriori quodam viro, ex
parte Civitatis delecto, qui vexillum ferat, quod Re-
gi sancto præferebatur quando urbem obtinuit, ser-
vaturque in Sacristia majori ecclesiæ.

in processio-
ne annua
circumfe-
rentur.

207 Apparatus autem Regiæ capellæ tali die hic
est. Ad latus dexterum portæ, sub diviti conopæo,
collocantur figuræ Sancti Regis & Reginæ Beatricis,
primæ uxoris ejus ad sinistram, dexterum latus te-
nente

maxima
cum reve-
rentia.

nente figura filii Alphonfi Sapientis, omnes vestitæ quam speciosissime: Regis autem figura prædictum gladium manu dextera tenet. Accedente ergo ad Thronum Assistente, interim dum è capella procedit pompa, Capellanus major ibidem adstans cum Custodibus, genu flexus osculatur prædictam dexteram, ab eaque acceptum gladium tradit Assistenti in manus, quas suis ipse manibus stringit, exigitque iuramentum in forma Castellanis consueta, quod eum sit restitutus finita celebritate: qua de re mox conficitur publicum instrumentum à Notario, eum in finem præsentem. Habet autem Christophorus Núñez Sacellanus in suis manuscriptis, quod anno MDVIII gladium istum in processione extulerit ipsemet, tunc forte Hispali præsens, Rex Ferdinandus; vexillum vero gestandum tradiderit Legato Cæsaris Maximiliani, dicens, Si hic adesset Nepos meus Carolus, ipsius partes forent ipsam portare: nunc, quoniam abest, vices ejus sustine. Tanta in veneratione habent Reges nostri honorandas illas reliquias. *Hactenus Spinoza: quibus ex Zuniga addiderim, non æque probari omnibus, quod resarciendo sacrum istud vexillum subditus hinc inde alius fuerit pannus, sicut facile deprehenditur à non hebiti oculo, licet major pars sit materie antiquæ; verentur enim ne, paulatim evanescente panni utriusque discrimine, non distinguatur à recentiori vetustior.*

Clavis argentea urbis sancto Regi fabricata

208 *Servatur præterea, teste eodem Zuniga num. 24, inter ecclesiæ rariora cimelia, Clavis argentea & ex parte inaurata, quam creditur Sanctus Rex, sibi successoribusque in urbem ingressuris imposterum offerendam, fabrefieri iussisse, loco alterius ferreæ, sibi ab Axataf Mauro sub introitum ante portas urbis oblata, quæ hodie est in potestate D. Antonii Lopez de Mesa, olim autem putatur in archivio civitatis custodita fuisse. Alii verosimilius sentiunt, prædictam argenteam clavem, à Indæis fabricatam, ab Archisynagogo Hispalensi oblata Regi fuisse: idque*

que verosimile facit addita manubrio inscriptio Hebraica: notant autem in more Iudeis fuisse, Rege ingrediente in locum ubi Synagogam habebant, eum cum tali ceremonia excipere & simul protectionem ejus petere. Viriusque clavis formam, qualem Zuniga exhibet, non gravabor hic etiam representare, sed paulum contractiori mensura. Nemo est qui non facile intelligat Castellanorum verborum, secreto ipsius Clavis tam eleganter intextorum, sensum, DIOS ABRIRA, REY ENTRARA. Sed scripturam Hebraicam, que per extimam annularis manubrii orbitam est circumducta, & cum exprimi suo loco non posset, hic ad latus notatur, minus obvia est omnibus; quare eam Latine sic reddi moneo: Rex Regum aperiet, Rex universæ terræ introibit.

209 Similem ferme sensum subesse Arabicis Mauricæ Clavis characteribus, similiter ipsi ejus secreto intextis, ex ^{ex ferrea. eidem tra-} sensu peritorum ejus lingue ait Zuniga: quod tanti non ^{dita à Mauris} facio, quam quod Maurorum Hispalensium Princeps Axataf, ad pedes Sancti Regis exprimi solitus cum similis formæ clavi in manu, cum inde digressus pervenisset ad collem Belli-virus dictum, ubi incipit urbis aspectus evanescere & maritima ora in conspectum venire; illacrymans exclamavit, fieri non potuisse ut urbem tam generose defensam, tanto incolarum numero constipatam, cum exercitu tam exiguo vinceret alius quam Rex Sanctus: ita scilicet implenda fuisse decreta supremi Alá, qui hoc tempore destinaverat civitatem amittendam à Mauris, multa talis eventus prognostica pridem habentibus; quemadmodum in veteri quadam memoria legisse se scribit jam supra aliquoties nominatus Zuniga num. 23, & in Annotatis ad Caput 6 litt. c, explicatum pro parte invenitur.

210 Idem in Appendice ex Gonzalvo Argote de Molina, tamquam teste oculato (floruit autem hic ante annos centum) meminit tertiæ cujusdam Clavis, superiori sæculo pariter in majori sacristia ecclesiæ Metropolitanae asservate,

quam ingredienti Regi obtulerint Judæi, facultatem petentes (ut deinde ad cujusque Regis ingressum facere eis in more fuit) commorandi in sibi assignato vico: Notabilis ea est, inquit, raritate fabricæ ex omni metallo, sic ut unumquodque per se distincte appareat: secretum ejus contextum similiter ut primæ ex litteris eadem Castellana verba utrimque legenda exhibentibus: in circulo autem annulari Hebraicis characteribus scripta verba, sic à peritis Latine reddebantur, REX REGUM INTRABIT, TOTUS MUNDUS EUM VIDEBIT.

Scyphus Regis crystallinus.

211 Denique idem Zuniga ad an. 1252 num. 30 addit, quod etiam in Ecclesiæ Cathedralis thesauro servetur poculum crystallinum, auro circumornatum ac munitum, in cujus aureo labro litteris antiquis hæc legitur inscripta sententia: Dominus meus: Dominus mihi adjutor, & non timebo quid faciat mihi homo, & despiciam inimicos meos: ex quo vase creditur sanctus Rex bibere solitus.

C A P U T XIX.

Ferdinandi Regis extrema gesta ac pientissimus obitus.

212 **P**ostea victoriam suam ipse per se prosequens Rex præclarus, obtinuit Xerez, Medinam, Alcalam, Bejar, Sanctam-Mariam à portu, & Gades intra ipsum mare sitas; nec non Sanlucar de Alpechin, Arcos, Lebrixam, Rotam, Trebuxenam aliaque loca plurima, haud facile nominanda figillatim, ac denique quidquid ad hanc partem a cis mare est regionum. * Totos octo annos in Andalusia transegit Ferdinandus, neque amplius in Castellam rediit; eoque tempore ærumnâs & pericula multa sustinuit; quia quemcumque locum obsidione cinxisset, non prius fere dimittebat quam obtinuisset, quantumcumque gra-

a
Post 8 annos in Andalusia actos

ven

vem ac diuturnum agonem propositum sibi videret. Vixit autem post occupatam Hispalim annis tribus & quinque mensibus; & hic finivit cum ipsa vita cursum gloriosorum suorum certaminum, quia tantus ardor ei inerat recuperandæ totius Andaluziæ, ut numquam persuaderi sibi siverit reditum in Castellam.

213 Quia autem jam obtinuerat quidquid cis mare possident Mauri, desiderabat etiam ^b transfretare, ^{trajecturus in Africam} ad ipsos in Africa debellandos. Jamque præcurrens ^{Rex moritur.} adventus ejus fama magnum ubique terrorem sparserat, tum quia credebant non destitutum à proposito, quod fixum certumque ei esse dicebatur; tum quia diffidebant se posse resistere potentiæ, animo, atque fortunæ ejus. Unde complures istarum partium Toparchæ constitutum habuerunt eidem, si trajiceret, subdere sese; ut dubium nullum sit, quin vehementer etiam istic dilataturus imperium fuerit, si longior sibi vita obtigisset. Verum aliter visum Deo, vitæ ac mortis Domino; cujus dispositioni neque Rex, neque Imperator, neque alius cujuscunque conditionis homo potest resistere, & mortem ab eo decretam fugiendo declinare. Omnibus siquidem communis mors est, aliis tamen honorata illa felixque contingit, aliis infortunata atque ingloria. Nunc ergo qualem Beatus Rex Ferdinandus sortitus sit, enarret historia.

214 Mortuus est Rex inclytus Ferdinandus, post ^{Vitæ am omnia} tot tamque heroica facinora, post tam insignes ^{nibus virtutibus ornata} de Mauris victorias, post tantum cumulum laudis ac decoris conquistum: qui præterquam quod hominibus carus fuerit, fuit etiam dilectissimus Deo, ab eodem spatium vitæ nactus quo tanta agere pro nominis divini gloria posset in terris, & in cælis consequi coronam tam grandibus meritis debitam. Sic autem mortuus, quomodo non dicetur habuisse mortem felicem atque honoratam, quamvis Christia-

nitati toti, per ipsum exaltatae atque ornatae, luctuosam? Sed imprimis luxerunt eum subditi sui, quibus Regis sui tam excellens virtus praesidio simul erat & ornamento. Fuit enim exercitio virtutum heroicarum semper intentus, otiosus numquam; fortis in conflictibus, felix in progressibus, gloriosus in victoriis; liberalis & munificus erga benemeritos, praesertim viros nobiles, ecclesias, Ordines religiosos, veteranos milites, & Almogavares; conditor legum & consuetudinum optimarum, immunitatum privilegiorumque largitor, ministrator iustitiae; multa prudentia, scientia, clementia & pietate praeditus; amabilis bonis, terribilis malis; custos veritatis, fidei servantissimus: & ideo Mauri, licet eum timerent, amabant tamen, quia numquam non fidelem experiebantur.

215 Fidei Christianae exaltator praecipuus, infidelium persecutor acerrimus, mandatorum divinorum observantissimus fuit hic Rex; ideoque sicut in omnibus actionibus suis Dei honorem & gloriam semper praeculis habuit, quae Dei sunt ante omnia curans; ita etiam Deus ipsum in omnibus iuvit & prosperari fecit, dando ei victorias tot ac tantas de fidei nostrae sanctae inimicis, civitatesque & oppida tam multa, tam nobilia eidem subjiciens per Hispaniam, quot & quanta in hac historia commemorantur. Denique tot ejus extiterunt virtutes, ut omnes enumerare & explicare humani vires ingenii superet.

concludit
Ferdinandus
anno
Regni 35

216 Regnavit Rex Catholicus Ferdinandus triginta quinque annis, & obiit in nobilissima urbium Hispalis, quam Mauris eripuerat. Quando autem sensit moriendum sibi esse, accersivit filium suum D. Philippum, electum & Archiepiscopum Hispalensem, aliosque ibidem praesentes Episcopos & Clerum universum, ac petiit praebere sibi Corpus D. N. Jesu Christi. Quod ubi inferri à Sacerdote vidit, cum humi-

humilitate profundissima volens excipere, de lecto in genua se coniecit; collumque laqueo assumpto implicans, postulatam Crucifixi imaginem ante se collocavit. Cui humillime se inclinans; ipsamque adorans, omnia sigillatim Dominicæ passionis tormenta in cruce tolerata enumeravit, & crebris eam osculis devenerans, multaque cum contritione & lacrymis pectus percutiens, peccatorem se maximum fatebatur, ac delictorum veniam postulabat à Deo. Deinde protestatus est, se firmiter tenere ac credere omnes fidei Christianæ articulos, in eaque fide mori velle. Tum vero petiit Corpus Domini; quod sibi exhibitum adoravit devotissime, manus in cælum elevans, oculisque in illud defixis pronuntiavit preces aliquas, magnæ fidei atque contritionis formulam continentes; atque ita demum adoratum sanctissimum Sacramentum suscepit de manu D. Raymundi Archiepiscopi Hispalensis.

217 Hoc facto exui iussit atque auferri à se omnia Regiæ dignitatis indumenta, & cunctos liberos ad se vocari, videlicet hos, D. Alphonsum primogenitum atque heredem regnorum suorum, D. Fredericum, D. Henricum, D. Philippum, D. Emanuelem; aberant autem D. Sancius, utpote d Archiepiscopus; & D. Berengaria, monacha Burgis in monasterio delas Huelgas: atque hi nati fuerant ex prima uxore D. Beatrice: ex secunda vero D. Joanna adfuerunt D. Ferdinandus, D. Leonora & D. Ludovicus omnium minimus. Hos autem ubi junctim adesse vidit, una cum D. Joanna multum afflicta; primo appellavit D. Alphonsum, successorem futurum, eique benedictionem suam impertivit, deinde ceteris ex ordine liberis.

218 Coram omnibus præterea Magnatibus regni sui sermonem convertit ad Alphonsum, docens atque erudiens, qua ratione status suos regere ac gubernare deberet; injungens etiam eidem curam

N 5

ger-

*primogeni-
toque Al-
phonso mo-
rita postre-
ma relin-
quens.*

germanorum, ad omnem virtutem educandorum, quantumque posset evehendorum ad dignitates cuique congruas in regno, atque amore fraterno complectendorum; tum ut Reginam Joannam haberet sibi commendatissimam, honoraret ut matrem, omni solatio obsequioque foveret; quod ceteris quoque liberis commendatum volebat. Denique injunxit ei, ut Regni Proceres, Nobiles & Equites omnes haberet honorifice atque munifice, & sua cuique privilegia illibata servaret: & addidit, si omnia ista adimpleret, benedictionem suam plenam super eum descensuram; sin minus, maledictionem suam exciperet; & voluit ut ipse subjiceret, Amen. Tum dixit: Fili mi, vides quomodo sis auctus opibus, subditis, possessionibus, præ quam alius ullus Rex Christianus: satage ut recte utaris omnibus; sisque bonus, tot bene agendi media nactus. Manes Dominus ejus omnis terræ, quam Regi Roderico Mauri eripuerunt: si hoc in statu, quem tibi relinquo, regnum sciveris conservare, tam bonus Rex eris atque ego; non item, si amiseris aliquid.

*eum cereo in
manibus*

219 Cumque jam advenisset hora, qua Rex sanctus animam esset redditurus Creatori suo, conspexit Sanctorum se expectantium societatem; multumque eo visu recreatus, dedit gratias Deo: petiitque Cereum benedictum, in manibus ritu Christiano tenendum. Prius tamen quam eum apprehenderet, elevatis in cælum oculis, dixit: Domine, dedisti mihi regnum, quod non habebam; & majorem honorem atque potentiam, quam merebar: dedisti mihi quantum fuit voluntatis tuæ sanctæ: & pro his omnibus gratias tibi reddo, & resigno in manus tuas regnum, quantis potui incrementis auctum: animam quoque meam tibi offero. Tum veniam ab omnibus circumstantibus petiit, ignosci postulans, si quam eorum alicui dedisset querendi de se causam; & illi vicissim lacrymantes orabant,

ut

ut sibi culpas suas condonaret. Mox candelam accepit, & eam ambabus manibus in sublime efferens, ^{pie defunctus} Domine, inquit, Jesu Christe, Redemptor mi, nudus egressus sum de ventre matris meæ, & nudus revertor in terram: suscipe, Domine, animam meam, & per merita sanctissimæ Passionis tuæ, placeat eam collocare inter servos tuos. Deinde manus cum candela demisit, & tamquam fidelis Christianus Deum patrem adoravit, jussitque ut Clerus totus recitaret litanias, elataque voce Te Deum laudamus decantaret. Denique inclinato capite & oculis clausis, animam Deo reddidit, quam inter fideles ac sanctos habeat cælestis gloria. Amen.

220 Nulla lingua poterit explicare, qui planctus, quæ lamenta fuerint per omnes regni partes, propter mortem tam sancti Regis. Quis enim umquam vidit tot matronas ac virgines celsissimi generis capillitiū ponere, lacerare genas, vocibus querulis lamentari? quis tot Infantes, Equites, Infanzones, Nobiles & Ricos-homines radere barbas, pilos vellere, in seip-
 fos sævire? Profecto nemo super alicujus Regis morte luctum ejusmodi conspexit. Dies autem ille luctuosus fuit dies *f* Jovis, idemque trigessimus mensis *f* Maji, anno Domini millesimo ducentesimo quinquagesimo secundo: & die tertio, videlicet sabbato, sepultum est corpus in sancta Hispalensi *g* ecclesia: ubi usque hodie habetur in maxima veneratione. Missam celebravit Archiepiscopus Hispalensis: ac deinde in laudem defuncti sermonem habuit. Rex vero Granatæ, morte ejus intellecta, jussit planctum maximum fieri per totum regnum; idque jure meritis-
 simo, quia sub protectione atque tutela ejus securus degebat.

221 Neque solum per Castellæ atque Leonis regna, ^{subditis, etiam Mauri, deploratus.} sed per universam Hispaniam mors Ferdinandi fuit lamentata, propter ipsum enim celebrabatur per universum mundum: magis adhuc exaltanda, si diutius

diutius vivere potuisset. Specialiter autem concessum ei à Deo fuit, quod eo regnante nullus annus in Hispania & præsertim in ditionibus ei subditis fuit sterilitate aut pestilentia notatus. Benedictus sit dies, quo Rex iste natus est: quandoquidem Deus ei fecerit gratiam, ut per suas sanctas actiones consequeretur tantum honorem in hoc mundo, & in altero gloriam permanentem; in qua ipsum habeat Deus cum Sanctis, sempiterna fruente beatitudine. Amen. Nobis vero concedat gratiam, ut similia opera possimus facere, quibus mereamur, partem habere in regno suo sancto, ubi est perpetua claritas & gloria infinita per aeterna secula. Amen. Deo gratias.

A N N O T A T A.

a Scilicet cis mare Oceanum, ubi omnia loca hic nominata inveniet lector in chorographica tabula Andalusie, sed cum addito ad distinctionem cognomine, puta Medina-Sidonia, Alcala de los Gazules, San-Lucar de Barrameda, quod hic de Alpechin videtur dici: ad ipsum autem Herculeum fretum versus mare mediterraneum non pertigerunt Ferdinandi victoria, sed posteris servata gloria est: tam prompti ex Africa trajectus Mauris auferendi.

b Mariana addit, quod hunc in finem In Cantabrie finibus nova & numerosior classis edificabatur, quo tempore Regem morbi vis invasit.

c Virum eam electionem approbare noluerit Innocentius Papa, aut ipse Philippus fuerit à sacris Ordinibus suspendendis alienior, compertum non habeo: hoc certum, quod auctores ei dent titulum Administratoris, quem utrum revera usurpaverit velle ex aliquo publico actu discere. Certum est etiam quod nunquam fuerit consecratus vel ad majores Ordines promotus: siquidem postea uxorem duxit Christianam, Regis Norvegia filiam, eo con-

silio adductam, ut Alphonso uxorem sterilem repudiaturus nuberet; sed Regina interim gravidam factam mutavit Rex consilium, & fratri virginem habendam dedit, suo apud Norvegos estimationi sic consulens.

d Si patre moriente Archiepiscopus Toletanus erat Sancius, saltem Electus (quod absque irrefragabili actorum publicorum testimonio non ausim in dubium revocare, contra hanc tam expressam auctoris coarctatam auctoritatem) erravit Tamajus, quando Guterii successorem Paschasium, anno 1250 ordinatum, ait supervixisse usque ad annum 1262. Obierit hic fortassis exiguo ante Sanctum Regem tempore, ipso anno 1252, & hac causa fuerit, cur filius, ad inveniendam possessionem profectus, non adfuerit. Non tamen continuo ordinatus est Sancius; siquidem Franciscus Piza, in Historia Toletana lib. 4. cap. 19, refert Privilegium, quod Era MCCXCVI, id est anno 1258, concessit Clero Toletano, ubi dicitur solum Sancius, divina providentia Toletanæ Sedis Electus, Hispaniarum Primas, & Domini Regis Cancellarius. Di-

et antem Pisa, eum obiisse anno 1168; & Quintanadueñas, in libro de Sanctis Toletanis cap. 27, ait, eum suscepisse sacros Ordines à Raymundo Archiepiscopo Hispalensi anno 1259.

e Ricus, voce Teutonica Ryk, dives. In supra memorata distributione Alphonsi Regis, Ricos-homes invenies nominatos, ante Ordenes è Fijosdalgo, id est, Nobiles: ut appareat fuisse eam appellationem non vulgaris note & dignitatis. Vitalis Episc. Osenfis apud Cangium verbo Infanciones, horum primam ac

nobiliorem speciem facit Barones vel Ricos homines: talisque fuit Raymundus ille Bonifacii, Archithalassus S. Ferdinandi supra laudatus.

f Anno siquidem 1252 Bissextili, littera Dominicales fuerunt G F.

g Nisi ante nova ecclesia molitionem scripsisset auctor, non dixisset simpliciter Ecclesiam, sed addidisset veterem: sicut neque superius, ubi de Mezquita & turri, vel minimum indicium dat nova fabrica inchoata, nedum perfecta.

PARERGON IV.

De Anniversario sancti Regis ex Morgado & Spinosà.

Post mortem Sancti Regis, Granatensis Rex Maurus (Mahomadum Morgadus, Spinosà Alhomadam vocat) non contentus supradicta demonstratione doloris, misit annue, quoad vixit, ad diem recurrentis Anniversarii, delectos ex Equestri suorum ordine viros centum; & ad maiorem testificationem luctus, pedites ire iussit, singulos cum cereo candido, quos circum cœnotaphium accensos ponerent: voluitque ad posteros transire exemplum, velut tributum. Duravit hic usus usque ad tempora Catholicorum Regum Ferdinandi & Isabellæ: sub quibus extincto penitus Granatensi Maurorum regno & urbe subacta, cessavit tributum istud, suffectusque est certus Maurorum numerus, ex ipsa urbe Hispalensi, eorum qui habitant in Regione Adarbeji (hodie Maurariam appellamus) Collationis S. Petri. Hi assistebant exequiis Regiis ad Vigiliis & Missam, cum capuciis ejus quem quisque eligebat coloris, apicibusque viridibus, & media super eos luna coloris item viridis,

222

Anniversarium honoratum à Mauris,

dis, circumfistentes tumulto facesque in manibus albas tenentes. Postea, cum obligatio hæc eis gravis accideret, petierunt à Capitulo & impetrarunt, ut eam sibi liceret redimere annua pensione ceræ, certo pondere ad diem istum ipsorum expensis consumendæ, quemadmodum scribit sacelli Regii Capellanus Christophorus Nuñez.

quo ritu His-
pali diu ce-
bratum,

223 Institutor Anniversarii hujus fuit filius & successor Ferdinandi Alphonsus: eoque die & præcedenti non permittebatur, ut quisquam vel officinas aperiret vel opificium exerceret consuetum: idque servatum fuit quamdiu Alphonsus supervixit. Eundem diem Legionenses & Castellani omnes, sed præsertim Andaluzii, consueverant etiam cum maxima demonstratione doloris agere; & præcipui quique regnorum illorum funebri isti officio conabantur interesse, singuli adferentes labara & insignia suarum urbium oppidorumque, cum multis facibus ex cera alba: quæ quidem labara disponebantur per ecclesiam majorem; faces vero accendebantur primo mane, & ponebantur circum sepulturæ locum, ubi ardebant die toto quia erant valde magnæ. Istud autem Anniversarium usque hodie (*inquiunt Morgadius & Spinosæ, prior anno MDLXXXVII, alter MDCXXVII scribens*) cum Officio Defunctorum celebrat Capitulum sanctæ ecclesiæ majoris Hispalensis, ex particulari fundatione, cum musica & sermone ad populum, omnique honore funebri pro anima Sancti Regis D. Ferdinandi, interveniente Capitulo Civitatis cum Audientia Regia, in die sanctissimæ Trinitatis vespere & die sequenti: in eundemque finem construitur cœnotaphium inter duos choros; cui imposita pulvinaria auro contexta, sustinent gladium & coronam regiam: exponitur etiam eadem occasione labarum Regium, collocaturque ad pulpitum Evangelii.

224 Hactenus illi: quæ omnia nunc saltem cessare existimo, & in augustiorem letioremque ritum mutata, postquam

quam decrevit Apostolica Sedes Officium de Ferdinan-^{absque præ-}
do ut Sancto recitandum, juxta Romani Breviarii ^{judicio San-}
formam, sicut infra dicitur. Vt tamen etiam hodie fie-^{ritatis,}
rent, non præjudicarent certitudini acquisitæ à Ferdi-
nando beatitudinis æternæ, quam solennis iste cultus
Pontificio confirmatus decreto fidelibus omnibus indubita-
bilem facit: sed solum esset pia ac simplex primæ in-
stitutionis observatio, non ad solatium, sed honorem
animæ tam bene meriti Regis; refrigerium vero aliarum
animarum, quoquomodo ipsam attinentium. Sic XXI Fe-
bruarii observavimus Nivelles in Brabantia factum SS.
Pippino & Idubergæ, parentibus S. Gertrudis: sic XI
Maji, Malbodii in Hannonia diximus olim parentari so-
litum SS. Walberto & Bertiliæ, genitoribus SS. Al-
degundis & VValdetrudis. Quin & in toto Sacro Præ-
monstratensium Ordine scimus fuisse usitatum, nec nisi
auctore Molano omissum, ipsius sancti fundatoris Nor-
berti Anniversarium funebre; quod hodieque continua-
tur, sed pro defunctis ex eadem familia prognatis. Hoc
autem ideo dixerim, ne muliebri Sanctimonialium Ni-
vellensium atque Malbodiensium simplicitati id tribuens
aliquis, ignoscendum potius quam tolerandum majoribus
nostris fuisse putet istiusmodi ritum; maxime accedente
hoc altero Hispalensi exemplo, quod sapientissimis Eccle-
sia istius Archiepiscopis & amplissimo gravissimorum vi-
rorum Capitulo numquam displicuit nec improbatum fuit,
usque in nostram ætatem, qua prudentius talia omittun-
tur, ad præscindendam curiosis magis quam religiosis ho-
minibus cavillandi materiam.

225 Porro ratio Anniversarii, post festum Sanctissimæ ^{post Domi-}
Trinitatis celebrandi, fuit, quod dies xxx Maji, quo San- ^{nicam Tri-}
ctus Rex obiit, plerumque concurrat cum Octavis A- ^{nitatis.}
scensionis aut Pentecostes, quarum festivam letitiam
non convenit lugubri officio funestari. Volentes er-
go diem eligere numquam aut varissime impedi-
dam; nulla habita diei mortualis ratione, elegerunt pri-
mam

nam post Octavas predictas Feriam, huic officio vel ideo aptiorem, quod universalis Ecclesia, Dominicam Christo resurgenti dicatam habens, soleat Feria II recolere memoriam fidelium in Christo defunctorum, quos ejus exemplo resuscitandos credit. Inchoatur autem pridie Vesperis, scilicet post absolutum Dominica diei officium totum: & cum anno MDLXXIX facienda esset sacri Corporis apparatusissima Translatio, apte electa fuit eadem Feria, tamquam annue Sancti memoria ab antiquo dicata.



GLO:

GLORIA POSTUMA S. FERDINANDI III

Regis Castellæ & Legionis

Ex variis monumentis collecta

CAPUT I.

*Miracula post mortem ex veteri Hispanico,
Editionis Hispalensis anni MDXXXII.*



Nescio quid amplius dicere possim de gestis sancti hujus Regis in vita: post mortem vero, tot tantæque patrata miracula sunt, meritis ejus & intercessione Domine nostræ, ut numerari nequeant. Sed propter exiguam diligentiam majorum animique remissionem, omnia fuerunt oblivioni mandata: nisi potius ea nunc voluerit ignorari Deus, quia homines hujus ætatis indigni sunt qui istis auditis salutem consequantur, propter excessum iniquitatum, quæ hodie publice patrantur in mundo. Eorum autem quæ hoc tempore claruerunt cum sciam aliqua, facta personis hodieque viventibus, ipsa ex ordine recensita audies.

1 Patronus cujusdam navis Hispalensis, qui, dum bellum cum Lusitanis a esset, multa iis damna intulerat, vicissim ipse alique plures ab illis capti sunt; qui omnes quidem alios diris carceribus incluserunt, ubi nullam omnino lucem conspicerent, navis autem Patronum seorsim recluserunt. Id ubi rescivit uxor, Regi Ferdinando devotissima, in capellam

*Antiquiora
oblivioni
data.*

a
*Captivi in
Lusitania
mortique
addicti.*

O

lam

GLO.

lam ejus accessit, ad quandam imaginem, cui prædictus Rex dum viveret ipse afficiebatur: cœpitque prolixè orare Regem Ferdinandum, vellet intercedere apud Dominam nostram, ut maritus suus à tanta calamitate liberaretur: votum addens, quo se obligabat, ad curandas ante prædictam imaginem triginta Missas per totidem dies, & glorioso Regi offerendum panem & vinum ceramque accensam. Primo autem die ipsaque hora, qua cœpit prima Missa, collataque sunt panis vinum & cera: maritus suus, qui tenebatur in isto tenebricoso carcere prope modum enectus fame ac siti, vidit candelam ceream coram se accendi, panemque & vinum ab uxore oblatum, eisque refocillatus est. Dum autem orationes & oblationes continuarentur Hispali, captivus quoque Olisipone simili hora & modo illuminabatur reficiebaturque. Cumque custos carceris, octavo cœpti miraculi die, cereum accensum fuisset conspicatus, suoque captivo deesse nihil animadvertet, voluit eum torquere: quapropter ille mysterium aperuit, & quid octiduo toto sibi factum fuisset manifestavit. Hæc ubi ad aures Lusitani Regis pervenerunt, veraque probata sunt, quamvis eum bene commeritæ morti adjudicasset, accersivit illum, juramentumque exegit quod reversus in patriam, nuntiaret sibi quid istic pro eo factum sit. Interim nuntiatum est Hispali, mortis sententia accepta sublatum de medio hominem esse: sed non ideo pia mulier cœptum dimisit sacrificium ac votum. Vigesimo autem die ab eodem curato domum mulier rediens, ibidem invenit maritum suum, quem manu apprehensum duxit ad capellam prædicti Regis, ubi Deo & ejus gloriosæ Matri egerunt gratias ipsique glorioso Regi. Sumpta autem dierum aliquot quiete, rediit in Portugalliam, narraturus, quid absente se domi fecerit uxor.

ii Quidam propter grave crimen addictus morti,
per

*oblationibus
ab uxore
Hispali factis
sustentatur,*

*& agnito
miraculo
liberatur.*

per sagittas Confraternitatis ^b excipiendæ, captivus attinebatur in turri, manicis implicitus, cum cippo ad collum & gravi ad pedes catena. Pridie vero ^{Item alius educendus ad mortem.} quam ad supplicium educeretur, commendavit se huic glorioso Regi: eademque nocte, nesciens ipse quo modo, solutum se à vinculis omnibus miratus est; & sequenti mane ad capellam Beati venit, vitamque servavit meritis istius gloriosi Regis.

III Cuidam devoto Dominæ nostræ ejusdemque ^{reducitur fugitivum mancipium,} Regis aufugerat mancipium, quod cum utriusque commendasset, in eo requirendo nullam prætermisit diligentiam. Amisâ deinde ejus recuperandi spe, octavo jam fugæ die currente, petiit sibi Missam dici ante imaginem Dominæ nostræ, de Conceptione ejus; orans gloriosum Regem, ut pro se dignaretur intercedere. Cumque prædictam Missam in capella Sancti de genibus audiret, post tergum respiciens, vidit adstantem fugitivum suum: qui rogatus, ubi fuisset, respondit: Hac nocte quatuordecim leucis hinc abfui asino insidens, & mane me reperi circa Hispalim.

IV Cuidam virgini pauperi addicta in dotem erant decem millia maravedisiorum: sed eidem jam desponsæ, qui dotem promiserant, præstare eam non potuerunt: qua de causâ accipere eam sponsus noluit. Ipsa vero solum sexaginta quinque maravedios habens, rogavit gloriosum Regem, ut sibi quo meliori poterat modo succurreret. Itaque paucos illos quos habebat nummos, decrevit in ejus nomine exponere sortibus, quæ Hispali duci solebant. Prima autem fors egressa est puellæ hujus & gloriosi istius Regis, quæ fuit centum duplarum Castellanarum & trium ulnarum holoserici villosi: quare qui rogabatur sponsus, necesse habuit ipse rogare: itaque celebratum matrimonium est, in quo illa Deo & Regi glorioso servivit.

V Viro cuidam vacca sua vel aberrans perdita,

O 2

vel

*redditur ab-
ducta vacca*

vel furtim abacta erat; quam multis diebus magno cum labore requirens, nec inveniens, vovit Missam cum oblatione glorioso Regi Ferdinando. Vesper autem venit stipem ferens pro Missa die sequenti dicenda. Eadem hora, cum laniones Hispalim inducerent animalia macello destinata, nescitur quo modo, simul omnia intrantia in civitatem, hac illac dispersa sunt; vacca autem prædicta viam tenuit versus ecclesiam S. Mariæ, neque fisti à quoquam potuit, plateas & viculos multos percurrens, usque dum stetit post sepulcrum gloriosi Regis. Dominus autem ejus, egrediens à numeranda stipe, vidit continuo agnovitque vaccam suam, atque ob hoc miraculum valde laudavit Deum & gloriosum Regem.

*liberatur
addictus
morti.*

VI Mulieris cujusdam captivus filius, causa criminis, addictus erat morti: quia autem erat pauper-cula, accessit lacrymans ad sepulcrum Regis gloriosi, quotidie candelam offerens. Cumque sententia esset executioni mandanda, declaratus est liber absolutusque à culpa: atque ita mulier à tristitia, filius ab ignominia exempti fuerunt.

*juvatur e-
genus sacri-
sta.*

VII Sacristanus quidam capellæ hujus Regis, cum stipendium nimis modicum sibi præberetur quam ut eo vitam agere posset, decrevit ambire aliam majoris emolumenti sacristiam: hac autem obtenta, majori quam antea necessitate premi se sensit. Igitur in se conversus, animadvertensque exaruisse in animo suo devotionem erga gloriosum Regem; ad ejus famulatum revertit, consueto stipendio acquieturus: & mox omnes eum juvare cœperunt, sic ut necessitati suæ optime prospectum fuisse, & etiam-nunc esse, fateatur.

*C
recuperatur
amissum
thesaurum.*

VIII Quidam ecclesiæ Hispalensis Sceptrafer dum iret accepturus gladium, quem Rex manu tenuit quando urbem intravit, ad Processionem publicam deferendum, in conferta hominum, tali die concurren-

currentium, 'multitudine amisit sertum globulorum precatoriorum minime contemnendi pretii. Oratione autem ad gloriosum Regem facta, dixit, quod amissam in ejus obsequio coronam eodem intercedente recepturum se speraret. Anno autem vertente, hora eadem orans ante imaginem Beati, ipsam coronam vidit in manibus cujusdam mulieris; quæ libenter illam restituit, narrans quomodo reperisset: quod ille beneficium Deo & beato Regi acceptum retulit.

ix Mulier paupercula ex d Palomares, roris-marini plantas venales circumducere Hispali solita per plateas, jumentum quo utebatur ad illas vehendas amiserat, una cum tortulis panis, ad familiæ suæ victum coempti: nec aliud præter ipsum jumentum habens, quo vitam sustentaret, circumibat plorans civitatem. Cujus labori compatientes aliqui, suggererunt, ut ad Regem Ferdinandum candelam ferret, ipsique bestiam commendaret. Fecit hoc die quodam sabbati, inter nonam ac decimam; orationeque completa rediens ad gradus capellæ, invenit præconio publico proclamari ubinam animal esset: atque ita quod amiserat reperit, & Deum Dominum nostrum cum sancta Virgine Maria & Rege glorioso laudavit.

x Æthiops quidam, quia mulierem conjugatam alapa percusserat, captus & accusatus de crimine fuerat; periclitabaturque ut minimum de amittenda manu, pro ratione delati compertique delicti. Promittens autem Regem Dominæ, Regique Ferdinando Missam, cum cereo manus unius simulacro, paulo post liber dimissus est, absque punitio-
ne ulla.

xi Quidam Regum & Modernorum satelles habebat mancipium Æthiopicum, propter facinora varia morti damnatum. Cumque ad furcam ducere-
tur, Dominus suus commendavit ipsum Ferdinando

Regi glorioso; dicens, non minus suum quam ipsius servum esse. Moxque reductus in carcerem fuit, & intra paucos dies solutus à periculo mortis, quam decies eoque amplius commertus fuerat.

*reducuntur
fugitivi
Mauri duo,*

xii Mulier Trianæ commorans duos habebat Mauros, matrem vero devotam huic Regi. Cum autem Mauri prædicti fugissent, seque in silvulam quamdam abdidissent, vincula omnia disruperunt. Verum statim ac mater mulieris istius cognovit ipsos disparuisse, curavit Missas aliquot prædictis Dominæ nostræ & glorioso Regi dicendas: cumque se ad abitum Mauri pararent, apparuit eis vir senex, canus, & venerabilis, qui eos non prius dimisit, quam compulit ad ostium Dominæ suæ se sistere; ubi agniti reductique in domum sunt, per intercessionem ipsius gloriosi Regis, qui (quantum ex imagine cognosci poterat) ipsis apparuerat, secundum confessionem ejus, cui visio talis obtigit.

*recuperatur
amissa pecunia.*

xiii Armiger quidam, Corduba veniens, amiserat peram continentem centum nummos aureos & scyphum argenteum aliasque res multas: cui requirendæ cum multam frustra impendisset operam, monitus est, ut amissa glorioso Regi commendaret. Mox autem atque audita Missa progressus est ad gradus capellæ, certum de iis accepit indicium, & omnia recuperavit meritis hujus gloriosi Regis.

xiv Trianensis nauta duodecim Henricos-Alphonseos *f* portabat in bursula; & hac, nescio quomodo, aperta, eos amisit variis in locis per quæ transiit, nunc singulos, nunc duos, aut etiam quaternos. Quos ubi deesse sibi vidit, nec proficere adhibitam in requirendo diligentiam, amissa eorumdem reperiendorum spe, recurrit ad Regem Ferdinandum, ejusque honori certum Missarum numerum dicendum curavit. Moxque in variorum manibus divisim reperit quod amiserat.

xv Mulier

xv Mulier conjugata, pridem nihil de viro suo inaudiens, quasdam Missas dicendas cum oblatione curavit, & mox accepto nuntio recreata fuit. Hæc & similia alia, si essent ad longum deducenda, non possem ea cito absolvere: interim ex relatis apparet, competere huic glorioso Regi Sanctorum trium prærogativas, videlicet S. Antonii Patavini, in recuperandis amissis; S. Dominici, in solvendis captivis ac liberandis reis; S. Nicolai, in juvandis pauperibus & peregrinis g. Quapropter vehementer demiror Hispalensiam ingratitude, qui novum in Ferdinando Patronum adepti talemque Advocatum, cujus sanctitatem intra tam breve tempus Deus ac Dominus noster per tot miracula manifestavit; necdum pro eo canonizando supplicationem miserunt. *Hactenus pars tertia. Legende antique, excusæ in libro Flos-Sanctorum dicto, unde partem secundum Vitæ dedimus: ad recentiora transco.*

Trium San-
ctorum præ-
rogativa in
Ferdinan-
do.

g.

ANNOTATA.

a Inter Ferdinandum Lusitanix & Joannem Castellæ Reges certatum est primo cum vastatione totius Lusitanie: Beatrice deinde regni herede Joanni nupta, cum Ferdinandus absque prole mascula obisset anno 1383, Lusitani, fratrem ejus nothum Joannem mauerunt habere quam Castellano subijci: cum autem suum atque uxoris jus prosequeretur Castellanus, infeliciter pugnavit ad Albigarrotam an. 1386, atque ita mansit Joanni Notho regnum, Bonifacii Papæ IX indulta confirmatum.

b Contraternitas, vulgo, la sancta Hermandad de Sevilla; Agit de ea Morgadus pag. 63, propriumque Magistratum, ministros, carcerem, judicium habere indicat in casus ad se pertinentes; sed quod ejus institutum, & de quibus delictis cognoscat, nec ipse nec alius quem noverim docet.

c Ita in Summario Processuum num. 76 Latine redditur vox Hispana Pertiguero.

d Palomares, vicus trans Bætim leuca distans Hispali.

e Mortuo Henrico IV successit anno 1474 Isabella soror, Ferdinando Aragoniæ Regi nupta. Ex hinc in plurali dicti Reges sunt, & Reges Catholici; eo quod per se haberet Isabella ut Regina diceretur, non autem acceperat à marito; qui tamen & ipse per se Rex erat. Regnarunt hi simul usque ad annum 1504, quo prior Regina obiit, superstiti Regis usque ad annum 1516: utrisque successu, ex unigenita Joanna & Philippo Austriaco nepos, Carolus V, postea Imperator.

f Interpres Latinus in Summario, Scuta aurea vertit.

g Coluntur S. Antonius Patavinus, 13 Junii S. Nicolaus Myræ Episcopus, 6 Decembris, &

nata

nota sunt utriusque in eo genere pra-
rogativa: qui autem hic à liberan-
dis captivis laudatur S. Domini-
cus, intelligendus est Calceaten-

sis, de quo egimus 12 Maji, Ca-
stellanis notissimus ac proprius. Et
hujus eo in genera miracula plura
ibi leges.

CAPUT II.

Apparatus ad translationem Corporis incorrup-
ti in novam Capellam anno MDLXXIX.

16 **O**ctavo post prenotatam in titulo Translatio-
nem anno, Hispalensis urbis historiam, ibidem
Hispani & Hispanica lingua, vulgavit Alpho-
nus Morgadus Sacerdos, Alcantara natus, in
Annotatis jam sepe nominatus: ubi lib. 4. cap. 7
argumentum nobis propositum tractat, testis fortassis om-
nium oculatus; sed qui multa pratermisit explicare, minu-
tim invenienda apud Paulum Spinosa; annis qui-
dem quinquaginta circiter post rem actam scribentem, sed
ex relatione, ut videtur, olim facta. Ergo ex utroque
contextam narrationem sic accipe, ut initium ex Morgado,
cetera ex Spinosa potissimum accepta fuisse intelligas. Jus-
serat, inquit Morgadus, Rex sanctus corpus suum se-
peliri in ecclesia majori Hispalensi, quam Deo &
Deiparae curaverat consecrandam: similiterque ibi-
dem sepulti fuerant filius ejus Alphonsus Sapiens,
Reginae nonnullae, pluresque Infantes: quorum cor-
pora simul cum Reliquiis S. Leandri, duabusque sta-
tuis Dominae nostrae, & gladio atque vexillo, qui-
bus usus Ferdinandus erat civitatem acquirens, de-
posita erant in Mezquita olim, deinde majori & Ca-
thedrali ecclesia: ibique sic longo tempore manser-
unt, primo in una navium dictae Mezquitar, ubi
nunc est Capella, Domicellarum dicta, in corpore
novae ecclesiae: indeque translata sunt ad aliam re-
centiorem ejusdem Mezquitar navem; quae modo
pro bibliotheca est, vicina scalis. Ista nave seu ca-
pella secunda ac tertia, sunt ea quae ex veteris
Mez-

In veteri
capella se-
pultis, Re-
gis corpori-
bus,

atque in a-
lia tanti-
per deposi-
tis,

Mezquitæ clauſtro remaſerunt: ad eaſque tranſlata fuerunt prædicta corpora, Reliquiæ & imagines, interim dum abſolveretur fabrica novæ Capellæ regalis, in capite ipſius maioris eccleſiæ.

17 *Scribit autem Zuniga abſolutam fuiſſe fabricam anno MDLXXV. Quæ de re cum monitus Rex Philippus eſſet, nec dubitaret quiſpiam quin ille mox fieri Tranſlationem juberet; mandatum præuenientes Capellani Regii plinthe, cui imponi tumbæ corporum Regionum debebant, quales in veteri capella ſteterant, inſculpi titulum hunc juſſerunt, qui hodieque imperfectus fallaxque perſeuerat: Ferdinando III, cum clariffima Beatrice ejus conjuge, & Alphoſo Regi eorum filio, ex humiliori ſacello tranſlatis, anno ab æternæ ſalutis principio MDLXXV, curantibus Divæ Virginis Sodalibus. Verum cunctantius agente Rege, & multa interim eodem facientia ordinante per quadriennium, tandem anno MDLXXIX, die ſabbato ante Dominicam ſanctiffimæ Trinitatis, XIII Junii, de mandato ipſius Regis, ad horam ſeptimam veſpertina conveniunt in capellam, ubi regalia corpora collocata erant, Archiepiſcopus hujus urbis, D. Chriſtophorus de Rojas a ſanctæ memoriæ, Regens Audientiæ Regiæ Hiſpalenſis, & Aſſiſtens Civitatis, ad horam ſeptimam veſpertina; præſentibus ibidem pariter Auditoribus Regiis, multisque ex Vingtiquatuor-viris & Juratis, ac nonnullis Comendatoribus Militiæ S. Jacobi, nec non variis Dominis titulatis tunc in urbe exiſtentibus, ſcilicet Marchionibus Tarifæ, Alcalæ, Villæ-Manrique, Algavæ, & Del-valle; Comitibus item de Gelves & Caſtellani; Dux autem Alcalæ, quo minus intereſſet, fecit ingens qua detinebatur infirmitas. Ad erat etiam ipſius ſanctæ eccleſiæ Decanus, cum aliquibus Canonicis ac Rationariis, Præſidens denique & Capellani atque Cuſtodes Regiæ Capellæ prædictæ. Coram quibus diſcoopertum fuit corpus S. Leandri, & duæ imagines valde antiquæ ac de-*

*an. 1579
in novam
transferen-
dis,*

votæ Dominæ nostræ: corpus item Sancti Regis D. Ferdinandi, & Serenissimæ Reginae D. Beatricis uxoris ejus, & Regis D. Alphonfi Sapientis filii eorum, & D. Mariæ *b* de Padilia; nec non corpora Infantium D. Alphonfi *c*, D. Petri, & D. Frederici *d* Magistri Ordinis S. Jacobi. Inspectis etiam gladio & vexillo regio, aliisque ceremoniis requisitis diligenter expletis, coram Notario Regio portaverunt prædicta corpora, ad magnificum tumulum, inter duos *e* choros ecclesiæ eo fine fabricatum, ubi illa reliquerunt nocte ista, cum quanta potuit fieri decencia & majestate. Imagines autem gloriosissimæ Virginis Dominæ nostræ, unam quidem, quæ Regum dicitur, collocarunt super ferculum solum intra capellam Regiam; alteram, quæ tota est eburnea, posuerunt super altari majori, cum corpore gloriosi Antistitis Leandri.

*ipsa cariosa
exempta
sarcophagis,*

18 Inventus est Rex Sanctus cum annulo, cujus palæ insertus erat lapis cæruleus, in uno digitorum manus dexteræ; accinctus gladio, & indutus calcaribus. Regina Beatrix ad unum pugnorum habebat armillam, contextus nigri, gemmis in orbem conspersam. Rex Alphonfus, gladio accinctus, habebat sceptrum atque coronam, cum nonnullis insigniis Imperatoriis; in pedibus quoque habebat calceos formæ vetustæ cum fibulis argenteis: notatumque fuit, frontem, ejus & caput normam communem magnitudine excedere, barbam vero aliquanto prolixiorem esse quam sit Clericalis. Sed sarcophagi, omnes præterquam unius Reginae Beatricis, adeo cariosi reperti sunt, ut ceteris corporibus omnibus fuerint faciendæ novæ capsæ: quarum quæ Sancti Regis ejusque filii Alphonfi corpora excepturæ erant, coccinea interius bysso, exterius vero panno aureo fuerunt obductæ, & clavis inauratis confectæ, desuper autem extendebatur crux panni argentei. Magistro sarcophagum placuit holoserico caru-

caeruleo convestire exterius, ejusdemque coloris ^{imponuntur} bysso interius, cum simili, qua duæ priores arcæ or- ^{novis arcis} nabantur, aureæ clavaturæ limborumque ex auro & ^{singula.} serico contextorum splendore; qui etiam ceteris sarcophagis est additus, exterius holosorico coccineo, interius bysso obductis.

19 Tribus prioribus injecta deinde sunt pallia, ex tela auro coccinea cum fimbriis ex auro sericoque concolori textis, similisque texturæ floccis. Ceteras capfas tegebant ejusdem formæ Pal- ^{& decore} lia coccinea: & in medio cujusque pallii acupi- ^{velantur.} cta erant insignia regia, præterquam in eo quod Magistri capsam operiebat, coloris caerulei, quod Cruce Ordinis S. Jacobi cum suis conchis insignie- batur. Ordo, quo ferebantur, hic erat. Præcedebat sarcophagus continens corpus Magistri; deinde cum ^{Eadem se-} corporibus duorum Infantium gestabatur corpus D. ^{leniter cir-} Mariæ Padiliæ: postea corpora singula ex ordine se- ^{cumferen-} quebantur, Alphonfi, Beatricis & Ferdinandi; & hoc ultimum portabatur sub umbella speciosissima panni argentei decem ulnas lata, cujus hastilia tene- bant Beneficiati ecclesiæ Metropolitanæ, enssem præferente Comite de Villar Civitatis Assistente; postremo autem ferebatur Corpus S. Leandri, pone- sequente Archiepiscopo & ceteris, die, ut dictum est, xiii Junii.

20 Tumulus eum in finem positus inter ambos choros, illud vastissimum spatium sua implebat cir- ^{in unum} cumferentia, in formam pyramidis assurgens, defi- ^{perma com-} nensque in globum qui ipsum fornicem fere attin- ^{ponuntur} gebat. Tota autem moles ornata erat picturis, vi- ^{x3 Junii} ctorias gloriosorum istorum Regum & illustria gesta repræsentantibus, artificio & decore mirabili. In his eminebant proceritatis eximiae figuræ quatuor, eum in modum compositæ, ut licet nomina ab- fuissent, Sapientiam, Munificentiam, Sanctitatem & Victoriâ iis referri intelligeres; & sua singulis sub-

subjecta erant hieroglyphica, cum epigrammatis cuique virtuti aptatis, & alludentibus ad eas historias, per quas demonstrabatur, sanctum Regem in omnibus illis quatuor eximium fuisse. Sapientiae ad pedes in throno assidebat Rex Alphonsus, velut in tribunali causas disjudicans; ad aliarum vero trium pedes cernebatur Rex sanctus, hic quidem larga manu thesauros effundens; ibi comitatus Pontifice summo multisque Sanctis ac Martyribus, quibus afficiebatur devotius; alibi denique in curru triumphali, coronatus lauro, cum palma in manu: atque hæc omnia explicabantur Latinis versibus.

pulchro ordinis.

21 Res autem tota in formam historiae descripta fuit. Regiæque Majestati oblata; sed nescio per quam socordiam periit relatio illa, æque ac instructio totius pompæ adornandæ ducendæque, quam propria manu Rex ipse conscripserat. Sic autem ordinata erant omnia, ut in pegmate primum locum teneret Magister, post ipsum consisterent tres sarcophagi Infantium atque Mariæ Padiliæ; eminentiori vero loco supra ceteras elevata conspiceretur arca sancti Regis: utrimque, sed gradu paululum humiliori, habens uxoris & filii corpora, hujus à sinistris, illius à dexteris collocata. Supra has tres arcas posita erant pulvinaria quatuor ex aureo panno: duo scilicet supra arcam Sancti Regis, sustinentes coronam auream; alia duo super singulas collaterales, totidem coronis similiter aureis sustinendis. Circum pegma vero disposita lucebat ingens copia grandium ex candida cera tædarum.

Ad hoc pegma post bidie conveniunt

22 Excubituris nocte ista ad funebre pegma Capellanis duodecim mandaverat Archiepiscopus, ut Psalterio recitando occuparent sese: custodiam vero commiserat delecto ad id D. Hieronymo de Montalvo, supremo satellitii urbani Præfecto, qui cum pluribus Præfectis minoribus ejusdem satellitii, aliisque ad id deputatis personis, intra ecclesiam pervigilans,

gilans, portas usque mane clausas tenuit ad horam quartam matutinam: quando primus in ecclesiam ingressus est Archiepiscopus, tum omnes qui debebant interesse processioni, seque sessum contulerunt ad loca, unicuique ordini præscripta à sua Majestate, in hunc modum. Audientia Regia in capella majori ad latus Epistolæ locum cepit, Tribunal sacri Officii ad cornu Euangelii, Magistratus civitatis cum Equitibus suis tenuerunt utrumque latus tumuli, post eundem tumulum Universitatis Doctores & Magistri confederunt. Titulares Domini, qui erant de Capitulo civitatis, cum aliis Rectoribus ejusdem et si de Capitulo non essent, recepti sunt ad sedilia chori inter Digniores è Clero; Equites & Fratres Militarium Ordinum ad inferiora subsellia ejus chori, qui ad Archidiaconum Hispalensem pertinet; & ex adverso in choro altero, Judices Commercii Indici: omnibus autem una erat regula, ne cui vel sella particularis, vel cussinum præberetur, sed nudis scamnis æqualiter insiderent; ne durante Officio quisquam caput tegeret; ne luctum aliquis præferret in habitu.

23 Religiosi Ordines & Clerus universus distributi sunt per capellas ecclesiæ, singulis autem in manibus luxit cereus candidus libræ unius: Confraternitates vero occuparunt Studium S. Michaelis, ibique sese composuerunt, ut secundum cujusque ætatem ordinate prodirent. Intravit autem D. Hieronymus Montalvo cum suis centum bipenniferis, & tumulum pulcherrimo ordine circumsepfit. Ne cera deesset providerat Civitas, tam copiose, ut cum omnibus personis dignitatis alicujus tributum esset pro suo cuique gradu, plurima superabundaret. Quare designati sunt homines duo, qui in canistris deauratis paratos haberent cereos, cujuscumque conditionis hominibus, cœptæ pompæ superventuris, erogandos; præsertim Equitibus, qui cum Regiis corpora-

*Magistratus
omnes & u-
terque Cle-
rus,*

*suo singu-
li cereo
instructi.*

corporibus aliquamdiu succollassent, vices suas tradituri essent aliis identidem commutandis. Provi-
derat etiam Civitas satellites quadraginta, ultra vi-
ginti ordinarios, & eos quos sancta Fraternitas ad-
iunctura erat; qui turbam popularem compescerent,
nequid tumultus causaret immoderato spectandi &
propius assistendi studio; itemque bipenniferos cen-
tum jam dictos, omnes futores atque factores: qui
id muneris sibi specialiter depoposcerant, tamquam
inscripti confraternitati S. Matthei, quam ipse Rex
sanctus creditur instituisse.

A N N O T A T A.

a Christophorus de Rojas, Archiepiscopus Hispalensis, obiit mox
anno sequenti 1580.

b Mariæ Padillæ infamem totis
Hispaniis cum Petro Crudeli pelli-
catum, iustis post Blancæ mortem
nuptiis purgatum fuisse, benignior er-
ga ejus memoriam Hispalensium opi-
nio tenet: de qua quid sentiam, non
est hoc loco mihi necessarium expli-
care.

Infantes in Regia capella tumulati. c. Quarenti quinam hi essent,
responsum est, Alphonso XI pro-
natos ambos fuisse. Sed quis credat,
Petro Crudeli, istius Alphonfi fi-
lio, fratrem alterum Petrum fuisse?
Fuerit ergo hic Sancti Regis ex Al-
phonso X nepos, patri premortuus:
sicut hic nominatus Alphonfus in-
fans fuit filius Mariæ Padillæ, cui
paten, successionem regni frustra de-
stinaverat teste Mariana, quemque
matri contumelatum fuisse docet ex
testamento, quo medium se inter
Modillam Reginam filiumque
Alphonsum, in sacello quod sua
impensa extruendum curabat
sepeliri mandat: quod tamen suc-
cessu caruit.

d Fredericus ejusdem Alphonfi
XI ex Leonora Guzmanna filius
notus, anno 1342 adhuc decennis,
dispensante in natalibus Pontifice, sa-

ctus Magister Ordinis, a Petro Cru-
deli Alphonfi filio & successore, cru-
delissime interemptus est. an. 1358.
De quo vide Historiam trium Ordini-
um lib. 1 cap. 27.

e Metropolitana Ecclesia, intra
muros & lateralibus sacella lata pedes
110 geometricos, longa 379, opere
Gothico extenditur sub quintuplici
fornice grandibus columnis nixæ, ha-
betq, in latitudine, præter navim me-
diam atque præcipuam pedum 59, a-
lias quatuor, utrimque scilicet mi-
nores duas, pedum 40 singulas, qui
octies circum voluti seu replicati, pro-
currunt per totidem intercolumnia,
quinque ante & tria post transver-
sam mediæ navis crucem; post qua de-
nique sequitur in capite ecclesia recen-
tiori opere addita Capella Regia cum
sacellis ac portis lateralibus, in qui-
bus lateralium navium prospectus
terminatur. Duos ergo Choros in me-
diæ navis sic positos concipe, ut totum
transverse navis spatium inter ut-
rumque chorum mediet: occupat au-
tem uterque Chorus intercolumnia
duo, ita ut primus (in quo altare
majus & post altare sacristia) soli
Officianti ejusque ministris servire
videatur & odæ claudi, alter, qui
ecclesiam ingredienti post tria interco-
lumnia primus occurrit, subsellia ha-
beat

beat Canonicoꝝ & Cleri ad divinum officium continendum. Atque hæc notare juvabit, quia sapius infra mentio fit spatii inter duos Choros, quod est sub umbilico fornicis principalis istius ubi olim assurgebat augustus in quadrum tholus, qui postea corruit nec umquam restitutus fuit, sed continuatus est fornix, per ruinam talem hians, quo fit ut supra ipsum constitutum rectum aequaliter planum sit

totum quam late extenditur media ecclesiæ navis. Ipsam augustissimam fabricam ichnographiam videre qui volet, adeat librum Ferdinandi dela Torre Farfan, ubi ea arti incisa oculis exponitur ad melius concipiendum situm triumphalis machine, infra quoque in imagine proponenda, quæ ex adverso portæ maioris inter hanc & chorum media stabat, secundum ecclesiæ intercolumniâ occupant.

CAPUT III.

Ordo processionalis pompæ in hac translatione servatus, & quædam eam secuta.

Quomodo nunc porro tota pompa processerit, iidem qui supra auctores nobis declarant his fere verbis. Sic comparatis, uti dictum est, omnibus, processit D. Archiepiscopus, vestitus Pontificaliter, ad inchoandum Missam: quæ quoniam congruere debebat celebritati, potissimum spectanti Imaginem Dominæ nostræ & Reliquias gloriosi Pontificis Leandri, placuit de Dominica potius quam de Requiem Officium fieri. Mox ac datum initium Missæ est, coeperunt progredi ex S. Michaelis Collegio Confraternitates successive omnes, pulcherrimo ordine, cum labaris facibusque, quæ supra quindecim mille numeratæ fuerunt; tanta reverentia & decentia, ut nec minima quidem (quod alias contingere solet) fuerit inter ipsas contentio. Proxime successerunt, secundum ætatem institutionis suæ, quotquot intra & extra civitatem sunt religiosorum Ordinum cœtus, nullo prorsus excepto, adeo ut præter eos qui ad generales Processiones convenire solent, adfuerint etiam Carthusiani & Hieronymiani, tam qui in Domo Pulchri-aspectus, quam qui ad S. Isidori in campis degunt; Monachi item gloriosi Patriarchæ Benedicti,

Optimo ordine processere ceperunt

Re-

Religiosi sanctissimæ Trinitatis, & sanctissimus Ordo Societatis Jesu; omnes numero mille quingenti.

cum ferculis Reliquiarum, 25 Tertio loco sequebantur Religiosi & Fratres S. Jacobi, medium ferentes corpus sui Magistri, cui succollabant Equites ejusdem habitus cum suis palliis & insigniis. Tum Parochiales Cruces viginti quinque, agmen ducente Cruce Metropolitanæ ecclesiæ, quam sequebatur & comitabatur Canonicus D. Ludovicus Pontius, in habitu Subdiaconi, cum Clero & Capellanis plus quam sexcentis, secum habentibus feretra ornatissima septem, in quibus gestabantur spectabiliores ejusdem ecclesiæ Reliquiæ, grandibus argenteis lipsanothecis inclusæ, cum candelabris ad singulos angulos argenteis cereisque ardentibus, succollantibus ad singula feretra Capellanis quatuor, Dalmaticas pretiosas indutis.

& corpore S. Leandri, 26 His proximi gradiebantur primum Capellani & Vicenarii ipsius ecclesiæ, tum Universitas Beneficiorum Parochialium cum suo Abbate, deinde Canonici S. Salvatoris, ac denique Capitulares ipsi, omnes chorales cappas albas induti: inter quos portabatur ornatissimum feretrum, cum arca in modum tumbæ composita, pallioque pretioso instrata, continente corpus S. Leandri; & desuper grandem ejusdem ex argento statuem, ad humanæ mensuræ modum, cui caput Sancti includebatur: quod quidem feretrum sub umbella speciosa deportabatur à Beneficiatis. Post hanc arcam ferebatur Deiparæ parva imago eburnea, quæ fuerat in capsâ Sancti Regis inventa: ferebatur autem perquam devote & reverentur inter manus Rationarii. Ab hac, intervallo modico gestabatur in grandi feretro imago ejusdem Deiparæ, à Regibus cognominata, induta vestem conspersam monilibus pretiosissimis, & habens in capite coronam auream, quæ ipsiusmet Sancti Regis fuerat, sub umbella argenteis hastilibus quatuor sustent-

item Marianis imaginibus duabus,

sustentata, tota holoserici rubei, operæ phrygionico acupicti, cum insignibus ecclesiæ: ipsam vero imaginem gestabant humeris Regii Capellani capellæ ipsius.

27 Tum succedebant Dignitates ecclesiæ, cappas ^{has sequitur} & mitras induti, interque eos Crux Archiepiscopa- ^{Archiepiscopus,} lis, pone sequente Archiepiscopo in Pontificalibus, & cum eo Clerus atque Capitulum. Post hos ibat sanctæ Inquisitionis Tribunal, ipsi scilicet Inquisito- ^{Inquisitio,} res, eorumque Advocatus Fiscalis & Satellitii sum- mus Præfectus, Secretarii ac Judices Fisci cum cete- ^{Universitas,} ris Officialibus; Universitas Doctorum ac Magistro- rum, in forma consueta, cum Bedellis argenteas clavas gestantibus: tum Prior & Consules Domus Contractuum, Judicesque & ministri eodem spe- ctantes; ac postremo omnium, Capitulum ejusdem civitatis cum Nobilioribus atque Equitibus, omnes ^{Magistra- tus,} cum facibus ardentibus, præcedentibus eisdem Scep- trigeris suis, atque post eos Juratis: simulque præ- cedebant symphoniaci publici, sub directione Vexilli- feri Majoris: atque inter hos portabantur corpora duorum Infantium & Mariæ Padiliæ, deinde corpus Alphonsi Regis, ac denique matris ejus Reginae Bea- tricis, succollantibus viginti quatuor ex Equestri or- dine nobilibus viris.

28 Vexillum postea Regium, cum quo hæc civi- ^{cum vexillo} tas recepta à Mauris est, efferebat D. Joannes de ^{lo,} Sandoval, frater Marchionis Deniæ & Archiepisco- pi consobrinus, vestitus habitu ex acupictura argen- tea, & stipatus clavigeris quatuor, sagum rubeum argenteis laminis ad humeros tectum gestantibus. Mox succedebat prænominatus Civitatis Assistens D. ^{gladio,} Comes Villariensis, efferens sancti Regis gladium, inter quatuor Feciales seu Reges armorum suæ pro- fessionis habitum indutos. Postremo omnium fere- batur à Titularibus Dominis corpus sancti Regis, umbellam gestantibus eorundem filijs fratribusve, &

P

sub-

Corporis
S. Ferdi-
nandi,

subsequente Audientia regia, sic ut agmen claude-
ret illius Regens: de post cuius tergum usque ad
corpus Magistri, longo utrimque ordine, tegebant
pompa & arcebant turbam satellites Justitiæ ac
Fraternitatis; nec deerant certis locis admixti tubi-
cines musicaque omnis generis instrumenta, cum
cantoribus & symphoniis.

per plateas
speciose or-
natas.

29 Hunc in modum ducta est pompa per omnes
illas plateas, per quas solet in festo Corporis Christi
sanctissimum Sacramentum circumgestari; fuerunt-
que illæ die isto quam opulentissime exornatæ, dis-
positis etiam per opportuna loca triumphalibus ar-
cubus novæ ac curiosæ inventionis. Cumque ad ec-
clesiam majorem, eo quo exierat ordine, redivisset
processio; rursus in suo pegmate collocata sunt cor-
pora, eo quo nocte præcedenti steterant situ; ima-
gines vero in capella; Reliquiæ autem ceteræ rela-
tæ sunt ad conditoria sua. Ab eodemque die & ho-
ra vesperarum, usque in diem Lunæ sequentem, pul-
satæ sunt viginti quatuor turris majoris campanæ, ad
oblectamentum aurium singulare, propter harmo-
nicam earum inter se consonantiam: atque ita fini-
ta est diei istius festivitas.

Coram iis-
dem, 15 Ju-
nii eodem
reversis,

30 Postero mane die xv Junii, redierunt ad ec-
clesiam Tribunal Inquisitionis, Magistratus Civitatis,
Audientia Regia, Contractationis Curia, Titulares
Domini, omnes lugubribus induti: quos mox secu-
ta Universitas est, Equitesque ac Fratres S. Jacobi,
ingressi per Portam ecclesiæ quæ Picta cognomina-
tur, per quam etiam egressa ingressaque pridie pro-
cessio fuerat. Venerunt autem ad eam præcise ho-
ram, qua expectabantur ab Archiepiscopo & Capi-
tulo, & eadem quæ pridie loca occuparunt. Ingres-
sus etiam cum suis centum bipenniferis Præfectus
major Satellitii, eosdem circum pegma disposuit.
Tum apertæ valvæ omnes sunt, & populo concur-
renti permissus accessus ad ecclesiam. Adfuerunt
etiam

etiam, sicut antea, religiosi Ordines, seque partiti sunt per assignatas cuique capellas, ubi singuli recitarunt Officium defunctorum cum Missa, ceram si-
*Officia fun-
nebria in-
staurantur,*

31 Tum processionaliter egrediens Capitulum, cum cereis ardentibus circuivit per templum, secum ferens imagines Deiparæ & corpus gloriosi Præfulis Isidori, subsequente eos Archiepiscopo, cui successerunt Inquisitionis sacræ, Universitatis, Contractationis, & Civitatis Officiales primarii superius expressi. Post Juratos autem ferebatur vexillum Civitatis à D. Ferdinando de Solis: deinde Equites S. Jacobi sustulerunt corpus sui Magistri, Viginti-quatuor-viris aliisque nobilibus alia Regalia corpora similiter accipientibus. Sequebatur Assistens Hispalensis cum gladio, & D. Joannes de Sandoval cum vexillo Regio, & Proceres titulares cum corpore sancti Regis, pompam claudente Audientia Regia. Ita deventum est ad capellam Regiam, super cujus principem aram collocatæ sunt imagines Beatissimæ Virginis cum corpore S. Leandri; atque ad ejusdem aræ utrumque latus, quatuor corpora, Infantium scilicet, Mariæ Padilæ, & Magistri, infra duos arcus, ad eum finem fabricatos, & divite panno convestitos. Ad gradus altaris stabat marmoreus tumulus, panno aureo instratus: intra quem collocata sunt corpora sancti Regis, Reginae Beatricis, & filii eorum Alphonfi; apertis tamen prius capsis, ut ea sub cautione publicæ fidei, manu Notariali mox signatæ, Comes Assistens traderet Capellano Majori: cui etiam, sub similis fidei testimonio authentico, sanctus Gladius traditus est. Quibus peractis sympho-
*Et corpora
inferuntur
in novam
capellam,*

niaci extulerunt Responforium, & Archiepiscopus subjecit orationem pro Defunctis.

corpus autē
S. Ferdinan-
di in mar-
moreum
tumulum,
pariter
translatum:

ejus epita-
phium,

Et titulus
jam inde ab
an. 1575
paratus.

32 *Haecenus breviori relatione Morgadus, prolixiori Spinosa; tumulus autem ille marmoreus, in quo una cum sancti Regis corpore, usque dum propria tumba conficeretur, posita sunt Beatricis atque Alphonsi corpora, venerabilia illa quidem, haud tamen religioso Sanctorum cultu prosequenda, non erat novus; sed idem ille antiquus, in quo ante jacuerat Sancti Regis corpus, in quatuor lateribus inscriptum habens Epitaphium, totidem linguis, Latina scilicet, Arabica, Hebraica & Castellana: errant enim qui Arabicas litteras pro Graecis acceperunt. Epitaphii illius tenor Latinus talis à Zuniga exhibetur: Hic jacet Illustrissimus Rex Ferrandus, Castellæ, Toleti, Legionis, Galleciæ, Sevilie, Cordubæ, Jaëni, constantissimus, justissimus, strenuissimus, decentissimus, liberalissimus; in timore & servitio Dei efficacissimus: qui contrivit & exterminavit penitus hostium suorum proterviam, qui sublimavit & exaltavit omnes amicos suos, qui civitatem Hispalensem (quæ caput est & metropolis totius Hispaniæ) de manibus eripuit Paganorum, & cultui restituit Christiano: ubi solvens naturæ debitum transmigravit, ultima die Maji, anno ab Incarnatione Domini cjo. cc. lii.*

33 *Capella nova, fabricata in capite totius ecclesiæ, inter Sanctorum Petri & Pauli collateralia sacella, descriptionem architectonicam legere qui volet, Zunigam adeat, minutim singula explicantem ad an. 1575, quo ceptum est hujus Translationis negotium tractari, & adeo certo absolvendum sperabatur, ut jam tum fuerit sculptus hic titulus: Ferdinando III. cum clarissima Beatrice ejus conjugē, & Alphonso Regi eorum filio, ex humiliori sacello translatis, anno ab æternæ salutis exordio MDLXXV, curantibus Divæ Virginis Sodalibus. Sed variis intervenientibus causis differenda Translatio fuit, nec ante prenotatum annum MDLXXIX res peragi potuit; conclusa autem illa est per aubert cum Actum restitutionis factæ*

facte per Comitem Assistentem, de Corporibus & aliis omnibus sibi ab ecclesia conceditis: quod instrumentum totum describit Zuniga pag. 557 & sequentibus.

34 Postmodum, sed non exprimitur quando, corpora Beatricis & Alphonsi, collocata sunt intra proprias tum-^{Seperatim}bas ad utrumque Regis Sancti latus; sic tamen ut hujus^{postea positis}tumulus illorum tumulis eminentior, esset; itaque manserunt totis centum annis, usque dum anno MDCLXXIX, de mandato sue Majestatis, translata fuerunt intra duos loculos, ad latus capelle regie excavatos: ubi nova eis epitaphia, litteris ex ere suis, super marmoream tabulam posita sunt, cum propriis super unoquoque coronis, Imperiali super Alphonsi, Regia supra Beatricis tumulo. Reliqua (uti mihi responsum à Deputatis Capitularibus est) jam inde à principio fuerunt, suntque etiam nunc, à sacro S. Ferdinandi tumulo remota notabili intervallo, intra Pantheon, quod appellant regale, ad quod per porticus quasdam intratur; ita ut nec minima quidem apparentia sit, quod alius iis habitus honor sit quam pure civilis & regis personis conveniens.

35 Postquam autem duo, quæ supra dixi, Regia corpora^{novus cultus} longius remota fuerunt ab eo, cui soli religiosior honor de-^{tumba sancti}bebatur; supra ipsam hujus tumbam erectum est conopæum^{Regis}panni aurei, cum imagine sculpta; per quam intelligeretur^{additur} ejus quem ipsa representabat ibi corpus esse: adnitiurque altari, ad quod dicuntur Missæ votivæ de Sancto. Iamque ex mandato sue Majestatis per varios Commissarios pluries tractatum est, de modo collocandi ipsum sanctum corpus multo propius ad Imaginem Deiparæ, quam vocant Regum: resque eo hodie adducta est (quemadmodum huc scri-^{nunc para-}beatur ex parte Capituli mense Novembri anni MDC-^{tur eidem}LXXXI) ut propediem discernenda videatur constructio ar-^{capla ar-}gentæ capsæ, ponenda supra altare Domine nostræ Regum dictæ, ad cujus pedes semper optavit Sanctus consistere. Novissime autem negotium istud commissum fuit Regenti Audientie Regie civitatis Hispalensis, ut quam primum executioni mandetur; & hunc in finem Majestas

sua Regia designavit quadam jura civitatis prædictæ, ne quam decentissime transigantur omnia; remanente nihilominus juxta ipsum sepulcrum altari, quod diximus, cum Statua Sancti. Cum vero hæc parata fuerint, occasio dabitur novæ solennitati, post eam quæ curata fuit, cum primum anno MDCLXXI sancti Regis festum, tot seculorum usu probatum, præhabita Sedis Apostolicæ sententia, instauratum fuit, sicut infra pluribus dicendum veniet.

CAPUT IV.

Miracula recentiora ex Summario Processuum
Romæ impresso: ac primum in Gabriele
Perez ejulque familia.

36
Ad causam
canoniza-
tionis hæc
etate agi
ceptam.

Scriptorem antiquum miraculorum, Capite primo re-
latorum, audivimus expostulantem de Hispalensium
ingratitude, quod novum in Ferdinando Pa-
tronum nacti talemque Advocatum, necdum
pro eo canonizando supplicationem misissent:
Hæc cum vulgari lingua in libro Flos-Sanctorum dicto
passim ab omnibus legerentur, non potuerunt non acriter
pungere devotos ac generosos animos; effectum tamen suo ca-
rui diu stimulus iste, & primo negotium hoc etate nostra
curari cepit, regnante Philippo IV Hispaniarum Rege, &
Urbano VIII Apostolicam Sedem obtinente; sub quo Al-
exander Mansonius Advocatus, anno MDCXXXVIII Ro-
mæ curavit imprimendum supplicem libellum oblatum E-
minentissimis ac Reverendissimis DD. Cardinalibus sacræ
Congregationis Rituum, Proponente Antonio Card.
Barberino, instante Serenissimo Rege Catholico, in
causâ Canonizationis servi Dei, gloriosissimi, invi-
ctissimi ac sancti Regis Ferdinandi III, Regis Castel-
læ & Legionis, eadem plane formâ, qua solent confici
Relationes Auditorum sacræ Rotæ, quales sæpe in aliis si-
milibus causis allegavimus, cum Summario Processus.
Hoc

Hoc libello plene continetur quidquid eatenus actum fuit: allegatis autem, qua supra retulimur ex Legenda, miraculis antiquioribus, additur, quod omnipotens Deus de recenti operari dignatus fuit alia quinque miracula, quæ probantur ex Processu Apostolico, facto in civitate Hispalensi: & quod multa alia miracula constant ex Processu ordinario, quæ pro adminiculo dantur in præcitato Summario num. LXXVII. Hæc autem verbotenus accipe, ipsis (qua licebit) Summarii verbis Latinis, aut (ubi ea decrunt) ex Italico Latine redditis (Italice enim placuit Romæ exhibenda legere, quæ Hispanicè excepta fuerant) ac primum quatuor potiora.

37 Hispali die xxv mensis Februarii MDCXXXI, coram Iudicibus Apostolicis, existentibus in loco & hora audientiæ, D. Juratus Felix Escudero de Spinosa, nomine suorum principalium, pro informatione præsentavit in testem Gabrielem Perez, incolam dictæ civitatis: qui i, monitus fuit de gravitate perjurii, præcipue in similibus causis canonizationum, velut est ista circa quam examinari debet: ii, interrogatus de nomine, cognomine, patria, ætate, parentibus & officio quod habet: & an sit dives vel pauper, & cujus sumptibus vivat: iii, an fuerit confessus & communicatus, & à quo tempore, à quo Sacerdote & in quâ ecclesia: iv, an accusatus fuerit de aliquo crimine, qua de causa & coram quo iudice, & an fuerit condemnatus vel liberatus, vel hætenus causa pendeat: v, an aliquo tempore fuerit nominatus publice seu denunciatus pro excommunicato, & pro qua causa, & an talis adhuc existat: vi, an fuerit instructus ab aliqua persona, quomodo & circa quæ; & quis eum instruxerit; & an fuerit ei datum, promissum seu condonatum aliquid, vel speret sibi dari, vel aliquam commoditatem consequi pro huiusmodi examine: vii, quomodo venit ad testificandum, an fuerit vocatus & requisitus, & quæ causa eum movit venire ad huac locum.

remisso ad
testandum
Gabriele
Perez,

*hæc omnia cum ille congrue respondisset, & per Dominos
judices ab eo receptum fuisset juramentum, per Deum
Dominum nostrum, & per signum Crucis, quod fe-
cit digitis suæ manus dexteræ super libro Missali :
deinde requisitus, quid possit declarare de vita & mi-
raculis servi Dei Regis Ferdinandi; respondit, quod
recordatur, anno MDCXXVII fecisse se quandam decla-
rationem unius miraculi, quam legi petebat. Et sta-
tim mandatum fuit in summariis informationibus,
quæ fuerunt compulsatæ, perquirere dictam decla-
rationem: & perquisita fuit & inventa tenoris se-
quentis.*

audiant le-
gi ejus de-
clarationē;

38 Hispali die XXIII mensis Maji MDCXXVII, cum ego
infrascriptus Notarius dederim extremam Unctio-
nem in mea parochia S. Marinæ, cuidam viro qui
dixit vocari Gabriel Perez Coramarius, die sabbathi
octava præsentis mensis; eique consilium dederim
ut se commendaret sancto Regi D. Ferdinando, qui
sanitatem pro eo obtineret: & cum scirem ipsum
jam sanum esse, me contuli ad domum suam, ac
ab eo recepi juramentum juxta formam juris, ut de-
clararet quidquid evenerat sub onere, de quo pro-
misit dicere veritatem. Et interrogatus quomodo
sanatus esset à sua infirmitate, dixit, quod die quo-
dam mensis Aprilis proxime præteriti, ascendens
quemdam lectum ligneum, posuerit pedem super
tabulam unam: qua rupta, cum formidaret sibi crus
lædere, quanta potuit adhibita vi foras ejecit cor-
pus, longe extra lectum, tam gravi casu, ut aliena-
tus à sensibus habuerit pessime affectum brachium,
& corpus totum quasi contritum. Idcirco colloca-
tus in lecto, sequenti die surrexit ab eo, & diebus
aliquot consequenter ambulavit; donec putrefacto,
qui per corpus erat diffusus, sanguine, cœpit veluti
suffocari; ac denique in gravem decidit infirmita-
tem: à qua ut curaretur vocari jussit Sebastianum
de la Torre, Magistrum in parochia S. Romani, eo
quod

quomodo ex
casu periculi-
tans,

quod
quam
randis
plicasse
Sacram
mensis
39
nitus e
dinand
audivit
tem di
ret fan
turum
Missam
mendat
graves
nerum
Regia
se habe
baltiam
tantam
culum
fer, Na
do se c
nitatem
turum
que ad
ita con
rique p
mus su
tem, si
biculur
perrexi
sentent
bustus
quem
nuit t

quod ipsum nosset hominem, non ætatis minus quam experientiæ magnæ, ac famæ in morbis curandis optimæ. Hic autem cum multa infirmo applicasset remedia, iussit ut quam citissime ei darentur Sacramenta, prout factum est die Sabbathi, die viii mensis præsentis.

39 Recepta autem extrema Unctione, cum monitus esset ut se commendaret sancto Regi D. Ferdinando, ingressus est ad eum Eques quidam, quem *segue Sancto commendans,* audivit appellari Juratum Felicem Escudero. Hic autem dixit ei, quod, si ex toto corde se commendaret sancto Regi, promittebat ei liberum ipsum futurum proximo die Mercurii, addens ut juberet etiam Missam aliquam dici. Tum ipse deponens se commendavit statim Sancto, itemque ipsa nocte, propter graves dolores: ubi autem illuxit, primo mane generum suum misit, ad curandam Missam in capella Regia: atque ex ea hora evidenter cognovit melius se habere. Cum autem ad visitandum venisset D. Sebastianus de la Torre, admiratus est, videns in eo tantam mutationem, & depulsum omne vitæ periculum; quæsitque, ecqua diligentia usus ad id esset. Narravit infirmus quod contigerat, & quomodo se commendarat Sancto Regi, qui sibi à Deo sanitatem impetraret. Et ego, inquit medicus, ita futurum credo. Processit ergo valetudo in melius, usque ad diem xxii mensis, qui Mercurii erat; quando *postero die sanari coepit.* ita confirmatum se sensit Gabriel, ut (si uxor liberique permisissent) egressurus fuerit ad atrium domus suæ: ipsisque id deprecantibus propter debilitatem, surrexit nihilominus de lecto, atque intra cubiculum, ubi infirmus jacuerat sedit, in sella; itaque perrexit quotidie surgere usque hodie, quo præsentem declarationem facit, estque validus ac robustus quantum sua grandis ætas patitur, & morbi quem sustinuit magnitudo. Quod autem dixit, tenuit tenetque pro miraculo, sibi concesso propter

devotionem quam monstravit erga sanctum Regem; idemque senserunt quotquot factum sciverunt. Et hoc dixit esse verum per juramentum præstitum, & esse ætatis plusquam sexaginta sex annorum: & non subscripsit, quia dixit nescire. Fuit sibi lecta ejus depositio, & eam ratificavit Joannes de Pineda, coram me Baccalaureo de Robles Notario Apostolico.

Quod iterum declaravit;

affirmans etiam filiam puerperam

Et nepotem in simili articulo adiuvos:

40 Et cum ei lecta fuisset atque ostensa d. declaratio, dixit quod recognoscebat & recognovit per suum dictum & declarationem eam quæ sibi ostensa fuit; & illam dixit & declaravit, prout & quemadmodum in illa scriptum est. . . . Et quod ulterius, cum esset gravida quædam ipsius declarantis filia, conjuncta Didaco d'Avila, auri-ductori & argentifabro hujus civitatis, suavit præd. genero suo, ut quod paritura erat uxor sua sancto Regi commendaret: quod fecit, dicens, si masculus ederetur, ponendum ei nomen Ferdinandi. Peperit autem paulo post mulier perquam feliciter ac facile, nominatusque est infans Ferdinandus, sicut voverat pater. Puer vero cum esset unius ac dimidii mensis, cœpit adeo graviter infirmari, ut per novemdecim continuos dies lac nullum suxerit, sed gravissimos dolores pateretur, quantum quidem exterius cognosci poterat: capite enim manibusque ac pedibus & corpore toto eos faciebat motus, qui sunt ejusmodi cruciatuum indices, videbaturque velut à maligno aliquo spiritu infessus. Quod ipse testis infantisque parentes conspicati, magna cum devotione cœperunt invocare sanctum Regem, rogantes ut sanitatem puero impetraret à Deo. Res mira! Qui totis novemdecim diebus abstinuerat à lacte, subito mammillam arripuit ac sanus fuit.

41 Atque ob hoc tam certum miraculum omnis ea familia pientissime afficitur erga sanctum Regem. Et hoc verum est per juramentum præstitum, &
non

non se subscripsit, quia dixit nescire: & Iudices Apostolici subscripserunt, in quorum præsentia declaravit. Fuit sibi lecta illius depositio, & illam ratificavit.

Licentiatus Don Franciscus de Monfalve.

Licentiatus Don Didacus de Guzman.

Doctor Don Franciscus de Cassaus.

Matthæus Vasquez de Leca.

Coram me Gundisalvo della Cueva Notario.

Similiter præsentatus, interrogatus, & juratus prædictus eidem attestatus gener suus.
Didacus d'Avila, gener Gabrielis, prædicta omnia confirmavit, addens, fœderi corpus ipsa infirmitate fuisse inflatum instar utris; & quod medicis chirurgisque de ejus sanitate desperantibus, asserentibusque non supervicturum usque mane, sub vesperam ad Ave-Maria, ministratum ei Viaticum fuerit, ac deinde sacrum Oleum; se vero ipsum Dominica mane ivisse ad curandam Missam: de filio autem suo nihil habuit quod adderet.

CAPUT V.

Curatus paralyticus, locustæ sublatæ.

PRedictio miraculo, sane evidentissimo, duo alia ex eodem Summario succedant. Die mensis Martii MDCXXX, præsentatus Christophorus Marquez, Magister calceolarius, incola civitatis Hispalensis, parochiæ S. Salvatoris in via Gallegorum; interrogatusque & juratus ut supra, dixit scire, quod à mensibus quatuor præteritis ipse & Franciscus de Enzinas, magister calceolarius ejusdem civitatis, pariter iverint ad civitatem Jaën, empturi corium Cordubense. Tertio autem itineris die substiterunt, noctem acturi in hospitio quod dicitur Dominae Mariæ, inter hanc & civitatem prædictam via recta in Campo. Qua quidem nocte tota
fani

fani atque hilares fuerunt : die autem sequenti , qui erat Jovis , cum sub auroram egressuri hospitio essent , ipse testis sensit se male dispositum ; itaque conscendit mulam , in qua & mansit usque ad exitum Villæ Turris-campi dictæ , diœcesis Jacensis : ubi longe peius sibi esse sensit & absque viribus. Mula autem qua vehebatur ingressa est in domum quamdam , cujus portam apertam reperit ; nec poterat Testis manu sinistra , qua frenum tenebat , vim ullam facere ad mulam inde educendam , quia totum brachium ac latus illud cum sinistro crure attracta erant , omnique vigore destituta. Cum ergo se vellet manu dextra juvare , supervenit præd. Franciscus de Enzinas , paulo post subsequens ; quæsitque quid ipsi accidisset : sed non potuit ei respondere distincte , solumque confusa voce dixit , Eamus.

*corrupta
paralyti,*

*desperante
medico*

43 Tunc Franciscus , tali in statu socium conspicatus , dixit aliquibus ibidem præsentibus , ut hominem retinerent , ne caderet de mula , interim dum ipse descendit ; & sic omnes eum deposuerunt , atque inter brachia deduxerunt in domum , ibique supra pulvinaria collocarunt. Qui toto latere sinistro impeditus & attractus , nec pedem nec brachium movere poterat , vultum insuper distortum habebat , credebaturque sibi vitæ finem adesse : nec minus dolens eo casu Franciscus , multis demonstrabat moerorem suum ; sicut notabat ipse testis , qui non omnino amiserat usum sensuum ; quamvis ex quo tempore cepit ratione uti , non meminerit se umquam in tantis fuisse angustiis , adeoque dejectum animo , quam cum se procul à domo cerneret , ita contractum distortumque. Interim Franciscus medicos , ad visendum agrum ; Curatum , ad Confessionem audiendam , accersiri jussit : statimque ex prioribus unus adfuit , medicus vel chirurgus , qui explorato pulsu , malignæ cujusdam auræ afflatum hunc esse dixit,

dixit, cui idoneum nullum remedium ad manum esset, proinde videbatur salutem infirmi desperare.

44 Tum appropinquans ei Franciscus; Eia, inquit, ^{sanctum} Sodalis, ex animo invoca sanctum Regem D. Fer- ^{invocat} dinandum, eique te commenda, Missam & novenam vovens, quia ipse impetrabit tibi sanitatem à Deo, atque ab omni molestia liberabit. Cui deprensus, utcumque potuit, confuso linguæ sono respondit, Ita: commendo me: idque ipsum interius fecit proluxiori affectu. Dum autem pauca illa verba conatur exprimere, magna cum violentia cœpit in eo ubi positus erat loco corpus convertere, brachiumque & crus sinistrum movere, quod antea facere omnino non poterat; deinde in pedes surrexit, dicens, Eamus. Magna porro animi consolatione repletus, sensit totum malum continuo dissipari, ^{Et statim} vultu etiam in pristinum statum converso; majorisque securitatis causa confessus est ei qui advenerat Curato: qui etiam una cum D. Francisco aliisque presentibus clamabat, Miraculum, miraculum, quod Deus operatus est per intercessionem sancti Regis Ferdinandi. Absoluta autem Confessione, dixit ipse Testis Francisco socio, quia sanctus Rex & Virgo Maria dederunt sibi sanitatem viresque magnas.

45 Cumque Franciscus curasset afferri sedem, in qua portaretur Testis ad civitatem Jaën, una solum leuca distantem à Turri-campi; noluit ipse ea uti, sed iterum ascendit in mulam suam: resque pro miraculo habita est, quia tanta mutatio, quantam diximus, non poterat naturaliter accidere, uti accidit, intra unius horæ spatium, quæ ab initio mali usque ad ejus curationem fluxit. Suum ergo iter prosecutus, confectoque negotio reversus Hispalim, visitavit capellam, in qua corpus sanctum requiescit, exindeque eidem devotissimus vivit. Quæ omnia sunt certa & vera, & ita se habuerunt modo & forma declaratis: & non subscripsit, quia dixit nescire, sed ^{ceptum iter} ^{prosequitur} sub-

subscripserunt Domini Judices: *qui similiter etiam in-
terrogarunt & audierunt* D. Franciscum de Enzinas,
magistrum Sutorem in collatione S. Mariæ-majoris
in platea Francorum; *qui de se ipso fassus, quod prius
quam urbe egrederetur* successum itineris commen-
davit Sancto, cui multum afficitur; *eadem omnia,
quavis aliis verbis, explicavit, addiditque,* Curatum
audita Confessione scripsisse miraculum & nomen
Sancti: Christophorum autem fuisse pleno atque
obeso corpore, cujus generis hominibus obveniens
apoplexia, soleat eos per omnem vitam contractos
facere. Denique in eodem itinere alia multa eve-
nisse sibi, quibus cognoverit quam efficax apud
Deum sit Sancti Regis intercessio.

46 Hispali die x mensis Martii MDCXXXI, *præsenta-
tus in testem* Don Joannes Panduro, incola d. civi-
tatis in parochia Sanctæ Crucis..... interrogatus-
que an aliquid sciret..... dixit sex circiter menses
transisse, quod cum domi suæ esset ipse Testis, ve-
nerit Michael Sanchez, præfectus operarum, quas
ipse habet in suo quodam prædio, sito intra territo-
rium hujus civitatis in Vineto Tarrazanæ, duabus ab
urbe leucis, nuntians eodem die in vineam, olive-
tum, & hortum ejus irruisse infinitam multitudinem
locustarum: videret num quod ei malo remedium
nosset: nam vicinorum agros fundosque, in quibus
illæ substiterunt, prorsus esse consumptos. Tum ve-
ro se, pro magna qua erga Sanctum Regem fertur
devotione, nullum certius præsidium scientem, ac-
currisse ad capellam ubi corpus ejus in æde cathe-
drali sepultum jacet, eique commendasse facultates
suas, & Missas aliquot dicendas curasse, tum rever-
tisse ad sumendum prandium, moxque in villam
misisse mancipium quoddam suum, ut videret quo
res loco esset. Hunc vero ante vespertinam revertisse
atque dixisse; Domine, operæ pretium tulisti Missas
illas curando: quæ enim in prædium irruerant locustæ,
sub-

*eum socio
sibi atte-
stante.*

*Locustæ in-
numerabi-
les.*

*dicta ad
Sancti sepul-
crum Missa,*

subvolantes deciderunt omnes in piscinam, & suffocatae sunt.

47 His auditis, proximo die mane abiit ipse testis, ut rem prodigiosam videret; itaque reperit ut ille dixerat. Quia autem tanta erat locustarum demersarum copia, ne ab earum putrefactione corrumpetur aer, necessarium duxit foveas facere, in quibus collectae terra obruerentur: atque in hoc laboratum est quatrduo toto; admirantibus omnibus pestem illam in ictu oculi totam fuisse sublatam, nulliusque noxae ab iis illatae vestigium apparere. Atque ita non solum hic Testis, sed omnis circum ^{simul omnes} ^{suffocantur,} vicinia liberata est ab eiusmodi plaga. Quae omnia dixit scire, quia ita vidit esse & fieri, seque subscripsit una cum Dominis Iudicibus: in quorum praesentia eadem omnia declaravit. *Similiter fecit praesentatus, juratus, interrogatus* Don Petrus de los Rios, incola d. civitatis in parochia Sanctae Crucis, *praesens in domo Ioannis quando Michael Sanchez triste nuntium attulit, qui se deinde ad praedium praedictum conferens, ipsas locustas, ut dictum est submersas conspexit. Eadem confirmavit praefatus Michael Sanchez, qui servit in exercitio Caporalis D. Joannis de Panduro, in possessione quam habet supradictus in Terrazana, expresse notans, mensem Augustum anni MDCXXX quo res facta sit: Piscinamque illam dicens fuisse in horto ipsius praedii, bene amplam ac spatiosam; seque mox ut illuc rediit, ibidem suffocatas locustas vidisse.*

CAPUT VI.

Alia tria miracula ex eodem Summario.

48

EX Miraculis quinquaginta post mortem, recentioribus & modernis, dantur infra scripta decem tantum, brevitatis causa, cum testibus deponentibus super articulo LXVI in Processu Ordinario:

Guardia-
nus Mind-
rum angina
laborans

P. Fr. Petrus de Piña, Ex-provincialis Ordinis S. Francisci in hac provincia, hodieque Guardianus in majori conventu S. Francisci hujus civitatis Testis XXII, dixit, quod ante sex menses, anginam passus sit adeo gravem, ut sex qui ipsum curabant Doctores medici urbis totius præcipui, Mexia, Biscardus, Ancona, Valverde, Figueroa, Muñoz, de vita infirmi desperantes, jufferint extrema ipsi ministrari Sacramenta. Atque ita in die S. Jacobi mane suscepit sanctissimum Sacramentum per modum Viatici, sequenti autem festo S. Annæ Oleum sacrum. Cum autem illi de ejus mox futura morte, tamquam re certissima, omnibus quo statu is esset quarentibus, loquerentur, tam Religiosis intra Conventum, quam pluribus secularibus per civitatem; ipsius Provinciæ Minister, qui tunc Hispali erat, commendavit funebrem orationem apparatusque exequialem P. Fr. Alphonso Venegas, Lectori primæ Theologicæ; ipseque Testis, à prædictis medicis monitus de extremo periculo, mandavit Fratribus sibi in eo morbo assistentibus, ne quemquam vel religiosum vel secularem amplius ingredi ad se permetterent, eo quod modicum istud vitæ reliquum, volebat totum cum Deo transigere.

& jam mortis
proximus,

49 Ita constitutus cum jaceret in festo S. Annæ mane, ingressus fociorum unus, nuntiavit adesse Consulem civitatis, Felicem Escudero, qui unicum solum verbum loqui ipsi volebat. Cumque ipse

ex.

excusaret dicens; Numquid non edixi, ne quis admitteretur, quia non est tempus loquendi cum hominibus sed cum Deo; atque hoc responsum præstolanti detulisset Frater; perstitit ille instare, quod unum solum verbum dicendum habebat, idque momenti maximi. Credens ergo infirmus aliquid dicturum quod conscientia foret, permisit eum recipi: qui ingressus, monuit ut se commendaret Sancto Regi Ferdinando, qui iis ipsis diebus sanitatem dedisset aliis æque ac ipse desperatis, Missamque in illius honorem dicendam curaret. Annuit salubria momenti infirmus cum gratiarum actione; moxque accersito ad se P. Fr. Francisco à Cruce, Vice-commissario Hierosolymitano, interrogavit eum utrum Missam celebrasset: quo annuente, quia provectior jam erat dies; injunxit eidem, ut die sequenti iret celebratum ad capellam S. Mariæ-Regum, in altari ubi est corpus sive sepulcrum d. Sancti Regis, petens à Deo per merita ipsius sanitatem & vitam sibi Testi. Quod cum iste fecisset, medici post prandium revertentes, adeo notabiliter melius habentem infirmum reppererunt, ut vehementer obstupuerint. Exinde proficiente quotidie in melius sanitate, perfectam paulatim eam obtinuit ipse Testis: qui nihil prius habuit, statim atque egredi è Conventu licuit, quam visitare sepulcrum Sancti Regis, ejus miraculo servatum se credebatur ipse alique, attenta ratione morbi, eo adducti ut cum extrema Unctione muniretur, careret usu sensuum; & brevitate temporis, quo discussum extremum periculum est.

50 Quæ autem interea acciderint notatu digna, nulli melius potuerunt observasse, quam præd. P. Vice-Commissarius Hierosolymitanus, & P. Fr. Joannes Garciaz pharmacopœus ejusdem Conventus: qui dixit ipsi Deponenti, quod per multos annos, quibus functus ibidem est officio pharmacopœi & infirmarii, nullum Religiosum, qui fuerat sacro Oleo,

Q

in

monitus de
invocando
Sancto

post curati-
onem Missam
convalescit

Medicis mi-
raculo id
adscribenti-
bus.

inunctus, viderit convaluisset; ipsum autem eo addu-
ctum fuisse quinto morbo die. *His consona dixit Te-*
stis XXIV, idem cui Missa ad sepulcrum dicenda fuit com-
mendata, particularius exprimens, quomodo quinto mor-
bi die, post præcipitatum Sacramentorum admini-
strationem, ipse Testis arteriam infirmi tactu ex-
ploravit, iudicavitque eum mori; pro majori au-
tem certitudine advocaverit præd. Fr. Joannem
Garciam, hominem expertissimum & nulli medi-
corum sex prænominatorum inferiorem, cujus idem
sensus fuerit: advenientes autem mane medicos,
à se interrogatos an spes aliqua superesset, pariter
omnes dixisse, quod nulla. Cumque nihilominus eo-
rum aliqui in deliberationem adduxissent, an a-
perienda esset vena sub lingua, Doctorem Anci-
nam respondisse, non absque injuria artis adhibe-
ri remedia corpori jam mortuo. *Huic accessit Testis*
XVII, unus ex prænominatis sex Medicis, ipse scilicet
Doctor Ancina, qui de sanguinis per linguam missio-
ne dixerat, id aliud non fore quam æstimationem
detrahere remedio tam singulariter efficaci, ipsum
applicando corpori jam mortuo, qualis erat iste P.
Guardianus. *Addidit etiam, ideo tantum se rediisse*
ad conventum post meridiem, ut sciret utrum ex-
spirasset.

Simili voto
curatur puer
moribun-
dus,

51 Petrus de Chavarria, Testis LXXII, dixit de
nepotulo sibi cognomine, annorum octo pueru-
lo, quod ante sedecim aut septemdecim dies, de-
cimum quartum diem confictatus cum pestilenti
ac maculosa feбри, quam Peteccias Itali, Tabardil-
los autem vocant Hispani, curantibus eum Do-
ctoribus medicis Sola & Silva, & multis remediis
frustra applicatis, fuerit ab eisdem derelictus pro
mortuo; solumque mandarint ut sustinendæ ut-
cumque vitæ praberent ei confortantia quædam:
ac pro extremo remedio applicarent capiti ejus
columbinum pullum, quem vivum aperuerant.

Quo

Quo viso & cognito, Testis ipse se contulit ad capellam S. Mariæ-Regum, commendans Sancto Regi nepotulum suum. Vesperi autem revertentes medici in eodem quo dimiserant statu cum reppererunt: sequenti vero mane invenerunt adeo melius habentem, ut obstupuerint. Audientesque ab ipso Teste quid fecisset, miraculosam esse mutationem illam judicaverunt; atque ita proficiens semper puer, ultimo morbi termino, qui dies vigesimus primus tensetur, fuit liber ab omni febre, remanente solum debilitate, à qua citra aliud remedium ullum paulatim convaluit.

52 Idem affirmavit Testis LXXVI, pater ipsius pueri & filius Testis prioris; addiditque, quod de sententia doctorum medicorum, ipso die quo invocatus pro eo san-^{ut plures testantur?}ctus Rex fuit ab avo suo exhibita ei fuerit extrema Unctio: quodque postridie rediens Doctor Sola seipsum abdicaverit ab ejus cura, dicens non alia quam bono regimine opus porro esse. Eidem dixit Doctor Silva, qui perrexit puerum visitare, Testis LXXVII; distinctius explicans progressum morbi, quo scilicet puer, usque ad diem septimum inquietissimus & perparum dormiens, humore noxio ad caput ascendente, dormire cœpit ac delirare; undecimo autem die spes quidem aliqua data fuerit ab urina, utcumque melius cocta; sed eadem brevi iterum conturbata, evanuerit, crescente semper periculo usque decimum quartum diem, quo & post quem facta sunt omnia supradicta.

53 D. Martinus de Zuniga, Testis xxxv, dixit, quod ante duodecim aut quindecim dies, uxor suâ D. Catharina de Arellano, accedens ad conventum S. Elisabethæ hujus urbis, ut interesset velationi cujusdâ sanctimonialis; perdidit in ipso ecclesiæ ingressu armillâ auream, adamantibus quadraginta instructam; quam ingressa comperit sibi deesse, fecitque præconio publico proclamari. Cum autem totis sex diebus nullum ejus indicium adferretur, ipseque Testis esset in

invenitur
am. q. ar-
millâ: ada-
mantina;

oratorio suo domestico; incidit ei cogitatio ut rem amissam commendaret intercessioni Sancti Regis: quod fecit, idemque ut faceret mandavit uxori; ac die sequenti in capella Regia curavit dicendam Missam. Primo autem alterove post die, mulier quædam, ut videbatur paupercula, armillam prædictam attulit ad D. Josepham de Zuniga, sororem ipsius Testis, dicens quod ipsam invenerit in porta ecclesiæ, quodque eam ostenderit aurificibus; quibus pro ipsa offerentibus nongentos Julios, scrupulo sibi duxerit eam vendere, ideoque accesserit ad Sacristanam prædicti conventus; quæ conscia jacturæ factæ, ipsam ad aedes D. Josephæ direxerit, & ei dari jussit, prout fecit; omnibus pro miraculo rem habentibus, attentis circumstantiis loci, populo confertissimi, ubi armilla exciderat, conditionis ejus, quæ ipsam retulit; & diei, quo est relata, ejusdem quo fuit Missa curata. *Paria asseruit D. Catharina Testis xxxviii, dicens ad istam ecclesiam se ivisse in comitatu prædictæ D. Josephæ, suumque maritum, intra eos quibus armilla perditamansit dies, curavisse dicenda plura Sacra de S. Antonio Patavino, de Defunctis, & de S. Carolo Borromeo: septimo autem die, quo maritus curavit dicendum Sacrum in honorem Sancti Regis, nuntium se accepisse à D. Josephæ, de ejus restitutione sibi facta, sic ut ei omnino nihil deesset.*

CAPUT VII.

Septem reliqua ejusdem Summarii miracula:

54 **H** *Is prolixius relatis in Summario, apte subjungentur reliqua, succinctius ibidem narrata, his fere verbis: Testis cxxxi, domestica & famula in domo D. Felicis Escudero & D. Annæ de Spinosa, dixit optime se recordari, quasi hodie res ageretur, quod prædictæ D. Annæ ad-*

*Sanatur dolor dentium
attactu imaginis.*

adveniret gravissimus dolor dentium, qui nullam ei requiem vel somnum concedebat, diu noctuque per hebdomades tres, nihil proficientibus quibuscumque remediis. Imo meminit, quod cum suggestum aliquando illi fuisset, ut tabaci foliculum dolorifico denti applicaret; eo incruidisse malum, ut sensuum usum amittens, crederetur proxima esse morti. Anna autem videns sibi nihil prodesse, nocte quadam sumpsit imaginem Ferdinandi Regis, quam habebat in charta, & applicuit maxillæ ea qua dolebat parte, Statimque somno correpta dormivit usque mane, & expergiscens libera ab omni cruciatu, nihil ejusmodi postea sensit: quod ipsa Testis miraculo tribuit, propterea quod secuta liberatio sit immediate applicationem imaginis, post recitatum semel Pater & Ave. Idem dixit alia, Testis cxxxi, similiter apud D. Annam prædictam tunc manens.

55 Quinto loco ponitur miraculosa sanatio Gabrielis Perez, inter quinque principaliora miracula supra memorata; inducuntur autem loquentes ipse Gabriel Perez Testis cxlv, uxor ejus Testis cxlvi, & Mag. Sebastianus de la Torre chirurgus Testis cxlvii, quorum verba ex Processu ordinario huc translata nihil attinet repetere, cum ea jam habeantur ex posteriori Processu Apostolica auctoritate facto. Pergo igitur ad sextum, de quo Hippolytus de Vergara, Testis cxlii, dixit, quod habens cruculam quamdam auream, non majorem pollice suo, sed valde sibi pretiosam, eo quod contineret particulam de ligno veræ Crucis, & die quodam anni mdcxxi existente Hispali, amiserit eandem: quam ubi deesse sibi sensit vehementer doluerit, totoque triduo quæri diligentissime jussit, per octo quas ibi habebat personas domesticas. Cum autem omnis labor, domi forisque impensus, frustra esset, curavit Sacrum unum dici in honorem Sancti Regis Ferdinandi; ipsaque die puella quædam servilis condi-

Cervata
missa in-
venitur
crux aurea
perdita,

tionis, intravit arcam, in qua cuniculi discurrebant, & in qua tertio requisita crucula prædicta fuerat; volensque de sub uno animalium istorum tollere regulam, mox atque illud inde deflavit, invenit cruculam quæ perierat, omnibus successum talem admirantibus; *inter quos fuerunt ipsius Hippolyti uxor, Testis cxliii; & ancilla Testis cxliv, eadem quæ ipsam reperit*, tota una nocte & duobus diebus sequentibus quæsitam diligentissime, eo quod Dominus suus reperienti promiserat liberalem mercedem.

*liberatus
puerpera
moribunda:*

56 D. Leonora Romero, Testis ci, dixit, quod ante mensem ac dimidium circiter habuerit adeo difficile puerperium, ut foetus sibi in utero mortuus fuerit, eoque adducta ipsa intra triduum sit, ut Doctor Ibañez medicus & Gregoria de Casanova obstetrix pro mortua eam habuerint. Quo in articulo cum se variis Sanctis commendasset, quædam consanguineæ ibidem præsentēs suggesserunt, ut invocaret Sanctum Regem Ferdinandum: quod simul ac fecit, fuerunt etiam (sicut postea intellexit) curatæ aliquot Missæ in Capella Regia. Subitoque eiecit mortuum foetum ac plane jam tumefactum; & quæ antea gravem febrim patiebatur, fuit ab eadem omnino libera, atque intra decimum quintum à partu diem surrexit de lecto: cum omnium communi lætitia ac sensu, quod miraculo id esset adscribendum: *sicut fecerunt ipsius Deponentis mater Testis cii, quæ consilium Sancti Regis invocandi suggesserat & Missas dicendas curaverat; & Soror Deponentis Testis ciii.*

57 Felix Esaudero de Espinosa, officio quod dicitur Contadoris fungens, Testis cxxiv, dixit, quod cum anno proxime præterito mdcxxvi advenissent Galeones Indicæ, ipse cum aliis pluribus, ac nominatim cum Capitaneo Joanne Nuñez de Jeroci, & Capitaneo Eugenio Delgado, & Isidoro de

de Aguilar Hispalensi, die xviii Novembris feria quarta, conscenderint lembum Averie, ad excipiendos prædictos Galeones. Cum autem admiralitia, ad Capitaneum Eugenium Delgadum pertinens, in quo pro Admirantio erat Generalis Ferdinandus de Losa, intrare vellet per ostium S. Lucari, principio noctis supervenit tempestas, adeo sæva ut ingredi non potuerit; ejectisque in mare anchoris quatuor cum totidem rudentibus, tribus earum disruptis, mansit navis cum una sola eaque non valde robusta; unde in maximum devenit periculum, præcipue quando defecit etiam gubernaculum. Ipsi ergo credentes navim perditam, volebant ex ea auferri argentum, quod plusquam quatuor millionum erat; sed propter sævitiam maris jungi ad galeonem naves nullæ potuerunt, quamvis tormentis pluries explosis subsidium postulassent: ii qui intus erant. Ita tota illa nox acta est, multum anxio præd. Capiteo Eugenio Delgado, & omnibus qui discrimen intuebantur desperantibus de salute ipsius navigii. Tum vero Testis ipse, pro singulari qua fertur erga Sanctum Regem Ferdinandum devotione, & experientia favorum quos præstat invocantibus se, suavit prædicto Capiteo, ut ei invocato Missas aliquot polliceretur. Quod cum fecisset, coepit ponere continuo ventus, potuitque navis usque mane subsistere; quando magno quidem cum labore, sed tamen sine ullo damno, absque gubernaculo tam diu periclitata, inducta in portum est: omnesque agnoverunt beneficium Sancti Regis. *Eidem beneficio fidem quoque fecerunt, qui simul adjuverunt, concordēs per omnia, Testis cxxv, cxxvi & cxxvii.*

58. Licentiatus Thomas de Velasco, Portionarius sanctæ Hispalensis ecclesiæ, Testis lxxxvi, dixit, quod ante octo vel novem menses fronti suæ increverit carbunculus; quem minime malitiosum esse credens, contempsit; uti & febrim, inde sibi

advenientem. Utrique autem medicinam aliquam faciens, cum carbunculum sanatum crederet, sensit febrim vehementer exarsisse, adeo ut amisso iudicio ne quidem potuerit Sacramenta suscipere. Cum ergo cum visitarent Doctor Nuñez & Licenciatus Ludovicus de Herrera medici Hispalenses, quibus potissimum utebatur, dixerunt eum mori; & quod altero simili, qualem tunc patiebatur, paroxismo adveniente, certo esset eripiendus è vita; quare jubebant, ut, quam primum ad suos sensus rediret infirmus, extrema ei ministrarentur. His instantibus, dixit ipsi Testi Antonius de Merlo, Portionarius Metropolitanæ Hispalensis, ut se commendaret Sancto Regi Ferdinando; quod in se reversus fecit, vovens quod primam, quam dicere posset, Missam dicturus esset in Capella Regia, & pro viribus adlaboraturus ad illius Canonizationem. Placuit autem Deo, ut eodem die multo melius se habuerit; & redeuntes medici invenerunt eum fere absque febris; sequenti vero die omnino liberum; unde quarto vel quinto die post de lecto surrexit, crediditque sanitatem tam cito recuperatam miraculo adscribendam esse. *Suum vero testimonium eidem curationi, ut miraculose, addiderunt Thomæ frater, Testis LXXXVII, dicens rem accidisse in festo Corporis Domini; & amicus alius, qui aderat cum votum fieret, Testis centesimus.*

59 Hippolytus de Vergara, Testis CXLII, dixit, quod cum totis duodecim annis matrimonii suum cum D. Joanna de la Puente, unicum dumtaxat filium genuisset, isque mortuus esset; ipsa vero uxor sua iudicio medicorum & obstetricum præferret signa sterilitatis perpetuæ, ambo fuerint vehementer contristati, præ desiderio heredis obtinendi. Quia autem Testis ipse pridem erat Sancto Regi Ferdinando devotus, suggessit uxori suæ votum

Sterilis mulieri filius impetratur.

tum communiter faciendum, quod si per illius intercessionem alium sibi filium daret Deus, Ferdinandum nuncuparent, & ad promovendam Canonizationem conferrent quidquid poterant: statimque curarunt Missam dicendam in capella Regia. Nec mora, gravidata est mulier, & nono post hæc mense filium peperit, qui Ferdinandus nuncupatus etiamnum vivit. *Idem dixit D. Joanna, Testis cxliii. addens quod post prioris filij mortem, quinque & amplius annis sine liberis manserit. Testis etiam cxliv. eadem in domo tunc habitans, subjungit, quod in puero particularia multa signa notentur, quibus appareat ipsum fuisse obtentum intercessione Sancti Regis.*

CAPUT VIII.

Processus indicti pro Canonizatione: imagines cum diademate sculpi permixtæ.

Processus illi, ex quibus prædicta miracula collecta fuerunt, confici cœperant, postquam sub die xv mensis Octobris anni mdcxxxix, proponente Eminentiſſ. & Reverendiſſ. D. Antonio Barberino, vigore specialis commissionis, manu Sanctissimi D. N. Urbani Papæ viii signatæ, fuerunt à sacra Congregatione Rituum expeditæ litteræ Remissoriales & Compulsoriales, ad effectum faciendi Processus auctoritate Apostolica in genere & in specie, super virtutibus & sanctitate servi Dei ac sancti Regis Ferdinandi, nec non super miraculis à Deo eius intercessionibus operatis, uti legitur in præmemorato summario. *Quid porro actum in Hispania sit, sic prosequitur Zuniga ad an. 1630. Ejusmodi litteris Roma allatis, instituta desuper in Regis aula consultatio est, ex qua xxiii sequentis Januarij emanavit Responsum Regi ferendum. In hoc deputati Consultores, exposita summâ litterarum*

Q 5

Aposto-

*Et in Curia
Regis consi-
deratis.*

Apostolicarum, merito appendunt, quod tam Cardinalis proponens quam alij Cardinales Congregationis Rituum, culpantes incuriam præteritorum temporum, per quam prius causa non est coepta tractari, quæ ante ducentos annos debuerat confici; adeo certam habuerint illius evidentiam, ut informationes ad ejus probationem aflatas permiserint Latine atque Italice imprimi, signanter prætitulando eas esse de Sancto Rege Domino Ferdinando: id quod in tali causa numquam visum fuerat, ut scilicet id ipsum in Processu assereretur, quod erat probandum.

*ad eas His-
pali præsen-
tandas,*

61 Deinde iidem Consultores censent, prædictas Remissoriales, quoniam ad Archiepiscopum diriguntur, licet etiam dirigantur ad sex Ecclesiæ Hispalensis Dignitates (ut vocant) ea conditione ut duo ex omnibus possint in causa procedere, differendas tamen esse usque dum Hispalim reverteretur, tunc absens Archiepiscopus; interim vero committendas P. Joanni Pinedæ Societatis, à quo confectum Memoriale causam promoverat Romæ, eique injungendum ut in illius adventum præpararet omnia: idem etiam juberetur providere atque disponere, ut ejusmodi litteræ non absque solennitate aliqua & publicæ lætitiæ testificatione proferrentur. Probavit consilium sibi oblatum Rex: sed moram non ferentibus Hispalensibus ac Regi supplicantibus, ut, quoniam eorum ad quos litteræ dirigebantur satis multi aderant, pateretur eas aperiri, postulationi quoque ipsorum annuit, per epistolam xv Julij expeditam: qua, die xxiv ejusdem mensis, Capitulo recitata, per delectos ad eam Consultores, designatus solenni isti lætissimæque actioni est dies xxii Septembris, in Dominicam incidens,

62 Hac vero appellente, inter festivos campanarum sonos ac bombardarum strepitus, Marchio de

de Villa-manrique D. Melchior de Guzman, splendido cum comitatu processit versus ecclesiam, consueto ritu ac ceremonia accepturus sacrum sancti Regis Vexillum, quod post noctem (si tamen nox ^{solemniter} illa fuit, cui tenebras nullas indulgere luminaria, ^{progressus} totâ urbe accensa) apparuit ante aedes Assistentis in ^{Assistens} podio explicatum, inter expansa octodecim vexilla ^{urbis.} militarium cohortium, pulchro & longo per fenestras ordine. Interim Ordinum omnium collecta nobilissima comitiva procedere cœpit: in qua P. Joannem Pinedam, tam bene de causa meritum, medium ducebant Don Stephanus Hurtadus de Mendoza primogenitus Assistentis & D. Ludovicus Ortizij de Zuniga Ponce de Leon & Sandoval; & Assistentem, qui portabat suspensas intra pretiosam operis phrygionii bursam Apostolicas Remissoriales, præcedebant Jurati & Rectores urbis.

63 Ducta est pompa per plateam serpentis, ad ^{per sex tri-} ^{umphales} ^{arcus,} cujus ingressum stabat arcus triumphalis, à natione Lusitana magnifico apparatu erectus prope carceres regio; nec quidquam huic cedebat secundus, à Flandris Germanisque curatus, qua secularis vicus se pandit; uti nec tertius in area S. Salvatoris, sumptibus vicinorum extructus; sicut etiam ab incolentibus plateam Francorum ædificatus quartus in sua platea visebatur: huic porro quintus, ipsiusmet Francicę nationis, succedebat in platea dicta Placentinorum; ac denique sextus nationis Italicę, juxta plateam Genuensem. Ita perventum est ad unam præcipuarum ^{inductusque} ^{in ecclesiam} ^{ad iudices.} Basilicę Cathedralis portarum in fronte illius Occidentem versus nuncupatam à S. Michaelē: ubi adventantes præstolabantur Capitulum & Clerus; & ab his medius sumptus Assistentis, processit ad capellam Regiam, sedentesque in ea Apostolicos Commissarios D. Franciscum de Monsalio Decanum, D. Didacum de Guzman Archidiaconum, D. Fran-

D. Franciscum de Casâos Thesaurarium, & D. Matthæum Vasquez de Leca Archidiaconum Carmonensem. Cumque Marchio de Villa-manrique Vexillum deposuisset juxta altare, Assistens in hunc modum locutus est:

*eo fletu
alloquitur,*

*Et causam
commendat.*

64. Post singularia beneficia, quæ insignis hæc civitas divinæ Majestati accepta refert; magis specialia atque infinita sunt illa, quibus obstringitur sancto Regi Ferdinando, Domino nostro; impen-
sa non tam ut vassallis, quam ut filiis: quia Dominus suus, paterno magis quam herili affectu complexus eandem, superavit laudem ab Homero datam cuidam Græcorum Regi, his verbis; Bonus Rex qui bene se rexit, & illis quibus imperavit felicitatis causa fuit. Etenim noster fuit Rex simul & pater: felicitas autem, quam comparavit suis, non sistitur in terra, dum ipse eam nobis præparat in cælis, quemadmodum certos nos faciunt principia suæ Canonizationis: felicitas, quam S. Ambrosius agnoscens, dixit: Optandum nobis ut Regem gloriosum, perfectum atque beatum habere possimus. Hoc votum causa est hodiernæ lætitiæ, in eo positæ, quod vestræ justitiæ curæque offeramus Apostolica rescripta; cum de zelo atque diligentia vestra secuta Civitas, credat nusquam vos communibus Ordinum omnium desiderii defuturos. Concurrent in hac causa obligationes filiorum, vassallorum & judicum; quas uti cognoscunt omnes, ita sperant brevem felicemque expeditionem; supplicantes, ut agatis, sicut vos agere convenit, titulo justitiæ & æstimationis, ex eo accedentis, quod estis constituti Judices in ea causa, in qua gloriosissimum foret ministros esse; idque ex vi commissionis a beatissimo Patre nostro Pontifice sancto ad vos directæ, quam Hispalis vobis tradit in manus.

65. His dictis accessit Joannes Guittierez Tello, Dux Urbanæ militiæ (Magistrum campi vocant)
cum

rum titulo Procuratoris ex parte Capituli functioni
huic assistens; acceptamque de collo Assistentis
bursam explicans, litteras Iudicibus tradidit. Has

*Litteras
acceptas
Decanus*

omnium nomine cum suscepisset Decanus, sequē
cum Collegis imposito muneri responsuros pro viri-
bus gravi oratione promississet, cantari cœpit con-
centuplenissimo, Te Deum laudamus. Collectam
de Spiritu sancto subiecit D. Ferdinandus de Que-
sada Nieblensis Archidiaconus; & Vexillum Re-
gali capellæ restituit Marchio de Villa-Manrique.

Ita cum die illa discessum esset, eodem quo ven-
tum erat ordine, simili modo omnes conven-
runt iterum postridie in ecclesiam, ad solennem
Missam, pro implorando divino auxilio celebra-
dam. Sub hac gravem & eruditum sermonem ha-
buit D. Manuel Sarmiento de Mendoza, Cano-
nicus Magistralis, assumpto themate, *Iustus
prior accusator est sui, veniet amicus & investigabit
eum.* Proverb. XVIII V. XVII.

*Missaque
de S. Spiritu
canitur.*

66 Interim Romæ non torpebat P. Bernardus
de Toro, à sua Regia Majestate Agens in Curia ad
hanc causam constitutus: sed licentiam obtinuit
à sacra Rituum Congregatione ipsoque Pontifice
curandæ imaginis, cum diademate radiisque ut
Sancti, subjecto hoc lemmate: *Ferdinandus III
Hispanie Rex, cognomento Sanctus, Saracenorum terror
ac Religionis Catholicae propugnator.* Hujus imaginis
exemplaria multa Hispalim ad varios idem Pater
misit, sub data xxiv Decembris, sibi urbiq; gra-
tulatus hoc optimi ominis præjudicium. Hec fere
amplissime deduxit Zuniga, nos in pauca contraximus;
addimus autem quod hæc imago, ad mensuram dimidii
exigui folii, invenitur præfixa Summario impresso, de
quo supra, in qua cataphractus Sanctus adstat, amictus
paludamento Leonibus Castellisque distincto, dextra
gladium, lava globum sustinens, & calum versus quasi
pronuntians

*Imagines
cum diade-
mate per-
mittuntur.*

pronuntians appicta sursum verba, Dominus mihi ad-
jutor. Cum autem elegantiorē majoremque aliam, re-
gali in solio exprimendam ex mea directione delineaf-
set sculpsissetque anno MDCLXXVII, qui tunc Antverpia
florebat utraque in arte peritissimus Cornelius Galle,
ubi etiam in recessu eminens prospicitur sanctus Rex, in
conspectu Hispalensis civitatis equestri praelio Mauros pro-
fligans, dedicatōriam epigraphen hanc subjecit: S. Fer-
dinandum, Regem hujus nominis tertium, barbar-
orum terrorem, Christianorum praesidium, patriae
propugnatorem, Illustrissimo Domino Don Am-
brosio Ignatio de Spinola y Gusman, Hispalensis
metropolis (quam ille à Saracenis liberavit) Archi-
episcopo, Catholicae Majestati à consiliis status
&c. Cornelius Galle in hac imagine praesentem,
ad patrocinium; seipsum, ad obsequium dicat, con-
secrat.

67 Ast ut istae laudem mereantur ab arte ingenioque
sculptoris, venerationem tamen semper majorem merebi-
tur quam initio opellae hujus dedimus, acceptam ex libro
festorum, cujus initio etiam praepōnitur ut vera effigies
cum hujusmodi epigrammate:

pro quibus
dedimus
veram effi-
giem.

Magni FERNANDI veros in imagine vultus

Aspicias, expressit quos tibi docta manus.

Huius Alexandri faciem qui pinxit, Apellem

Fors dedit: ast animum pingere nemo potest
Prototypon, ubi & quale sit, lubet ex libro Festorum
jam dicto pag. 325 explicare. Tabula est cedrina, repre-
sentans Regem coram Deiparae imagine genuflexum,
in eodem quo hic exprimitur habitu, nisi quod coro-
nam manibus teneat: quam in eotypo vides impositam
capiti, alias istic nudo, & pro qua manibus ensē globumque
imperiale inseruit Bartholomaeus Morellus, qui proto-
typon studuit quoad cetera imitari, ac diadema beati-
tudinis signum, hodie illi conveniens, addidit. Re-
gem in eadem tabula utrimque assistentes sti-
pant

paucis mu-
tatis accep-
tam ex ori-
ginali

pant personæ duæ , quarum muliebris uha , videtur Reginam Beatricem ejus sponsam ; altera puerilis , tenellum tum adhuc Alfonsum filium eidem Deiparæ adgeniculantem sistere. Huic tabulæ antiquitatis & auctoritatis prærogativam ideo judicium commune cedit ; quia creditur ab ipsomet Sancto Rege donatâ Confraternitati S. Matthæi , cui vivens adscribi voluit , sub cura Magistrorum Sartorum , qui hodie eandem tabulam conservant in insigni conventu S. Francisci , cum tali traditione & scripturis authenticis. Quamvis enim etiam aliæ quædam credantur veram similitudinem continere , ac nominatim illa , quæ est in S. ^{picta sub} Clementis , omnibus tamen illis fidem adimit ætatis recentioris species , & diadema seu splendores circumducti capiti , quod non fuisset viventi factum. Porro cum supradicta Beatrix obierit anno MCCXXXIV , quando primogenitus ejus jam attigerat annum ætatis XV , non videtur aberratura conjectura , quæ tabulam priorem pictam esse suaderet circa annum Domini MCCXXV , Sancto necdum XXX ætatis ingresso.

CAPUT IX.

Progressus negotii Romæ: & probatio casus
excepti quoad cultum ab immemorabili.

68

Quomodo progressum deinceps in negotio Romæ sit,
melius nos docebit impressa istæ Relatio, qua
asseritur, quod vigore dictarum Remissorialium
facti sunt Processus, in civitate Hispalensi,
& in civitate Neapolis, qui fuerunt in hac

*Privilegiis
Processibus
Hispani ac
Neapoli,*

*memine Re-
gis petitis,*

sacra Rituum congregatione præsentati, ex decreto
eiusdem per Illustriss. D. Protonotarium aperti, &
successive recogniti & interpretati. Omnia autem fa-
cta fuerunt servatis decretis eiusdem sacre Congre-
gationis, & in omnibus citato Illustriss. D. Antonio
Cerro Fidei Promotore, ita ut plene constet de forma
probante dictorum Processuum. Cumque eorum ex-
amen fuerit commissum Illustrissimis Dominis tri-
bus sacre Rotæ Auditoribus antiquioribus, Capi-
tulum Metropolitanæ Ecclesiæ Hispalensis, in cujus
ecclesia & Regia capella S. Mariæ-Regum corpus d.
Servi Dei & sancti Regis requiescit; nec non etiam
d. Regiæ Capellæ [Capellani] ac Conventus omnes,
omnesque Religiones, cunctaque Cöllegia ipsius ci-
vitatibus, ipsaque met civitas Hispalensis; præcipue au-
tem Serenissimus Rex Catholicus Philippus IV, ex d.
sancto Rege Ferdinando in decimo tertio gradu de-
scendens; maximopere cupientes deveniri ad for-
malem Canonizationem eiusdem sancti Regis, ite-
ratis pluries instantiis institerunt & instant pro expedi-
tione, ut apparet ex dd. instantiis & Regiis litteris
ab Illustriss. & Excellentiss. D. Emanuele de Moura &
Cortereal, Marchione Castri Roderici, Magno Com-
mendatore Ordinis Christi, Duce & Governatore
perpetuo insularum Tertiæ, S. Georgii, Fayal & Pi-
co, ejusdemque Catholici Regis Cubiculario, in

Lusita-

Lusitaniæ Regno Regiorum reddituum Præfecto, & apud Sanctissimum Dominum nostrum d. Catholicæ Majestatis Oratore præsentatis; una cum Perill. D. Doctore Bernardo de Thoro, ab eodem Rege Catholico specialiter ad prosequendam causam d. Canonizationis deputato; & Perill. D. Didaco Lopez de Zunica, ab eodem Capitulo Metropolitane Ecclesiæ Hispalensis, cum d. D. Bernardo de Thoro, Agente pariter deputato.

69 Verum quia ob novam formam procedendi, in similibus causis præscriptam ab eadem sacra Congregatione, Remissoriæ amplius non conceduntur ^{ut declaro.} unico contextu in genere & in specie; sed prius in genere tantum: & successive, examinato Processu in genere, capitur resolutio, an ex eo sit concedenda in specie; propterea fuit ex parte d. D. Fideipromotoris oppositum, recenti Decreto ejusdem sacrae Congregationis sancitum esse, in causis in quibus relaxatae fuerunt Remissoriæ unico contextu in genere & in specie, antequam d. nova forma procedendi prius in genere deinde in specie esset præscripta, remittendum esse arbitrio d. sacrae Congregationis, an sit ad ulteriora procedendum, & pendente arbitrio nihil innovandum: ideo proponente ^{sine novo processu} Eminentiſſ. & Reverendiſſ. D. Cardinali Antonio Barberino, in proxima Congregatione ex parte ejusdem Serenissimi Regis instatur deveniri ad favorem declarationem arbitrii pro Processu, nedum ad ulteriora in d. causa, verum etiam ad effectualem Canonizationem d. Sancti Regis: quod videtur concedendum ex sequentibus.

70 Primo. Quia cum versemur in Dei servo & Sancto Rege antiquissimo, qui obiit anno Domini ^{deveniri ad} MCLII, & sic ab annis tercentum octoginta & ultra; & in causa antiquissima, Testes de fama deponentes plene probent, ex conclusione in jure receptissima, quam etiam secuta fuit sacra Rituum Con- ^{canonizatione posse}

R

gre-

gregatio in pluribus causis Canonizationum, præcipue vero S. Hyacinthi, S. Raymundi & aliis... & in causa de qua agitur plures testes deponentes de fama sanctitatis d. Sancti Regis deponentes, plenissime de causa scientiæ interrogati, etiam plenissimam rationem reddiderint..... sine dubio sumus extra omnem controversiam.

*quia constat
ab im-
morabili de
titulo San-
cti ex prima
& libris,*

71 Secundo. In huiusmodi causa concurrunt historici omnium fere nationum, qui de fama Sanctitatis ejusdem servi Dei testantur, inter ceteros autem præcipui sunt sequentes, videlicet: Gilbertus Genebrardus Episcopus Gallus, in sua Chronica anno MCCXLIV dicit infra scripta, S. Ferdinandus ab omnibus fere Hispaniæ finibus Mauros expellit: & anno MCCXLV. Magnificentiam S. Ferdinandi & S. Ludovici Regum Theologia & bonæ Artes, quæ valde elanguerant ab annis centum, vires receperunt. *In hunc modum porro numerantur, allegatis singulorum locis ubi Sanctum Ferdinandum appellant, Auctores plures quam octoginta; & additur quod idem faciant plures alii historici, Galli, Germani, Itali, Scoti, Poloni, Catalani, tam Latini quam vulgares, quorum nomina omnia recensentur per Joannem de Pineda Societatis Jesu, in suo Memoriali Vitæ d. Sancti Regis. Inter nominatos autem in hac Relatione est liber originalis in Archivio civitatis Hispalensis, qui incipit ab annis fere tercentum, in quo registrata sunt privilegia illi concessa per d. Sanctum Regem, in quo Sancti titulo nominatus est. Item Supplementum Historiæ Don Roderici Toletani Archiepiscopi Ms. cap. 103; sed non additur quousque hoc Supplementum sese extendat, unde nec de ætate ejus quidquam dicere possumus, apparet tamen supponi Ms. vetus esse.*

*scilicet ex pi-
cturis vetu-
stis*

72 Tertio. Concurrunt picturæ & sculpturæ ejusdem Servi Dei & Sancti Regis antiquissimæ, cum titulo & inscriptione Beati & Sancti: quibus inscriptionibus in antiquissimis plurimum defertur... quæ
vene-

Veneratio & cultus publicus supra-dictus per inspirationem vox Dei appellari potest, cum sit populi Catholici Sanctos venerantis, soloque pietatis & divini honoris ductu, non alio mundano affectu & interesse moti, ut fuit consideratum in Relationibus S. Philippi Nerii, S. Isidori & aliis. Et de dictis picturis & sculpturis cum diademate & inscriptione Sancti antiquis, ultra depositiones Testium, constat plenissime ex oculari inspectione, facta per Illustriss. DD. Judices Remissoriales & Compulsoriales Apostolicos, præcipue autem de sequentibus. In capella antiqua S. Mariæ de las Quevas depicti sunt octo Sancti, ex pictura antiqua, cum diadematibus & splendoribus Sanctorum; inter quos est sanctus Rex Ferdinandus. In ecclesia & monasterio S. Clementis & majori illius capella, è conspectu Regii sepulcri, adest pictura ejusdem Sancti Regis, cum diademate tamquam Sanctus. In altera ex principalibus foribus civitatis Hispalensis, nuncupata de Xerez, in medio Sanctorum Isidori & Leandri, depictus est Sanctus Rex Ferdinandus, cum diademate Sancti; & hæ omnes picturæ in pariete sunt valde antiquæ.

73 Atque hoc modo indicantur pictura, Sanctum Regem, modo cum aliis, modo solum representantes, vetres omnes, numero undecim: authentica autem singularum inspectio-
num acta, à die VIII mensis Aprilis MDCXXXI usque ad VII Maji ejusdem anni, deducuntur in Summario num. 4 per
duodecim paginas. Quæ autem ipsum representant cum SS. Isidoro & Leandro, ut habet tertia jam indicata, exprimunt eum in throno ad modum tabernaculi, cum diademate seu splendore & corona regali, & in læva manu globum mundi (quædam in dexterâ ensẽ addunt) & simul omnes elatiori eum loco ponunt, quam prædictos è lateribus consistentes Sanctos: sub plerisque autem scribitur, Sanctus Rex Don Ferdinandus.

CAPUT X.

Alia ejusdem cultus antiqui argumenta, in
processu adducta.

74
Probatio ex
usu Missa-
rum veti-
tarum

Quarto. Concurrunt innumerabiles Missæ Sancti Regis, quæ celebratæ fuerunt & celebrantur, cum publico cultu & veneratione, ab annis fere quadringentis continuatæ usque ad præsens. . . . Prout etiam ab antiquissimo tempore ensis Sancti Regis magna veneratione deferitur in publicis processionibus. . . . videntibus & consentientibus Archiepiscopo & aliis ministris ecclesiasticis & secularibus. . . . Corpus etiam d. Sancti Regis, honorifice supra terram elevatum, veneratur; quod concedi nõ solet nisi Beatis & Sanctis. . . . Quæ omnes juris conclusiones sine dubio procedunt in hujusmodi causa, in qua non solum concurrunt licentia Sedis Apostolicæ illiusq; consensus præsumptivè, sed etiam expresse, ut liquet ex attestationibus summorum Pontificum, videlicet Innocentii IV, qui testatur Sanctum Regem in via mandatorum Domini ambulasse; Gregorii XIII, qui confirmavit Officium quod recitatur in Ecclesia Toletana, in cujus Lectionibus dicitur, quod d. Sanctus Rex Ferdinandus, ob virtutum præstantiam, Sancti cognomen fuerit adeptus: & idem habetur in Officio, quod recitatur in Metropolitana ecclesia Hispalensi, à Sixto V confirmato.

Ex testa-
mento fun-
datorum,

75 Porro præter Testes relatos in Summario, circa usum Missarum Sancti Regis faciendarum, à tempore quod ipsarum memoriam excedit, allegatur num. 4 liber protocol-
lus memoriarum & possessionum Confraternitatis benedictarum animarum purgatorii, in conventu S. Francisci Hispalensis, in quo existit Capitulum dotationis factæ d. Confraternitati, cujus est tenor prout sequitur. Catharina Diaz de Castellisa, olim
uxor

uxor Francisci de Avila, & sui filii, dederunt huic Confraternitati centum quadraginta ducatos de constantis in regalibus, cum onere ut singulis annis in perpetuum dicatur pro animabus supradictorum in conventu S. Francisci, in die omnium Sanctorum Vesperæ & Missa cantata cum Diaconis..... item dicantur aliæ undecim Missæ sanctarum Festivitarum sequentium, Sancti Regis Don Ferdinandi, S. Rochi, S. Petri..... prout totum constat per scripturam coram Bernardo Heredia, Scriba publico Hispalensi, sub die IV Februarii MDXC.

76 *De ense, in eodem Summario num. 6 afferunt testes, ex veneratione ensis & sepulcri*
quod omni anno in festo S. Clementis è sepulcro & manibus Sancti Regis sumitur, deferendus in processione, idque cum ceremonia & attestatione publicæ fidei de eo restituendo. Fit autem hoc in memoriam victoriæ, quam Sanctus cum eo gladio tali die retulit de Mauris, obtenta ab iis civitate Hispalensi; & simili cum ceremonia denuo reponitur d. ensis inter manus Sancti, id est imaginis Sanctum repræsentantis ad vivum, atque ad eum finem Regio in habitu thronoque collocatæ ut dictum num. 39. Denique de sepulcri veneratione allegantur testes in Summario num. 7 quorum unus affirmat expressius, quod ad dictum sepulcrum & altare offeruntur cerei, candelæ, imagines, vestes mortuales & tabellæ, quibus continentur vota plurium personarum, quæ per intercessionem Sancti Regis obtinuerunt gratias & favores innumeros.

77 Quinto, Concurrit etiam fama miraculorum, ex fama miraculorum
non solum in genere, sed etiam in specie expressorum in libro intitulo Flos Sanctorum..... qui liber..... fuit semper ab omnibus habitus, tentus & reputatus pro veridico, ut latissime deponunt Testes, de quibus in Summario num. 10. Sed ibi nemo allegat editionem antiquiorem Hispalensi anni MDLXVIII, cum nostra sit anni MDXXXII. Sexto Quia Status

Et virtu-
tum,

Sanctitatis d. Servi Dei & Sancti Regis est etiam plene probatus, cum omnibus requisitis immemorabilis ita ut non videatur amplius esse locus disputandi..... Nec est querendum de probatione virtutum in genere vel in specie, cum tendat huiusmodi probatio ad videndum an fuerit Sanctus; & debemus illius sanctitatem in genere & in specie supponere, ex eo quod tamquam Sanctus fuit palam & publice ab omnibus veneratus ut supra: consequens enim supponit suum necessarium antecedens.....

(ad canonizationem
sufficienti)

78 Ex sola consuetudine immemorabili in causa S. Petri de Nolasco, præcedente Decreto sacre Congregationis, fuit per Sanctissimum Dominum nostrum S. Petrus Nolasco descriptus in Catalogo Sanctorum, ut constat ex litteris in forma Brevis expeditis. Constat etiam Leonem Papam X canonizasse S. Guibertum, cum solo libro vitæ ejusdem; & Alexandrum Papam III in numero Sanctorum retulisse Eduardum Angliæ Regem, inspecto dumtaxat libro miraculorum ipsius, & litteris Innocentii II, ut apparet ex Bulla ejusdem Alexandri III. Unde videtur tanto magis annuendum iteratis instantiis supplicantium, & præsertim Serenissimi Regis Catholici, pro Canonizatione d. Sancti Regis, pro quo tot tantaque superius adducta concurrunt, quæ probata sunt ex processu Ordinario & Apostolico.....

in genere

79 In quo processu Apostolico plures etiam Testes deponunt plenissime de omnibus virtutibus in specie, etiam in excellentissimo gradu, scilicet fide, meditatione, contemplatione, contemptu seculi, puritate cordis, spe, fiducia, caritate erga Deum & proximum, zelo honoris Dei & salutis animarum, gaudio, pace, misericordia, beneficentia, prudentia, discretionem, docilitate, sollicitudine, circumspectione, iustitia, religione, oratione

vocali

vocali & mentali, poenitentia, pietate, observantia, obedientia, paupertate, gratitudine, veritate, simplicitate, amicitia, liberalitate, fortitudine, magnanimitate, securitate, magnificentia, patientia, longanimitate, perseverantia, sobrietate, pudicitia, maceratione, constantia, temperantia, abstinencia, mansuetudine, clementia, humilitate, studiositate, taciturnitate & modestia: & in Deum referebat omnium virtutum operationes. . . . Et licet præmissa satis esse videantur, absque alia discussione virtutum & sanctitatis, cum in antiquissimis non sit necessarium causa; & rationes exprimere; nihilominus, ut clarius ex omni parte sanctitas d. Sancti Regis innotescat, operæ præmium existimavi etiam particulares actus, ad dictas virtutes pertinentes, recensere, quæ perfectam sanctamque vitam instituunt, & in animo ejusdem plenissime fuerunt. Tum vero progreditur Auctor sigillatim per triplex genus virtutum, videlicet Theologicarum, intellectualium, & moralium.

80. His autem late deductis probatisque, allegando Testes in Summaria deductos, qui sua fere habuerint ex lectione veterum recentiumque auctorum, vel majorum relatu; expendit quod ad præsentem causam concurrat incorruptio corporis supra omnem naturæ potentiam, spatio annorum fere quadringentorum; de qua deponunt testes Medici physici, adhibiti per Illustriiss. Dominos Judices Remissoriales in visitatione corporis d. Sancti Regis, & non solum nullum signum fœtoris seu pravi odoris ex eo oritur, sicut juxta naturæ consuetum contingit in corporibus mortuorum; sed potius bonus odor & suavis fragrantia, quæ similiter sanctitatis est signum.

81. Nescio cur hoc loco omiserit Auctor Summarii producere ipsum ocularis inspectionis Actum: nam quorum allegat num. LXXXIV testimonia, solum procedunt ex auditu in genere à parentibus & fama, præterquam Testis VI, qui.

legitime
compartis

qui simpliciter dixit, Ego vidi corpus Sancti Regis;
& Testis III, qui allegat nominatim assertionem Don
Pauli, qui ipsum viderit & expertus sit tertio: que
ut sufficerent ad credendam corporis pro tunc integrita-
tem, non probant eam esse miraculosam. Verum quod ex
illius temporis actis habere non possumus, suggeret nobis
sequenti Capite Zuniga ex actis anni MDCLXVIII: tamdiu
enim & ultra causa tenuit.

anno 1655
declaratur
casus excep-
tus de non
cultu

82. Post ea, quæ hoc & superiori Capite relata fuerunt, Ro-
mæ acta & exhibita, tardius ibidem progressum in negotio
est. Et enim (sicut prosequitur Zuniga) anno MDCXLIII
ibidem obiit P. Bernardus de Toro, Agens ex par-
te suæ Majestatis, tam in ista causa quam in alia
Immaculatæ Conceptionis; vicesque illius, cum om-
nibus quæ penes ipsum erant documentis & instru-
mentis, suscepit P. Joannes de Lugo, ex Societate
Jesu, is qui postea Cardinalis obiit anno MDCLX. In-
terim formati processus erant: qui cum anno MDC-
LII Romam essent remissi, & difficultatem movisset
Congregatio super articulo de non cultu, eodem
Joanne Lugo jam Cardinali agente, sacra Congre-
gatio, conveniens in Quirinali die xxix Maji anno
MDCLV, censuit constare de casu excepto, ex cultu
adhibito per immemorialem temporis cursum, me-
tam centum annorum excedentem ante decreta,
cum scientia & tolerantia Ordinariorum: ideoque
posse ad ulteriora procedi.

CA

CAPUT XI.

Corporis incorrupti inspectio anno MDCLXVIII,
primo coram Capellanis, deinde coram
Archiepiscopo.

Quanta diligentia inspectio hæc peracta fuerit, 83
amplissime patet ex relatione quam Archiepiscopus An. 1668
Hispalensis D. Antonius Paino misit Alex- Archiepiscopus Hisp.
andro Papæ VII: ubi cum post alia narrasset, quo-
modo processurus ad ipsiusmet sancti Corporis
inspectionem elegerit XVII Martii anni MDCLXVIII, ita
scribit: Constitutus personaliter in capella regia hu-
jus sanctæ ecclesiæ, à peritis ad cognoscendum de
corporis incorruptione, atque à deponentibus de no-
titia & antiquitate sepulcri iteratum exegi juramen-
tum: iisdemque & Promotore fiscali Testibusque
præsentibus apertum fuit sepulcrum, in quo reperta
est capsula lignea nigra. Quia autem locus obscurior
erat, ad eorumdem peritorum instantiam extracta de
sepulcro capsula illa est in plenam lucem: eaque refe-
rata, exhibuit alteram capsulam ornatiorē & panno
pretioso obductam, intra quam erat corpus venera-
bilis servi Dei. Cum ergo vidissemus, & propriis ma-
nibus illud reverenter contrectantes, reperissemus
omnibus suis membris continuum integrumque, ac-
cedentes similiter periti, simul omnes & seorsim sin-
guli, inspexerunt tetigeruntque illud in variis suis
partibus: qui cum declarationes suas fecissent sig-
nassentque, clausa rursus omnia sunt, & eodem quo
fuerant ante reposita modo ac loco; deque re tota
conditum à præsentī Notario instrumentum, & si-
mul cum reliquo Processu ipsisque declarationibus
Romam missum.

De incorru-
ptione corpo-
ris consult
peritos.

84. Inspectionem istam præven erant Capellani, occasione
præ-

R. 5

*huic actio-
ni dum
cuncta pa-
xant Capel-
lani.* preparandi omnia ad ipsam necessaria : quid autem tunc
actum sit , accuratissime descripsit , qui præsens adfuit &
curiosissime notavit singula, D. Christophorus Bañez : cuius
hec relatio apud Zunigam extat, sic Latine reddenda.

Die
xvii Martii anno MDCLXVIII facta est visitatio corpo-
ris sancti Regis D. Ferdinandi , per D. Antonium Paino Archiepiscopum Hispalensem ejusque Provisorem
& duos ex Dignitatibus sanctæ ecclesiæ Iudices Re-
missoriales ad processus de sua Canonizatione. Ista
die vidi prædictum corpus sanctum, manens sub me-
ridie in sua regia capella: quia audiveram quod regii
Capellani tali hora disponere deberent omnia neces-
saria ad visitationem ; & quia mihi videbatur quod
tali occasione majori cum otio possem satisfacere
desiderio, quod semper habui videndi miraculum
istius sancti & tam incorrupti corporis. Satisfeci au-
tem sicut speravi. Cum enim experimentum esset
sumptum duarum clavium ipsius tumbæ , tantopere
institerunt Capellani ibidem præsentés & duo qui
aderant seculares , videlicet Didacus de Gongora &
ego; ut persuasus Capellæ Præses vinci se siverit à sua
devotione & nostra , nobisque ostenderit venerabi-
lem istam Reliquiam. Aperta est ergo prima capsa,
quæ tribus clauditur clavibus, estque nucæ vel quer-
na. Continet hæc aliam secundam, quæ duabus val-
vis clauditur , estque operta holoserico ceruleo cum
limbo rubeo , utroque perquam vetusto. Intra hanc
rursus est tertia capsa , ad pedes magis arcta quam
sarcophagus , cuius operculum convexum erat in
modum tumbæ, & operiebatur panno perquam pre-
tioso coloris rubei, ornato cruce ex argento cusâ in-
signis artificii , quæ à capite ad pedes descendit, lata
in suo hastili & brachiis palmos duos. Hac referata
sublatus est tapes coloris carmesini, & patuit oculis
intuentium corpus sanctum, magnumque nobis in-
gressit stuporem ac gaudium tam rara atque mira-
bili

*per curiosi-
tatem rese-
ratis.*

*triplicem
capsam,*

bili incorruptione sua post annos quadringentos & sedecim.

85 Statura est plena, induiturque tunica talari ex ignota nobis textura panno, quæ tota distinguitur insigniis regiis, Castellis videlicet & Leonibus, cum manicis proportionatis. Ad caput habet eundem pannum circa verticem unde capilli emergunt: nec potuimus distinguere, an ea tanquam corona redimeretur, an vero haberet formam capucii, ut solet videri in epomide Episcopali; an denique esset calantica auriculata: distinctionem enim intercipiebat cervical, cui suo ipsomet pondere immersum caput Sancti, illud ad utrumque tempus fursum attolli fecerat. Jacet autem supra culcitram & pulvinar rubri serici, per quam male à temporis vetustate habiti, indutus calceos corii viridis auro illusi; quibus loco auricularum erant uncini ad eos adstringendos. Erat qui diceret esse calcaria: verum uncini hærebant ipsis calceis affixi, nec apparet ejusmodi calcarium indicium aliquod. Idem calcei nudos contegebant pedes absque caligis ullis, erantque digitis fere tribus latiores quam pro mensura pedum, desinentes in cuspidem triangulariter acutam; reliqua pars in lora secabatur, præbebatque per intervalla aspiciendam carnem pedum eorumque digitos.

86 Supra pectus tendebatur gladius, simplici cruce præstructus ad manubrium, eadem forma qua est ille, qui in processione circumfertur die S. Clementis: verum hujus manubrium, id est crux, pugnus, & pomum, argentea sunt & granulis quibusdam distincta, operiturque vagina coriacea coloris electrini, vinculis argenteis interpolata. Cum autem impetrassemus à Præsidente, ut dictum gladium accuratius considerandum nobis daret; conati sumus ambo sumus eum educere è vagina, hinc inde, per manubrium unus, alter per vaginam trahentes,

Et corpus inspicunt,

ut erat indutum suis vestibus.

apposito gladio

nisi

annulo, & scepro; nifu magno, sed irrito. Aderat annulus ex auro, qualitatis inferioris ut videbatur, sed spissus absque ulla calatura vel encausto: cui pro pala inerat lapis ceruleus instar zaphyri, magnitudine mediocris fabæ & figuræ ovalis. Denique manu dextra supra sinistram cum brachiis supra pectus decussatis, tenet virgam seu sceptrum ex ligno granato, vel simili materia, tunc temporis pretiosa, ad mensuram unius ulnæ, utrimque ebore præmunitum.

absque ullo indicio balsami, 87 Mox atque prima tumba reſerata fuit, diffundi cœpit & ſentiri ſuavis quidam odor, velut aromaticæ cuiusdam, ſed ignotæ ſpeciei. Eſt autem corpus totum ſolida compage unitum; quodque non ſit conditum balſamo, cognovi, quia vidi linguam incumbentem maxillæ & inferioribus dentibus, neque ſectionem habet vel ſignum aliud ullum in fronte, neque ligatum fuit ut ſolent corpora balſamo condienda; nec denique in inteſtinis quidquam invenerunt medici, unde non certo colligerent nullam unctiorem adhibitam eſſe. Facies eſt integra, non conſumpta, ſed turgida, ejus coloris qui ſolet remanere poſt mortem homini naturaliter ruſo, ſed quaſi leviter conſperſa pulvere. Oculi non profunde intro acti, ſed intra modicam cavitatem decenter depreſſi; ubi etiam obſcurior color eſt, veluti in loco magis apto pulverem retinere. Barba caret: os apertum eſt, ſic ut videre liceat in ſuperiori parte omnes dentes molares: in parte vero inferiori extremitates dentium unius lateris: quos inter media conſpicitur lingua, Cetera labium tegit.

cutis, 88 Oſſa temporum grandia per cutem ſe demonſtrant, tamquam viri robuſti: collum viſui patet, uſque quo illud tunica abſcondit, plane integrum cum ſua cute, ejuſdem coloris cuius & vultus. Quidquid ex brachiis manibusque nudum videri poteſt, uſque initium digitorum, cute ſua veſtitur, eademque nativi coloris: digitis ſolis cutis deeſt. Defectus autem

tem causa esse videtur, quod multis annulis ornati fuerint, ex quibus solus relictus est is quem supra dixi; detrahendo autem sæpius inferendoque ipsos annulos detrata cutis illa esse videtur: quod autem videri potest in digitis, non sunt articularia ossa, sed fibræ seu nervi coloris fuscæ, nonnihil tendentis ad argenteum, tamquam carnis siccæ.

89 Tibiæ à genibus usque ad collum pedis ossa nuda monstrant, sed coloris multo vivacioris quam sint ossa corporum per corruptionem dissolutorum. Pedes, quatenus conspici per calceos possunt, cum sua cute albi apparent, bene formati, sed pro statura, satis exigui, ac velut hominis adhuc viventis. Judico autem ideo à tibiis defecisse cutem; quia dum sanctum corpus stabat inter tumbas Reginæ Beatricis & Regis Alphonsi Sapientis, contingere eas potuerunt ii qui per tot secula illuc accesserunt, cupidi reliquias auferendi, & paulatim aliquid inde auferre; quod non ita facile potuit accidere pedibus, per calceos melius defensis ab injuria ejusmodi. Atque hoc testari satis certo possum: quia vidi quam multum isto die raptum sit de vestibus deque tapete super instrato, quorum etiam ad me portiones notabiles pervenerunt, uti & de calceis: jamque etiam pes sinister, à collo usque ad initium digitorum, rasus erat. Est porro sanctum corpus flexile & plicabile per omnes suos artus, cum maxima facilitate: quemadmodum experti sunt chirurgi movendo tibia, brachia, caput, & reliquas partes optime compaginatæ; quod fieri non posset, si aliquid esset corruptionis in eis. Ipse ego notavi, quod cum Assistens acciperet gladium, quia simul apprehenderat & manicam, elevari brachium dexterum: quod ille animadvertens, laxavit manicam, & brachium rediit in locum suum.

90 Hæc sunt quæ tunc cognoscere potui: postea autem ex medicis didici, quod omnia sic invenerint,

*præterquam
in digitis*

& tibiis,

*contactu
veneran-
tium artu-
tis.*

*Corpus to-
tum flexile*

*cum fissura
circa sto-
machum*

venerint, & insuper viderint totum pectus, humeros & brachia, cum sua cute, salvo quod circa stomachum apertura esset, & cutis retrotracta in latus; sed ex altera parte adeo grossa, ut cognosceretur nihil ejus deesse. Suspicio autem fuit quod apertura ista ex eo sit, quia juxta usum istius temporis fieri potest, ut statim à morte sanctum ejus corpus apertum fuerit ad viscera eximenda: quemadmodum factum est D. Alphonso Sapienti, qui jussit corpus suum sepeliri Hispali aut Murciae, cor autem in monte Calvariae Hierosolymis: & asserit Garibayus, aetate illa consuevisse Principes corpora sua in uno, intestina in alio, viscera seu cor in tertio condenda mandare. Verum hoc solum per conjecturam dicitur. Dixit enim mihi Doctor Olivera, quod cum misisset manum intra sanctum corpus, ut experiretur an non esset conditum balsamo (si enim fuisset debuisset in longitudinem cavum esse) non potuerit illam promovere versus pectus, quia nempe adhuc viscera inerant. Fortassis extraxerint stomachum & ilia: vel etiam non extracta, fuerint exiccata per se, utpote humidiora; exiccata autem attraxerint cutem in unam vel alteram partem, unde sit facta sub stomacho fissura ista; vel denique, cum quasi vacuus esset stomachi ac ventris locus, ictu vel impulsu aliquo disrupta cutis sit.

*Re vulgata
concurrit
multitudo,*

91 Hæc, inquam, sunt quæ vidi & scire potui, tum proprio visu tum relatis eorum qui astiterant visitationi, cui designata erat hora quarta vespertina. Et quamvis curatum fuerit ut res quam secretissime ageretur, fervens tamen devotorum cupiditas videnti corpus Regis sancti evulgavit secretum: adeo ut bene multi in ecclesiam convenerint jam inde ab uno horæ quadrante. Cumque uni viderent alios Regiæ capellæ clathris assistentes, & quid ibi morarentur interrogati illi, causam redderent; diffusa ad
plures

plures paulatim notitia est, & increvit numerus. Denique ad horam prænotatam intravit D. Archiepiscopus in capellam, ubi jam aderant ii qui nòminatim convocati ac necessarii erant, clausaque est porta, sic ut ex tota illa turba pauci admodum ingressi sint. Tum vero fideles, qui tanto numero suæque expectationi tam propinqui adstabant, videntes ea se frustratos, tantum egerunt, ut sublata quæ seram tegebat lamina, pessulum portæ reduxerint; eaque cum festinatione ac resolutione irrumpentes, qualem tali occasione à conspirato vulgo possis expectare, impleverunt capellam.

Et post Archiepiscopus

in capellam irrumpit.

92 Ego, qui sanctam Reliquiam jam videram, ad compressionem evitandam, subii in tribunam ad manum sinistram, ut inde contemplerer ceremonias, in actu tum extraordinario adhibendas: quæ hujusmodi fuerunt. Ascenderunt Judices in gradum marmoreum, in quo stat tumba sanctum corpus continens; in eumque finem sublata fuerunt inde tumbæ Alfonsi Sapientis & Beatricis matris suæ. Apertæ deinde sunt tumbæ seu capsæ interiores sancti Regis, verum intra illas non potuerunt ipsum videre tam multi, quot illud examinare debebant: ideoque mandavit D. Archiepiscopus, ut è tumba extraherentur aliæ capsæ, & supra marmoream planitiem locarentur. Factum id est magno cum labore: quia tumba & capsæ valde erant arctatæ, unæ intra alias: opus itaque fuit magna violentia multisque impulsibus, nec nisi laxatis seu fractis trochleis, tumbæ marmoreæ latera inter se constringentibus, extractæ sunt capsæ: quas deinde in illa constipatione tantæ multitudinis opus fuit varie convertere, modo ad pedes, modo ad caput; adeo ut difficile fuisset etiam vivum corpus manere illæsum. Verumtamen Deus, dominus utique vivorum ac mortuorum, non permisit quidquam violari vel à sua compage resolvi.

Extracta de tumba capsa

mirabiliter illæsum corpus exhibitum:

93 Ecce-

93 Fecerunt deinde Judices sigillatim examen sibi injunctum : ac deinde etiam sigillatim medici atque chirurgi, qui corpus inspexerunt moveruntque sicut dixi. Interim, quamvis id impedire Archiepiscopus conaretur, non cessabant fideles unde unde accedere, viamque tentare qua sancto corpori sua admovent rosaria, veletiam aliquid reliquiarum decerperent. Visitatione completa clausæ sunt capsæ, repositæque in tumbam; & ego regressus sum ut manerem in capella: & noctu denuo apertæ fuerunt capsæ, ad componendam sancti corporis tunicam; itaque altera vice ipsum cum otio vidi, notavique deficere calceos, ac frustra tunicæ, rasumque esse pedem unum, sicut dixi. *Haftenus curiose observationes D. Christophori Bañez, quas, inquit Zuniga, habui à D. Didaco de Gongora, in cujus potestate nunc sunt.*

quod noctu iterum inspectum à Capellanis.

CAPUT XII.

Iudicium medicorum de supernaturalitate incorruptionis prænotatæ.

94 *Iudicium illud, legitime descriptum, etiam exhibet Zuniga, quod similiter ex Hispanico Latinum fecimus: ita autem sonat.* Doctor Gaspar Caldera de Heredia, medicus civitatis Hispalensis, unus ex senioribus, tamquam nominatus ac deputatus simul cum Dominis, Doctore Don Petro de Heredia medico, & Licentiatò Didaco de Olivera, atque Licentiatò Ferdinando Soriano chirurgis, bene approbatis & qualificatis personis, ad inspectionem, visitationem & recognitionem ejus status, in quo hodie reperitur corpus venerabilis servi Dei D. Ferdinandi III, Regis Castellæ & Legionis,

94 Medicorum unus cum sociis

Legionis, appellati communiter & generaliter Sancti, per Illustrissimum Dominum Antonium Painum Archiepiscopum Hispalensem, & Dominos D. Didacum Tribinium, Consultorem sancti Officii, Provisorem ejus & Vicarium generalem; D. Franciscum Ponce de Leon, Archidiaconum Nieblensem; Doctorem D. Petrum Franciscum Lebanto, Archidiaconum Reynensem, Dignitates sanctæ ecclesiæ Metropolitanæ Hispalensis, Judices Apostolicos Remissoriales in causa & processu pro Canonizatione & Beatificatione prædicti venerabilis servi Dei D. Ferdinandi III: quam *iterato juratus de veritate dicenda,* denominationem & deputationem acceptavi ac denuo accepto; præstitumque sacramentum, quatenus necesse est, ratifico, ac promitto declarare cum omni veritate & justitia, secundum captum scientiæ & ingenii mei, quidquid videro vel cognovero in dicto corpore esse naturale vel supernaturale, & utrum fuerit vel non fuerit divino miraculo conservatum.

95 Hunc in finem præsentis sabbato xvii die Martii, currentis anni MDCLXVIII, comparui in capella Regia in sancta ecclesia Hispalensi, ubi publice ac notorie constat haberi in sepulcro & jacere prædictum corpus; in præsentia & assistentia Dominorum quatuor Judicum, & adm. Reverendorum DD. Promotorum Fiscalium, atque nonnullorum Testium, circa horam quartam vespertinam paulo plus minusve, in comitatu dictorum Dominorum medici & chirurgorum. Cumque de mandato DD. Judicum aperta esset quædam capsula lignea, judicio meo quærna vel nucea, quæ stabat in suppedaneo marmoreo, quod est ad pedem altaris ante sanctam imaginem Dominæ nostræ à Regibus nuncupatæ; inventa est intra illam capsula alia, ex quodam ut videbatur ligno nigro, clausaque. De mandato autem prædictorum Do-

17 Martij

S
minorum

*apertis san-
cti corporis
arcis*

*illud iussus
explorare;*

*declarat ip-
sum esse
integrum,*

minorum Judicum , ut clariori in luce agerentur omnia , educta est etiam hæc secunda capsula de priori , aperta que ostendit capsulam tertiam , tela aurea coopertam , tam splendida ac lucida , velut si paulo ante istuc posita fuisset. In hac autem , etiam aperta , est & jacet dictum corpus istius sancti Regis. Cumque prædicti Domini illud attente vidissent & inspexissent , mandarunt dictis DD. Medico & Chirurgis , mihi que cum ipsis , ut videremus & palparemus cum speciali attentione prædictum corpus ejusque partes : atque secundum artem & scientiam nostram exponeremus clare atque distincte statum , in quo hodie invenitur prædictum corpus , conformiter nostræ legalitati & cognitioni de obligatione jurisjurandi quod præstitimus.

96 Et ego Gaspar Caldera de Heredia , cum religiosa veneratione & singulari sollicitudine postquam Deum ac Dominum nostrum orassem , ut mihi divinam suam lucem concederet , ad dicendum & declarandum id quod esset ex suo majori honore & gloria , & ad complendum mandatum dictorum DD. Judicum ; pro eo quod me attinet , tamquam unum ex peritis , dico & declaro sub juramento ; quod cum ostensum esset dictum corpus in luce clara atque distincta , invenerim ipsum esse integrum , & in eo à capite usque ad pedes continuari cutem veram , ut eam vocant medici , in omnibus suis membris , præterquam in radio unius tibiæ , quæ est discooperta à genu usque cavillam pedis : os tamen quod patet est candidum & sine ulla corruptione : pedes autem cooperiuntur cute vera , instructi naturalibus unguibus suis in debita proportionem.

97 Caput est velut hominis mortui , & in fronte & in vertice cute sua coopertum , cum nonnullis capillis , & palpebris oculorum integris.

gris. Os apertum cum suis labiis, quamvis ficcis & aridis, multaque pars dentium intra ipsum. Caput autem non omnino sed aliququaliter abjungitur à collo, quod potuit contigisse ex motu facto ad extrahendum de sepulcro primam, ut dixi, capsam. Facies ejus neque formosa est, neque deformis; ^{et solide} sed pallore quodam mortuali obducta. Pectus & ^{connexum} humeri operiuntur cute-vera, sicut & cetera par- ^{sub sua} tes, quæ inde continuantur una cum brachiis, ea- ^{cute.} dem cute proportionaliter contextis. Cumque ele-
vasssem ambo brachia dexterum & sinistrum, in-
veni ambo unita & cohærentia suo unumquodque
humero, cum debita textura nervorum tendonum-
que. Ventrem reperi vacuum & tractabilem, cu- ^{sed exue-}
temque ex omni parte firmam, absque ullo indicio ^{cum.}
futuræ vel balsami olim adhibiti: coxas vero con-
tinuatas cum cute, à parte ventris inferiori usque ad
genua; & utramque attollens agnovi cohærere ossi
sacro, per nervos & tendones suos, eadem propor-
tione quæ esse debet inter corpus & membra, si-
cut dixi, deficiente dumtaxat carne, quæ solet ista
membra ornare:

98 Sane oportuit eam imminui & consumi spatio ^{carne con-}
quadringentorum annorum à tempore mortis suæ, ^{sumpta}
magis per resolutionem quam corruptionem: quæ
si alicui parti advenisset, aliarum partium corruptio
secuta successive fuisset. Reliquit ergo caro inter defi-
ciendum corpus ut erat; id est, non velut scele-
rum, sed tamquam corpus hominis mortui: quia
cutis-vera est absque corruptione: & venter inte-
ger (quantumvis ea pars tam humida sit) nullum
ostendit in cute signum alicujus putrefactionis. Et
hoc eo mirabilius est, quo constantius ex antiqua
& generali traditione creditur, sanctum Regem hy- ^{non putre-}
dropisi obiisse, qui autem sic moriuntur, solent sta- ^{facta;}
tim corrumpi cum fœtore intolerabili. Quantum
vero ad odorem, mox atque sepulcrum apertum

*atque sua-
viter olere.*

est, perceptus is fuit ex ipsomet corpore sancto tam suavis procedere, ut nequeat explicari. Non enim erat sicut odores artificiales & naturales succini, musci, aut cedri, vel aliarum similium specierum, sed fragrantia cor oblectantis plane singularis: adeo ut hic vel solus testis sufficiens incorruptionis sit. Declaro igitur, & sic mihi videtur, quod omnia jam dicta non potuerint in isto statu tot annis conservari, nisi operante divino miraculo: atque hæc mea est sententia sub onere juramenti: itaque confirmo, approbo, & ratifico.

*que esse mi-
raculosa
probat*

99 Nunc porro officii mei est sententiam, ex Philosophiæ & Medicinæ principiis stabilire, ac definire utrum corpus istud potuerit tot seculis conservari virtute naturali, an vero ejusmodi conservatio miraculosa censi debeat. Primo igitur suppono, velut principium infallibile, quod miraculum dumtaxat dicitur, effectus excedens ordinem communem naturæ & artis, sic ut nequeat ullo artificio vel medicamine obtineri, sed solum haberi queat à superiori ac divina potentia. Tale autem ut esse probem quod corpus istud incorruptum servetur, primum probo ex eo, quod sanctus Rex plusquam duobus ultimis vitæ annis habitaverit Hispali, ibique obierit: qui est locus tabidus & humidus, magis quam alius ullus totius Bæticæ, tam propter naturalem suum situm, quam propter stellarum ei respondentium influxum, magisque obnoxius corruptioni: & tamen absque hac illud ibi duravit tot seculis.

*ex natura
loci,*

*conditione
tumuli,*

100 Idem secundo probo ex situ & modo depositionis, à prima hujus die usque in horam præsentem, intra tumbam marmoream, in solo frigido & per excessum humido, præsertim ad præsens in capella Regum dicta, ubi tumba solum contingit immediate: adeo ut secundum naturæ ordinem debuerit corpus illud in pulverem redigi, nisi esset miraculose servatum maxime cum præcedentibus annis plures obve-
nerint

nerint urbi inundationes aquæ propemodum infi-^{inundatio}
nitæ & fluminis Hispali se superfundentis, unde na-^{num fre-}
turaliter corrumpi debuit. Quod autem servatum^{quentia,}
fuerit incorruptum, manifeste convincitur opus esse
miraculosum causæ superioris ac divinæ: adeoque,
licet Deus non fecisset alia miracula per hunc suum
servum, judico quod ipsum sit primæ classis, inter ea
quæ divina Majestas solet operari: accedente ad
istam incorruptionem circumstantia suavis atque
cælestis fragrantia: adeoque non nitor sola incorru-
ptione, sed concursu omnium simul signorum ad
compositionem istius miraculi.

101 Moveor præterea ad confirmandam miraculo-^{opinione}
sam istam integritatem concursu omnium reliquo-^{vulgi mira-}
rum signorum tam humanorum quam divinorum; ^{culis nixa,}
acclamatione omnium fidelium Christianorum; con-
tinua & ab immemorabili opinione sanctæ suæ vitæ
& heroicarum virtutum; affectu & devotione tanta-
rum ac tam innumerabilium personarum, quæ per
ejus intercessionem agnoscunt singulares favores at-
que omnino miraculosos sibi præstitos à Deo fuisse.
Sed hæc ratiocinatio aliud & sublimius tribunal
spectat.

102 Quod si quis sustinere velit, sanctum Regem ^{odoris sua-}
aliquam pati corruptionem in cute vel in membris ^{vitæ}
aut harmonia corporis; erroris convincetur mani-
festi, per suavem odorem & fragrantiam ex dicto cor-
pore manantem, perque ejus integritatem. Sicut enim
horribilis fætor & graveolentia sequitur corruptio-
nem & putrefactionem; ita bonus ac suavis odor con-
servationem, unionem & perfectam conformatio-
nem partium: odoris quoque illius temperamentum,
non naturale sed supernaturale, publicat & confir-
mat effectum esse omnino miraculosum.

103 Sin porro instet aliquis, ex eo quod in hoc cor-^{nec obess-}
pore caro naturalis desit, sustineri posse quod passum ^{quod caro}
sit aliquam corruptionem, alias enim illam quoque ^{siccata &}
integram ^{consumpta} fuerit.

integram mansuram fuisse, sicut ea dicitur integra permanere in aliis quibusdam Sanctis, Francisco, Didaco, Isidoro Agricola: respondetur quod istud peculiare beneficium Dei non debeat æqualiter ad omnes Sanctos extendi, sed partialiter etiam à Deo soleat communicari: quandoquidem audiamus sic dici conservatum esse indicem S. Joannis Baptistæ, in fronte S. Mariæ Magdalenæ partem carnis, linguam S. Antonii, cor S. Theresiæ: & ita in hoc sancto Rege integre conservantur tota cutis-vera per omne corpus à capite usque ad pedes. Neque hic penetrandum curiosius in Dei providentiam, quarendaque ratio, cur Deus favorem istum universalis integritatis, etiam quoad carnem, unis Sanctis potius quam aliis concedat; multo minus ex carnis defluxu, non obstante reliqua corporis integritate, arguendum, non subesse hic verum miraculum, sed supremum effectum naturalis virtutis.

*sicut antea
etiam judi-
catum fuit
in Visitati-
one anni
1634.*

104. Ad comprobationem porro confirmationem-que sententiæ meæ sufficere potest, quod dixit & judicavit Doctor Franciscus de Figueroa anno MDCXXXIII, quando simili de causa vidit & inspexit hoc venerabile corpus, gravibus verbis declarans, quod ipsum invenit cum eodem cælesti ac divino odore, & cum eadem incurruptione atque integritate, perfectissimaque compositione & harmonia, cum qua hodie spectatur: neque minus id confirmatur inde, quod ipsum sic fuerit conservatum per plures quam quadringentos annos. Debemus itaque indubitanter statuere, quod odor, integritas, color, unio, & compago membrorum, aliæque omnes à me relatæ circumstantiæ hujus sancti corporis, excedant in sui conservatione præsentem omnem ordinem naturæ vel artis, per Dei operationem miraculosam ad suos altos & secretos fines.

105. Liceat autem pro veritate, non solum affectus

tus mei, sed ipsissimæ essentiæ, hoc etiam addere discurrendo, quod si iuxta Dei permissione hodie fieret resurrectio corporum, suis animabus informandorum, qualis fiet in ultimo die iudicii; venerabile istud corpus, quemadmodum ipsum invenimus integrum, omnibusque partibus suis secundum legitimam harmoniam dispositum, ut modo est; solum exigeret, ut anima sua ipsum informaret lucido illo splendore, quo iustorum animæ informaturæ sunt corpora sua, communicantes ipsis luminibus gloriæ, quod Majestas divina illismet communicavit, in præmium satisfactionis, quam hac in vita dederunt divinæ iustitiæ per opera sua heroica, elevata meritis passionis & mortis D.N. Jesu Christi. In nostro autem casu evidens est, quod opera istius sancti Regis fuerint radicata in vera sanctitate: quandoquidem sciamus, quod vixerit & mortuus sit cum opinione sanctitatis, juxta sensum communem & venerationem omnium fidelium; quæ hodieque perseverat, continuata plus quam quadringentis annis, continuaturque cum majori semper devotione & fervore: quod ipsum arguit superiorem aliquam causam tam continuæ perseverantiæ.

106 Et sane videtur mihi nullum formari posse ratiocinium humanum, quo evincatur contrarium: quin potius in hoc comprobatur ipsa sanctitas, cum respectu ad humanæ naturæ potentiam, si mihi permittitur, hanc veritatem comprobare effato Gentilis Aristotelis, dicentis, Id quod omnibus videtur, impossibile est omnino esse falsum. Quod duo, aut quatuor, vel pauci quidam, fallantur, possibile est communi iudicio: ut autem omnes in communi unius veritatis comprobatione fallantur, est impossibile. Consideretur quæso tempus & numerus seculorum, quibus duravit æstimatio, cultus, veneratio, & fervens devotio erga istum venerabilem Dei servum,

Idem communem opinionem sanctitatis,

*tot seculis
communitam,*

*infallibilis
testimonii
locum tenere
censet,*

in omnibus populis & regnis, tam Catholico quam Principatui externo subiectis; & patentissima in luce apparebit veritas, quam meo tenui iudicio assequi videor. Denique accedit, quod novissime appellatus sit Sanctus, & honoratus tamquam alii Sancti, atque ut talis permissus & toleratus honorari, non solum à Prælatiis & Superioribus ordinariis, sed etiam à Sede Apostolica, quam regit & gubernat Spiritus sanctus, per cuius auxilium speramus Canonizationem ipsius, ad honorem & gloriam Dei ac Domini nostri.

Et declaracionem concludit.

107 Hæc est mea in hoc iudicio sententia quam ratam probatamque habeo, tamquam de visu & inspectione ipsius corporis venerabilis servi Dei, secundum scientiam & experientiam quam consequi potui spatio annorum quinquaginta, quibus medicinam profiteor. Si errem in aliquo, quod non bene intellexerim; nullo modo intendo discedere à sensu & doctrina sanctæ Ecclesiæ Catholicæ: quia in tali casu omnimodis me resigno & subjicio, tamquam fidelis & catholicus filius Ecclesiæ; neque tantum ipsius luci & mandato cedo, sed etiam cuicumque meliori ac saniori iudicio.

*Deputatio
Canonicorum
pro causa
directione.*

108 *In eamdem sententiam ac formam arbitrati sunt, tum alter Medicus, tum Chirurghi duo: & eisdem antehac consonæ fuerunt resolutiones eorum, qui anterioribus visitationibus interfuerunt, conservationem sancti corporis approbantes pro stupendo & continuo miraculo.* Porro jam inde à principio huius tractatus, & specialiter ab anno MDCXXXIV, inquit Zuniga, quo Decanus & Capitulum Metropolitanæ Ecclesiæ in se sumpserunt totam curam & impendium, huic sancto negotio necessarium, habuerunt semper formatam Deputationem, quæ singula agenda particulariter dirigeret, mutatis identidem pro temporum varietate personis; quibus liberali manu Decanus & Capitulum, sicuti

sicuti Philippo IV Regi Catholico promiserunt, contribuunt quidquid eis est necessarium ad finem consequendum. Qua sane in re insignem animi sui generositatem declarant, tamquam digni successores antiqui illius Hispalensis Cleri, qui ad fabricam edificandæ ecclesiæ novæ Cathedralis, cui similem Hispania tota habitura vix esset, generose cessit suis omnibus proventibus annue percipiendis, modico eo quod ad necessariam sustentationem sufficeret contentus, quoad absolutum opus esset; quod Sanctio Rege, atque adeo ante annum MCCXCV cæptum, sub Joanne II, id est non diu ante annum MCCCCVII primo finitum fuisse, ait Rodericus Carus lib. 2 cap. 4. ipsius descriptionem daturus, qualem antea etiam Morgadus dederat lib. 4 cap. 2. Similiter in instructionibus mihi missis lego, quod Capella S. Clementis (quæ ad commodiorem Sanctissimi Sacramenti administrationem in veteris ecclesiæ claustro constructa steterat jam inde ab anno MCCXLVIII) nova opere longeque pulcherrimo juxta novam ecclesiâ fuerit parentum nostrorum memoriâ condita; præter eam quam Fabricæ Præfecti ex arario suo poterant erogare summam, conferentibus Beneficiariis omnibus certas suorum reddituum portiones. Et hoc est quod Sanctuarium appellant, novæ architectonicæ specimen pulcherrimum intus ac foris, visuque jucundissimum.

CAPUT XIII.

Canonizatio Sancti Regis, inchoata à Clemente Papa X, Hispali nuntiata.

109
Premissis
motus Cle-
mens X de-
cernit

ANno tandem MDCLXXI adfuit tempus, quod, ut ait *Zuniga*, destinaverat Deus in maximam Hispanicorum regnorum & civitatis Hispalensis gloriam, per S. D. N. Clementem Papam X, qui die IV Februarii declaravit Regem Ferdinandum, ut Sanctum coli posse, festumque concessit in die ejus Natali celebrandum, sub ritu Duplicis, per omnes ditiones Hispanice monarchie subiectas, expeditis die VII ejusdem Februarii Pontificatus sui anno primo in hanc formam litteris: Gloriosissimos celestis Jerusalem Cives, illos præsertim, qui in diebus peregrinationis suæ, tametsi in rerum humanarum sublimitate positi essent, non sperarunt in lubrico divitiarum, nec in Regiæ potentia dignitatis; sed magna illa virtute humilitatis (qua fit, ut omnia terrena cacumina, temporali mobilitate nutantia, non humano usurpata fastu, sed divinâ gratiâ donata celsitudo transcendat) solidati bellarunt bella Domini; & unico illi fundamento, quod est Christus Jesus, innixi, superædificarunt aurum, argentum, lapides pretiosos, manentisque operis mercedem in æternæ salutis stabilitate accipere meruerunt, congruis honorum laudumque præconiis in terris celebrandos esse merito censemus. Ac proinde flagrantia id ipsum Regum orthodoxorum, non minus pietatis aliarumque Christianarum virtutum, quam Regii fastigii splendore fulgentium vota, paterno affectu exaudimus; sicut ad Ecclesiæ Catholicæ decus, spiritualemque fidelium populorum adificationem atque devotionem fovendam

vendam & promovendam conducibile in Domino fore arbitramur.

110 Cum itaque alias, videlicet die xxix Maji quod anti-
MDCLV, Congregatio tunc existentium S. R. E. Car- quitate cul-
dinalium, sacris Ritibus Præpositorum, ex dedu- tus suffi-
ctis in processu auctoritate Apostolica confecto, ciente præ-
super casu excepto, declaraverit, de illo constare bata,
ex cultu exhibito servo Dei Ferdinando III Regi
Castellæ & Legionis, cognomento Sancto, per im-
memorabilem temporis cursum excedentem me-
tam centum annorum, ante Decreta fel. rec. Urba-
ni Papæ VIII prædecessoris nostri, cum scientia vel
tolerantia Ordinariorum, & emanatum desuper di-
ctæ Congregationis Decretum recol. mem. Alexan-
der Papa VII, etiam prædecessor noster, die xxxi e-
iusdem mensis approbaverit; & inter alia plenissi-
me constiterit, de celebratione Missarum in hono-
rem prædicti Servi Dei, prout de Sanctis celebrari
solent, tam in Sacratio veteri, quam in Capella Bea-
tæ Mariæ Regum nuncupata Metropolitanæ Eccle-
siæ Hispalensis, ubi extat illius sepulchrum. Hinc
est quod Nos, piis enixisque carissimi in Christo fi-
lij nostri Caroli, Hispaniarum Regis Catholici, ac ca-
rissimæ in Christo filiæ nostræ Marianæ, earumdem
Hispaniarum Reginæ Catholicæ Viduæ ejus Geni-
tricis precibus, nobis per dilectum filium nobilem
virum Petrum de Aragonia, Ducem Segorbiæ &
Cardonæ, Regni Neapolitani Proregem, ac ejus-
dem Caroli Regis apud Nos & Sedem Apostolicam
Oratorem, ad præstandam Nobis ipsius Caroli Re-
gis nomine obedientiam missum, super hoc humili-
ter porrectis, favorabilem assensum, quantum cum
Domino possumus, præbere cupientes; ut in om-
nibus Regnis Hispaniarum, & Ditionibus eidem
Carolo Regi subjectis, & in Ecclesia SS. Jacobi &
Ildephonsi de Urbe nationis Hispanorum, de me-
morato servo Dei Ferdinando Tertio Rege, Missa &

*recitandum
Officium &
Missæ, sit de
S. Ferdi-
nando.*

Offi-

Officium de Communi Confessorum non Pontificum, sub ritu duplici, juxta Rubricas Breviarii & Missalis Romani, quotannis in perpetuum die xxx Maji, qua idem Servus Dei obdormivit in Domino, celebrari, & ab omnibus utriusque sexus Christi fidelibus, qui ad Horas Canonicas tenentur, recitari libere & licite possint & valeant respective, auctoritate Apostolica tenore presentium concedimus & indulgemus. Non obstantibus Constitutionibus & ordinationibus Apostolicis &c.

Et permittit votivum festum.

Quo nuntio festivo excepto Hispalis,

111 Hanc gratiam, *inquit Zuniga*, idem Pontifex ampliore mox fecit, die xi mensis præfati, permittens ut pro una sola vice celebrari posset festum unum votivum per omnia regna, præter illud quod in die Natali occurrit xxx Maji celebrandum. Cum autem adeo lætum nuntium pervenisset Hispalim die iii Martii, ubi propter immediate antea acceptas Roma litteras, felix quidem, sed non ita promptus successus expectabatur, etiam obduratissima corda soluta in lacrymas gaudii sunt. Advenerat nuntius ipsamet hora matutina, qua ad majoris momenti negotia convocari Capitulum solet. Nulla igitur mora fuit, quin referatis tabellis res publica fieret, expeditis continuo deputatis qui novum gaudium Prælati & Magistratibus indicarent; & pulsatis confestim Metropolitanæ ecclesiæ signis, quæ reliquarum tota urbe campanarum concentus exciperet, & tantæ lætitiæ cunctos faceret participes. Aderam ego in ecclesia, *inquit Zuniga (unde deinceps sequentia accipimus)* fuique tam felix, ut inter primos rem intelligerem. Testari autem possum, inexplicabilem fuisse animorum motum in omnibus qui aderant; cum mutato repente stylo, qui dicere solebant, FERDINANDUS SANCTUS; coeperunt pleno gutture exclamare, SANCTUS FERDINANDUS; plerique vero properabant ad ejusdem corpus adorandum in capella Regia, quæ numquam intra se

con-

constipari vidit magis devotum affectuosumque concursum.

112 Mox sacra Sancti effigies collocata fuit super altari, quod in medio capellæ applicitum Regalibus tumbis : quo eâdem vespërâ venerabunde & processionaliter accesserunt ambo Capitula, in gratiarum actionem Archiepiscopo decantante orationem DEUS QUI BEATUM FERDINANDUM (*eandem venerabiliter, quam Ecclesia de S. Philippo Nerio sic profequitur*) Deus qui Beatum N. Confessorem tuum Sanctorum tuorum gloria sublimasti, concede propitius ut cujus solennitate lætamur, ejus virtutum proficiamus exemplo. Porro noctem breviorē fecerunt lumina, per omnes vicos domosque accensa : & sequenti die Jovis v Martii Audientia Regia Missam de Sancto Rege canendam curavit in Collegio Angeli Custodis, quæ fuit omnium Hispali prima : secutum mox est Officium Contractationis in conventu S. Pauli ; neque cessassent ex ordine alii alique, nisi judicatum fuisset sisti debere illum preproperæ devotionis cursum, donec Metropolitana ecclesia suo jure esset usa. Ex hinc ergo Decanus & Capitulum magnificentiam adornandæ festivitatis cœperunt metiri generositate & obligatione sua : maturandum autem & properandum erat, ut festum extraordinarium præcederet annuæ commemorationis recursum.

113 Primum ergo ex corpore Capituli missus est qui Regi successum gratularetur D. Joannes de Texada & Alverete Canonicus: deinde decretum, ante omnia esse curandum, ut corpus Sancti Regis, preparatum ab aliis sepulcris Regiis, eminentiori loco poneretur, nunc quidem extemporali opere profesto, postea vero durabili alio secundum descriptiones, quas esset facturus Capitaneus Franciscus de Ruesta, mathematicus & architectus præcipuus. Consultabatur etiam, unde, si esset habenda processio,

4 Martii
aguntur Deo
gratia.

consultatur
super festo
facienda
Rex.

cessio (quod erat ambiguum) haberetur urna tam sancto deposito circumferendo idonea; ac denique pro formalitatibus & assistentiis Ministrorum Regiorum determinandis ab Aula.

*Decernitur
erigenda
machina
triumpha-
lis.*


114 Tempus breve supererat pro tanto, quantum Decanus optabat, apparatu: cumque incipendum esset opus ab altari majori ipsius Metropolitanae, erant qui volebant ei praestruere machinam, occasione praesenti accommodatam. Verum quid concipi potuisset, quod ejus magnificentia non excederet, etiam absque ornatu extraneo? Reprobata ergo istiusmodi cogitatione, obtinuit sublimis idea Joannis de Baldes, pictoris sculptorisque incomparabilis: qui suggestit, in eadem longissima Basilicae navi, inter chorum portamque principalem, ubi in festo corporis Christi solet exponi Sanctissimum, erigendam machinam triumphalem, ad earum imitationem, quas Heroibus suis erigebat antiquitas. Quod tam feliciter magnificeque successit, ut qui festivos solennitatis hujus apparatus integro volumine describendos sibi sumplerat Don Ferdinandus de la Torre-Farfan, quamvis omne ingenii acumen, styli proprietatem, doctrinae studiis acquisitae excellentiam in hoc contulerit; imparem se fassus, auxilium a sculptura petierit; ut quod non satis poterat verbis, utcumque exprimeret lineamentis,

CA.

na tith
lenique
m Re-

quan-
digen-
opolita-
nam, oc-
uid con-
on exce-
probat
fms ica
e incen-
re Baffi-
dem, ut
fuffum,
rum in-
antiquas
ut qui fe-
o volumi-
nandus de
acumen,
ne excel-
fuffus, in-
latis pote-
entis.

Ca.





Machin
Met

E
qu
h
m
qu
fient exp
malerunt
Primum ita
Sacarii
uere: qu
com pūtaru
menta, qua
mias Sancti
bus sua
bellana ling
16 Cem
Ferdinand
ntem pe
profexas
rens, cam
ritura; Le
congre
ompiam ab
Eccl
ians, par
ar ifud e
tem meat
bus, sim
le e iust
riptura

CAPUT XIV.

Machina triumphalis, Sancto ante chorum
Metropolitanæ erecta, eique respondens
majoris portæ ornatus interior.

Exemplo Zuniga, lectorem suum ad præcitatum su-
periori Capite festorum librum ablegantis, potuissem
hic calamus sistere & ad ulteriora transire: sed pati
noluit Capituli magnanimitas. Intelligens enim
quanto omnia elegantius sculptores Belgæ eadem
possent expressa dare, in minori & huic libro congrua forma
maluerunt me scriptorem priorem quam posteriorem imitari.
Primum itaque templi augustissimi Frontispicium, adjunctiq;
ei Sacrii latus vide; tum Machinæ triumphalis faciem unâ
intuere: quam dum describo paucis, etiam intellige, tabula-
rum pictarum atque emblematum eodem spectantium argu-
menta, quæ tacitus transeo, similiter ut in prima facie, ex he-
roicis Sancti Regis actionibus virtutibusque desumpta fuisse,
quibus sua quæque lemmata epigrammataque Latina & Ca-
stellana lingua respondeant.

116 Centrum totius machinæ inferioris Ecclesia obtinet, Ferdinandum ad pedes sibi inclinatum excipiens, & mon-
strantem per quatuor ejusdem machinæ latera suis in basibus
genus flexas Hispalis, Cordubæ, Murciæ, atque Giennii
regna, cum hac ad basim primariam, in qua consistit ipse,
scriptura; Leva in circuitu oculos tuos & vide: omnes
isti congregati sunt venerunt tibi. Hanc scripturam,
sumptam ab Isaia cap. LX explicant Latini Castellanique ver-
sus: & Ecclesia, sibi ipsique in scuto quod sinistra tenet gra-
tulans, pari poëseos utriusque elegantia reponere ei vide-
tur istud ex Psalmo XV, Tu es qui restitues heredita-
tem meam mihi. In tribus reliquis basis prædicta late-
ribus, simili modo gemina lingua paraphrasis metrica, Ec-
clesiæ ejusdem nomine, applicabat Regi Ferdinando hæc
Scriptura loca: Ad alligandos Reges eorum in compe-
dibus

Representa-
tur Sanctus
Ecclesia ex-
hibens sub
jecta sibi
Maurorum
regna,

dibus. *Psal.* CXLVIII. Deducet te mirabiliter dextera tua *Psal.* XLIV: & Ego primogenitum ponam illum, excelsum præ Regibus terræ. *Psal.* LXXXVIII. Sic etiam *Hispalense* regnum clavem porrigens fingeatur dicere, Non erit qui claudat, ex *Isaia* XXII; *Cordubense*, Qui vicerit possidebit hæc, *Apocal.* XXI; *Murciense*, Quia contrivit portas æreas. *Psal.* CVI; *Giennense*, Possidebit semen tuum portas inimicorum, *Gen.* XXII. Quibus etiam omnibus subjecta legebantur in eundem sensum concepta epigrammata Latine atque Hispanice.

117 Ast illa prætermittens, solum hic notabo quatuor principales titulos, totidem faciebus assurgentis paulatim machinæ sic inscriptos. I. Ferdinando Regi, pio, felici, triumphatorique perpetuo, inter Duces auspicatissimo, Indigetes inter felicissimo, ob rem Christianam optime gestam, pietate potius quam armis assertam in regnum religionemque Baticam, Maurorumque gentem attritam, sacris Hispanorum fastis quondam adscripto, recens cultui exposito. II. Clementis X, nomine ipso felicitatem Divo Ferdinando præfagientis, aeterno seculorum plausu vicariam Dei potestatem agentis, universo Christiani orbis consensu sacros honores etiam decernentis, munificentia integerrimæ. III. Caroli II Hispaniarum Regis vel ab infantia & monstris formidandi, nomine magno Thraciam concutientis, spe lætissima Ecclesiam afficientis, progenitorem Divum ideam sibi præscribentis, ejusque sacra à summa Sede impetrantis, catholicissimis auspiciis. IV. Marianæ Austriacæ, augustæ, magnæ in cunis, magnæ in thoro, magnæ in prole, Ferdinandi quartæ decimæ sobolis, orbique Reges diva posteritate tradituræ, piissimis officiis, gratitudinis ergo Patriarchalis Hispalensis ecclesia.

118 Convexo fornici machinæ inferioris, in modum templi conformata, imposita basis, ex quatuor lateribus partem aliquam continebat historiae, affabre pictam in tabula:
sic

sub titulis
ipsi Sancto,

Clementi
Papæ,

Carolo Re-
gi,

Reginae ma-
xime positis.

fic ut anterior triumphantem pro Ferdinando Virginem
Hispani induceret, sub hoc versu Psalmi CXIII. Non nobis
 Domina, non nobis, sed nomini tuo da gloriam:
que verba hoc deinde carmine explicantur:

*Supernus
 pingitur
 Sanctus in-
 ducens Hi-
 spalim D.
 V. effigiem,*

Cælorum Augusto vehitur Regina curuli,
 Quam pedes insequitur Rex, præit agmen o-
 vans.

Vincentis Mauros Fernandi est dextera: at illa
 Pugnantis Regis duxit in arma manum.
 Ergo triumphanti Mauros sit gloria Divæ,
 Auspiciis cuius castra inimica ruunt.

119 Porro ex uno laterum Sanctus Rex conspicitur,
 Hispanense templum dedicans; ex altero, idem coram sa-
 cro Viatico de lecto in terram ægrum corpus provoluens;
 à tergo denique idem cernebatur, animam Creatori felici-
 ter reddens, cum datis sibi ab eo Coronis, vicissimque eter-
 nae gloriæ coronam accipiens; sub hisce Epigraphis: Sedes
 tua Deus in seculum seculi. Psal. XLIV. Scidisti vesti-
 menta tua & flevisti coram me, ego quoque exau-
 divi te. II Paralip. xxxiv. Annuntiaverunt cæli iustitiam
 ejus Ps. xcvi: quæ omnia, æque ac alia, epigrammate Lati-
 no pariter & Castellano illustrabantur, super splendida du-
 ctilis argenti scuta. Angulos hujus basis circumstebant
 statuae, quarum in imagine solum duæ cernuntur; & hæ, ex
 habitu subscriptoque nomine, cognoscebantur esse Seculum
 felix, & Oratio efficax: quæ vero in recessu latent,
 indicantur fuisse Mars indefessus, & Victoria perpe-
 tua. Singulis breve lemma, ex antiquis scriptoribus sump-
 tum, aptabatur in scutulis positis ad initium volute, su-
 pra Zophorum sursum nitentis; puta sub ea cui Seculum
 Felix imminet, hoc Plinii secundi in Panegyrico ad Tra-
 janum: Est enim vera felicitas, felicitate dignum vi-
 deri: aliaque aliis tribus personis proportionata.

*cum paver-
 gis statuæ
 rum:*

120 Super quatuor portas, ex angulis majoris machi-
 nae lateraliter procurrentes, totidem ascendebant palme,

T

galea

galea superne laureata onusta, & ad pedem victricibus Regis Sancti armis circumornata, sub hisce lemmatis. i. Indutus est iustitia ut lorica. ii. Galea salutis in capite ejus. iii. Indutus vestimentis ultionis. iv. Et offertus est quasi pallio zeli. Extimis vero earum portarum pilis superstabant ramosæ quercus, dependentibus undique barbarorum devictorum spoliis onusta, sub circumvolitante lemnisco, cui inscriptum, Fernandus Deo hæc de perduellibus arma, metro quidem non usquequaque ad leges poëticas exacto; sed satis apte expresso ad Virgiliani hujus imitationem,

Æneas hæc de Danais victoribus arma.

121 Supra quadrilateram vero, quam dixi, basim ejusque cornidem, in tanto arctius spatium paulatim assurgens machina quanto fiebatur sublimius, habebat in angulis palmiferos Genios, inscriptam rotulis, quos tenebant manibus, litteris cubitalibus exhibentes quadripartitam sententiam ex Isaia LXII, — ERIS CORONA GLORIÆ — IN MANU DOMINI — ET DIADEMA REGNI — IN MANU DEI TUI. — Et hæc omnia claudebat splendido nubium globo insistens statua S. Ferdinandi, regaliter induti armatique, pro ratione altitudinis sue aucta ad mensuram pedum decem cum dimidio, altera gladium tenens, coronam altera; hanc velut acceptam celitus, istum pro Deo exertum. Et quoniam Basilica fornix non exiguo adhuc omnia transcendebat intervallo, spatium fuit componendo desuper insigni calo, in quo tremendum Jehovahæ nomen circumdabant Seraphini; præter Angelos, qui velut ex aëre lapsi novo Celiti videbantur in occursum advolare, tanto artificio compositis omnibus, ut non suspensa de fornice, sed librata in aëre per se consistere viderentur, totamque machinam desuper operire.


122 Alia plura, quæ verbis describere modo non vacat, ejusdem machine ornamenta, facile docebit sculpta hic tabula, minori mole, elegantia majori, opus ipsum sicut stetit

ex

fructu
vinitu
utis in
tv. Et
om per
denidm
fab co
tus Deo
n alpe
preja ul

Im egi
m ajur
ut in a
trechur
partum
LORIE
LA REG
et omia
S. Per
abitu
denidm
ut accip
am lapi
ut inter
calo, in
eraphur
lari vi
tempore
a in di
nam de

vacat,
hic te
ut fieri
ex-



exprim
defectu
cantib
chinam
gestu
pus erian
fo huma
moles re
tius: q
pet sorat
ex quan
ex parte
123
rui, si so
machina
templi po
culatur e
columnar
portam em
lo magu
scriptum l
Dominu
hi homo
sto Regi
P. Joanne
to ex litte
lius rudi
de illo H
tur; pra
DOMTNI
EID. FA
ENEMIC
124
fura coll
Spectab
Philipp
unde Fat

exprimens; nisi quod sculptori licere volui, ut corrigeret defectum passim notatum à peritis, cum res staret, iudicantibus altius à pavimento ecclesie attolli debuisse machinam: quod hic factum, excitato graduum aliquot suggestu, per quem ascendatur ad illud quasi templum: cuius etiam structura, quoad primum ordinem porticum iusto humilior visa, hic cernitur aliquando elatior: atque ita moles reliqua ad decem pedes nostra in tabula assurgit altius: quia cum eadem moles iterum erigenda erit (quod fiet forsatis cito) curandum intelligo, ut spectantium oculis ea quam periti requirunt satisfactio detur, sitque opus omni ex parte absolutum.

123 Istis circumcirca ex omni latere diligenter consideratis, si spectator, rursus ante prememoratum in media navis machinam constitutus, sese convertibat, & ad principem templi portam, qua fuerat ingressus, reflectebat oculos; obiciebatur ex adverso theatralis apparatus, capitella majorum columnarum altitudine excedens, ea forma, ut alte supra portam eminerent, Vexillam regium, Gladius, & Scutum sub magnifica umbella, supravolitante lemnisco, cui inscriptum legebantur ista Psalmorum Davidicorum verba, Dominus mihi adiutor, non timebo quid faciat mihi homo: ego despiciam inimicos meos. Hanc Sancto Regi fuisse familiarem tesseram haud temere divinavit P. Ioannes de Pineda in suo Memoriali; argumento sumpto ex litteris, perquam barbarice ac vitiose; pro seculi illius ruditate, sculptis circum labrum scyphi auret, qui ab illo Hispalensi ecclesie donatus inter Reliquias conservatur; prædictaque verba sic notata exhibet: DOMYNVS. DOMYNVS. MYCHI. AIVTOR. ET. NON. TYMEV. KID. FACIAD. MYCHI. OMV. ECHV. DESPICIAM. ENEMICOS. MEOS.

Ornatus interior porta principalis

124 Vtriusque lateris argumenta licebat partim ex pietura colligere, partim intelligere ex adjunctis lemmatis. Spectabatur enim hinc quidem Rex Sanctus, filium suum Philippum instituens Archiepiscopum Hispalensem; inde Fama, buccinans magnalia Metropolitanæ Ecclesie, ab

ac Interius ejus.

codem fundata.; dum hic legebatur ex Martiali Poëta he-
 mistichium tale, Unum præ cunctis fama loquatur
 opus; inde ex cap. 48 Geneseos, Do tibi partem unam
 extra fratres tuos, quam tuli de manu Amorrhæi in
 gladio. Superne vero totum utrumque opus absoluebant
 emblematica expressiones elegantes duæ; sic ut in earum u-
 na ostentarent se gemina brachia, Christianum Mauricum-
 que vexillum protendentia, quorum hoc ex inimicis re-
 latum carebat litteris tesserariis S. P. Q. R. quas ex bar-
 barorum mente legere oportuisset, SARACENORVM PO-
 PVLO QVIS RESISTET? translata autem in vexillum
 Christianum, dicere videntur, SANCTVS PIVS QVE REX;
 Ex aduerso autem representantur gemina dextera, armata
 una, altera oculum in palma gerens, alata utraque: quibus
 doceatur Rex, velut ambidexter, suis in actionibus fortitu-
 dini prudentiam, & utrique exequendi operis celeritatem
 junxisse.

CAPUT XV.

Apparatus festivus Sacelli Regii, Atrii,
& Sacrarii.


125
 Delibato
 strictim or-
 natu Sacel-
 lorum late-
 raliū,

Placeat nunc mente sequi circumitutum lateralialia
 amplissimi templi Sacella; in quibus adornan-
 dis, serica veste & supellectile argentea, sic la-
 boravit patronorum custodumque zelus, ut non
 sit permissus evagari ad nova in iis opera fabri-
 bricanda; ne scilicet unus alteri impedimento foret, ipsi-
 que principalioribus operibus, in tanta angustia tempo-
 ris, subtraheretur numerus necessarius fabrorum. Vnum
 novum & omnibus commune fuit ac satis mirum, quod
 prætensa singulis sacellis crates potuerunt simul omnes no-
 vo auro obduci; alterum æque gratum oculis spectaculum
 faciebant parietes, peristromatis sericeis vario colore vario-
 que ingenio convestiti ubique. Sacellorum autem singulo-
 rum propria & particularia decora strictim percurrit liber
 Festo-

ba he-
quatur
unam
haci in
tuebat
um a-
arum
sics re-
ex he-
VM po-
cutione
TE JED
e, an
e, an
e, an
e, an

Actu,

in laudo
alman-
na, se-
u, et
peru-
fide-
res, q-
fide tem-
um, Ius
um, qui
lumen
fide-
lone car-
m fide-
m fide-
fide



Reſta
die po
intena
ca par
bus ve
cella;
ciorum
conuen
eleganti
patum.
por; A
que ped
eleganti
ſſis oma
rum int
exhibeo
conſpect
deri pot
tium. At
tarris,
ſuo cont
126
ſſo anti
capite ſe
ad initia
ſſi Regi
majori in
dicat. Et
pere ars
rio, ut
core,
preſiſſis
cum va
preſecti
netur,
ceptum

Festorum : sed ea, cum sint perpetua, & videri quotidie possint, nihil attinet prosequi cum eodem : nec enim intendimus describere minutim omnes augustissime Basilicæ partes. Ergo silentio præteritis viginti duobus lateralibus versus Austrum altaribus, intra non multo pauciora Sacella ; præterita etiam commemoratione insignium adificiorum, ejusdem meridionalis lateris cornu extrinsecus circumcumentium, ad quæ ab ecclesia patent porte, opere tam eleganti elaborata, ut nihil iis debuerit potueritve ad ornatum addi ; ut sunt Ararium, vulgo Contaduria major ; Anticapitulum ; Capitulum, centum triginta quinque pedes circumferentia sua ovali complexum (quæ omnia eleganter describit liber Festorum) præteritis, inquam, istis omnibus, lectori æstimandum relinquo tantorum operum interiorem venustatem, ab exteriori forma, quam sic exhibeo in tabella, ut eidem ex parte adjunctum voluerim conspectum lateris Borealis ; quatenus post turrim videri potest hemicyclus dimidius capellæ Regiæ, & initium Atrii sive Claustrî, cui adheret latus Orientale ipsius turris, extimum ecclesiæ ad Euro-boream angulum angula suo contrario attingentis.

126 Tali modo compendium faciens temporis, recta te exhibetur sisto ante ipsam capellam Regiam, quæ mediæ navî pro Sacellum capite seu parte suprema crucis est. Etenim in hoc sacello, Regum, ad initium graduum versus altare ducentium, consistit Sancti Regis monumentum, cum altari ejusdem ; & in ara majori imago Deiparæ, quæ sibi à Regibus nomen vindicat. Hujus primarii Sacelli parietes, quamvis eos tanto-novo peripere ars excoluerit opere architectonico & sculptorio va-petasmate vestitum, rio, ut dubitatum diu fuerit, essetne futurum satis ex decore, si peristromatis, quantumcumque auro & serico pretiosis, convestirentur ; quia tamen nova festivitas novum videbatur apparatus exigere, placuit custodiæ illius præfectis Presbyteris, tam pilas quibus epistilium sustinetur, altas triginta pedes, latas quatuor, quam interceptum pilis spatium, contegere insigni unius formæ peri-


petasmate, ad hunc finem confecto ex panno rubro, partim Damasceno, partim holorisferico villoso, perpendiculariter atque alternis ducto à summo deorsum, castellisque & Leonibus effigiato, quemadmodum in proxima tabula videre est.


127 Porro ne ignoraret spectator, quorum studio sumptuque curata fuerit res tota, solum opus erat legere dedicatorium titulum, sesquipedalibus aurei fulgoris litteris, epistilii circumeuntis fundo inscriptum, in hanc sententiam: Castellæ & Legionis Divo Ferdinando Regi, nomine Tertio, pietate Primo, virtute bellica nulli secundo, Majorum gloriam, Maurorum copias, fama, potentia superanti, justitia, dum vixit; corpore, post mortem, integerrimo; sacri corporis in Regio sacello Presbyteri Custodes, nuper inter Cælites accenso, bene merenti Patrono; ex clientelæ munere, ex gratitudinis debito, hanc pompam gestientes erexerunt. Ingredientibus autem utroque ex latere spectandus exhibebatur Rex Sanctus, sub papilione suo; hinc quidem genibus flexis & junctis manibus orans, interim dum in aëre offertur sibi spectanda civitas, & Angelus eo tendere jubens, quod inferius scripta verba sic explicabant: Ecce Dominus misit Angelum suum, & præparavit viam ante faciem meam. Malach. 3; inde vero dormiens intuensque Deiparam, exhortantem ad opus tam gloriosum, cum hoc lemmate: Mitte illam de cælis Sanctis tuis, & à sede Magnitudinis tuæ, ut mecum sit & mecum laboret Sap. 9. Ulterius vero, representabantur Regis Caroli atque Regine Matris ad vivum expressæ imagines genuflexæ, ab Regio utrimque baldachino: ut qui personalliter adesse festivitati non poterant, eidem perpetuo assisterent in effigie sua.


Ornatus
fontis Bapti-
stinalis

128 Hinc per navim ecclesiæ Borealem, ubi totidem quot supra sacella similiterque apparatus erant, progressus usque sacellum Baptistarii, cujus labro ex jaspide octogona
cir-









circum
adina
tanta
stingue
Paradi
quidem
in quo
Paradi
sumo e
in eade
rens, sic
teriore
forum
latere ip
marium
si tholo
ginti q
praece
suta cu
operis
toms an
tata.
129
tis, lice
grus eff
cutur)
centum
teneat d
spectiva
Cleme
monstra
res, pos
sentari
mi com
velut
seperu

circumducta nova totidem laterum atque columnarum machina, desuper autem in modum pyramidis assurgens, tanta arborum florumque & fructuum omnigenorum distinguebatur varietate, ut forma quedam extemporalis Paradisi in ea exprimi videretur; præter argumentum quidem præsentis festi, sed non præter exigentiam loci, in quo recuperatur per sanctum lavacrum gratia amissa in Paradiso terrestri. Secundum hoc sacellum, per elegantissimam ex marmore portam, ingressus datur in sacrarium in eadem cum templi frontispicio linea lateraliter procurrens, sicut utrumque exhibet supraposita tabula. Ejus in-^{atque Sac-}terioris fabricam ac formam multis describit liber Festorum: quo lectorem remittens, & quatuor utroque ex latere ipsius posita altaria pertransiens, sisto cum ante primarium ipsius Sanctissimi Sacramenti sacellum, sub elegantissimi tholi pedes omnino triginta tres latum, profundum viginti quatuor. Hujus latera veluti stipatores hinc inde prætexebant bicipites Aquilæ, usque ad pedes sexaginta elevata cum suis basibus; plumas habentes argenteis varii operis scutulis iuxta cum proportionem contextas, capita coronis aureis insignia, ungues quoque & rostra inaurata.

129 Altare, præstructum altari ordinario S. Clementis, licet speciosissimo (in quo ipsum Sanctissimum, ad e-^{novo altari}gro effereandum aut communicantibus distribuendum, ser-^{instruati,}vatur) quale in adjuncta imagine cernis, altum pedes centum, sic erat conformatum, ut mediæ tabule locum teneat duorum utrimque arcuum porticus, ad modum perspectivæ; quam inter solo tenuis demissa nubes, hinc S. Clementem in sublimi confidentem habent, manuque ^{ubi repre-}monstrantem viam Hispalim versus, cujus mœnia ac tur-^{sentatur}res, post longa camporum spatia eminens videbantur repre-^{Sanctus Hi-}sentari; inde Ferdinandus, Fide Sacramenti sanctissimi comitatus, per nubes easdem in terras defluerat, ^{spalim ten-}velut iter Hispalim versus iniens, applaudentibus desuper ^{dens,}sceptrumque ac coronam ferentibus de celo Angelis; cui

repræsentationi subjectus limbus ex Apostolo Iacobo sic loquebatur : Vides quoniam fides cooperabatur operibus illius , & ex operibus fides consummata est.

Deipara & Columnarum utrimque fundamentum ample patens, hinc
S. Clementis promissis
fretus, dormientem sub papilione Regem habebat, apparente eadem Deipara, ac velut dicente id quod interpilari Angelus alte efferebat supra caput scriptum, ex libro Genesios, Terram in qua dormis tibi dabo & femini tuo; inde coram apparente S. Isidoro exhibebat genuflexum eundem Regem, & alius superstans interpilari Angelus, simili ex scuto faciebat huic illum dicere istud Psalmi xxxiv, Restitue animam meam à malignitate eorum, intelligendo Hispalensem civitatem, à Mahometica spurcitia expurgandam & Catholicæ fidei reddendam.

130 Desuper sub coronide prominebat, & late legébatur hic titulus : Clementis aspirantis auspicio, ob sanctam, actio de barbaris triumpho, reducem à cælo fidem, claris quæ infecerat Arabs primævæ gloriæ subselliis, almæ Hispalensi Sedi in potenti brachio redditam, cultus benemerenti, acerrimo Christi athletæ, Ferdinando tertio, Castellæ ac Legionis Regi sanctissimo, fortissimo, felicissimo, Patrono Bæticæ, sacer splendidus ordo Hispalensium, quem in augustissima Eucharistia sibi pro colendo fidei mysterio Deus-homo delegit, curam sumptus addixit. Opus porro totum desuper coronabat Victoria, ex armis vexillisque barbaricis confecto throno insidens, & supremum fornicis arcum suo pene capite contingens, cum hoc lemmate ex Epistola I Ioannis : Hæc est victoria, quæ vincit mundum, fides nostra.

131 Sacrarium hoc communiter obtinent prænobiles Confraternitates due, altera ad sanctissimi Sacramenti honorem promovendum, altera ad procurandum purgandis post obitum animabus auxilium instituta; unde partitam etiam



Cassero Baultræ facti aqua forti.

etiam in
dion. I
rari or
suo mag
Clausu
strum S
Clausu
rentium
anno sa
longius
Sacrar
reale la
cidentale
medium
templi sp
parte for
spectanti
Occident
supere st
lis arcum
integrum
cum nunc
aptatum in
122 Hoc
diebaris p
cuius nri
cibus illis
stibat sp
pluribus p
tibus, con
angulum
credere
gumenti
figurasque
tur. Sing
serie circ
faciendis

etiam inter se habent lateralium, quæ dixi, sacellorum custo- ^{Clastrum}
 diam. Hac tamen vice Sodalitas secunda, totam totius Sacra- ^{seu Atrium}
 rarii ornandi curam priori relinquens, velut ipsi ex titulo ^{vetus adha-}
 suo magis propriam; excolendum sibi sumpsit Atrium sive ^{rens latera-}
 Clastrum: quod quia lateri ipsius Sacrarii inheret, Clau- ^{liter templa}
 strum Sacrarii appellant aliqui, sed magis ordinarie vocatur
 Clastrum Naranjorum, id est arborum mala aurea fe-
 rentium ab earundem media in area consitarum insigni
 annosaque proceritate; Maurorum opus, & nunc quidem
 longius multo quam latius, utpote secundum latitudinem
 Sacrarii tanta præcurrens longitudine, quantam habet bo-
 reale latus templi usque ad turrim, ad cuius (ut dixi) de-
 cidentale latus pertingit. Videtur olim ipsa turris tenuisse
 medium lateris Orientalis locum; donec laxandis novi
 templi spatiis dejectum est totum latus Meridionale, cum
 parte fortassis tertia laterum Orientem atque Occidentem
 spectantium. Ex quibus rursus sublata est pars reliqua
 Occidentalis, illi quod dixi sacrario locum factura struendo
 superest ergo ex veteri fabrica lateris Orientalis pars Borea-
 lis arcum septem, & totum fere latus Boreale, quod cum
 integrum staret scribente Morgado arcum fuerat quindecim,
 nunc uno alterove brevius invenitur, quadamtenus
 aptatum in vestiarium aliosque usus adherentis sibi Sacrarii.

132 Hoc Atrium, quocumq; ex latere ingredi velles, ingre-
 diebaris per arcuatam insigniter operis triumphalis portam,
 cuius utrimque procurrentes alæ, prætendebantur porti-
 cubus illis vetustis, quodque utrimque à media porta re-
 stabat spatium erat pro longitudinis suæ ratione divisum
 pluribus paucioribusve pilis peribolum supremum sustinen-
 tibus, continuabaturque usque ad communem reflexionis
 angulum; sic ut unum latus intuens omnia te videre possis
 credere, modo velis concipere alterius atque alterius ar-
 gumenti, unum tamen scopum spectantis, fuisse picturas
 figurasque, quibus portarum singularum machinæ decoraban-
 tur. Singula interpilaria (quæ debuissent impleri duplici
 serie circumcuntium picturarum, si tempus tam multis
 faciendis fuisset) historiatis multiplicis argumenti ta-

petiis pratexebantur : quemadmodum vides in proxima tabula,

Mons in
ejus centro
supra fon-
tem elegan-
ter erectus,

133 Eiusdem etiam quam dixi Sodalitatis Animarum alterum fuit inventum, supra prægrandem fontem, qui centrum Atrii totius occupat ad omnes ecclesie usus appor- tunus, erigere ex truncis arborum candicibus montem sublimem, ad cuius summitatem ducere videbatur se- mita, spiraliter per cliuum illius ascendens; sumpto initio ab eiusdem operis porta, cui insidebat venustis- sima vernantis speciei Nympha, Naturam exprimens; & quem tenebat recens natum Sanctum tradens alteri splendidissime matrone, Gratiam divinam representanti, ad summum scilicet virtutum culmen per omnes ætatum gradus provehendum. Succedebant enim, quæ ex ordine illum sus- ciperent, primum Virtutes Theologicæ tres, tum Morales qua- tuor, insigni vestium & symbolorum cuique priorum ornatu conspicuæ; donec tandem perveniebatur ad fastigium montis, ubi inter nubes erectus super quatuor columnas thronus supremam Dei Majestatem, Angelorum choris cin- ctam, sustinebat, atque ante eam genuflexum Sanctum, eo in habitu, quem prædictæ Virtutes texuisse videbantur ex colore cuique proprio.

& porta
sibi invicem
in qua-
drum oppo-
sita;

quarum ex-
plicatur
una, per
quam erat
ingressus in
templum,

134 Hac machina præterita, veniebatur ad portam in templum ducentem: cui præstructum arcum placet tantisper explicare, ut inde de tribus aliis ceterorum laterum por- tis similibus conjectura formetur. Supra ipsam ergo portam templi, stabat, subvectus Angelicis humeris inter nubes, Sanctus, altera gladium, altera crucem ferens, cum hoc lemmate: Domuit orbem & ferro & ligno. Ab hoc principio, desuper sese explicans atque paulatim latior arcus trifariam dividebatur, pendent ex ipsa ejus clavi columba, Spiritu scilicet sancto, Doni septemplex auctore: quæ qui- dem Dona representabantur figuris muliebribus septem, in ipsius curvatura fundo spatioso depictis. Vtrunque sub epi- stilio explicata latera totius operis, bifariam dividebantur singula; intraque columnas vel pilas angulares, picturis quatuor ornabantur; quarum in dextro latere extima

Bereu-

Berengariam faciebat, regio insidentem throno, detractam capiti suo coronam imponere filia, ad genua flexo, cum lem- mate subjecto: Videte Regem Salomonem in diade- mate, quo coronavit eum mater sua. Interior pictura habebat Sanctum Regem, cum suo exercitu explicato per campum, Angelumque velut obumbrantem omnia, quibus subscriptum erat, Immittet Angelus Domini in circui- tu timentium eum.

135 *A sinistris interior portaeque ipsi vicinior tabula, ejusque ex ostendebat gentem Mauricam, muliebri schemate ad genua latere utro- Sancti in throno sedentis, accipientemque de manibus ejus que pictura. librum Christianae legis, ad quod declarandum subdeba- tur: Ego autem constitutus sum Rex ab eo, præ- dicans præceptum ejus. Ultimo denique exprimebatur idem Sanctus, Maurorum Hispalensem basilicam Deo at- que Deiparae consecrari faciens; qua propter etiam sub- scribebatur: Ecce plus quam Salomon hic. Singulis autem picturis suppositi Hispana lingua rythmi, singulas sententias explicabant diffusim: & quod subtus erat spatii, inter columnarum bases, occupabant quatuor paria vir- guncularum insignium, per adjuncta sibi symbola lemma- taque Beatitudines octo Evangelicas representare à pictore jussu. Quin etiam ipsarum basium lateribus singulis em- blemata varia inscribebantur, quæ minutim possunt digesta videri in libro Festorum. Ibidem legere etiam poteris, qui- bus in locis transiture pompæ processionali erecti fuerint arcus triumphales, quove argumento; quæ & quam sump- tuosa per plateas altaria; quot choreis festivis exercendis theatra; quanta opulentia expositorum ubique peristromatum & picturarum. Opus enim est ut librum ipsum festorum ad- eas quando hæc nostra summaria capitum præcipuorum deli- batio, modum jam excessit historici commentarii: cui pro- positum antiqua potius revocare in lucem quam recentioris memoriæ acta exornare scribendo.*

Alibi legen- da varia per urbem the- atra & ar- cus.

CA.

CAPUT XVI.

Festum sollemnissime celebratum : admiranda
quædam ipsum comitata aut secuta.

136
His aliisque
preparatis

Ipsum festum quod attinet, narrat porro de eo Zuniga, qualiter sabbato Dominicam Trinitatis præcedente, quæ tum cadebat in XXIV Maii, & fuerat nova festivitati, semel dumtaxat agende, destinata; inter utrumque Chorum, id est, in ipso templi mediæ navis utrimque cruciformiter excurrentis umbilico, steterit Sancti Regis statua, sculpta opere accelerato eleganterque inaurata, qualis erat sequenti die in processione deferenda. Deinde exponit causam, cur non nisi decimo ante illam die decreta supplicatio fuerit, metuentibus aliquibus, ut id per leges Romanas liceret; asserit nihilominus tam copiosum splendendumque fuisse domorum, platearum, vicorum ornatum; ac si neque potiozem partem artificum occupatam habuisset Metropolitana ecclesia, & à longo tempore preparare omnia per otium licuisset,

instituitur
Dominica
Trinit. Pro-
cessio.

137 Tandem vero, prætermisiss sollemnibus novæ festivitatis officiis, quæ totam Dominicam Trinitatis occupatam habuerunt, perduxeruntque longe ultra meridiem; aggredditur vespertine processionis, diem claudentis modum ordinemque describere, in multis similem ei qui fuit servatus in translatione anni MDLXXIX, & qualem quotannis videre est in festo corporis Christi; nisi quod hujus loco gestabantur, primo, inter Præbendatos Capituli Vexillum sancti Regis, à D. Lupo de Mendoza, Locumtenente Prætoris majoris Ducis de Alcalá, Equite habitus de Galatrava, stipantibus eum filio ejus D. Joanne de Mendoza & genero D. Josepho de Grena. Inter ipsos Capitulares, Hispalensis Assistentis D. Comes de Lences, Petrus de Villela, ferebat Gladium ejusdem Regis, non tamen ab aliquo Sacerdotum digniorum deductus, quod
ei

ei tamquam Reliquiæ nunc debebatur, sed secundum antiquum morem, in die S. Clemenris solitum usurpari. Assistentem sequebatur secundus ordo musicorum, ambulans ante tabernaculum portatile perquam illustre, sub quo deferebatur venerabilis omnibus S. Ferdinandi imago, stipata specioso satellitio Fratrum Societatis S. Matthæi atque sartorum. Succedebat Regia umbella (Pallium vocant) decem argenteis hastilibus elata à totidem Rectoribus civitatis, ex Viginti quatuor-virum numero sumptis.

138 Tum procedebat reliqua pars Capituli, & prælucentibus Isidoriani seminarii Collegialibus Regina Regum, in suo feretro argenteo, sub umbella, circum sonante tertio musicorum choro; atque post illam Archiepiscopus, assistentibus sibi ex Capitulo Diaconis quatuor, cum suis domesticis: agmen autem claudebat Tribunal S. Inquisitionis, cum suis familiaribus & Ministris; & Capitulum Rectorum urbis, etiam cum suis. Atque ita ducta processio, cum esset egressa per portam S. Michaelis, quæ est in frontispicio ad latus dexterum portæ majoris; ingressa est per portam turris, quæ consistit in latere etiam dextro capellæ Regiæ, totamque illius vespere periodum occupans clausit diem xxiv Maii, quo nullum lætiorum unquam habuit Hispalis, ab annis ccccxxii, mensibus v, & diebus iii, quando primum, xxiii Decembris anni mccxlviii, victor urbem ingressus est Ferdinandus.

139 Sequenti die sic est continuata festivitas, ut ne indultæ facultatis pro una solum die limites transirentur, cantatum fuerit Sacrum de sanctissima Trinitate, cum consueta ad gratias agendas Oratione. Feria iv factum de currenti tunc festo S. Joannis Papæ & Martyris, cum Collectis in gratiarum actionem. Feria v, die xxviii Maii, ad festum

optimo ordine ducta per urbem.

Et porro continuatur festivitas,

cum Octa-
va Corporis
Christi.

festum Corporis Christi agendum subservivit quid-
quid plateas ornaverant Dominica præcedenti ; ip-
sumque Sanctissimum , positum fuit intra suum
tabernaculum , collocatum in illa triumphalis ma-
chinæ centrali basi , supra quam antea visus fue-
rat ante Ecclesiam genuflexus Ferdinandus. Cum
vero in proximam ab ipso festo diem etiam cade-
rent solennes Vesperæ S. Ferdinandi , natalem
ejus diem inchoantes cum Indulgentia plenaria ,
quam usque ad secundas Vesperas duraturam con-
cesserat Pontifex , per Breve expeditum xxviii Fe-
bruarii ; & totâ deinceps Octavâ permanerent
iidem qui antea apparatus ; videbatur divina Maje-
stas rem ita ordinasse , ut honoribus suis admisceren-
tur hujus sui servi honores , qui semper illi myste-
rio cultum præcipuum detulerat. Denique ipsa
octava die & v Junii , Venerabilis Sacramenti
Confraternitas in Sacratio , sic ut vidimus appa-
rato , festum Sancti proprio nomine instauravit :
quod deinde per omnes urbis conventus atque ec-
clesias singulariter factitatum , cum quanto maxi-
me singulæ potuerunt splendore.

140 Hactenus Annales Zuniga nos deducunt , quibus
una cum sæpius nominato libro Fæstorum uti quod potuerim ,
debeo diligentie admodum R. P. Balibasaris Egues , tunc
cum hac primum moliri cepissem Præpositi Domus Professæ
Hispalensis , nunc autem Provincialis Bæticæ : cujus deinde
suggestione factum est , ut Illustrissimum Capitulum , accepta
notitia operis nostri meaque sollicitudinis ut tractatus hic
ad sancti sui Fundatoris honorem evaderet undequaque
instructissimus , moræ longioris impatiens quo expectan-
dus cum ultimo Maii Tomo credebatur , peteret urgeret-
que hanc anticipatam editionem , quæ secuturo ac porro
ulterius perficiendo operi majori præluderet. Habet Capi-
tulum istud , uti supra num. 108 dixisse memini , delectos è
suo corpore viros , quibus peculiariter commendata est cura
Ferdinandi , omnium , ad cultum venerationemque sancti Regis perti-
nentium ,

Deputati
Capitulares
pro cultu S.
Ferdinandi

mentium, sub appellatione Deputationis. Cum ergo deside-
rio predicto prompte annuissem, & in promissi executio-
nem intento nonnulla haud levis momenti dubia occurrif-
sent, quorum solutionem vix aut ne vix quidem sperare à
propria industria poteram; Deputatio predicta conatus meos
accurationemque pro veritate indaganda vehementer com-
mendans, & quidquid ad eos promovendos à se conferri
posset liberaliter pollicens, magna cum promptitudine misit Fe-
storum librum; deinde retuli ab iisdem congruum ad singula
quaesita responsum studiose digestum à D. Francisco Ponce
de Leon, Canonico & Archidiacono Hispalensi, ipsiusque
Deputationis nunc Præsides. Punctum responsi illius ultimum
ad questionem hanc meam, num quæ miracula com-
mitata secutave essent festivitatem, placet Latinum
facere.

14. Si miracula requirantur, quodnam haberi po-
test majus admirabili illa incorruptione corporis à
visitatione anni MDCXXXIV, usque ad eam cui ipsi præ-
sentes interfuimus, ne hilum quidem alterati; prout
eorum, qui utrique adfuerunt, medicorum collatis
inter se depositionibus liquet? Quid mirabilius, quam
quod concurrentibus ad hæc festa plus quam quin-
quaginta millibus hominum, in civitatem adeo po-
pulosam, ali omnes simul potuerint, absque eo quod
annonæ pretium saltem uno teruncio augetur, vel
inter cives externosque minima oriretur discordia,
vel furta, rapinæ, factiones, in urbe audirentur: sed
inter omnes pax & quies vigeret, condita gustu
suavissimæ & inusitatæ devotionis? Quid humanitus
poterat minus sperari, quam factum videmus, ut in-
ter plures quam sexcentos tum fabros tum fabro-
rum magistros, divisim inter se operis in capellis, in
sacrario, in turri, in claustro, in ipsoque ecclesiæ va-
stissimæ corpore laborantes, nemo aliquid sibi dees-
se quereretur, nemo alterum inturbaret, ne-
mini molestiæ quidquam infortuniive obveniret,
quamvis contingeret plus quam semel nunc scalas,
nunc

de novissi-
mis mira-
culis inter-
rogati,

premittunt
varia ad-
miranda

ipsam festi-
vitatem co-
mitata;

nunc alias res varias de summo labi inter subtus operantes, cum admiratione eorum omnium, quos casus opprimere aut graviter saltem potuisset offendere? Quid quod ex mensa Capitulari præbita sint in istarum festivitatum apparatus plusquam quinquaginta millia ducatorum de redditibus anni currentis; & tamen in subducendis rationibus inventum est, id quod Præbendatis superavit, in duplum excedere summas annorum præcedentium, admirantibus Capitularibus, idque adscribentibus indubitabili sancti Regis miraculo? Pauca tamen alterius generis accipe.

deinde testantur

142 Michaela Maria, in sua declaratione dixit, quod cum anno MDCLXX laboraret catarrho, quando solum erat decem vel undecim annorum, sui que parentes animadverterent ipsam plane deficere; advocarunt quemdam sui vici chirurgum: qui ea visa quater aperiendam brachiorum venam censuit & sanguinem minuendum: ultima autem vice contracta fuit: brachiisque ac manibus velut arthritide occupatis, mansit paralytica. Mater ergo accersivit Doctorem Petrum Perez, medicum & chirurgum Hispalensem; sed hic ea visa pronuntiavit nullum nisi à cælo sperandum remedium, iussitque ut extremis Sacramentis muniretur. Paulo post repere cœpit puella in latus, manibus ac pedibus nitens: ut autem ad solarium ascendere velex eo descendere posset, auxilio patris matrisque egebat quæ ex hoc labore aliquando etiam abortivit. Accidit autem ut anno illo appelleret Breve suæ Sanctitatis de novo cultu S. Ferdinandi; quod intelligens mater & audiens & quanta cum festivitate ageretur in ecclesia Metropolitana festum, eo se contulit, ut filiam paralyticam Deo Sanctoque commendaret; eodemque tempore pater suus eam in solarium tulit, ut videret turrim vexillis aplustrisque festive ornatam, & audiret lufum campanarium.

de paralytica desperata

143 Ad primum autem illius auditum tanta lætitia perfusa fuit, ut exclamaret dicens: Sancte mi, volo saltare

saltare in tua hac celebritate : obsecro ut ad hoc mihi salutem largiaris. Eodem vero momento erexit sese quæ inclinata repebat, cœpitque ambulare & saltare, magna voce collaudans Sanctum : & pater qui præsens aderat, tanto obstupefactus prodigio, non poterat lacrymas continere. Ex eo tempore numquam necesse habuit reptare : sed, licet cum aliqua difficultate ambularet, pedes nonnihil distortos ducens propter nimiam corporis debilitatem, de die tamen in diem proficiebat : semperque robustior cœpit domesticis laboribus manum, quacumque se dabat occasio, admoveere absque ullo impedimento : tertioque aut quarto post anno nuptui tradita tres filios peperit : estque successus iste toto suo vico notissimus inter vicinos, qui eam contractam paralyticamque viderunt, & modo non alio appellant nomine, quam Miraculum Sancti. Hodie vero, id est anno MDCLXXI, agit annum circiter vigesimum primum ætatis, estque res publica & notoriâ.

144 D. Luiza Raphaela, nunc conjugata, dicit quod cum puella esset annorum sedecim circiter aut septemdecim, in domo patris sui Joannis Baldez pictoris insignis, eo adducta fuit statua S. Ferdinandi collocanda in ecclesia Metropolitana, atque inde processionaliter circumferenda, eo fine ut inauraretur ; & , quod carnis colorem in vultu ac manibus referre debebat, pingeretur. Illa autem, sciens quod pater suus huic rei vacare non poterat, multimodis impeditus circa opera in ecclesia & circum ecclesiam faciendâ ; & suppeterè neminem qui opus faceret ; licet magnis febribus tertianis teneretur, obtulit tamen manus suas ad utrumque laborem, si sanitatem sibi largiretur Sanctus ; & addidit quod curaret Missam unam dicendam ante suum corpus. Nec morâ cœpit commendatum sibi incarnationis atque inaurationis opus quam optime poterat executioni mandare, & nunquam ei febris rediit ; Fuitque miraculi instar, quod,

V

propter

ad primam
festivam
campam
pulsam sa-
nata :

deque puel-
la, quæ sta-
tuam Sancti
inaurat
vit,

à febrilibus
curata.

propter brevitatem temporis in suo opere usque in mediam noctem pervigilans, antea infirma puella, nihil incommodi senserit; sed evaserit semper exinde robustior, quod idem confirmant testimonio suo tam ejus parentes quam domestici.

CAPUT XVII.

Lectiones Officii proprii à S. Congregatione Rituum approbatæ, & omnibus intra Hispanicis ditiones præceptæ.

¹⁴⁵ **I**stis aliisque divina beneficentie effectis, dum Hispani magis magisque firmatur concepta erga Sanctum fiducia; Roma Clemens Papa X, idem qui festum sub ritu Duplici in omnibus regnis Hispaniarum & ditionibus Regi Catholico subiectis celebrari permiserat anno MDCLXXI, sicut vidimus; iterum sub die XVI Augusti MDCLXXIII, de consilio Eminentissimorum ac Reverendissimorum DD. Cardinalium, sacrorum Rituum Congregationi præpositorum, habitæ die XII ejusdem mensis & anni, concessit & per litteras in forma Brevis expediri mandavit, ut in posterum de præcepto sub ritu Duplicis servari & celebrari deberet festum prædicti Regis, cum Lectionibus propriis ab eadem Congregatione Rituum approbandis. Denique ad reiteratas preces Majestatis Catholicæ per Eminentiss. & Reverendiss. D. Cardinalem Nithardum, suum Oratorem ordinarium, porrectas eidem Sanctissimo, & per eundem ad sacrorum Rituum Congregationem remissas, eadem Congregatio superscriptas Lectiones pro secundo Nocturno cum Oratione, ut jacent, diligenter revisas & relatas ab Eminentiss. & Reverendiss. D. Card. Porto-carre-
ro, Comprotectore Hispaniæ, approbavit ac recitari

Officium
decernitur
sub præcepto
dicendum;

Et Lectiones
proprie
approban-
tur.

tari & imprimi posse concessit, die XVIII Maji MDC-
LXXV. *Ea ut aliis quoque extra Hispanicas ditiones regnis
provinciisque innotescant, placet hic subungere.* Oratio
autem talis est. Deus qui beato Confessori tuo Ferdi-
nando præliari prælia tua, & fidei inimicos superare
dedisti: concede, ut ejus nos intercessione muniti ab
hostibus mentis & corporis liberemur.

146 *Proprie Lectiones hæ præscribuntur.* IV. Ferdi-
nandus Tertius, Castellæ & Legionis Rex, cui San-
cti cognomentum jam inde à quatuor seculis Ec-
clesiarum & seculorum consensus dedere, tantum
prudentiæ adolescens adhuc specimen præbuit, ut
Berengaria mater, Castellæ Regina, à qua perfan-
cte educatus fuerat, abdicatum à se regnum in fi-
lium transtulerit. In eo, adjunctis regni curis, re-
giæ virtutes emicuere, magnanimitas, clemen-
tia, justitia, & præ ceteris Catholicæ Fidei zelus,
ejusque religiosi cultus tuendi ac propagandi ardens
studium. Id præstitit in primis hæreticos insectan-
do, quos nullibi regnorum suorum consistere pas-
sus, propriis ipse manibus ligna comburendis dam-
natis ad rogam advehebat. Præstitit insuper in eri-
gendis, dotandis, & consecrandis Christiano ritu
Cordubensi, Giennensi, Hispalensi, & aliarum ur-
bium Ecclesiis, Maurico creptarum jugo, simulque
in instaurandis primariis templis Toletano, Bur-
genfi, & aliis, pia & regia munificentia.

LEC.V. Inter hæc, per Castellæ & Legionis Reg-
num, in quo patri Alfonso successerat, collectis
magnis exercitibus, annuas expeditiones contra Sa-
racenos, Christiani nominis hostes, suscepit. In
queis, ut semper vinceret, præcipui exercitus fuisse
preces piissimi Regis ad Deum fusæ; & quod ante
pugnam, ut sibi Deum propitiaret, flagris in se sæ-
viebat, atque aspero cilicio munebat corpus: sic-
que insignes contra ingentes Maurorum acies vi-
ctorias reportavit, & plures urbes Christiano cul-

tui imperioque restituit: & conquistis Giennii, Cordubæ & Murtiæ Regnis, ac Granatensi vectigali facto, ad expugnandam Hispalim, primariam Bætici urbem, hortante in visione (ut traditum est) beato Isidoro, olim illius urbis Episcopo, victoricia signa transtulit. In ea obsidione (ut fertur) præsentem divinam opem habuit: nam ferream catenam, quæ super Bætum transversim extensa, Mahometanis pro repagulo erat, coorto validiori vento, una ex navibus regis, Regis jussu eo delata, tanto impetu fregit, ut longius prætervecta, pontem quoque ligneum, & simul spes Maurorum abruperit, & ad deductionem coegerit.

LECT. VI. Tot victorias beatæ Virginis Mariæ patrocínio ferebat acceptas; cujus imaginem secum in castris habens, peculiari cultu prosequabatur. Captâ Hispali, prima Religionis cura fuit. Nam templum Maurorum expiatum, & Christianorum dedicatum sacris, insigni Archiepiscopatu & honestissimo Canonorum & Dignitatum Collegio, regia & religiosa liberalitate, exornavit: alia deinde in urbe templa & cœnobîa erexit. Inter quæ pietatis officia, dum trajicere in Africam parat, Mahometanum in ea imperium everfurus, ad cælestem regiam vocatur. In extremo vitæ agone sacram Eucharistiam pro Viatico allatam, fune ad collum alligato, & humi stratus, cum lacrymis ubertim fufis adorans; eaque dignis reverentiæ, humilitatis, & Catholicæ Fidei obtestationibus accepta, obdormivit in Domino. Jacet ejus corpus, incorruptum adhuc post quatuor secula, in templo maximo Hispalensi, honorificentissimo inclusum sepulchro.

APPENDIX

Addendorum, mutandorum, corrigendorum

In altera cum reliquis Maji Actis editione.



i deortēu pporides Gpōrtēu, vulgata inter Gracos paramia dicitur; ut doceamur, quod secundae quaeque curae sapientiores prioribus sint. Cum ergo, cessantibus propter glaciale hiemis rigorem diutius praelis, opellam hanc, jam fere absolutam, & ultra dimidium Postumae Gloriam impressam, recognoscerem in ordine ad alteram cum reliquis Maji Actis editionem; occurrerunt nonnulla Addenda, mutanda, corrigenda: quae ne desideret lector, majora volumina forte numquam empturus, libenter hic attexui; ingenue profitens, non esse me, qui gloriantur quasi primo conatu omnia dedierint perfectissima, & istud Pilati videntur assumpsisse pro tessera, Quod scripsi, scripsi. πάντα κατορθύνει καὶ ἡ ἀμαρτία τοῦ ἄνθρωπου. Omnia quam rectissime facere, & in nullo deficere, Deorum est, inquit ille, non hominum. Et libentius illud alterius Sapientis usurpavero, Ἡγάσθη δὲ πανθάνει.

Senesco, discens non nihil quovis die.

P A R S I.

Ad Commentarium prævium, Chronologiam
Ferdinandæam, & Vitam breviorẽ.

P Ag. 8. lin. 5, post hæc verba, sine liberis masculis decedentis — adde parenthesis — (quatenus scilicet puer Henricus, patri solum biennio superstes, non censetur nisi sub tutela regnasse) itaque regnum &c.

Pag. 9, num. 13 lin. 3. De quorum juribus cum disceptaretur — lege, Factum id anno MCCLXXXIV: cumque de eorum juribus multum disceptaretur, & primogeniture titulus in Ferdinando, Blanca junioris marito, pretenderetur à Francis, in favorem superstitum filiorum, tamquam patrem representantium; Castellani vero ex adverso arguerent, ab eo qui ipse numquam Rex fuerat, non potuisse jus regnandi tradi, superstiti vero ac immediato Regis demortui filio; nihil facilius fuit &c.

Pag. 10 lin. 5, dele — ibi — & post verba — vivens ac scribens — adde — Alibi tamen fortasse degens, primis sex vel septem annis successoris Bonifacii; & sic deceptus vano aliquo rumore, inde nato, quod Bonifacium non esse verum Pontificem seditiosi aliqui suadere nitebantur.

Pag. 11 lin. 17, post MCCLII — adde — Hic vero, intellecta ea morte, non debuisset tali nuntio, veluti inexpectata plane rei, consternari: quin potius seipsum arguere potuisset arguque ab aliis, quod in ea ætate matris, qua de proximo ejus funere cogitandum erat, Regno excesserit in longinquam diuturnamque peregrinationem, gubernationi ejus tam male prospiciens.

Pag. 13 tot. annis — lege — per annos fere quindecim.

Pag. 16 lin. 14 — plerasque dabimus — adde — sed ad mensuram præsentis libri contractas, forma & manu haud paulo elegantiori, quibus etiam adjunximus nonnullas alias
aliun-

aliunde acceptas, & huic operi illustrando opportunas.

Ibidem & seqq. paginis Chronologicis, secundum annorum ordinem, interpone puncta hæc.

MLXV

Moritur Ferdinandus I, cognomento Magnus, Rex Castella ac Legionis, simili qua postea Sanctus humilitate & pietate.

MCCIX

Post verbum — Berengariæ — adde: qua de re Successor filius hymnum postea composuit.

MCCXVII

Adde — 31 Augusti.

MCCXXIV

Pingitur Tabula &c. S. Ferdinandus prima in Mauros expeditione Beatæ & Ubetæ fines vastat, capit Cascatam.

MCCXXV

Blanca Regina. Rex Beatæ secunda expeditione Sancto se subicit.

MCCXXVI

Venit in Hispaniam Legatus Apostolicus, ab Honorio IV missus, Reges contra Mauros animaturus, Synodum in singulis regnis cogit.

MCCXXIX

Post verbum — Capellam — adde — Regina Beatrix Conche egrotans, miraculo Deipare convalescit presente filio Alfonso, qui postea Rex ea de re hymnum composuit.

MCCXLVI

Post verbum — moritur — adde — 8 Novembris.

V 4

MCCXCV

MCCXCV

Post verba — Ferdinandi nepos — adde — vivente adhuc patre denominatus Archiepiscopus Hispalensis.

MCCCLXXV

Historia & Miracula S. Crucis Caravacanæ, jubente Garcia de Cardenas Commendatore, primum authentice describuntur.

MCCCXCII

Additur nova Appendicula ad prædicta miracula.

MCCCXCIII

Oppidum & ecclesia Caravacensis à rebellibus Granatensibus Mauris capiuntur & incenduntur, salva S. Crucis scriptisque præfatis.

CIRCA MCCCC

Doctor Oncala, Canonicus Abulensis, impressisse videtur Apophyam suam, cui historiam & miracula S. Crucis intexuit, testis annui in pluvia obtinenda miraculi, post aquas illius attactu sacratas.

MCCCCLXXX

Sic muta — Prædicta historia & miracula S. Crucis de mandato Vicarii Episcopalis legitime transcribuntur.

MCCCCLXXXVIII

Ferdinandus & Isabella Reges Catholici, subacta Baza, visitant S. Crucem Caravacensem.

MDXLVIII

Adde — Murcienses Inquisitores querunt in veritate historiarum & miraculorum Crucis Caravacanæ, & quomodo ea per Sacristam Tolito submissum furto ablata ac miraculose restituta sit.

MDLI

Adde — in qua cum bona pars Chronicæ Ferdinanda

dææ pene ad verbum descripta inveniatur, oportet alteram ex altera sumptam esse: nos autem Ferdinandæam antiquiorem esse opinamur conjectando.

MDLVI

Iterum, rogatu Sacristæ Caravacani, Historia & miracula prænotata de papyro in pergamenum transferuntur, nulla re nova addita.

MDLXXVIII

Adde — que ante Maurorum adventum honorata, ab iis nec aboleri nec frangi potuit; & muro obducta atque hoc corrumpente detecta, præsagium dederat restaurande iusticie per Regem sanctum Religionis.

MDXCVIII

Authentice transcribitur testimonium inquisitionis præmemorate de Cruce Caravacana.

MDCXVI

Ioannes de Robles, Presbyter Caravacensis, Hispanice imprimi libris duobus historiam & miracula Crucis Caravacane; opus multa correctione egens, ob admixta Higuera fragmenta.

AD VITAM BREVIOREM

Pag. 30 adde Annot. a — Porro quem Lucas Ferdinandum, Rodericus integre Ferdinandum, media ætas Ferrandum, quin & Ferdenandum scripsit: Castellani autem, & nunc passim Hispani, F initiale soliti mutare in H. Hernandum: quod sequitur Flos-Sanctorum. Similiter nomen Patris diversimode scribitur, Aldefonsus, Adefonsus, Alfonso, & vulgarius Alonfus.

Pag. 31 Annot. c adde — Oportet autem ut patri premortui sint, Ferdinandus, Alienor, Maria; unde postmodum eadem nomina data

reperiuntur liberis ex secundo thoro natis. Idem ipsimet Sancto accipiendi nominis occasionem dedit: nam (ut ait Zuniga) Alfonso Legionensi ex priori cum Tarasia Lusitana contubernio natus filius, Ferdinandus dicebatur, sed infans obiit, prius certe quam noster hic nasceretur.

Annot. h lin. 3 post — Castellæ & Toleti — adde — (quod tantumdem est ac si nunc scriberetur Castellæ Veteris & Novæ, hujus enim caput erat Toletum, & nomen Maurico istic regno tribuebat.)

Pag. 34 deleto Annotato unico, ibi
V. s. posito

positio & hic peperam ex § 1. repetito, sequentia substitue num. 10 lin. penult. ad verba -- S. Stephanus. a
a Castrum S. Stephani distat Vbeda Euro-boream versus milliari-
bus tribus. Atque hic universim nota, Milliaria communia Hispanica à me usurpari in dimensione locorum, quorum novem constituunt Belgicas horarias leucas decem.

Num. 12 lin. 6 ad verbum S. Isidori^b

b Fuit S. Isidorus Episcopus Hispalensis, qui post mortem S. Hermenegildi Principis, à se ad fidem Christianam ab Ariana perfidia traducti, atque obitum Regis Leovigildi avita superstitioni immortui, hujus successorum filium, illius fratrem Recaredum, tota cum gente convertit; univ-
erse Hispaniæ Patronus propterea merito habitus: colitur autem 4 Aprilis. Hujus corpus Ferdinandus I, à Rege Mauro impetratum an. 1063 Legionem transferendum curavit, erecto in hujus honorem hic nominato monasterio Canonorum Regularium, cujus alumnus, fuisse, quem pra manibus habemus, Lucam, postea Tudensem Archidiaconum atque auctorem Chronica, opinatur Magister meus R. P. Henschenius, ad Acta Vita & Translationis, ab eodem juniore composita.

Pag. 36 post Annot. b adde ----
Nomen autem Guadalquivir, dicitur Arabice idem sonare, quod Magnus fluvius. Sed quomodo hic non erat Pons, quandoquidem Chronica num. 90 tam expresse dicat, Regem castra metatum ad Pontem Alcoleæ, qui hodieque invenitur notatus in tabulis? cum etiam num. 93 describatur Laurentius Suarez, Ezija veniens quasi ad exploranda Sancti Regis castra, desiliisse in pedes ad caput pontis, per quem erat ad eadem castra transgressurus? Placet credere, structum eo loci, ubi Rex ca-

stra fixerat, pontem fuisse, postquam transitus ratibus fluvius erat; idque ad necessariam defensionem eorum qui castrum ad caput Pontis Cordubensis exstructum jam tenebant. Invenitur autem ibidem adhuc Castrum istud cum ponte lapidea, representaturque in Theatro urbium ante ipsam civitatem, opus quadratum instar majoris unius turris.

Pag. 40 Annotata l & m sic mutata dabimus

l Certum hic mendum est, cum constet quod accepta sit in deditionem urbs, traditis portis & Alcazario, die S. Clementis 23 Novembris: quem diem Civitas eo nomine celebrem agit quotannis. Fortassis die 8 ejusdem signata fuerunt conditiones deditionis faciendæ; & hoc autorem deceperit.

m Imo post mensem unum à deditione omnes exire coactos docet chronica. Quid si, ad salvandam sequentem narrationem, credatur, tantum fuisse egressorum numerum, quamvis manere volentibus id per pacta licuerit, ut hi respectu illorum quasi nulli fuerint; respectu tamen ingredientium Christianorum tam multi, ut eis formidabiles esse debuerint, saltem de constanda cum egressis conspiratione, quam primum Rex cum exercitu recessisset, uti mox infra insinuat.

Pag. 43 post Annot. a adde ----
Turrim vero hic indicatam infra plenius describemus, atque etiam spectandum in imagine dabimus.

Ibid. post Annot. d adde ---- Hoc quidem à Gentilibus de Gentili Imperatore dictum tolerari poterat: inter Christianos autem explicationis eget, ut commode intelligatur: alioqui enim certum est, nullum regioni alicui majus bonum posse divinitus obtingere, quam Regem Sanctum; qui licet vel modico vivat tempore, suorum tamen Patronus perpetuus erit in calis.

P A R S II.

Ad sex prima Chronicæ Ferdinandæ Capita.

P Ag. 44 ad Præfatiunculam nostram, adde
 Qui Chronicam hanc prælo paravit Hispalensis
 fuit (ut patet ex Prologo) & fortassis Canonicus
 Ecclesiæ Cathedralis, nostram enim appellat:
 misit autem ecgraphum suum anno 1535 Valliso-
 letum, quia ibi jam impressa fuerant successorum Regum
 Chronica, ut habetur in titulo; Chronica Sancti Re-
 gis D. Ferdinandi, hujus nominis Tertii, qui Hispa-
 lim totamque Bæticam obtinuit, & fuit pater D. Al-
 fonsi Sapientis, avus D. Sancii Generosi, proavus
 D. Ferdinandi Quarti, qui beneficio periit; tritavus
 D. Alfonsi Undecimi, qui Algeziras vicit: quorum
 omnium Chronicæ similiter habentur impressæ. Habeo
 postremas duas, totidem inter medias requiro, & si quis sub-
 miserit, beneficium agnoscam.

Pag. 46, post Prologum Editoris, hæc subjunge.

Hætenus ille, cujus rationes pro exoletarum vocum mu-
 tatione, quamvis in vulgo plausibiles & acceptandæ, eruditis
 tamen (hoc saltem tempore) minus probabuntur. Tales enim
 non querunt vetera istiusmodi scripta, ad excolendum ista
 lectione sermonem; sed sinceram in iis veritatem spectant,
 & hanc in originariis verbis certius tenere se credunt. Huc
 autem spectat, quod R.P. Laurentio Surio accidit, colligen-
 dis Sanctorum Actis alias de tota re litteraria optime me-
 rito. Is dum sui seculi fastidio consilens, phrasim eorundem
 subinde leviter immutavit, tunc fortassis non inutilem dili-
 gentiam assumpsisse visus fuit, quando hereticis sciolis risu
 erat ecclesiasticorum scriptorum rudis simplicitas; nunc
 autem (eorundem quoque judiciis in contrarium sic
 versis, ut vel apicem mutare ex orthographiæ Latine legi-
 bus scrupulo ducant, suamque fidem egregie probasse se
 credant, si quotiens, Ammoneo, Conlabor aliaque
 similia

similia stribliginis semibarbara menda servaverint) arguitur factum ab aequis iniquisque; nec desunt, qui tali occasione sensum quandoque non leviter immutatum vel obscuratum querantur.

Antiquorum quippe monumentorum eadem quæ statuarum & monetarum ratio est, quibus apud peritos aestimatores pretium venit ex quadam scabritie fuscoque colore, tamquam veræ antiquitatis earum caracteristicis notis. Ea propter decessores ac Magistri mei, Bollandus atque Henschenius, Sanctorum Acta susceperunt edenda servatâ primigeniâ scriptorum, quantumvis subbarbarorum, phrasi. Quo nomine licet eos initio sugillarent dicaciores quidam Franci, Scriptores Silvestres eos appellando, cito tamen obmutuerunt, confusi unanimi approbatione eruditiorum apud se virorum. Hi vero non solum in Latinis mediæ ævi scriptis invariaturum stylum servandum esse judicarunt, sed in ipsis quoque Francici idiomatis libris antiquitus compositis: quorum nonnullis, ut vulgo consulerent, hodiernæ phrasæ contextum recentem addiderunt columnatim, quomodo alias Græcolatina imprimuntur; alii satis habuerunt recentiora vocabula, antiquatis respondentia, ponere in margine, vel Annotationibus subjunctis obscuritatem tollere, & laborem lectoris sublevare. Idem utinam in hac quoque Chronica factum ab editore fuisset. fecisset autem id tanto facilius, quanto pauciora mutarunt Hispani; ut in habitu, moribus, religione constantiores quam ceteræ passim nationes; sic in patria quoque sermone variando parciores cunctantioresque.

Pag. 48. lin. 2. Hætenus recte se habent zysæ numerales extimi marginis: sed cum Parergon i inter num. 47 & 67 uno alterove paragrapho autum inveniisset typotheta, recte facturum se credidit mutando consequenter numeros Chronica; non animadvertens, quam hoc incommodum foret huic veteris distributionis ctencho jam excus: quem tamen ea

causa recudere non est opera pretium. Vitium, inconsulto me nec animadvertente inductum, sic corrige si lubet, aut corrigendum in altera editione expecta, ut pro 67 ponatur 62, itaque deinceps binariis addito augeantur numerusque ad Prologum historiam prosequentis num. 99: ubi ex simili causa assumendus quaternarius legendumque num. 103; & ita con-

sequenter

sequenter usque ad Capitulum LXXII pag. 51 num. 184, ubi & deinceps sufficit ternarius, ergo pro 184 cense legendum 187.

Pag. 51 Admonitiuncula nostra adde ----- sumptimus autem tabellam hanc ex recentissima accuratissimaque Hispaniæ totius descriptione, Amstelodami haud ita pridem edita à Nicolao Vischer: in qua quod vulgaria hujus ætatis nomina locorum retinuerit sculptor, nobis non inuitis fecit; quamvis antiqua Romanaque vocabula, quibus Latine scribes utuntur, sapius etiam nos usurpamus; quia ad usus alios, quos etiam intendimus, hodierna vocabula aptiora erunt; ac autem nulla sit ex hoc capite lectori difficultas Annotata nostra satis efficient. Comprehenditur quidem etiam hujus tabula ambitu Portugallia, proprium Regem habens; sed juncta ei ad septentrionem Gallicia, ad Meridiem adiacens Algarbiorum Regnum non poterant exhiberi, nisi assumpto pariter toto illo spatio quod utrique interjecta Lusitania occupat: id igitur sufficit monuisse, ne hanc quoque Ferdinandæ Imperio (quod majoribus punctis aliqui diremit sculptor) à nobis adscribi existeret.

Pag. 54 Annotatum b sic muta. ----- Quia Ferdinandus hic, patri præmortuus, numquam regnavit; ideo prior ac potior locus datur Henrico, licet annis ut minimum octo juniore. Inter filias ordo naturalis servatus videtur.

Pag. 55 post Annot. g adde ----- Quemadmodum Matamoros erravit, in nominando Rege; sic & in eo, quod consilii talis auctorem feceris D. Telium Tellii, Episcopum, aque ac Alfonso X juniorem institutione tali. Certe incredibile est, auctorem Chronica Ferdinandæ, ipso hoc tempore aut proximo viventem quo fundatam Academiam vult Matamoros, errare potuisse in ejus conditore nominando, quamvis erraverit in tempore funda-

ti Episcopatus. Fortassis autem Alfonso IX ad Episcopatum ditandum, & Alfonso X ad ornandam Academiath tantum contulerunt, ut quasi alteri eorum fundatores censeretur potuerint.

Post h. adde ----- Quantum ex eodem Toletano colligo, locus hic requirendus erit inter Tagum & Batim in regno Toletano. Absit igitur ne hic intelligatur Arcos, Burgensi civitati vicinum. Fortassis autem editor Chronica, mutando etiam exoleta locorum nomina, hic erravit, vel aliud ejusdem nominis, sed topographicis tabulis ignotum oppidum invenitur, etiam in Nova Castella.

Post k adde ----- Quomodo autem Calatravam, primum ab Alfonso captam pater ejus (ut supra dicitur) dedisse potuit Abbati Fiteriensi? An solum contulit jus in locum nondum occupatum? Latet hic mendam aliquod, à feliciore conjectura corrigendum.

Capitis 2 titulus sic clarior foret. ----- Henrici pueri breve regnum in Castella, sub sorore Berengaria Sancti matre primo, deinde sub Comite Alvaro.

Pag. 60 post m adde --- singulorum porro locorum, tum hic tum alibi nominandorum situm (nec enim omnia nominantur in tabulis, nec forte eandem omnia appellationem nunc retinent) aliis curiosius definiendum relinquo. Carrionem supra nominatum esse puto, qui inter Legionem & burgos ad confinia utriusque dicitur Carrion del Conde. Taurus, vulgo Toro, civitas etiamnum nobilis est, inter Zamorram & Vallisoletum. Aprillam, vulgo Aotillo, fortassis idem est, quod iisdem in partibus nunc vocatur Moral de Reyna, id est, Habitatio Regina; quia ipsum Berengaria habitatione sua honestaverit tempore hujus dissidii adificiique ornaverit.

Pag. 66 col. 1 lin. 8 a fine --- num. 33 --- lege --- num. 69

Post

Post. b adde.--- Ex eodem matrimonio etiam produsse dicitur Berengaria, anno 1232 nupta Joanni Briennio Imperatori Constantinopolitano.

Post c adde.--- Scriptor autem Legendae manifeste hallucinatus est, cum credidit, Tarasiam superinductam Berengarie fuisse. Quod si ex eodem errore hic quoque processum est, non possunt ea esse à primo Auctore, sed adscribenda editori forent; & sic fundaretur suspicio, quod non omnino ab interpolationibus pura hæc Chronica sit. Malim ergo opinari, Regem Legionensem, jam fultum gemina mascula prole, eaque ad successionem ex Regni totius consensu legitimata, non curasse de uxore alia nuptiis magis canonicis ducenda, ne ea occasio turbatum foret; sed aliqua inferioris generis concubina contentum vixisse, ex eaque nonnullos adhuc liberos suscepisse. Certè moriens Ferdinandus, præter fratrem Principem (quem filio successorì commendavit nominatim) invenitur num. 218 in genere meminisse aliorum adhuc fratrum, juxta correctionem infra adhibendam ei loco, tunc necdum satis à me intellecto, ideoquè in alium sensum tracto.

Annot. d sic mutetur.--- Lectio in margine editionis Francofurtensis notata, Caucam scribi dicit, pro Coca. Est autem hæc, juxta tabulas, inter Vallisoletum & Segobiam, huic vicina ad 5 milliaria. Nescio quo errore hic locus in Chronica sic legatur redditus: Ex castro Dominarum iter intendebant Vallisoletum, quando venientibus Cabezonem clausæ sunt portæ, pernoctarunt igitur in vico quodam S. Justi nuncupato; ubi pro Caucâ, ponitur Cabezo, diverso plane situ inter Vallisoletum & Placentiam.

Pag. 63 ad hæc verba lin. 6 a fine --- anno ætatis suæ decimo octavo, ponatur littera f: & deinde pag. 66 in Annotatis post e ponatur, f Natus ergo fuerat Sanctus anno

1198; fortassis mense Septembri, sub festum Elevate Crucis: quia jam inde ab anno 1197 conjunctos fuisse parentes constare putat Zuniga, ex diplomate patris, in favorem Martini Episcopi Zamorensis dati xvi kal. Januarii Era 1236. In quo tamen nonnihil obscuritatis invenio, donec constet, una cum sequentis anni Ianuario etiam intelligi Eræ anni sequentis, nam usque ad ipsas kalendas anno 1197 adhuc currebat Era 1235. Infallibile omnino est, & nulli obnoxium dubietati, instrumentum aliud, quod idem allegat pro xviii kal. Maii Era 1236; sed minus facit ad rem nostram, quia ipsum non prohiberet matrimonium prædictum differre in annum 1198, & nativitatem Sancti in 1199.

g Alias Arroyum, quod etiam habet vulgata versio; ubi & sequentia loca, Pisuerga & Laguna. Cum autem Pisuerga etiam rivulus sit, Legionense & Castellani regna disterrans, & prope Simancam Durio influens; apparet quod in eodem tractu requirenda sint prædicta duo oppida, alias non repertienda in tabulis.

Post k adde.--- In tabulis invenitur Belorado notatum (una fors littera male omissa) 5 milliaria Burgis versus Ortum distans locus; ad 9 milliaria porro gradienti occurret Najara, unde locus datur suspicandi, Navarram à Chronici auctore nominatam esse Navarrettam, duobus milliariis Najara distantem.

Pag. 69 lin. 4 à fine ad hæc verba --- Fratre Hospitalis --- adde litteram m, ac deinde pag. 70 Annotatis adde

m Chronica vocat Hospitalario S. Joannis Acconenfis: ita scilicet tunc nuncupabantur, à loco habitationis primario; cum antea S. Joannis Hierosolymitani appellarentur. Cum enim Hierosolyma amissa anno 1187, recepta esset anno 1191 Accon; huc immigrarant. Similiter

it et 1191

iterum amissa Accone an. 1291, occupata autem à Christianis Rhodo, ceperunt dici Equites Rhodienfes, donec hæc etiam Turcis cecisset anno 1522: unde in Melitam recepti à Carolo V anno 1530, Melitensium nomen hodie tenent, insulamque contra Turcas tuentur generose.

Pag. 76 Annot. e adde: sed cum ejus Conditor Sancius, Vasconia ac Navarra Rex & Biscaya pro magna parte Dominus, concitus fortuna Alfonso Castellani cedere, tarpiter in Africam profugisset; capta anno 1200 Victoria ipsa est, ejusque deditionem secutum est regnum fere universum, etiam trans montes. Quod cum pace inita restitutum esset, manserunt tamen in potestate Castellani quatuordecim oppida juris controversi (ut Mariana, lib. 11 cap. 25) in quibus erat ipsa Victoria, cum reliqua usque ad montes Biscaya.

Post l adde: --- Mirum tamen foret, si istam Sancti promotionem auctor Chronica tacuisset, quare vehementer, an vera sit, dubito. Notum autem ex Durando lib. 2 cap. 3, in sacris Canonibus Psalmistam dici Clericum primi Ordinis, id est, primæ Tonsuræ, eundemque in Conciliis etiam Cantorem vocari: unde S. Isidorus: Ad Psalmistam pertinet officium canendi, dicere Benedictiones, Psalmos, Laudes, Responsoria.

Pag. 73 ad hæc verba Treugam... noluit protelari --- pone litteram m, & porro

Pag. 76 post i scribe: --- m Erravit ergo Auctor Chronica cum scripsit: quod Berengaria, tenerius filium diligens, ab omnibus omnino armis abstinere eum voluit, eoque curavit treugam cum barbaris factam prolongari, & moræ innectendæ causa suaserit Regi ut prius Deo consecraret filiam Berengariam aviæ cognominem. Hoc si suaserit, eo suaserit, ut moturus in barbaros filius, velut aliter Iephte, hæc

gratiori sanctiorque victima, propitiaret Deum, victoria omnis auctorem.

Pag. 74 unica littera n sufficit Ubetæ & Casteatæ

Pag. 76 conjunge Annotata m & n: deinde post p hæc adijunge: --- Ioannes de Robles, in Historia Caravacana lib. 2, cap. 6, Mahomadum Viridem appellat, & anno 1225 à suis fuisse occisum ait, quod suspicentur clam factum Christianum, successorem vero habuisse filium Aben. Mahomad, patri similem & fide & amore erga Sanctum: qui baptizatus dictusque Ferdinandus, nobilem posse se reliquerit posteritatem, hodieque in Betica florentem. Ego ut nihil cuiquam detractum volo, ita optarem talia legitime probari, suspensas enim semper habemus, familiares nimium huic seculo nequam, Genealogistarum imposturas. Et vero quis credat Mauros, qui tali ex causa Regem occiderint, assumpturos ejus loco fuisse filium, de quo nihilo certiores quam de patre essent: aut S. Ferdinandum inultam reliquisse amici eadem, tali causa patratam, ipso quo se ei conjunxerat anno: vel, si ultius est, tanti momenti rem præteriri in chronica potuisse? Anno certe 1234 adhuc vivebat Mahomad, & filium miserat in auxilium Christianorum ad Xerez. Sit ergo penes referentem fides, tum cadis illius anno ut summum 1235 patrata, tum obsidionis, quam à rebellantibus civibus sustinuerit arx, Sancto ex partibus tradita, & Gonzalvo Ybanez Magistro Calatravæ commissa ad custodiam. Hic dicitur, cum arcem desperaret posse diutius obtineri, deficiente penitus annona, ita deseruisse locum, ut calces equorum, in contrariam partem ferrati, vestigia relinquerent velut tendentium in arcem & fidem facerent hosti magni subsidii noctu inducti, quæ specie conterriti Mauri obsidionem dimiserint, praesidiarii vero, per mediam progressi leucam, repositis ad arcem desertam oculis, supra ejus portam principalem viderint fulgere Crucem Caravaca-

ravacanam: cujus conspectu animati repetierint locum; eumque contra regressos errore cognito hostes tenuerint, usque dum adveniens cum quingentis equitibus Didacus Lupi de Haro, à S. Ferdinando submissus, festo S. Andrea cunctos exemit periculo, ingressus per portam quæ ex tali eventu & ex ob- tenta sequenti die ab erumpentibus inde victoria, appellata fuerit Porta Comitum. Certius id fortassis probari posset, ipso exhibito instrumento, quod anno 1232 18 Maii Rex expedierit, invitans quam plurimos ad inhabitandam Beatiam: cui interim à prædicto successu creditur pro armis obtigisse Crucem Caravacensem; supra decussatas claves duas; quæ insignia utrum iam antiqua sint, aliis examinandum dimitto. In Historia trium Ordinum agitur de prænominate Calatravæ Magistro, nec aliud quidquam de eo dicitur, quam utilem operam Ferdinando navasse in Bætica subigenda, ac nominatim contra Maurum Beatia Regem. Et si verum est, inductos revera Christianos in locum Mauro- rum, vero simile est id non esse factum nisi ob prægressam aliquam eorum rebellionem, fortassis post Regis sui mor- tem, quando Crux visa supra portam fuerit.

Pag. 77 post 2^a adde----- Opere pretium igitur foret, ad præcisè noscendam ætatem Chronica, scire quando ecclesia Toletana Fabrica absoluta fue- rit. Primus in fundamenta lapis iactus erat 15 Augusti, quapropter & titulo Assumptæ Virginis dedicata est postea die 28 Octobris. Noster Antonius Quintanadueñas (qui de Sanctis Fe- stisque Toletanis librum conscripsit) pag. 14 eandem ecclesiam describit ut habentem naves quinque, quarum me- dia supra ceteras eminens alta sit pe- des 160, longitudinem vero totius mo- lis esse pedum 404, latitudinem pedum 202: numerum autem columnarum, eandem una cum adjuncto claustrum

sustinentium, ad 804 ascendere. Quam magnificum opus istud sit, ut- cumque æstimare poteris ab exteriori ejus forma, quam tibi ex Theatro ur- bium visendam propono secundum la- tus unum, quemadmodum anno 1566 ipsum delineavit Georgius Houfna- glius: ne autem pars una lamella va- caret, addidi delineationem Palatii Re- gii, quam ibidem reperi quia ipsum verosimiliter à Mauris bona sui parte extructum, Sancti Regis habitatione sæpius fuit coonestatum.

Pag. 79 lin. 3 sic lege---- venienti cum matre & comitatu castrum ut Domino reddiderunt.

Pag. 82 post h adde---- Chronica assignat mortem Alfonsi Legionensis anno 1234: sed Era 1168 annum Christi 1230 notat, eumque exigit multitudo & magnitudo negotiorum, in duorum Regnorum nova conjunctione oblitorum, per quæ non licuisset San- cto expeditionem in Mauros suscipe- re ipso paterna mortis anno, sicut anno 1234 suscepisse eum scimus; nam eo anno recepit Vbetam, secundum ipsius- met Chronica calculum.

Post 1 adde---- Est igitur vero simi- le aliud Tor-de Sillas hic intelligi.

Annot. n sic muta---- Dubium de superiori loco motum, simili modo potest moveri circa Villalalim: licet enim similitudo nominis appareat in Villalar, unius diei itinere à Torde- sil- las, recta versus urbem Legionensem; iamen obstat eadem itineris jam de- scripti ratio; & quia istud Villalar, in Blaviana Chorographia notatum, in tabula Vischeriana accuratiori, con- tractiori nomine, sed cum addito, vo- catur Villar-Diego, Tauro ad Bo- ream situm, suspicari licet aliud Vil- lalar, vel Villar inveniri, eidem Tau- ro ad meridiem situm, ipsumque hic indicari.

Pag. 84 loco Payergi de Cruce Ca- ravacana ad calcem præsentis libri in tractatum prolixiorum extendendi, po- netur in altera editione.

PARER

P A R E R G O N I

De miraculosa sanatione Beatricis Reginae
ipsiusque Regis, cum puer esset, per
Deiparam impetrata, & ab Alfonso filio
ac successore descripta veteri
Castellano Rythmo.

Acturus sequenti Capite de victoria Christiano-
rum ad Xerez, quam Chronica Ferdinandea ⁴⁹
præmittit morti Reginae Beatricis, in fine Capitis
superioris ex Roderico relata; censeo non præ-
termittendam occasionem referendi insigne mi-
raculum, in huius ad mortem agra persona patratum, inter-
ventu Deiparae Virginis, sub annum MCCXXIX, cum Capel-
lam Rex Sanctus occupasset; & prospere capta prosecutus,
ideoque mansurus in consiniis, uxorem advocasset Con-
cham. Describit illud veteri Castellano Rythmo eorum filius
& successor Alfonsus, qui miraculo praesens adfuit, decennis
vel undennis puer. Fuerit autem opera pretium, vere co-
ronatum Poëtam lingua patria canentem audire; sicut præ-
dictum ejus Rythmum ex Scuriacensibus Mss. nobis exhibet
Zuniga; addita columnatim interpretatione Latina, quæ ut
fidelior sit, neque metro neque rythmo adstringere eam vi-
sum est. Titulus autem Odes sic scribitur: Hæc est, quo-
modo S. Maria sanavit Reginam D. Beatricem à mag-
na infirmitate; quia cum magna fiducia adoravit
sanctam ejus imaginem.

50 Quen na Virgen gloriosa
Esperanza may grand à,
Ma, car seia muit enfermo,
Ela mui ben ò guarida.

Dest un mui grand miragre
Ves quero dezir que o j:
E pero era minyo,
Membrane que foi assi:
Cam estava eu deante,

Qui in Virgine gloriosa
magnam habet fiduciam, quam-
vis multum sit infirmus ipsa
eum bene sanabit.

Hanc in rem prægrande mi-
raculum vobis volo dicere,
quod audiui. Eram quidem
tunc puer; optime tamen me-
mini rem ita se habuisse, quia

X

præ-

E todo ouvi e oy
 Que fezo Santa Maria,
 Que muitos fer e fara.
 Quen na Virgen groriosa &c
 51 Esto foi en aquel año
 Quando o mui buen Rei ganou
 Don Fernando à Capela
 E de Christianos poblou,
 E ffa molter à Reina
 Doña Beatrix mandou.
 Que fosse morar en Concha,
 E quant el foi a Cola.
 Quen na Virgen groriosa &c
 Na ofte, e seu mandado
 Fer ela mui volenter:
 E quando foi na cidade
 Peor enferma molter
 Non vistes, do que foi ela:
 Ca Pero de Monpiller,
 Bonos físicos, y eran
 Dezian non vivera.
 Quen na Virgen groriosa &c.
 52 E porque esto dezian
 Non era mui sen razou:
 Ca d'aver ela seu fillo
 Estava en a sazon:
 E avia tan gran fever,
 Que quen avia enton
 Dezia, seguramente
 Dessa non escapara.
 Quen na Virgen groriosa &c.
 Mais la Reina, que serva
 Era da que todo val,
 Virgen santa groriosa
 Reyna esperital,
 Fez trager huna omagen
 Muy ben feita de metal
 De Santa Maria: disse:
 Esta cabo mi fera
 Quen na Virgen groriosa &c.
 53 Ca pois eu assa segura
 Vir à tal creencia ei,
 Que de todos estos maës

præsens fui, omnesque audivi
 dicentes, quod fecerit illud
 Sancta Maria, quæ multa fecit
 & faciet. Qui in Virgine glo-
 riosa &c.

Fuit hoc eo anno, quo bo-
 nus Rex D. Ferdinandus obti-
 nuit Capellam, & Christianis
 habitandam tradidit: suæ au-
 tem uxori D. Beatrici Re-
 ginæ mandavit ut veniret ha-
 bitatum Concham quamdiu
 foret in ea regione. Qui in
 Virgine gloriosa &c.

Nihil morata illa, valde li-
 benter implevit mandatum
 ejus: sed mox ut venit in civi-
 tatem, magis infirmam mulie-
 rem nunquam te vidisse dixis-
 ses. Quia Petrus de Monpelle-
 rio & boni medici qui ade-
 rant, dicebant quod non erat
 super-victura. Qui in Virgine
 gloriosa &c.

Id autem dicebant non abs-
 que magna ratione; erat
 enim brevi paritura filium: &
 patiebatur febrem tam vehe-
 mentem, ut quicumque exper-
 tus diceret, certo inde non eva-
 suram. Qui in Virgine gloriosa
 magnam habet fiduciam &c.

Sed Regina, famula ejus quæ
 valet omnia, sanctæ ac glorio-
 sæ Virginis & spiritualis Regi-
 næ; fecit adferri quamdam
 imaginem ipsius S. Mariæ, per-
 pulchre elaboratam ex metallo,
 & dixit: Hæc me sanam faciet.
 Qui in Virgine gloriosa &c.

Quia possum ego secunda vi-
 vere in tali credulitate, quod ab
 omnibus

Que à tan toste guarrei.
 Por end a mi a chegade
 E logo lle beizarei
 As sas manos e os pees,
 Ca muy gran prol me terra.
 Quen na Virgen groriosa &c.

E tod' est' assai foi feito;
 E logo sen outra ven,
 De todos aqueles mães
 Guariu a Reyna tan ben,
 Per poder da groriosa,
 Que nada non senti u en
 Por en sera de mal fiso.
 O que a non loara?
 Quen na Virgen groriosa &c.

54 Hoc in uxoris persona accepto beneficio, haud dubie recordabatur Ferdinandus, ejusdem Deiparae auxilio etiam sibi puero, & de vita longiori desperato, collatam olim valetudinem, quemadmodum matre sua referente audiverat saepius; & meminerat audivisse Rex filius, Oden scribens sub hoc titulo: Hæc est quomodo S. Maria Oniæ sanavit Regem D. Ferdinandum, quando adhuc puer erat, à grandi quam patiebatur infirmitate. Sancii, Regis Vasconum ac Castellanorum, mandato factum erat, sub annum MXXX aut citius, ut Benedictini Monachi, ex Cluniacensi disciplina traducti in Hispaniam, monasterium istud Oniense tenendum acciperent, Sanctimonialibus, quæ illud antea tenebant, Baylenum oppidum ablegatis, ut scribit Mariana lib. 8 cap. 14. Hic ergo erat illa, miraculis celebris, Deiparae imago, de qua canentem sua lingua Alfonso Regem audire juvat:

56 Ben per esta a os Reies
 D'amar en Santa Maria:
 Ca en as muy grandes coitas
 Ela os acorre guia.

Na muito a amar deve,
 Porque Deus nossa figura
 Pillou dela, e pres carne
 At porque de sa natura

omnibus istis malis bene cito sanabor. Qua propter me appellavit, ut statim ei oscularer manus atque pedes: quia me habebat primogenitum. Qui in Virgine gloriosa &c.

Statim autem, absque alio remedio, ab omnibus istis malis tam bene sanata fuit Regina, per potentiam gloriosæ Virginis, quod nihil postea male valetudinis sensit. Quis ergo illam collaudans non dicet? Qui in Virgine gloriosa magnam habet fiduciam &c.

Videtur decens esse Regibus, ut ament S. Mariam; nam in majoribus necessitatibus ad est eis dux viæ.

Multum autem amari debet, quia Deus figuram nostram ex ea sumpsit, & carnem accepit. Quamvis vero ex sua

Veno, e porque justica
Tenen del e dereitura,
E Rey nome de Deus este.
Ca el Reyna toda via.
Ben per esta a os Reyes &c.

57 E por ende un gran miragre
Direi, que avengo, quando
Era moço Jequennino
O muy bon Rey Don Fernando:
Que sempre Deus e sa Madre
Amou, e foi de seu bando:
Porque conqueron de Mouros
O mais da Andaluzia.
Ben per esta a os Reyes &c.

58 Este Menin en Castela
Con Rey Don Alfonso era
Seu avoo, que do Reyno
De Galiza o fezera
Venir, e que o amava
A gran maravilla fera;
E ar era y sa madre,
A que muy ende prazia.
Ben per esta a os Reyes &c.

59 E sa avoa y era,
Filla del Rey d'Ingraterra,
Moller del Rey Don Alfonso:
Porque el passou a serra,
E foi entrar en Gascona
Por la ganar por guerra:
E ou vend à mayor parte,
Ca todo ben merecia.
Ben per esta a os Reyes &c.

60 Meminit expeditionis hujus Rodericus Toletanus lib.
7 cap. 34; Et totam, inquit, fere Vasconiam, præter
Burdegalam, Regulam, & Bayonam, suæ sub-
diderat ditioni. Fugerat enim in Africam Rex Sancius,
territus potentia adversarii, una cum fœderato sibi Aragonie
Rege contra se venientis: inde autem revertens absque
speratis subsidiis, pacem tamen ab adversariis obtinuit, prono

natura & ex titulo justitiæ
Deo directe conveniat nomen
Regis: ipsa tamen est Regina.
Videtur decens esse Regibus
ut ament S. Mariam &c.

Ideirco narrabo grande mi-
raculum, quod evenit quando
puer parvulus erat Rex opti-
mus Don Fernandus: qui
Deum & Matrem suam semper
amavit: ideoque eos à parte
sua stantes habuit, & ita de
Mauris acquisivit majorem
partem Bæticæ. Videtur de-
cens esse Regibus &c.

Parvulus hic erat in Castella
cum Rege Don Alfonso avo
suo; qui ex regno Galiciæ eum
venire fecerat, ipsumque ama-
bat, ac multum demiraba-
tur ejus indolem: aderat ibi-
dem etiam Mater, cui eadem ex
causâ perquam carus erat. Vi-
detur decens esse Regibus &c.

Aderat quoque avia sua, quæ
erat filia Regis Angliæ, uxor
Don Alfonso Regis. Hic autem
transitis montibus intravit
Vasconiam, ut eam bello luera-
retur; sicut etiam majorem ejus
partem devicit: nam totam be-
ne merebatur. Videtur decens
esse Regibus &c.

in eam potissimum Alfonso, ob bellum Mauricum quod meditabatur, ultimus relata ad Alarcum cladem. Post victoriam autem de iisdem ad Navas Tolosanas relata, recepit regnum ex parte Sancius, pro navata eo bella opera, exceptis locis quatuordecim controversi juris, Victoria scilicet aliisque in Biscaya oppidis; atque ita hæc provincia annexa Regno Castellæ permansit. Porro cum Inducie Mauricæ, quibus durantibus gestum ab Alfonso fuit bellum Vasconicum, expiraverint anno MCCX; recte fecisse videmur, quod miraculum hoc adscripserimus anno præcedenti, utpote factum post Alfonsi reditum ex Vasconia, ut mox apparebit. Certe jam non solum puer Henricus, regni successor futurus, natusque anno MCCIII aliquam ætatem attigerat; sed etiam Alfonsus, Sancti frater, quem simul cum eo apud avum fuisse mox apparebit; nec tamen diu ante annum istum natum esse possumus credere, propter ea quæ annotamus infra num. 69 litt. a. Fuisset ergo ex hoc calculo undennis Ferdinandus vel aliquot annis etiam junior, puta duobus vel tribus. Hoc prænotato prosequamur poemata regium lingua utraque.

61 E pois tornous en Castela
De si en Burgos morava,
E un Hospital fazia
El, e sa Moller lavrara
O monasteri da Olgas.
E en quant asi estava
Dos seus fillos e dos nietos,
Muy grant prazer recebia.
Ben per esta a os Reyes &c.
D'amar en santa Maria
Ca en as mui grandes coitas
Ela os accorre guia.

62 Mais Deus non quer que o omo
Este sempre en un estado,
Quis que Don Fernando fesse
O seu neto. tan cuitado
D'una grand' enfermidade,
Que foi dal desesperado
El Rei: mas enton sa madre
Tornou tal come san dia.

Postea rediit in Castellam, & morabatur aliquando Burgis, ubi faciebat Hospitale ipse; & uxor ejus ædificabat monasterium Holcarum. Quando autem sic vivebat, multum capiebat voluptatis ex duobus suis filiis (Ferdinando scilicet & Henrico) & duobus nepotibus (ex filia Berengaria Ferdinando & Alfonso) Videtur decens &c.

Sed Deus, qui non patitur ut homo semper permaneat in eodem statu; voluit ut Don Fernandus ejus nepos tam gravi corripereetur infirmitate, ut vita ejus fuerit à Rege desperata, Sed miser ejus tunc avertit tale periculum, sicut mox dicetur.

Ben per esta a os Reyes &c.

63 *E oyu falar de Onna
V'avia gran verude.
Dis ela' Levalo quero
A lo, asi Deus m'ayude:
Ca ben creo que a Virgen
Lle de vida e saude.*

*Et quando aqest ouve dito,
De seu padre s'espedia.
Ben per esta a os Reyes &c.*

64 *Quantos la ir asi viren
Gran piadad' ende avian,
E mui mas polo menino,
A que todos ben querian.
E yan con ela gentes
Chorando muito changian,
Ben como se fosse morto,
Ca a tal door avia.
Ben per esta os Reyes &c.*

65 *Ca dormir nunca podia,
Nen comia, nen migalla,
E vermes del sayan
Muitos e grandes: sin falla
Ca a morte ia venera
Sa vida sen batalla.
Mais chegaron log a Onna,
E teveron sa vigia.
Ben per esta a os Reyes &c.*

66 *Ant' o altar mayor loco,
E pois ant' o da Reyna
Virgen santa groriosa,
Rogandolle que agyna
En tan grand' enfermidade
Poseffe la meezina,
Se servizo do Menino
En algun tempo queria.
Ben per esta a os Reyes &c.*

67 *A Virgen Santa Maria
Logo con sa piedade
Accorreu a o menino,
E de sa enfermidade!
Lle deu saude compida:*

tur. Videtur decens esse Regibus &c.

Audivit enim de Onia referri, quod ibi erat magna virtus: dixit ergo: Portare ipsum illuc volo, ita me Deus adjuvet, quia bene credo quod Virgo Deipara dabit ei vitam & salutem. Cumque hoc dixisset, expeditit se à suo patre. Videtur decens esse Regibus &c.

Quotquot eam sic euntem videbant, magna commiseratione tangebantur; maxime propter puerum, cui omnes bene volebant. Ibat autem cum illâ turba plurima, quæ plorans plangebat eum, velut si jam esset mortuus: tantos enim patiebatur cruciatus. Videtur decens esse Regibus &c.

Etenim numquam dormire poterat, nec comedeat, nec bibebat: multique ac magni vermes de ipso egrediebantur. Itaque procul dubio ad mortem venerat absque pugna. Sed rogarunt locum sibi concedi Oniæ, ibique vigilem noctem duxerunt. Videtur decens &c.

Ante majus altare collocarunt eum, deinde ante altare Sanctæ Virginis gloriosæ Regina; rogantes ut propitiâ adferret medicinam tam gravi infirmitati: siquidem à puero aliquando volebat præstari sibi servitium quodcumque. Videtur decens esse &c.

Sancta Virgo Maria statim sua cum pietate accurrit ad puerum, & à sua infirmitate dedit

E de dormir u vontade.
 E de pois que foi esperto,
 Logo de comer pedia:
 Ben per esta à os Reyes &c.
 68 E ante de quinze dias
 Fae efforça d'e guarido
 Tan ben que nunca mar fora:
 De mais deulle bon sentido.
 E quando el Rey Don Alonso
 Ouv' est miragi oido,
 Logo se foi en camyuno
 A Ouna en romaria.
 Ben per esta à os Reyes &c.

dedit ei plenam salutem. Venit
 ergo ei voluntas dormiendi: &
 postquam experrectus fuit, sta-
 tim petiit sibi dari quod ederet.
 Videtur decēs esse Regibus &c.

Ante quindecim vero dies fuit
 corroboratus & sanatus, tā be-
 ne ut numquā melius habuisse
 se sentiret. Cum autem Don Al-
 fonsus Rex audivisset miraculū
 istud, statim se in viam dedit, &
 peregrinationem suscepit Oniā
 versus. Videtur decens esse &c.

*Habes veteris lingue Castellane incultaeque eo aevō poë-
 seos specimen, in qua Latine reddenda si non usquequaque
 affectus sum singula; ignoscent spero peritiores. & corri-
 gent, tum hos tum alios quoscumque defectus.*

P A R S III.

Ad alia Chronicæ Capita usque obsidionem
Hispalensem.

P Ag. 98 ante num. 70, pra-
 cedentis numeri lineam
 ultimam sic lege --- ubi
 acquisitam prædam
 provide & caute con-
 traxerunt in unum lo-
 cum --- deperat non

intellecta proprietate Hispanice vocis,
 Cavalgadhra, ut aliter verterem:
 nec mirabor si alias simile quid con-
 tingerit, quod admonitus corrigam.

Pag. 105 post k addo ----- eoque
 confirmatur, errorem supra notatum
 in a l l e n d i s ad Pag. 82 litt. h, non ef-
 se imputandum typographo, sed edi-
 tori vel auctori ipsi. Dolendum pro-
 fecto quod tam insignis victoria annus
 nusquam expressus invenitur.

Pag. 106 lin. penult. & Pag. 108
 lin. 13 Ruyz Tabar --- lege ---
 Ruyz Tahur.

Pag. 111 Annot. c expunxit dua-
 bus prioribus lineis, sic exordire.

c Benaventa usque Civitatem
 Roderici milliaria Hispanica 30 nu-
 merantur: qua in via insuper trans-
 eundus fuit Tagus, cum altero rivu-
 lo unde Simanca nomen accipit. Et
 forsitan excidit nomen huius urbis:
 nam etiam sic magna ista fuissent iti-
 nera, & 12 aut 15 leucarum singu-
 la, qualia non potuerunt uno die &c.

Ibid. Annot. d lin. 4 post, Ben-
 querencia dicitur ----- dele cetera.
 & eorum loco pone sequentia --- Nisi
 malimus credere castrum quod tam. 10
 milliariis distat Metellino, hic
 intelligi, quod olim sub Mauris istud
 nomen habuerit; à Christianis vero
 occupatum & S. Nicolao dedicatum,
 coepit dici S. Nicolaus à portu, id
 est à montium istis occurrentium fam-
 cibus

eibus quibus imminet. ----- Deinde sequentes etiam notas adde, positis ad singula loca litteris.

c Hispanicus textus in feminino ponit Dos hermanas; sed huius nominis locus prope Hispalim est: retineo ergo masculinum genus Latini textus: suspicor autem ipsum esse locum quem mappa similiter masculine nominat Puebla de los Infantes, non de las Infantas, sex miliaribus distantum à jam nominato castro S. Nicolai.

h Licet tabula, intra predictam Parochiam ab Infantibus dictam urbemque Cordubam, nullum rivum interponat, facile tamen credi potest aliquem esse, unde Guadalbaçar nomen habeat.

g Pons Alcoleæ notatur in tabula. 2 vel 3 miliaribus supra Cordubam, in eadem ciuima ripa Batís: ratio autem huc ascendit alierat, quod suburbium à Christianis occupatum, & civitati ad Orientem situm, huc spectaret: ponenda enim castra erant istic unde melius succurri obsidentibus possit. Cum autem supra dicuntur Mauri hic habuisse portam ducentem Martos, & ibidem in Theatro civitatum etiam nunc nominetur Mola Martana, castrum autem istud sit ex altera parte fluminis, distans Corduba 10. miliaribus eunti Giennium; credibile sit, eo loco fuisse pontem publicum fluvio instratum, qui etiam ipse fuerit in potestate eorundem Christianorum; nisi forte eum fregerint Mauri, ex occupato suburbio in civitatem se recipientes, ne per eum circumdari ab obsessis possent.

Pag. 118 Annotat. b sic mutabis --
b Quamvis ex Tudensi intelligatur nullus eo loci, ubi Rex castra locabat, tunc pons fuisse, ideoque ratibus trajiciendus Batís fuerit, ad praecludendum Cordubensibus egressum per pontem suum: postquam tamen Ferdinandi copia castrum in capite illius pontis situm occuparunt, opus & otium Rex habuit edificandi pontis, qui hic indicatur, &

à quo deinceps ibi manente factum, ut Alcoleæ vicus coeperit vocari Pons Alcoleæ, sicuti eum anticipate nuncupat Chronica. Hoc autem ponte jam strato & manente, necesse non fuit restaurare illum (ut supra conjecta videmus) destructum ponem, ad quem ducebat porta Martana.

Ibid. pro Annot. d pone sequentia Annotata, suis respective locis applicanda. Pag. 115 lin. 8 ad hec verba pervenit Castrum ---- pone litteram d, & deinde pag. 118 post c lege.

d Nisi aliud inter Ezijam & Cordubam Castrum nominetur, quam quod vulgo dicitur Castro del Rio (distans à loco castrorum Regiorum versus Euro-africum Milliaribus 6, longius ab Ezija, quo Laurentinus redibat, remotum quam ipsamet Corduba) dicendum est Laurentium de industria declinasse ab itinere recto, siue quia observari metuebat, siue quia rivulus (unde Castro nomen) non alibi transiri commode poterat. Hoc vero est eo verosimilius, quod Castro Ezijam equitans tota die opus habuerit, à primo mane in seram noctem, ut perveniret quo tendebat; confecto itinere 13 aut 14 miliarium. Nisi rursum alio Castro invento inter Cordubam & Ezijam, causa tam lenti reditus refundatur in equos, oppido lassos nec tota ea die pastos.

e Zahenum appellat Mariana.

f Almeria, maritima civitas, 40 Milliaribus Ezija, & Valencia distans 50.

g Pralaudatus Mariana captam Valentiam ab Arragoniis ait 28 Septembris an. 1238, post insignem victoriam de Meuris per eosdem relatam anno precedente mense Augusto. Vinam vera liceret videre Historiam Jacobi Regis hic allegatam, & intelligere quam non multo post ejus mortem scripta sit: obiit enim Iacobus anno 1276, annis 8 ante Alfonsum Regem Castella, auctorem Chronica Generalis.

h Haftenus Chronica: quod ultra

nant possumus ex Roderico accipe.

i Hac Roderici absentia &c. —
ni habentur littera f.

In fine capituli adde litt. k & Annotatis adde — k Addit Chronica: Jussit insuper Rex ubique promulgari, omnibus Cordubam transferre se volentibus assignandum habitationis locum; adeoque multos ex omni Hispania accurrisse, ut novis incolis & des suppellectiliaque praeberentur.

Pag. 120 post num. 101 pone litteram a, & num. 102 converte a in b; & mox subsequens b expunge: ac porro in Annotatis pag. 125 idem faciens, duasque priores observationes a & b in unam colligens sub littera b, praepone sequens a.

a Ita felices praecipuavit viventis Berengariae laudes Toletanus, tam grandi jam senio vir, quod omnino crederet diutius victuram, quam ut mortuam laudare posset, sicut fecit infra num. 136 auctor Chronica. Quin etiam lib. 7 cap. 36, agens de sepultura Ferdinandi fratris, curatam ait excellentissima sua sorore Berengaria Regina, ad quam postea regnum Castellae successione pervenit, impendente liberaliter & decenter officia funeris & honoris, & gemitus doloris: ubi virtutum ejus plenitudo sic claruit, ut ejus prudentia devoti sexus excederet pietatem, & elemosynarum largitio Principum largitates: etiam pudica modestia inconsolabili luctui procabatur, ut exinde famae dulcorata suavitas, in augmentum cresceret & dulcorem. Religionum, & pauperum, & quorum titulos paupertas incrustabat, toto tempore vitae suae, subventrix extitit & levatrix: praeter opera magnifica, quae regnante suo filio magnifice claruerunt.

Post c adde — Hujus porro Alicorae fratrem seniores Ferdi-

nandum (sic nominatum pro altero quem Beatrix pepererat, jam extincto, ut vel hinc patet) juvenem omnino obiisse ait Ignatius: idemque praesumere licet de Ludovico, cujus nulla memoria ulterius reperitur.

Pag. 126 Annot. c lin. 8 post verba Innocentius IV — interpone — Brevem autem Celestini Pontificatum pro nullo habens, ejus quaecumque spatium Sedi vacanti adnumeravit. Ceterum &c.

Post f adde — Chronica autem designat triginta millia maravedisiorum, subintellige aureorum: hoc enim additur num. 34 ubi agitur de pretio quo Rex sanctus à Crucigero quodam Roderico Didaci de Camberis possessiones ejus emit; & ubi Toletanus expresserat quatuordecim millia aureorum, Chronica habet Maravedisiorum aureorum. Non ergo hic intelligas Maravedisios seu Marobotinos vulgares, quorum trecenti septuaginta quinque, uno Ducato sive Aureo; triginta quatuor, uno Regali continentur, in hodierno Mercatorum Hispanorum & Callybisarum calculo.

Pag. 122 num. 105 lin. 1 in Dominica Palmarum — lege — in hebdomada Dominicae Palmarum: tum Pag. 126 post Annotat. f pone —

g Intelligo Hebdomadem sanctam seu majorem, quae à Dominica Palmarum initium sumit: sic enim etiam dicimus Hebdomadem Paschae: Pascha autem anno 1243 cadebat in 12 Aprilis. — Post hac litteram g muta in h.

Ibidem num. 108 lin. 14 ad nomen Orgaz, pone litteram i, ac porro in Notis Pag. 126 post g, nunc h factum, scribe

i Ab Orgaz usque Martos, non nisi 30 milliarium iter supererat. — deinde num. 109 lin. 18 post verbum appellantur — adde — Santelia — & litteram h converte in k, ac postea adde

x s

pag.

pag. 126 — Invenio autem in historia Caravacensi, Moratillam, ibi dictam Moratallam, Vicario Caravacensi subjectam fuisse, tamquam loco proximam. In tabula quoque Topographica Vischeri spectare est primo hic nominatam Santeliam 3 milliaribus Corduba distitam, Aguilas, versus Euro-africum utramque: itemque 3 milliaribus ab arce Martana aliud MORON; existimo tamen hic de eo agi quod jam indicavi inter Exizam & Xerez.

Pag. 131 post a adde — Mox autem nominandum numeri sequentis initio Olmedum sive Ulmetum, medium est inter Vallisoletum & Abulam, 9 milliaribus utrimque distitum: & quae ibidem subiungitur, non Valmasa (quod corrigendum) sed Valmazedas, licet in tabulis non expressa, insignis locus olim fuisse debuit.

Post b adde — Non videtur tamen hoc idem esse, quod supra num. 112 adierisse Sanctus Rex dicitur possessionibus Didaci Lopez Biscaya Domini, propter nimiam loci distantiam ab aliis.

Pag. 128 lin. 11 ad vocem Cieca; adde d — lin. 14 ad Cartajena adde e — atque pag. 131 post c haec consequenter nota.

d Omnia fere haec loca extra fines regni Murciensis videntur fuisse: nam Alicante & Orihuela pertinent ad regnum Valentinum; Alhama procul in mediterraneis Granatensibus distat; sola ultima Cieca invenitur intra fines Murcienses 8 milliaribus a metropoli.

e Cartagena, urbs maritima & potens, Cartaginensium veterum opus: Lorca commodo incumbit fluvio ad confinia regni Granatensis; Mula, in tabulis nunc ignota, satis insigne oppidum tunc fuisse debuit.

f Scribatur loco d & rursus 129 num. 117 lin. 2 ad nomen Andujar adde g — & lin. 5 ad nomen Archona adde h, de hisque sic nota pag. 131.

g Andujar supra Batim consistit inter Beatiam & Cordubam.

h Archonam in tabulis non invenimus quidem, iussi tamen poni inter Anducharium & Giennium, supra eundem fluvium, (Rio-frio, id est Frigidum vocant) ab uno loco ad alterum currentem; neque enim vel omittere debui locum tam celebrem in hac historia & regis olim insignem titulo, neque ejus situm potui certius divinare.

Annot. e signabis littera i & Annot. f signabis per R, tum vero pag. 130 num. 118 lin. 5 ad vocem delectos appinge l & sequ. pag. notatis adde.

i Hispanicus contextus Concilia appellat, quam vocem retinimus num. 23, ubi Conciliorum nomine intelleximus Communitates civium: hic vero delectos vertimus, quia omnino credimus ideo vocari Concilia, quia de mandato Conciliorum id est Communitatum civilium expectati ad militare obsequium, Principi pro certo sumtaxat tempore prestandum, accepto ab iisdem Communitatibus stipendio; cum Milites eo & semper obligarentur, titulo sua nobilitatis, feudorum &c. Est tamen illud nomen in tali significatu, ita quos hic consulere potui Hispana militia peritis ignotum.

Pag. 137 expungenda Annotatio a, jam relata ad caput praecedens, & sequens b, vocandam a, sicque mutandus contextus:

a Media inter Toletum & Cordubam via, supra Anam fluvium, topographica Blavii tabula Anduluziam representans, exhibet oppidulum sub titulo Villae-regalis: sed accuratior Vischerus Villam-majorem nominat, & 6 milliaribus altius ad idem flumen notat Civitatem-regalem, quam potius hic intelligi credimus.

Pag. 134 num. 23 lin. 6 ad verba, Alcalam Abenzaidae, pone litt. b — & lin. 7 ad vocem Iloram litt. c Tum in Notatis haec porro. b Hanc

b Hanc existimo esse illud oppidum, quod in tabulis dicitur Alcala-regalis, & Giennio abest 8 miliaribus.

c Cum modo nusquam inveniatur Illora, suspicor mutatum sub Christianis nomen, ipsamque esse quae modo nomen habet Sanctae-fidei, duobus vel tribus à Granata miliaribus: quandoquidem in ipsam agrum Granatensem hinc transisse Rex populatus dicatur.

Ibidem porro c in d. & d in e commutata: atque in fine, expunctis ultimis o & o lineis. hac substituitur — Hic enim (scilicet Dominicus) non potuit ante annū Christi 1249 fuisse annis 59 Episcopus, nequidem Beatix; debuisse namque anno 1190 ordinationem suscepisse: & tamen constat, quod quando pugnatum ad

Xerez est an. 1234, Beatia adhuc habebat suum Mauricum Regem. Praeterea S. Dominicus, Ordinis Patriarcha, teste Bzovio Dominiano in Annalibus, primum suos alumnos cepit mittere in Hispaniam anno 1219, annis quatuor post impetratam sui Instituti approbationem. Porro cum antiquitus neque Beatia neque Giennium fuerint urbes Episcopales, facile crediderim facultatem novi Episcopatus instituendi in urbe Giennensi, cui etiam Beatia subesset, primum expeditam fuisse anno 1249 (neque enim istiusmodi negotia solent tam cito Roma confici) adeoque Petrum primum fuisse urbis utriusque Episcopum; idque tenendum esse, donec pro Dominico, saltem ad paucos annos Cathedralam tenente, certius nanciscar testimonium.

P A R S IV.

Ad septem ultima Chronicæ Ferdinandæ Capita.

P Ag. 140 num. 133. lin. 10 post hac verba — tab. 7 — adde — itemque in multo auctiori meliusque ordinato Theatro, ante non multos annos edito Amstelodami apud Ianssonium. Hic redemptis Coloniensibus laminis, ante centum annos sculptis, tamquam novis est usus, nulla adhibita distinctione ab iis quas novas addidit; quod tamen monendus hic Lector videtur, ne titulo libri deceptus, ex laminis predictis iudicium formet de presenti tempore, quo urbes multæ, atque imprimis Hispalis, plurimis adificiis magnificentissimis publice privatimque auctæ, aliam prorsus faciem induerunt, etiam extra mœnia. Porro predictarum Tabularum secunda instituto huic accommodatior est &c.

Ibid. lin. 17 post hac verba — fortassis solo jam equatis — adde — solum ex parte Meridionali videtur appa-

tere

rere pars aliqua veteris illius muri, cui prædicta catena ex Turri aurea trans flumen ducta affigebatur: ex parte vera Boreali conspiciuntur ad caput pontis &c.

Pag. 143 lin. 2 ad verbum Alcala Guadayaꝛæ, pone litteram b —
 & lin. 4 ad vocem Xeritanos, litteram c, ac notarum sequentium litteras ex ordine promove tum:

Pag. 147 post a adde — b
 Alcala hæc duobus solum milliariis distat Hispali, unde intelligas fere quo loco castra fixerit Sanctus, aliquo scilicet inter hæc & illam medio.

c Hæc est Xerez de la Frontera, seu Limitanea, versus Mare, cuius supra facta mentio, & unde una ex primariis urbis portis, ea scilicet quæ ducit ad mare, nomen tenet.

Pag. 144 num. 139 lin. 6 ad nomen Montanches pone litteram f, deinde pag. 147 post b c, mutanda in d, e scribe:

f Motanches & Caceres, quamvis non exprimantur in tabulis, urbes tamen insignes fuisse oportet, quæ tam expresse hic nominantur: alterius tamen appellationis vestigium, manet in vico qui dicitur Puebla d' Alcocer, 10 milliariibus à Metellino versus Ortum. Est etiam quoddam Alcacer inter Cordubam & Eziyam, sed nota inferioris.

Pag. 148 num. 14 lin. 9 retro agi classem & istuc ubi erat appellari — lege — sursum magis agi classem, cetera verba dele.

Pag. 165 Annot. c lin. 3 Equites — lege — Milites —
 & in fine adde — Discimus autem ex Nicephoro Gregora, una littera extrita nomen corrumpente, lib. 7 cap. 153, Ronzerium, Regis Aragonum Petri genitorem, habuisse in exercitu suo mille Amagabaros, quos Latini pedites vocant. Eadem voce usum Villanum notat Dominicus Macri frater Carolus in Hie-

rolexico, docetque Arabicam esse vocem ex Mghabbar, quæ pulverulentum significet. Huic præfixus articulus Al, & vocalis una inter m & g euphonia ergo interjecta, nomen integrant, uti hic scribitur. Ceterum crediderim, genere Mauros omnes fuisse, qui vel Christianam & fidem & militiam, vel saltem militiam profitebantur, cuiusmodi apud Turcas sum quos Janissaros vocant.

Pag. 173 lineas tres ultimas num. 183 sic lege: Sed Mauri tanta copia se effuderunt in occursum, ad prohibendum transitum, ut tota die peragi nihil potuerit.

Pag. 172 num. 183 lin. 2, Archiepiscopum S. Jacobi — adde litteram d & porro in notis sic scribe pag. 173.

d Quidquid hic de isto Archiepiscopo dicitur, narrat iisdem verbis Ægidius Davila, in Theatro istius Ecclesie pag. 55, tamquam ex Chronica Generali Hispania acceptum; unde iterum confirmatur, quod alibi diximus, duarum Chronicarum alteram ex altera multum transcripsisse.

Pag. 177 lin. 3 ad verba, Gradibus tam amplis — signa litteram k, & reliquas deinde litteras promove, atque inter Notas.

Pag. 180 post i adde — k Similibus gradibus etiam conscenditur rectum Basilica Vaticana Roma; sunt enim plani & leniter solum acclines, sic ut ab angulo ad angulum media turris, secundum cuius latera gradus isti ducuntur longitudine 23 pedum, solum enitatur quis sursum pedes 5; qui quater secundum numerum laterum replicati, faciunt ut singula cuiusque lateris fenestra, qua lumen ipsius gradibus præbent turrisque interioris cameris, una supra alteram posita

videntur intervallo pedum 20 circiter. In theatro urbium Turris hac sic delineata invenitur, ut ex angulo uno videnti duo latera conspicienda offerantur; itaque pateat oculis ipsis illa, quam dixi, fenestrarum utrimque paulatim ascendentiū differentia. Eadem representatur in altero ejusdem tabula latere, introrsum conspicienda per effractum muri angularis hiatus; sed perquam infelicitur: quia nec turris media latera pradiſta conspiciuntur, neque scalarum forma vera exprimitur: notantur enim in lateribus singulis 8 vel 10 gradus, singuli tam alti quam lati, quos à quadripede scandi, sicut ibi fingitur, impossibile sit; cum econtra non nisi gradum unicum habeant singula latera, quibus omnibus succedit in eodem latere gradus alter. Proinde tantum abest ut aliquam scalarum Hispalensium ideam formare tibi ex ea delineatione possis, ut erroneam prorsus concipere necesse sit nisi admonitus caveris.

Annotat. k nunc in futura, columna 2 lin. 26, post verba Morgadi

addo — Ipsa quoque sollicitudo Maurorum, pro impetranda facultate demolendi turrim illam priusquam excederent, etiam cum onere adificandi novam propriis sumptibus, ut habetur num. 185, confirmat proprium opus fuisse eorum, qui ad perpetuam infamiam suam suique Mahometi, ex ea turri soliti invocari, manere illam noluerunt.

Pag. 183 Annot. p (mutanda in q & sic deinceps) ibidem autem lin. 5 post verba Episcopus Segoviensis, adde — statim quidem ab ordinata Hispali ecclesia, Sanctus Rex Archiepiscopum denominaverat Philippum filium: sed hic, donec suscepisset ordinationem (suscepit autem nunquam) non poterat Episcopalia munera exercere, ideoque solum Electi vel Administratoris titulum gerebat, & per Vicarium Episcopum opus habuit cetera agere: talis ergo tunc erat Raymundus iste, qui quia anno 1285 &c.

Pag. 184 dele ultimas lineolas duas, jam futuras superfluas.

Pagina 194 tota expungetur, quando quæ hicin dicantur miracula, integra posita fuerint loco Parergii i. Hic vero mallet Marianas imagines, hætenus descriptas, spectandas exhiberi ex ære, imprimis præcipuas duas, Antiquæ & Regum; quarum nunc quidem delineationes optatas non lubet expectare, remorando editionem plusquam satis dilatam; confido tamen fore, ut eas accipiam ante editionem ipsius Maji.

Pag. 198 ante num. 211, appone numero præcedenti sequentia — His ita positis, haud incongrue suspicaberis, hanc ultimam clavem solam ac propriam Iudæorum fuisse, ipsam ingredienti Regi offerre solitorum: priorem vero, fabricatam etiam ab aurifabro Hebræo, sed Regio jussu & ad usum Civitatis. Et fabrum quidem dies suo indulgisse ingenio, in Hebraicis illis litteris annulo manubrii circumducendis; Regem autem præcipue intendisse, ut laus Deo redderetur per verba secreti; per signa vero, quadrato clavis nodo insculpta

sculpta sub annulo, designatum voluisse, quod precipuum instrumentum victoriae, qua urbs accessit regnis Castellae & Legionis, fuerit gemina illa navis, catene pontique perfringendis adhibita.

Pag. 202 lin. 6 quod ceteris quoque liberis commendatum volebat — *dele & substitue* — Voluit etiam Infansem Alonsum fratrem suum, & alios quos habebat fratres eidem commendatos e.

Pag. 204 Annot. a lineas ultimas sex expunge post verba — Alpechi videtur dici — & hac substitue — Quod hic dicitur Bejar, videtur in tabulis dici Bege vel Beger, ad fretum Herculeum prope Tariffam. Gaditanam peninsulam vide sis accuratissime delineatam in Atlante Blaviano. In ipsum vero, quem ea format, sinum effunditur rivulus Guadalete, supra quem consequenter consistunt, hic nominata loca, Arcos, Xerez & S. Maria: sed postremum nomen credo suffectum antiquiori alteri Maurico. Tariffa, Gibraltar & reliqua versus Granatense regnum loca ad fretum ac mare mediterraneum, vel tunc adhuc ad regnum Granatense pertinebant, à posteris Regibus denique ei subtrahita, vel tributaria Ferdinando reddita, ejus nepoti rebellant, sollicitis Mauris, ut, servato sibi tam commodo in Hispaniam ex Africa trajectu, spem quoque recuperandi aliquando ibidem Imperii conservarent. Ad Algarbiorum Regnum quod attinet, non videtur illud Sanctus victoriis suis attigisse, sed potius reliquisse Lusitanis vindicandum, velut partem veteris Lusitaniae. Certe primus Alfonsus x invenitur se Regem Algarbiorum scripsisse, idque postquam Pelagus Correas, de quo frequens mentio in hac historia, principia quaedam loca expugnauerat, cetera tributo subjecerat. Postquam autem idem Alfonsus filiam suam notham Beatricem matrimonio junxit Al-

fonso III Lusitaniae Regi, Fdotis nomine eidem accesserunt Algarbii, ex eoque tempore manserunt dominationis Portugalliae.

Annot. c adde. Notabilis certe petulantia Regum istius avi erat, quod justam divertio faciendo novisque nuptiis contrahendis causam se habere crederent, si sterilis uxor manebat. Ita etiam praedictus Lusitanus, ex Francia quo profugerat rediens, optimo de se meritam Mathildem Bononiae Comitissam, quam viduam & grandævam uxorem exul duxerat, dimisit; ac Beatricem, ut dictum est, suscepit, improbante palam Ecclesia; adeo ut postea, Mechtilde mortua, agere impetrari potuerit ab Apostolica Sede, ut adulterinum cum Beatrice contubernium purgaretur, fieretque legitimum matrimonium.

Pag. 205 post Annot. d adde — e iam diximus hos videri fuisse, naturales dumtaxat ex concubina aliqua, post Berengariae divorcium ascita. Porro Alfonsus Nuniez de Castro, in Annalibus apud Zunigam, testatur, in Monasterio Mataplana inveniri ac legi epitaphium lingua Castellana sic scriptum: Hic jacet Infans Don Alfonsus Ferdinandez, filius praecelsi Regis D. Ferdinandi, ejus qui Seviliam obtinuit, & gloriosae Reginae D. Joannae. Obiit ultima Septembris, Era 1350, id est anno Christi 1312. Hinc Zuniga colligit Joannam, moriente Sancto, gravidam fuisse; addere

autem

antem possumus, natum eo partu postumum, de sacro fonte susceptum videri, vel à fratre jam Rege, vel ab Infante patris; ideoque nomen Alfonso accepisse. Mirum tamen est quod de tam longa vita Principe nulla usquam mentio in Chronicis occurrat ipsi Zamiga, eas scrutato haud indiligenter.

Pag. 202 lin. 18 ad verba Regi Roderico addde f; & pag. 203 lin. 13 post Amen addde g--- deinde in Notis pag. 205,

f Infelix iste Rodericus regnum vitamque amisit anno 713, ultimus Regum Visigothorum: qui cum possederint quidquid intra Pyrenaeos montes jacet, nec parvum etiam terra tractum ultra eosdem, puta Navarram, Aragoniam, Catalauniam, Vasconiam, nec non Portugalliam, verbo Hispanias omnes; cum etiam Mauri dominati sint iisdem fere omnibus (nam apud Astures Cantabrosque servata utcumque libertas est locorum asperitate defensa) patet hunc loquendi modum indulgenti acceptione opus habere, totumque sumi pro parte præcipua.

g Liceat hic mihi ex lib. 6 Toletani cap. 14 referre, qua idem habet de Ferdinando I, ut appareat quam similis utriusque exitus fuerit, sicut & vita & fortuna. Hic, inquit Ferdinandus, jam senectute confectus, vitam suam bonis & Deo placitis operibus dedicavit. Ecclesias Regni sui, & præcipue S. Jacobi, S. Salvatoris, S. Isidori, & Cathedralem ecclesiam Legionis possessionibus & donationibus inclitavit: monasteriorum etiam indigentiam de suis facultatibus sublevabat. Cum vero quadam die in Cathedrali ecclesia Legionis audiret Divina, vidit ministros ecclesiæ, causa familiaris inopiæ nudis pedibus ministrare. & statim certos redditus ad calceamenta instituit ministrorum. Ceterum cum ad

S. Facundi monasterium veniebat, cibis eorum contentus, pari ordine & consortio, quasi unus ex eis, & divinis officiis insistebat; & cibariis regularibus utebatur. Cumque oblatum vas vitreum de manu Abbatis ad mensam residens suscepisset, vas decidens de manu Regis illico fractum fuit. Rex vero pro negligentia valde poenitens, in continenti vas aureum gemmis ornatum fecit afferri, & Abbati offerens provitreo satisfecit. Obtulit insuper Cluniacensi monasterio de Regio fisco mille aureos, annuatim in perpetuum solvendos. . . . Sed jam vitæ termino sibi imminente, apparuit ei B. Isidorus & diem sui obitus intimavit. Et cum cœpisset post modicum infirmari, fecit se Legionem adduci, & nono kalendas Januarii die Sabbati ingressus est civitatem, & ex more corpora Sanctorum flexis genibus adoravit; petens & supplicans, ut cum dies obitus jam instaret, anima ejus ab Angelis duceretur. In ipsa autem nocte Dominicæ Nativitatis, licet æger, ipse Rex cum Clericis interfuit Matutinis, concinens ut infirmitas tolerabat; & observabatur ibi tum temporis Officium Toletanum. Facto autem die, vocatis Episcopis, fecit sibi Missam solenniter celebrari, & percepit Corporis & Sanguinis Domini Sacramentum. In crastino autem, vocatis Episcopis & Abbate & viris religiosis, una cum eis fecit ad ecclesiam se deferri: & imposito capiti diademate, & indutus regalibus indumentis, coram sarcophago S. Isidori clamavit ad Dominum voce clara: Tua est potentia, tuum est regnum, Domine: tu es super omnes Reges: tuo imperio omnia sunt subiecta.

subjecta. Quod te donante accepi, restituo tibi regnum : tantum animam meam in æterna luce jubeas collocari. Et his dictis, exutus Regalibus ornamentis, pro venia exorabat : & accepta ab Episcopis pœnitentia & gratia ultimæ Uctionis, indutus cilicio & conspersus cinere, duobus diebus in pœnitentia atque lacrymis supervixit. Tertia autem feria, hora sexta, in festo S. Joannis Evangelistæ, plenus dierum reddidit Deo Spiritum immaculatum, & juxta patrem suum in eadem ecclesia S. Isidori est sepultus. Regnaverat autem vivente patre annis XII, mortuo patre annos XII, in Castella & Legionē annis XV, in universo annis XL, mensibus VI, diebus XII. Mariana lib. 9 cap. 6 annum fuisse ait MLXV (quod etiam probat concursus Domi-

nica & Nativitatis, relationem veram sic concludit. Sane Ferdinandus, dum vixit, insigni pietate fuit : quo merito Legionē anniversariis sacris memoria ejus celebratur, & in Cælitum numero locum habet. Equidem neminem alium inveni hætenus qui eum Sanctis accenseret inter veteres novosque scriptores ; ideoque existimo Anniversarium illud non aliter quam funebri ritu actum fuisse & adhuc agi ; quandoquidem Ferdinando Tertio, indubie Sancto, non aliud obtigerit usque ad nostram ætatem, sicut ex mox dicendis apparebit. Si quid amplius factum fierive probetur, ratione cujus debeat in nostro opere tamquam Sanctus referri etiam Primus ; id velim discere accurate, priusquam ad ultimum usque mensem perveniant posterius.

Pag. 203 litteras e. f. g. consequenter muta in h. i. k.



HISTO-

LECTORI.

Secutus Roderici Toletani irrefragabilem (ut mihi videtur) auctoritatem, insuper habui quamcumque aliam recentiorum scriptorum Chronologiam, & dixi in Comm. prævio num. 14 Alphonsum Legionensem regnare cœpisse anno MCLXXX. Ait enim Rodericus præfatus lib. 7 cap. 23, quod Pater ejus Rex Ferdinandus, annis triginta uno in regno consummatis, obiit Beneventi æra millesima ducentesima [decima] octava: ubi typographico sphalmate omissum denarium recte suppleri, tota ejus præcedens historia loquitur. Deinde subjungit cap. 24, Mortuo Rege Fernando successit ei ejus filius Aldefonsus. Hic . . . à consobрино suo Aldefonso Rege Castellæ, & Sancio Rege Portugalliæ infestatus circa principium regni sui venit ad Regem Castellæ & in Curia Cætionis accinctus ab eo cingulo militari, manum ejus fuit in plena Curia osculatus: & in eadem Curia Rex Castellæ Nobilis Aldefonsus Conradum, filium Frederici Imperatoris Romani, accinxit similiter cingulo militari, & ei filiam suam primogenitam Berengariam desponsavit. Sed ipso Conrado in Teutonium revertente, prædicta Domicella desponsationi continuo contradixit, & per Gundisalvum Toletanum Primate & Gregorium Cardinalem Apostolicæ Sedis Legatum divortio celebrato, puella Berengaria mansit innupta. His ita positis, censui initiationem illam utriusq; Principis, per Alphonsum Castellani factam fuisse circa principium regni ab Alfonso Legionensi initi; interpunctionem, à typothetis omisam in meo Francofurtensi exemplari, ponendo ante prædicta verba, Circa principium regni sui, eaque conjungendo cum verbis Venit ad Regem Castellæ; adeoque initiationem jam dictam non posse differri ultra annum MCLXXXV. Desponsationem quoque & absolutionem Berengariæ nullo notabili temporis intervallo discernens, propter additam voculam continuo; judicavi consequens fore, ut eam etatem tunc habens illa, qua posset etiam invito patre desponsationi suæ ante consummatum matrimonium contradicere; nata fueris circa annum MCLXXXIII. proinde tanto senior sorore sua Blanca, ut summum nata circa annum MEXC, ut potuisset mater ejus fuisse.

Verum ea omnia nunc conferens cum post repertis apud Garibayum lib. 12 cap. 14 instrumentis duobus Alphonsi Castellani, prædicta initiationis desponsationisque mentionem facientibus, agnovi primo, memoratum locum sic esse interpungendum, ut intelligatur Alfonso Legionensis, à Regibus Castellæ & Portugalliæ armis infestatus circa principium regni sui: rebus autem paulatim compositis, cum jam pacifice absoluteque regnaret, venisse ad Regem Castellæ cinguli militaris causa, nec

X *

nisi

APPENDIX AD ACTA

nisi octavo anno Regni, cum jam etatis annum xxii transcendisset. Et enim dictorum Privilegiorum primum, datum Dominico Abbati S. Mariae de Balvanera, signat Rex Era mcccxxvii (qui est annus Christi mclxxxix) vii Idus Maji, anno secundo postquam D. Alfonsus Rex Legionensis, Eques ab ipso creatus, manus ejusdem osculatus est; quando etiam, paucis diebus post, Equitem armavit Conradum, filium Imperatoris, eique uxorem junxit Infantissam, filiam suam Berengariam. Alterum idem Rex signasse dicitur in favorem Abbatis & monasterii S. Dominici de Silos, Idibus Octobris Era mcccxxviii, anno tertio postquam D. Alfonsus & c. ut supra: Vtinam hac propriis Latinis verbis dedisset nobis Garibayus: majoris namque momenti sunt. Quippe non solum ex iis sequitur id quod jam dixi definitum desponsationis praxata tempus, quod antea nesciveram certo definire; sed etiam secundo loco probant, Conradum Frederici filium (quem cum prius genito Friderico, paulo post patrem in Syria mortuo, ad annum mxcx perperam confudit Baronius; cum fuerit solum tertio genitus, teste Otthone à S. Blasio, Otthonis Frisingensis Continuatore, tunc vivente & scribente) probant, inquam, Conradum, non statim à suscepto cingulo militari rediisse in Teutonium; sed ferme tribus adhuc annis mansisse in Hispania, sub Rege socero accepta ab eo arma tractantem in honoraria contra Saracenos militia; post quos denique, ipso in Teutonium revertente, desponsationi continuo contradixit Berengaria, tunc primum forsitan matura viro, & efficaciter contradicere priori pactioni idonea; atque adeo ut summum nata anno mclxxxvii vel viii; aut forsitan etiam mclxxxix, sicut scribit Rudericus Mendez de Silva in Catalogo Regio ac Genealogico, certiores obtenturus assensum, si sui asserti vetus aliquod testimonium adduceret, nec erraret etiam in S. Ferdinando, faciens eum nasci an. Dom. mccc. Quae enim ratio non consummandi continuo matrimonii, unde pendebat successio in regnum Castella, cujus heres bis jam fuerat publico totius Regni juramento agnita Berengaria, antequam Rex haberet filium, nisi immatura aetas sponsa?

Certe, si ante praedicta Privilegia condita celebratum divortium fuisset, non potuisset Alfonsus desponsata filio Imperatoris Infantissa sua in subscriptionibus meminisse, tamquam rei perquam honorifica, sicut fecisse eum apparet: post illa autem primum habuit Conradus justam revertendi in Teutonium causam. Nuntiata siquidem tunc morte patris ac fratris primogeniti in Syria obita anno mclxxxx, & secundogeniti electione ad patris Regnum & imperium, intelligebat in se recidere Ducatum Sueviae, quem pater fratresque duo possederant prius quam altius eveherentur. Altera, nec minus justa, & tempore prior, sed sola non sufficiens causa recedendi ab Hispania erat; quod secundo anno post

con-

S. FERDINANDI REGIS.

contracta sponsalia circiter dimidio, videlicet millesimo centesimo octogesimo nono, ad tertium Kalendas Decembris die Mercurii natus fuerit Alfonso filius Ferdinandus, prout constare (utique ex authenticis documentis) ait Mariana lib. 11 cap. 17, qui etiam egregie adolevit, eoque majori patris dolore totiusque provinciae luctu obiit anno mcccxi. Evanuerat igitur jam Conrado, vel saltem valde extenuata erat spes cessura sibi aliquando cum Berengaria Castella: necdum tamen proprium ullum statum habens aut sperans alibi, merito adhuc remanebat in Hispania, qualemcumque spem Regni dotalitii fovens, aut saltem notabilis in eodem incrementi tali conjugio medianie. Sed ubi, mortuis ut dixi Fredericis patre ac fratre, & altero fratre electo in Regem, nova & propior spes ex Germania affulsit, merito voluit in Teutoniam reverti, eodem etiam addictam sibi uxorem invitans. Sed hac aequae merito recusavit exire Regno, redituro ad se, si quid puero contingeret (sicut conigerat priori Sancio, eo quod infans obierit vix auctoribus noto) praesertim cum non deessent in vicinia Principes, quibus nubere posset, Conrado potentiores.

Fieri etiam potuit, ut ob expectationem nascituri ex pragnante iterum Regina masculi, tam pater quam filia, licet fortassis matura viro, distulerint consummationem jam promissi vel etiam contracti matrimonii, frustra eam solitante Conrado; quem facile apparebat, nato jam berede non remansurum in Hispania, si Frederici patris suscepta in Syriam expeditio, cujus multa fama & expectatio erat, nova ei regna dominiaque acquireret qua partiretur in filios. Ergo regressus Conradi potest in annum mcccxi differri, dicique Berengaria tunc egisse aetatis annum xv vel amplius. Si tamen aliunde probaretur, eam revera, ut ait Genealogicus prae-nominatus, vivere primum cepisse anno mclxxx1 (quo posito illa solum fuisset decennis, quando recusavit sponsum sequi & solvi petiit) tamen, secundum argumenta ex Garibayo contra Garibayum, patrum sui memorem deducta, maneret illa primogenita liberorum Alphonsi. Quando enim inter ipsum & Eleonoram Anglicam matrimonium coaluit anno mclxx, ille solummodo quindennis erat, & hac haud paulo forte junior; ob quam aetatis utrimque teneritudinem partim dilata fuerit matrimonii consummatio, partim suscepti tardius liberi, sicuti horum uni Blancae (qua tredecenni juveni nupsit virguncula, annos solum octo vel novem forsitan nata) utraque vel saltem alterutra ex causa scimus accidisse, ut non nisi nono sui matrimonii anno filios pareret. Quantumcumque vero sero nasci Berengariam facias; semper manebit, eam viro desponsam fuisse, aliquam multis annis prius quam nasceretur Blanca, ita ut hac fortassis etiam ejus filia esse potuisset: quod erat primum nostrum assumptum. Quo anno mortuus fuerit Ferdinandus Legionensis eique filius Alphonsus successerit, jam porro ad nostram qua-

A P P E N D I X.

quaestionem non facit: non video tamen, quomodo usque ad annum MC-LXXXVI differrī ea successio possit. Quis enim credat generosum juvenem, eodem anno, id est regni primo, quo constat eum armis infestatum ab Alfonso Castellano, etiam manus ejus fuisse osculatum, Equestrem ordinem ab ea suscipientem.

Ceterum novam istam lucem, pro sententia nostra confirmanda & chronologia ordinanda nactus, quadam consequenter mutanda habeo in jam editis, quod pramonitum Lectorem volui, etiam prius quam suscipiatur impressio altera. Ne vero eundem etiam offendat, quod Alfonso Sapientis Hymnos pag. 321 conscriptos dixerim veteri Castellano Rythmo, mallem in titulo quidem Parengi istius Callaico legi vel Gallæco, in contextu autem lin. 12 post hæc verba, Undennis puer, mutari quadam in hunc sensum.

Describit autem veteri Rythmo, non Castellano, sed Callaico sive Gallico: cujus rei ratio videtur reddi posse, quod pubertatis annos ingressus Princeps, & majorem quam pro ætate sapientiam præferens, fuerit in partem regiarum curarum cito accitus, atque post mortem matris & secundas patris sui nuptias missus Legionem vel in Galliciam, simul & regnandi peritiam ipso exercitio acquisiturus, & extremas illas auctioris jam Imperii provincias, in oppositis plane finibus ut plurimum occupato patre, præsentia sua conservaturus in officio. Certe non ante ætatis annum XXI, & quidem postea non nisi bis, fuisse illum in Batia legimus priusquam Rex fieret; unde intelligitur alibi ut plurimum degisse quoad pater vixit, præsertim in sua juventute: ubi autem potius, quam in Gallicia, præcipua Legionensis regni parte, unde pater & avia longius aberant? Ibi ergo Callaicum idioma, dialecto valde diversum à Castellano, non solum didicerit, sed etiam sic adamavit, ut scribendis eo rythmis delectaretur. Horum autem volumen, tamquam primum sui ingenii factum, carum habens, etiam cum jam Rex mortuo Patre Hispali sedem haberet, ipsum per extrema sua voluntatis testamentarias tabulas, una cum corpore legasse dicitur Hispalensi Ecclesiæ. Fuit namque, ut testatur Zuniga, in illius archivo servatus liber, quo ad usque Philippus II, gloriosa memoria Monarcha, adificato Scuriacensi Palatio, ad erectam ibidem Bibliothecam transferri Regium istum codicem jussit: ex quo transcriptum à Zuniga poema juvat hic recudere, addita columnatim nostra interpretatione Latina &c.

Denique (ne agnitorum mendorum dissimulem quidquam, ceteris fere jam manu calamoque correctis) etiam pag. 13 lin. 8 à fine, pro eo quod indistincte nunc legitur tot annis, scribe, per annos quinque & triginta: & pag. 11 lin. 4 & 5, exclusis ex præmortuo fratre Alphonso & Blanca Francica nepotibus, lege Ferdinando & Blanca, sicut legendum esse patet ex pleniori contextu ejusdem rei pag. 9 num. 13.

HISTO-

HISTORIA ET MIRACULA S. CRUCIS CARAVACANÆ,

ipso quo S. Ferdinandus nasciturus erat
anno MCLXXXVIII,

per Angelos in Hispanias allatæ.

PRÆFATIO COLLECTORIS



Ostquam in prima opusculi hujus molitione, historiam hanc susceperam reducendam ad annum Sancti Regis natalem, unde eam quarundam recentium fabellarum assumpta temere fides alienarat, suaseratque ad annum MCCXXXII adultumque jam S. Ferdinandi imperium differre; suscepto tunc argumento videbar mihi fecisse satis Parergo primo, quo disputatur, An & quomodo ad hujus temporis ac Regis historiam pertineat revelatio Crucis Caravacanæ. Præfatus autem, miraculosæ isti apparitioni, præter immemorabilis temporis traditionem, abunde attestari antiquissima ipso in loco monumenta; de Miraculis vero, quæ sunt recentioris ævi fere omnia, legitimeque testata, ambigere neminem; credebam satis me cavisse, ne ex illa fictionum post additarum convictione detrimenti aliquid pateretur honor sacri istius Pignoris. Recognoscenti nihilominus opellam præsentem, jam fere absolutam à prelo, in ordine ad editionem alteram, ipsis in Actis Maii faciendam, visum est, utilem, neque solis Hispanis, sed etiam aliis omnibus gentibus Christianis (ad quas Crucularum Caravacanarum usus æstimatioque pervasit) rem gratam me facturum; si denuo exorsus à principio, novam instituerem tractationem, in plura distinctam Capita, Actisque Ferdinandæis subtexerem; Historiæ illius

illius veritatem confirmando documentis etiam aliis; recentioribus quidem quam sint prefata monumenta, Caravacæ sculpta & picta ipso quo res agebatur tempore; antiquiora tamen omnia figmentis prenotatis; addendoque præcipua quedam Miracula, tam antiqua quam nova, etiam extra Hispanias patrata. Quam tractationem si rursus incipiam à refutatione figmentorum istiusmodi, crede id necessario fieri, exemplo Architectorum, qui prius quam edificiorum jacciant fundamenta, mobilem omnem infidamque humum foediendo egerunt.

CAPUT I.

Fontes fabulosarum quarundam circumstantiarum, quibus obscurata habetur historiæ Caravacanæ Chronologia.

Historia
edita an.
1615;

² **L**icentiat^{us} D. Ioannes de Robles Corvalan, Clericus & Sacerdos, Caravacæ natus, in Regno Murcia ad confinia Castellæ-novæ, anno MDCXV Madriti curavit evulgandam, quam Hispanice scripserat, Historiam Apparitionis & Miraculorum sanctæ Crucis Caravacanæ, divisam in libros duos, & dedicatam D. Christophoro de Roxas y Sandoval, Duci Uzetenſi, Regiæ Majestati Philippi III à Cubiculis, & Commendatori Caravacensi. Ea Historia, quoad substantiam facti indubitabilis, & infinitorum propemodum miraculorum suffulta testimonio, passim ab omnibus Sancti Regis historiæ tractantibus adducitur in partem laudum ejus; nec immerito, cum ipse honorem & fidem Sanctæ Crucis tantopere suis armis curisque propagaverit. Vt tamen id certius meliorique cum fundamento fiat quam factum hætenus, penitus investiganda est ratio temporis, idque definiendo eam ex certis minimeque suspectabilibus Caravacani oppidi monumentis: quæ prædictus quidem Robles incorrupta suggerit, nescivit tamen recte intelligere,

rem aliunde
tertiam, im-
plicat cir-
cumstantiis
fabulosis;

illigere, fasciatus novitiis nonnullis figmentis, quibus tota Ecclesiastica Hispanorum Historia mirum in modum cœpit hoc seculo obscurari; dum ea velut antiquorum Auctorum scripta venditantur, atqueque arripiuntur à plerisque, nullo accuratiori adhibito examine, quò tamen quantopere indigeant omnia, vel ex his quæ Roblesium deceperunt speciminibus licebit discere. Prius ergo quam certiore historiam produco, fabulosam (ut arbitror) narrationem Roblesii fide bona ex illo accipe, sicut profertur pag. 26, & quidem verbis Latinis, sicut originaliter scripta esse prætenditur.

3 Anno MCCXXXI (ut ex relatione Conchenfi & Carbacensi constat) profectus est ex urbe Conchenfi, cum salvo conductu Regis Mulei Azebuteii, Carabis, & Valentia, Dominus Genesius Petri Chirinus, Persona Conchenfis Ecclesiæ, nepos Chirini Populatoris Conchæ, Carabacam ad prædicandum Evangelium Christi, Christianis captivis & Mauris. Cumque iste sanctus vir, Magister Genesius Petri Chirinus, semel plus quam alias inveheretur in sectam Mahometi, ipso die Sanctæ Crucis, iussus est à Rege Azebuteo inter captivos conjici in vincula. Postmodum anno sequenti mense Januario in fine, cum Rex jussisset captivos duci ad se, visus est & ipse sanctus vir: qui conquestus est, quod in vincula coniectus esset, sub fide publica & salvo conductu. Rex dixit, Nisi huius rei rationem habuissent plane interfecissent, & iussus est recludi. Donec sub finem Martii, cum Rex inquireret singulos de suis officiis, Magister Chirinus dixit, se Sacerdotem esse Christi. Et cum juberet, ut sacrificaret; dixit id fieri non posse sine sacris vestibus. Missus est qui Concha illas illuc afferret: quibus allatis, & frontali & ara, calice & aliis necessariis ad divinam celebrationem; indutus vestibus cum substitisset tristis, dixit Rex, quid subsisteret? Respondit Chirinus, Crucem deesse. Rex vero attollens oculos vidit duos Angelos, afferentes Crucem Patriarchalem, quam abstulerant ex collo sancti Roberti, tunc Patriarchæ

ann. narratur
tur quod
an. 1241
Genesius
Chirinus
coniectus in
vincula.

in anno
1232 iussus
coram
Rege Missam
facere.

Hierosolymitani, idque Angelis nuntiantibus scitum, & Carabacensibus missio nuntio est compertum.

acceperit
Crucem
sumptam à
collo Patri-
archæ Hie-
rosolymita-
ni,

idque ex re-
latu aucto-
ris coevi
accepto ab
Higuera.

4 Hæc Crux erat ex sacro ligno Crucis ubi Christus pendit. Perfecit Sacrum Chirinus; & sunt qui dicant, Regem in Hostia vidisse puerum formosissimum. Qui tantorum miraculorum magnitudine (ut, quod Hierosolymis vulgo jactaretur, antè hanc Crucem disparuisse post annum MCLXXXIII, invenit autem Patriarcha Dositheus) stupefactus, proponit se Christianum fieri. Vocatusque est Rex iste Dominus Vincentius. idque sub Rege Jacobo Aragonum Bellatore. Hoc miraculum accidit ipso die Inventionis sanctæ Crucis mense Majo, qui semper in Ecclesia dies illuxit faustissimus, & toti terrarum orbi celeberrimus. Crux etiam ex illo ad hunc diem cœpit multis clarere signis & miraculis, & per Hispaniam illustris haberi. *Hujus relationis auctor à Roblesio fuisse dicitur*, Fr. Joannes Ægidius Zamora, in Additionibus seu Adversariis, quas contra aliqua puncta Chronici, à Juliano Tolentino Archipresbytero compilati, scripsit de mandato sancti Regis Ferdinandi, quemadmodum reperiuntur in quaterno P. Mag. Hieronymi Roman de Higuera, fama miraculorum quæ fiebant Caravacæ moti, ut dicebat, ad visitandam sanctam Crucem. *Dixerat autem antea pag. 11, totam hanc suam historiam, ipsius Higuera factum quodammodo esse censendum*, cujus ordinariis vigiliis doctisque studiis acceptum referri debeat, siquid boni habet, ex varia lectione antiquorum modernorumque Auctorum collectum: cum ea ipsi communicarit, profitens, se multum S. Crucis Caravacanæ causa velle, quia per applicitam sibi à matre Cruculam, illius tactu sacratam, sanitatem recuperasset, immodico studio deperditam, puer annorum septemdecim. *Prædictis autem ut firmior adhiberetur fides, pag. 66 rursus quedam verba Latina proferuntur, velut à prætenso illo Joanne Zamora sic scripta*: Ego dum hæc scriberem, aliquoties allocutus sum scilicet Azebuteum, vel Domi-

Dom-
mis,
regis,
te, cap-
purpu-
sequit-
De
dam de
meno a
clera a
esse crea-
cre, et
habetur
fius Pe-
ex pri-
nem d-
dicatur
Ferdin-
Alfont-
Azebu-
eum in
se esse
ceteris
opus e-
terat
cis. S-
qui re-
tare. N-
nihil o-
opera
videli-
quod
mitte
Missæ
quod
Hier-
Chir-

Dominum Vincentium Belvisium. Erat homo comis, humanus, prudens, justus, procero corpore, jure regis, oculis pulcherrimis, facie decorâ, plenâ majestate, capillis demissis in tegumento capitis serico, veste purpurea, semper multis famulis comitatus; filii cum sequuntur.

5 Dedit etiam Roblesio Romanus de Higuera, aliud quoddam documentum, transsumptum ut aiebat ex veteri pergameno codice Ms. Hispanico, quem asserbat in Conchensis ecclesie archivio servari; ille vero de ejus fide certissimum se esse credidit, accipiens etiam Concha, à quodam ejus urbis ^{à quo etiam accepta est} ^{velut ex veteri Ms. Conchensi.} ^{ecce, ecgraphum simile in hunc sensum, ex Hispanico, (quod habetur pag. 44.) Latine sic reddendum:}

Moyse Genesius Petri Chirinus, filius Alfonsi Petri Chirini, unius ex primis populatoribus Conchæ, qui Toletum originem ducunt, ad oppidum Carabacense transivit, prædicaturus fidem Mauris, cum salvo conductu Regis Ferdinandi cognomento Sancti, qui pater fuit Regis Alfonsi, Imperatoribus comparandi. Cum autem Azebuteus, Rex Carabacæ, Murcia, & Valentia: ibi eum interrogaret, quid opificii exerceret; respondit se esse Clericum Missalem. Idem autem quæsivit ex ceteris captivis omnibus, iussitque ut suum quisque opus exerceret: Clericus vero dixit, quod non poterat cantare Missam absque paramentis ecclesiasticis. Sciens porro Rex ea Conchæ invenienda, misit qui requireret: allataque induit Clericus, & fecit altare. Mandavit ei Rex ut opus suum ageret. Cumque nihilominus hæsitaret Clericus, Quare, inquit, non operaris? Respondit ille, Quia deficit pars potissima, videlicet Crux. Sustollens porro oculos Rex, vidit quod Angeli duo Crucem cum magna claritate demitterent; unde animatus Clericus Deo gratias egit, Missamque dixit: postea autem intellectum fuit, quod Angeli ipsam acceperint de pectore Patriarchæ Hierosolymitani. Baptizatus fuit Rex per manus Chirini: patrini vero ejus fuerunt D. Petrus de Monteforti

ejusdem relationis confirmatio.

teforti & Bello-vifo, & D. Joannes de Concha: ex quibus & ex D. Moyse Genesis rescita fuerunt hæc omnia; cum Rex Zeyt Azubeteyt liberos eos dimississet. Prædictus Moyses Genesius vitam suam sancte terminavit, & jacet sepultus Conchæ in ecclesia S. Mariæ. Era MCCLIV.

6 Quis non crederet hic se manu tenere omni fide dignissima testimonia duo, alterum ætate S. Ferdinandi, alterum sub filio ejus Alfonso conscriptum? Virumque tamen subleste fidei esse suspicabitur mecum, quisquis novit istum Romanum de Higuera, ex cujus fide cuncta hæc edidit Robles, auctorem esse omnium earum fabularum, quibus tam cæcæ fidem à plerisque recentioribus habitam merito queruntur oculatioribus in Hispania, cum aliud nihil sint quam cerebri post multas litteras delirantis somnia, imprimis prænotati Juliani Chronicon, atque alia hujus generis plura, sub nominibus Dexteræ, Maximi, Luitprandi, & similium antiquorum edita: adversus quæ tum alii eruditi Hispani nonnulli fidenter decertarunt, tum omnium operosissime ac solidissime Don Gaspar Ibañez de Segovia y Peralta in suis Dissertationibus Ecclesiasticis, quarum priorem partem edidit anno 1671 tunc præcipuo titulo solum Agropolitanus Marchio; nunc vero, dum secundam sub prælo habet, duplici ex capite Magnas Hispania, utpote hereditario uxoris jure transgressus in familiam Mendozæ, factusque etiam Marchio de Mondejar y de Valhermoso, Comes item Tendiliæ; ut taceam alias ejus prerogativas, ex Equestri Ordinis Calatravæ habitu, Pratura Alhambra, & Capitaneatu urbis Granatensis. In eadem ergo officina procusa, eademque fallendi lubentia censerî possunt præfata monumenta duo, ex Roblesio jam relata. Romanus enim iste, machinam talem moliens, nihil egit solertius, quam ut quaquaversum spargeret suorum commentorum fragmina, quibus postea in confirmationem adornata à se fabulæ concursuris, tamquam testimoniis omni certitudine subnixis, uteretur. Verum nolo uti hoc præjudicio, licet apud Eruditiores Hispanos jam receptissimo; venio ad evictionem im-

utraq; e-
jusdem fa-
rina cujus
& Juliani
pseudo-chro-
nicon.

& alia Hi-
guera ipsius
figmenta.

mediatam imposturarum, quibus scatent tum prætensa illa
Fr. Ægidii Zamorensis Adversaria, tum Conchen-
sia scripta.

7 Quod ad primum præcipuumque attinet, Latina con-
scriptum lingua, difficile esset speciem aliquam vetustatis <sup>In istis (ut
taceatur
styli novi-
tas,</sup>
in eo agnoscere, facillimum suspicari novitatem, ex & oci-
bus recentioris plane usus, ut sunt Salvus conductus,
Persona, Magister, Populator, Frontale, Sacrum, A-
ra, isto XIII seculo non sic solita nominari. Sed nolo hoc ar-
gumento uti. Nolo etiam querere, quomodo, præter usum
eiusdem seculi, in eodem Latino testimonio notentur anni
secundum Eram Christianam vulgatam. Carere tamen non <sup>incomitas
utiusque
Era &c.)</sup>
possum quin notem, annum Christi MCCXXXI, quo Carava-
cam profectus primum Genesius præmemoratus sit, male
convenire cum Era MCCLIV, qua in Conchensi Ms. videtur
sepultus dici: esset enim hic annus Christi MCCXXVI. De-
nique non requiro, quæ sint illæ Relationes Conchen-
sis & Carbacensis, ad quas Ioannes Zamorensis fin-
gitur provocare; voce tenus, an scripto traditæ? licet ea
quæ anno MCCCLXXV scripta habetur Caravaca Relatio, a-
liam nullam priorem supponat scripto traditam, & longe
aliter narret ea quæ velut ex Majorum memoria accepta
refert. Prius tamen quam porro pergam examinare, iterum
iterumque protestor, de veritate allatæ Caravacam S. Cru- <sup>expenditu
evidens re
pugnancia
cum certior.</sup>
cis, & miraculi quo allata sit, nullatenus me dubitare;
solumque historiam ejus expurgatam me cupere à novitiis
additamentis circumstantiarum fabulosarum, sine quibus historia
nisi res inveniretur antiquius sinceriusque testata, ipsam
etiam miraculi substantiam merito quis haberet de fictione
suspectam. Nec enim perniciosior ulla sacris historiis asser-
ri labes potest, quam cum sic implicantur falsis circumstan-
tiis rerum, temporum, ac personarum, ut his deprehensis
statuere lector auditorve nequeat, quid demum eis veri
subsit, nisi per conjecturam. Sub ista ergo protestatione di-
co, Relationes præcitatas, neutiquam recipi posse pro veris
seculi XIII scriptis, quia cum indubitabili, tam Hierosoly-
mitanorum Patriarcharum, quam Regum Hispanorum chro-
nologo

nologia sic pugnant, ut ejusmodi errores committere & sic exorbitare Auctor eo tempore scribens non potuerit: item quia repugnant antiquissimis Sacelli Caravacensis sculpturis picturisque, quas ipse Robles exprimit laudatque, parum animadvertens discrepantiam manifestam, quæ est inter ipsas & prenotatas Relationes. Ad rem venio.

Regum Hi-
spanorum,

8 Conchenſis civitas, unde Sacerdos iste (cujus nomen ignorare malo, quam discere à fabulatore) civitas, inquam, unde ivisse Caravacam dicitur Christianus Sacerdos, anno MCLXXVII Christiana Religioni asserta ab Alphonso, non Aragoniæ (uti forsitan Higuera credidit, ista fingens) sed Castella Rege, anno MCCXXXI suberat, una cum Caravaca, saltem ut tributaria, Sancto Regi Ferdinando. Quomodo ergo fieri potuit, ut Auctor ejus jussu correcturus defectus Juliani Archidiaconi, quod pretenditur; Regemque, sub quo res acta erat, nominaturus; eo, ad quem, & in cujus gratiam scribebat, pratermisso, scriberet rem actam sub Rege Aragonum Jacobo, cui neque Concha neque Caravaca quidquam juris erat? Hoc autem eo modo fit, dum additur, Bellatore; ac si ageretur de Rege pridem mortuo, & gloriosum istud cognomentum crebris pugnis victorisque commerito. Jacobus tamen iste primum natus fuit anno MCCIX, adeoque junior Ferdinando Sancto fuit annis XI, & eidem totis XXIV annis super-vixit, mortuus sub MCCLXXVI.

& Patriar-
charum Hie-
rosolymit.


9 Nihilo levius impingit supposititius Joannes Zamorrenſis contra Chronologiam Patriarcharum Hierosolymitanorum, ex coævis ocularisque testibus deductam ante Tomum 3 Maji: ubi invenietur, quod Robertus, de cujus, tunc Hierosolymitani Patriarchæ collo, dicuntur Angeli Crucem Caravacensem accepisse, primum promotus fuerit anno MCCXI, ante quem electi alii duo sint, videlicet Jacobus de Vitriaco, & Gerondus vel Geraldus Valentinus in Gallia Episcopus, mortuus anno MCCXXXVI. Absolum praterca est, quod Crux, quæ dicitur amissa fuisse anno MCLXXXIV, adeoque sub Heraclio, Latinorum Hierosolymis residentium ultimo, & à Dositheo (urbe jam

capta

capta à Turcis) schismatico ejusdem successore, reperta; non etiam dicatur ab hujus vel successoris æque indigni collo rapta, sed à collo orthodoxi Latini Patriarchæ, non Hierosolymis sed Accone residentis; & tamen veritatem facti non Accone, sed Hierosolymis didicisse finguntur Caravacenses Legati. Proinde facillimum est judicare, quod fabulator sic exorbitans in designandis locis personisque, tam fuerit ignarus rerum, quam qui sub nomine Enoch Patriarchæ Hierosolymitani fingens vitam S. Angeli Martyris, eum, Sacerdotem ordinandum anno MCCXIII, non misit Acconem, ubi inventurus erat Patriarcham orthodoxum, eundem à quo suus Ordo recens acceperat Regulam; sed in Hierusalem inessam à Turcis, & ubi Christianus nemo nisi schismaticus manebat. Utique arbitrabantur scriptores ambo, penes orthodoxos adhuc Urbem sanctam fuisse eo pro quo scribebant tempore; sed hoc opinando suam prodebant imperitiam, suæque temeritati confutanda præstabant argumentum.

10 Cur autem vocatur Crux Patriarchalis, & de collo sumpta dicitur ea, cujus hic forma exprimitur, ipsa quæ Caravacensis Crux est longitudine ac forma? An quia Patriarcha Venetus, & quidam alii in Occidente nostro Patriarchæ, duplici nunc Cruce utuntur? Ast institutum hoc nostrum admodum recens est; in Oriente autem omnes, tam Episcopi quam Patriarchæ, tam Clerici quam Laici, tam viri quam feminae simplici vel duplici Cruce utuntur indifferenter, uti videre est in Sanctorum Sanctarumque omnis generis imaginibus, quas nostra Ephemerides Græco-moschæ ante Tomum Maji exhibent. Si porro eas Cruces attendimus, quæ Caravaca adferri solent, habent illæ omnes superne vel ansam perforatam vel annulum, ut ad collum vel aliter suspendi possint: talem autem, si Crux primaria etiam haberet, nihil obesset, quo minus Græcanicum Encolpion illa fuerit, Episcopale vel Patriarchale. Ast si ejusmodi ansa desit, nec aliud in parte superiori foramen per quod trajici funiculus vel catenula possit (sicut suam Robles in imagine exhibet nosque ex eo) profecto sicut ille negat


ipsaque
Crucis for-
ma, quæ
falso dicitur
Encolpion
Patriarcha-
le fuisse.



ex eoru
li, qui
recipiat
mittatur
colpis p
raminis
11 T
presente
(ut ipse
ante se
insignit
ra fit, de
to asseve
pendit
mini in
tur quod
appellat
potest
sumptio
credetur
multis pa
frustulis
fuit de ip
attinet, a
Angeloru
deficioru

ex eorum esse genere quæ Patriarchis præferebantur in hastili, quia inferne nec foramen habet, quo cuspidem hastilis recipiat; neque cuspidem, quæ hastili ipsi superne forato immittatur; sic etiam negari debet eadem Crux usum Encolpii præstare potuisse, ob ansulæ vel annuli aut saltem foraminis defectum in parte superiori.

¶ Tali autem casu dicerem (est enim valde consonum presenti historia) Crucem esse Liturgicam, quali passim ^{cum potius habeat speciem Crucis Liturgicæ.} (ut ipse vidi) utuntur Græci ad Sacrificium, habentes eam ante se positam in altari, absque ullo cui, sicut apud nos fit, insigatur pedimento. Unde vero Crux Caravacana allata sit, definire præsumat nemo: nemo etiam cum fundamento asseveraverit, formatam esse ex ligno ejus Crucis, ex qua pependit Dominus; quando ante jam refutata commenta nemini in mentem venit illud asseverare; nisi forte eo trahatur quod in antiquis miraculis hodiernoque usu identidem appelletur Sancta vera Crux, unde ad summum haberi potest vulgaris præsumptionis argumentum. Talis vero præsumptio quam difficulter convinceretur erroris, tam facile credetur esse incerta ac dubia, ab iis qui norunt, quam multis passim alicujus sacri ligni vel miraculose Crucis frustulis traditio popularis prærogativam eam tribuat, quod sint de ipsa Christi Cruce accepta. Caravacanam quod attinet, ad eam specialius venerandam abunde sufficit, quod Angelorum manibus credatur allata, sitque divinorum beneficiorum erga homines instrumentum præsentissimum.



CAPUT II.

Verus allatæ Crucis annus, irrefragabili veteris
sculpturæ testimonio probatus.

¹²
Ex Arabicis
litteris anti-
quitus cir-
cum fene-
stram scul-
ptis.

Idem Deus, qui pretioso istoc thesauro ditandas Hispa-
nias pro sua bonitate decrevit, converso ad fidem no-
stram Regi sua etiam providentia inspiravit consilium,
in ipso miraculi loco collocandi quædam monumenta rei
gestæ, ad omnem posteritatem duratura, & discussura
ambiguitatem, quæ posset futuris temporibus subnasci con-
tra ipsius historiæ certam veritatem. Huiusmodi unum ex-
hibet Robles pag. 47, quod ait sculptum inveniri in orbicu-
lari limbo fenestæ, ipsi sacello & altari ubi Crux sancta
custoditur lumen inferentis, hoc modo.



Addit autem ibidem Robles, Arabicos istos characteres, ex
interpretatione Licentiati Michaelis de Luna, peregrini-
narum linguarum scientissimi, hunc sensum facere: Anno
quingentesimo nonagesimo quarto Arabum, tem-
pore

pore Mahomad, Abuzeyt Rex potentissimus, & triginta homines, in hoc habitaculo conversi fuerunt ad salvamenti veram legem (& hoc, Dei gratia, Cruce duplicata mediante, quam Angeli Dei attulerunt) & alii multi eos comitantes & adjuvantes ad celebrationem: ad quorum memoriam hæ litteræ fuerunt cælatae.

13 Ad hujus inscriptionis intelligentiam scito, omnes eos scimus rem
 populos qui Mahometanam sectantur impietatem, atque im- accidisse an-
 primis Arabes unde Saraceni Maurici genus ducunt, an- do 594 He-
 norum suorum epocham, quam Hegiram vocant, ducere à gira Arabia
 fuga Mahometis, quæ (ex consensu omnium in ejusmodi
 nunc versatorum) cecidit in xv Julii, anni secundum com-
 munem Christianis Eræ DCXII. Cumque illorum anni lu-
 nares sint, adeoque ordinarie solum numerent duodecim
 lunationes, constituentes summam dierum CCCXLV; conti-
 git necessario, ut Hegiræ annus I, à xv Julii ductus, fi-
 niatur die II Julii sequentis; & annus II ejusdem Hegiræ
 inchoetur à die III mensis prænominati; & sic consequenter,
 per dies XII retrogradiendo, anticipatur semper anni cujus-
 que Arabici initium; ac tandem eo pervenitur, ut nostri
 Ianuarii Kalendis inchoatus talis annus Arabicus, in De-
 cembri ejusdem nostri anni finiatur; sicut accidit anno DCXI,
 quando annum XIX Hegiræ, I Ianuarii cæptum, excepit, adeoque an.
 eodem anno nostro & XX Decembris, annus XX ipsius He- 1198 Eræ
 giræ. Ita fit ut eodem circulo singulis triginta duobus an- vulgaris
 nis recurrente, supra annorum nostrorum numerum excres- Christiane
 cat anno uno numerus annorum Arabicorum; utque eorum
 annus DXCIV sub isto inæquali progressu initium sumat XII
 Novembris anni nostri MCXCVII (alias si æqualiter progres-
 sum fuisset) inchoandus in Julio anni nostri MCCXV) finia-
 turque die ultima Octobris anni nostri MCXCVIII. Intra quod
 spatium temporis verosimiliter dicimus conceptum, quin &
 natum fuisse Sanctum Regem. Si quidem, juxta Rodericum, (ante cujus
 ad regni Castellani solium sublimatus est anno ætatis finem natus
 suæ XVIII; anno autem Christi MCCXVII XXXI Augusti. Sanctus)
 Natus ergo ante finem anni MCXCVIII, incertum quo, die,
 sicuti

sicuti incertus etiam dies est quo S. Crux allata fuit; nisi quod pro die 111 Maji presumptio stet, ex eo quod hunc diem annue festum Caravacenses habeant, teste Oncala infra citando. Presumere tamen licebit, circa exaltatae Crucis festum mense Septembri natum esse Ferdinandum, si vere ante XVII Decembris anni MCXCVII (ut vult Zuniga) datum est diploma à patre jam conjugato signatum XVI Kalend. Januarii Era MCCXXXVI.

imperante
in Hispania
Mahomad.

14. Iste autem annus Christi MCXCVIII, ad quem prenotati characteres Caravacani (ut jam diximus) reducuntur, præcise nos adducit ad tempus imperantis apud Mauros Mahomadi; qui videtur post cladem, anno MCXCV Christianis ad Alarcurim illatam, successisse patri suo Miramolino, in Africam compositis induciis regresso; quique his finitis longe majorem ad Navas Tolosanas cladem retulit, quando etiam ipse creditur in patriam remigrasse, relicto pro se in Hispania fratre suo Zeyt Avozecrith, sicut eum nominat Rodericus. Quidquid autem sit de ista successione, dicit Robles pag. 20 Mahomadum obiisse proximo post cladem & reditum in Africam anno: atque ita destruit, quod maxime probatum ex suppositio Zamorensi cupiebat, de anno MCCXXXII: si quidem tum non amplius vivebat Mahomad, quo imperante res contigit. Mirum est autem, quod in annis Arabum ad communem calculum reducendis, neglecta methodo quam agnoscit tradi à Marmolo in historia Africana, & à Mariana in Hispana (utique talium intelligentissimis) maluerit sequi Pinedam, docentem, quod Mauri Lunares annos suos equaverint Solaribus triennali quodam unius mensis embolismo, atque ita fecerint aequales nostris. Nam etiam hoc posito (quod tamen non probatur in usu civili voluisse) posito etiam, quod Epochæ Hegiræ prædictæ sumenda sit ab anno DCXXX (quod etiam non recipitur) ad annos DCXXX additi anni DXCIV non plures faciunt quam annos MCCXXIV, atque ita transiit ætas Mahomadi, nec tamen obtinetur annus qui prætenditur MCCXXXII.

quorum nihil
convenit
cum fig-
mentis Hi-
guera;

15. Subversis in hunc modum Higuera figmentis, & vel ex una Caravacensi inscriptione falsitatis convictis, corrumpunt
omnia

omnia quacumque Castellani Arragonique scriptores nonnulli, ab eodem Higuera suffarcinati, aut propriis porro conjecturis subnixi, addiderunt capta semel fabula; ut quod Abuzeyt fuerit ille à Roderico nominatus Avozecrith, frater Mahomadi; quod fuerit Rex Murciae, Valenciae & Caravacæ; quod Ferdinandi atque Iacobi, Regum Castellæ & Aragoniæ, armis concussus, pacis petendæ causa Concham venerit; quod Genesii Presbyteri hospitio illic usus, facultatem ei fecerit Caravacam excurrendi; quod post miraculum, regno expulsus sit à rebellibus subditis; quod ad eundem Ferdinandum confugerit cum uxore & filiis, Alfonso & Ferdinando supra fontem dictis; multisque donatus possessionibus, post rem fideliter contra Mauros gestam in obsidionibus Cordubensi atque Hispalensi, apud Concham consenuerit, & vixerit usque ad annum MCCLXX octogenario major; quod denique prædictis filiis relinquens quidquid possidebat, dono Iacobi Regis, in regno Valentino jam Christiano, alias in Murciensi Regno possessiones dimiserit Hospitali S. Iacobi Conchenfis.

quibus tamen aliorum nova conjectura nituntur.

16 E contra, invento semel vero anno miraculi Caravacani, longe verosimiliori conjectura opinari quis posset, quod Abuzeyt, tunc cum res ageretur Rex dumtaxat seu Regulus Caravacanus, sub Alfonso IX S. Ferdinandi avo etiam Rex Conchenfis fuerit, sub imperio tamen potentioris unius Mahomadi (uti Maurorum mos ferebat) qui ipsa Concha totaque circum regione amissa anno MCLXXVII, vitam ac libertatem pactus à victore Castellano, permissus sit arbitrio ac lege sua vivere Caravacæ cum titulo regio. Quod Mauris circa annum MCXCV erectis præsentia Regis Almahadi, immani cum exercitu ab Africa appulsi in subsidium Mahomadi, ipse Abuzeyt eisdem se conjunxerit, recuperandi regni spe magna plenus. Quod pugna & victoria ad Alaturim de Christianis relatæ particeps, ex eoque ferocior erga eosdem, complures Caravacam abduxerit captivos, interque eos etiam Sacerdotem unum. Quod denique eo Misfam celebrare iussu factum sit miraculum, quo motus Rex ad fidem Christianam accesserit; cuius liberius exercendæ causa

Pro illis alia verosimiliora suggeruntur.

Carav-

Caravacense oppidum Alfonso tradiderit, accepta in vicem turri quadam prope Concham, quæ etiam hodie à tali incolâ nomen suum retinet. Nihil tamen istorum velim asseverare, præter annum gestæ rei sicut eum accepi, eundem quo S. Ferdinandus natus dicitur; ad cuius proinde laudem nonnihil faciat Apparitio istius sanctæ Crucis, velut præsagium nascituri mox Principis, per quem Crux exaltanda plurimum, atque ad sacræ Religionis cultum reducenda essent omnia istæ cis mare Maurorum regna, vel saltem tributo subjicienda.

Alia ejusdem historia monumenta in picturis antiquis,

17 Cetera quæ ibidem Caravaca inveniuntur monumenta, ad rationem temporis indifferentia sunt, historiae tamen veritatem confirmant; ideoque sicut relata à Roblesio, ita hic etiam referri digna. Ac primo in pariete collateralis altari, quod est in capella sanctæ Crucis ad latus Evangelii, cernitur pictura Regis, equo infidentis & toga cerulea induti; juxta quem stare videtur multus populus, Clericum captivum adducens; in ora autem togæ extima, velut acupictæ cernuntur hæ notæ:

DMVLLORPHIESVIN
SELONEXH NNSJETT

in inscriptionibus Arabicis,

quas Licentiatuſ Petrus de Luna sic interpretatur: In memoriam meæ conversionis & ad gloriam Dei obtuli hanc Regiam vestem, ad induendam eam in die sanctæ Crucis, propter solennitatem festi.

18 In arcu etiam sellæ equestris, cui Rex videtur insidere, similiter notati leguntur characteres hi

OMRONR D9CJW

id est, Cum hoc equo exaltavi Legem Dei, & vici inimicos ejus in prælio multis vicibus. In altero parietis latere, ad cornu Epistolæ, exprimitur disputatio Regis & sacer-

facerdotum ejus cum Clerico, Rex autem sedet in sedili, Clericus vero stat atque incipit Missam, interim dum Angeli dimittunt Crucem, quæ est magnitudine ac forma quam expressimus. Circa prædictas vero inscriptiones, unum te monitum, lector, velim, solam ultimam, in locum alterius elegantius nonnihil pridem sculptæ, sed inter operarum manus deperditæ, recens sculptam, plane ex forma characterum Roblesianorum, habere formam scribendi Arabicam, à dextra ad sinistram, nostræ contrariam; idque casu potius quam consilio, quia oscitabundus sculptor non cogitavit propositam sibi formam invertendam fuisse in sculptura, ut similis exemplari Roblesiano impressio evaderet. Retinendam tamen eandem putavi: vehementer enim suspicor, id, quod hic error videtur, veritatem esse genuinam; & prius ipsum Roblesii sculptorem erravisse, adeoque omnia à dextris ad sinistram ducenda fuisse, contra quam factum videmus. Invenio enim inter veteres schedas (Rosweidine, an Bollandi nescio) eadem omnia descripta à dextris ad sinistram, & opinor Carvacâ fuisse missa ad corrigendum prædictum errorem, si quando Roblesii liber hic recuderetur. Certius hoc poterunt præsentium oculi, ad quos me refero, æstimare. Pergo igitur ad id quod ultimo loco sic refertur:

19 In pariete qui est è regione altaris, ubi est fenestra ^{ubi etiam} rotunda, de qua supra, conspiciuntur duo Sacerdotes Mauri, ^{representantur} cum aliis magnæ gravitatis personis, ^{baptismus} assistentes baptismo Regis; qui baptizatur à quodam nostro Sacerdote, eodem, ^{ac Regina.} quantum ex faciei lineamenti apparet, qui captus fuerat & Missam dixerat. Rex vero ad pedem Fontis sacri apparet genuflexus, manibus junctis hilari vultu cum magna devotione: juxta autem assistit Regina togatâ magnæ majestatis, & circa oram togæ videntur hæ notæ:

Z

Ego

ANOP22BES LOSTEVEN
CET+QISQ+QAYDESEC

Ego Regina Heyla, nunc Helena, uxor Abuzeith & duo filii mei, fuimus conversi per Dei gratiam ad sanctam fidem: in cuius rei memoriam hic effigiata sum. *Quia hi characteres vulgo non intelligebantur, ideo conversionis hujus notitia sic videtur abivisse ex memoria hominum, ut econtra crederetur Regina obstinasse animum in superstitione patria. Caci enim apud sanctam Crucem recitant quamdam precationem, in qua, nulla facta conversionis secuta mentione, solum dicitur Regina, intellecto miraculo, mansisse Moratalla, ubi erat, quasi ad virum numquam reverterit: quod tamen ex eo silentio non absolute sequitur, & præter solitum facit Robles ipsa talis comprecationis verba non exprimens. Potius dixerim, primo indignatam marito ad Christum converso Moratalla mansisse; postea vero cognita miraculi certitudine, eidem reconciliatam ac simul baptizatam fuisse. Ipsas picturas si nancisci in tempore potuissem, etiam hic ari incisas dedissem: fortassis id alibi adhuc facturus*

Objicienti
quedam
Chronica,
nec verba
eorum pro-
ferenti,

20 *Productis hunc in modum quæ pollicebar monumentis, omnium de re gesta antiquissimis, eoque præsertim quo circumstantiam temporis edocemur expenso, quod solum adversus quæcumque Higuerae figmenta sufficere posset, finieram Paragraphum: cum iterum Roblesii librum revolvens, inveni pag 45 testimonia duo, si vera forent, justam dubitandi causam injectura; non tamen originalibus suis verbis expressa (quod sane oportuerat) sed propria ipsius Roblesii phrasi. Ea tamen proponenda judico, ne quis, Higuerae forte defensum excusatumque volens, minus sincere egisse me queratur. Constat, inquit Robles, per historiam quam Rex Jacobus composuit, quod Abuzeyt erat Rex Murciae & Valentiae anno MCCXXV, quando prædictus Jacobus obsedit Paniscolam, diu antequam expeditionem contra Baleares susciperet; quodque idem Abuzeyt,*

ut talis, obtulerit Jacobo partem reddituum Regnorum suorum, qua delinitus in Aragoniam reverteretur. Constat etiam ex Historia generali Alfonsi Sapientis, quod anno vi Ferdinandi Regis, patris ejus, dictorum Regnorum Regem agebat Zeyt Abuzeyt: quodque clientelæ Ferdinandi se subiecerit Conchæ, ne porro, sicut jam aliquoties fecerat, infestaret ditiones suas inferendo iis bello. *Ex his autem sequeretur Abuzethum primis octo vel decem annis regni Ferdinandi necdum fuisse Christianum.*

21 Sed contra, ex ipsius S. Ferdinandi *Aëtis Chronica* ^{opponitur fides certior Chronica} *observo, primam illius incursionem in Mauros, qua Quesada cepit Ubetæque & Beatix fines vastavit, cadere in annum regni ejus septimum. In iisdem etiam nullum invenitur vestigium belli, unquam ab eo contra Valentix Regem gesti, quem Arragoniis subigendum relinquebat, ipse in Baticam vicinæque regna occupanda intentus. Non etiam invenimus quod in Mauricani Imperii partitione Valentia & Murcia, nedum Caravaca, communem unum Regem habuerint: invenio autem Regem Murciae, Abenhud dictum, Ferdinando primum se subjecisse anno MCCXL. Denique confundere omnia videtur Robles, dum sibi credi postulat, quod Zeyt Abozecrith, Mahomadi apud Rodericum frater; Zeyt Abuzeyt ex inscriptione Caravacensi noscendus; & Zeyt Benceit nuncupatus apud Arabes, & fortassis in Historia Jacobi Regis; non solum convenient nomini-bus, unum idemque valentibus (quod gratis presumitur) sed etiam una eademque sint persona; cum istis de quibus agimus seculis, inter Christianos Hispania Reges tot inveniuntur vixisse Alfonsi, Sancii, Ferdinandi &c, tam inter se variis quam nominibus iidem.*

CAPUT III.

Historia & miracula sanctæ Crucis descripta
Caravacæ anno 1375, cum Appendice
anno 1392 subjuncta.

22
Caravaca
coram Ma-
gistratu.

Quidquid ulterius profert Robles ad confirman-
dam Historie prætitulatae veritatem, nihil fa-
cit ad comprobandum annum excogitatum à
Romano de Higuera, quamvis hic adeo fidenter
faciat commentitium Joannem Ægidium de
Zamorra provocare ad Relationem Conchensem &
Carevacensem. Quàm aque sublesta fidei sit præten-
sa Conchensis relatio, supra vidimus, quoad annum tamen
aliter statuit: Caravacensis annum nullum notat. Est au-
tem sincera prorsus & fide digna: quare omnino existimo
non omittendam quin Latine reddatur, sicut invenitur
apud Robles pag. 41 legitime transcripta anno MDLVI ex
antiquiori transumpto anni MCCCCLXXX: cujus originale, ve-
tustius fuisse anno MCCCC, infra docebo. Sed duorum Nota-
riorum, consequenter id agentium, præliminaria verba prius
accipe.

an. 1556
describitur
vetus histo-
ria,

23 In oppido Caravacensi, die secunda mensis
Januarii anno MDLVI. Hodie coram admodum Mag-
nifico Domino Francisco Muso Muñoz, Prætorè or-
dinario hujusce loci, comparuit præsens Franciscus
de la Torre, Sacrista S. Veræ-Crucis: & dixit, quod
prænominata Reliquia fecerit multa miracula, de-
scripta in papyro quam exhibet: quorum ut memo-
ria perpetua conservetur, petit in hac pergamena
charta fieri transumptum authenticum, in forma pro-
banti, idque sibi tradi. Testes Genesius Botia, & Hen-
ricus de Moya, & Licentiatus Muñoz. Dominus Præ-
tor, mandavit mihi Petro Dias scribæ, ut faciam tran-
scribi prædicta miracula S. Veræ-Crucis in pergame-
no,

no, tradamque ut petitur : & dixit quod interponebat, sicut interposuit, auctoritatem suam & decretum judiciale, ac nominis sui subscriptione firmavit, Franciscus Musus Muñoz : ex mandato vero Dominationis suæ, Petrus Dias scriba. Transumptum autem tale est.

24 In Dei nomine. Amen. Notum sit omnibus, *ex transumpto an in 1480,* præsens & publicum instrumentum transumpti visuris, auditoris, aut lectoris, quod in oppido Caravacensi decimo die mensis Septembris, anni à nativitate Salvatoris nostri Jesu Christi MCCCCLXXX, coram venerabili & honorato Domino Chacon, Capellano Regis & Reginae Dominorum nostrorum, Vicario Carabacæ & in territorio ejus pro Reverendissimo in Christo Patre, Domino Roderico de Borgia, Misericordie divinae Episcopi Portuensis, Cardinalis Valentini vulgo dicti, Vice-cancellarii Sedis Apostolicæ, & Administratoris Episcopatus Cartagenæ, coram me Notario ac scriba & testibus infra scriptis. præsentibus comparuerunt honorati viri, Petrus Fernandi Botia Prætor-major, & Joannes de Chinchilla & Alfonso de Robles Prætores ordinarii oppidi prænominati : obtuleruntq; & per me legi fecerunt quamdam scripturam, exaratam in papyro, tenoris sequentis.

25 Omnibus quaternum hunc testimonii visuris, *secundum originale factum sub m en- datore Garcia de Cardenas,* quos Deus honoret & servet à malo. Ego Garcias Lupi de Cardenas, Commendator Carabacæ, Concilium, Equites, Scutiferi, Rectores, Officiales, & Boni homines prædictæ villæ, inclinamus & commendamus nos vestræ gratiæ & nobilitati, tamquam iis quibus optamus ut Deus multum honorem multamque felicitatem impertiatur. Sciatis, quod ad notificandum & demonstrandum fidelibus omnibus Christianis statum veræ Crucis Caravacensis, & miracula quæ per illam sunt facta ac fiunt quotidie, uti visibiliter conspexerunt majores nostri, & nos conspiciamus quoque hodie sumus habitatores hujus villæ ; mit-

timus Gratia vestra Procuratorem nostrum, Fr. Petrum, Prædicatorem Ordinis Prædicatorum: quem etiam rogamus ut velitis habere custodia ac gratia vestra commendatum, juvetisque eleemosynis vestris, ad exornandam reparandamque sanctam ecclesiam & turres sanctæ ac veræ Crucis, quæ in hunc modum reperta est.

*narrante,
quod defi-
ciente ad
Missam;
Cruce,*

26 Cum Rex Zeyt Abuzeyt, suo tempore potens Rex Carabacæ, haberet captivum Clericum quemdam Presbyterum; accidit sciscitari ex eo Regem, quare Missam celebraret. Qui respondit, Scito, Rex, quod omnis Clericus ordinatus ad Missam, postquam sacris vestibus indutus est, & protulit sancta illa verba, quæ Christus dixit feria quinta in cœna, hostia illa quam elevat fiat caro, & vinum in calice merus sanguis: & sic conficit Clericus corpus Dei puri ac veri. Dixit Rex, quod hoc non crederet, nisi seipsum faceret id videre. Respondit Clericus, Domine, si mihi facis adferri omnem apparatus necessarium ad faciendam Missam, faciam te videre quod cupis. Tum Rex mandavit, ut quidquid necessarium erat referret in syllabum ad memoriam; & hoc fecit Clericus, nisi quod oblitus fuerit Crucis. Deinde misit Rex nuntium suum; quo reverso, die mane sequenti surrexit Clericus, & recitavit Horas suas; unaque cum Rege ingressus turrin castri, ubi vera Crux est, vestivit sese, fecit confessionem devote, & accedens ad altare veneraturus Crucem, nullam reperit: quapropter animo consternatus conversusque ad Regem, dixit, Deficit una ex rebus maxime necessariis ad Missam dicendam. Quærenti vero, quæ? respondit, Crux, Domine. Tum Rex aspiciens versus altare, visa ibi sancta ac vera Cruce, dixit: Estne ista, quæ stat supra altare? Accepitque illam Clericus cum magna devotione, & cœpit Missam dicere. Et quando elevabat Hostiam, animadvertit Rex inter manus Clerici puerum candidum & formosum: ille autem Missam absolvit.

27 Eadem

27 Eadem hora cognovit Rex Zeyt Abuzeyt, ^{est conversus Rex barbarus.} quod lex Christianorum erat res sancta : & liberavit Clericum , factusque est Christianus ipse , & subditi ejus quotquot voluerunt : & dedit terram suam Christianis : qui vicissim ei dederunt turrem circa Concham , quæ vocatur turris Abuzeyt , ut illic vitam duceret : & ibi sepultum jacet ejus corpus. *Hæc præmissis continuabatur narratio miraculorum usque ad annum MCCCLXXV patratorum: siquidem ipsa sint hic omissa (ut puto) à quibus , ut ex veteri memoriali acceptis, librum suum secundum orditur Robles. Certe miracula aliqua hæc loco adscripta fuisse, præsupponit hujusmodi apud eundem Roblesium conclusio : Atque hæc est primigenia historia S. Veræ-crucis (quamvis tam admirabilis, ut verbis nequeat scriptove comprehendere) nec non multorum ejus miraculorum quæ fecit facitque quotidie &c. Si vel panicula adhuc lineæ sequerentur hanc conclusionem , prout indicare videtur rō &c ; nescio cur ea non fuerint exhibita, verosimiliter enim continebant notam anni quo scriptura hæc facta fuit. Interim in ejus notitiam videmus posse devenire per supradicta miracula , quorum , ex invariato apud Robles veteri Hispanico contextu, per Alfonsum Ruiz Notarium publicum Carabacensem notato, hic tenor est :*

28 Tempore Garcíæ-Sancii Mesía Commendato- ^{de Cruce citra noxam flammis erepta an. 1448.} ris Caravacensis anno MCCCXLVIII, grande incendium exarsit in ecclesia & turri S. Veræ-Crucis , adeo ut effluens per portam cera liquefacta & ardens æquaret altitudinem dimidiæ tibie ; flammæ autem pertingerent usque ad supremum culmen ipsius turris. Nihilominus armiger quidam ipsius Commendatoris , magna cum devotione dixit , quod paratus erat mori in obsequio S. Veræ-crucis ; adeoque vel ipsam in sua capsâ eripere igni, vel in eo conatu vitam ponere. Irrupit ergo per medias flammis , capsamque S. Veræ-crucis ab iis extraxit, prorsus illæsus egrediens. *Hic porro merito dolet Robles, nomen viri , æterna*

memoria dignum, non fuisse scripto consignatum: deinde, ut ad secundum Miraculum transeat commodius, notat eo ipso tempore magnam illam atque universalem mortalitatem extitisse, cuius calamitates versibus suis Patrarcha intexit; putatque ejus prænuntium fuisse incendium istud: deinde interruptum contextum sic prosequitur:

Et altera
mortalitate
an. 1350
prænuntia-
ta.

29 Postea anno secundæ mortalitatis, qui fuit MCCCL, Commendam Caravacensem administrante Petro Alvarez, tam ipse Commendator quam armigeri sui, ac multi boni viri, istuc forte præsentés, viderunt efferri in cælum magnum splendorem ardentium cereorum ex capella S. Veræ-crucis: quod magni prodigii loco habitum: statimque secuta est altera ingens mortalitas. Addit vero iterum Robles, eadem pestilentia extinctum fuisse Regem Alfonsum XI, in obsidione arcis de Gibraltar. Ita scribere Ioannem Nonii de Villasan in prædicti Regis Chronica cap. 341.

Deque mu-
liere & ju-
vene apud
Mauros
captivis, &
solutis.

30 Alias etiam, tempore ejusdem Commendatoris, excurrerunt Mauri Moratallam usque, & magna præda collecta Velezium abduxerunt uxorem Didaci Gil: quæ ibidem detenta commendavit se S. Veræ-cruci. Mox autem aperta ei ultro est porta quædam, & ipsa trans lecticam, intra quam dominus suus dormiebat, defiliens, pervenit usque ad portam domus: quam aperiens, abiit ad domum alterius Mauri, ubi captivus tenebatur Christianus quidam cognatus suus, cui nomen Gonzalvo Ferrerio. Aperiens ergo etiam istius domus portam, intravit solvitque cognatum à cippo cui adstringebatur. Tunc pariter demittentes sese per murum quemdam, quarto post die appulerunt Caravacam: ibique noctem pervigilem egerunt in ecclesia S. Veræ-crucis, relictisque ferreis quæ Gonzalvus attulerat vinculis, abierunt.

Narratur
ibidem quod
S. Crux in-
tra capsam
sonum in-
gentem de-
dit,

31. Commendam gerente Ægidio Rodriguez Nogerolio, quodam die, cum turba multa S. Veram-crucem in processione deduceret, ipsam intra brachia ferente Joanne de Pareja, nunc Lorca commoran-
te,

te, tunc autem annorum circiter quatuordecim puer-
ro; & hunc sustentantibus hinc quidem Petro Gar-
cia, tunc scriba oppidi Caravacensis, inde vero Joanne
Pereton; accidit circa ecclesiam S. Bartholomæi, quæ
precedentibus transeunda erat, quod Vera crux quasi
tonitru dedit intra arculam suam, nulla ejusmodi so-
nitus causâ apparente. Obstupefecit omnes miracu-
lum tam grande, judicaruntque alteri portitori tra-
dendam Crucem, qui fuit Ferdinandus filius Joannis
Pereton, puer parvulus; itaque perrexerunt cœptam
pompam deducere. Postquam vero ad ecclesiam re-
dierunt, apertâ capsâ invenerunt argentum, cui S.
Vera-crux inclusa erat, crepuisse. incertum qua de
causa; in ipso autem loco, ubi miraculosus sonitus
exauditus fuit, fundata est postea Parochialis eccle-
sia, quæ hodie dum manet.

32 Rursus tempore ejusdem Ægidii Rodriguez, de-
gebat Caravacæ vir quidam, non solum alearum lu-
sui perditæ addictus, sed etiam solitus inter ludendum
abnegare S. Veram-crucem, adeo ut vice quadam
tantum non raptus à diabolo fuerit. Haud tamen
propterea execrationes consuetas dimisit. Cum ergo
Commendator prænominatus, aliis bonis viris co-
mitatus progrediretur versus ecclesiam S. Mariæ,
& aleatorem prædictum audiret more solito deje-
rantem; cannam quidem quam manu ferebat quasi
percussurus extulit, sed irruens in eum alter ipsam
de manibus violenter extorsit, cepitque fugam ver-
sus turrin S. Veræ-crucis. Currebant ergo post eum
alii, videruntque impingere in valvas ipsius turris, nul-
lo ferreo repagulo clausas, sed simpliciter conniven-
tes; nec tamen eas, quocumque adhibito nisu, aperire
valentem: quare exinde insiliens inter duas murales
pinna, eisdem cum ipso ruentibus decidit. malaque
morte periit, qualem execrando tam pretiosam Reli-
quiam commertus erat.

Postea juvenes duo, Osæ captivi in domo Ali Al-

Et duo cap-
tivi libera-
ti :

Et hac in-
tra 1460
atq; 1475.

item an-
no 1376
caecus illu-
minatus,

* imo
1378
puer mor-
tuus susci-
tatus,

* imo
1392

cizarii, commendarunt se S. Veræ-cruci; & liberati dimiserunt compedes suos; atque egressi de loco per nocturnas tenebras, neque scientes quo vel qua irent, postero die invenerunt se in hoc oppido. Erant autem, unus quidem eorum Archonensis, alter Mefensis. Porro quidquid hic scriptum est contigit ab anno MCCCLX usque ad CCCXXV, eo tempore quo Rex Castellæ erat D. Henricus, ejus nominis secundus. *Et hic ego primam scripturam, coram Garcia de Cardenas factam, terminari reor: postea vero eidem chartæ successive adscripta miracula sequentia.*

33 Post ista, anno Eræ MCCCCXIV, qui est annus 1376 venit Caravacam Alfonsus Martin, cribrator, civis Hispalensis ex Collatione S. Ægidii, cæcus, ducente ad manum filio, obtulitque S. Veræ-cruci calicem fericeam calicemque argenteum: & noctem totam ibidem pervigilavit. Sub horam vero matutinam soporato sanguis erupit ex oculis, quos deinde experrectus sibi persanatos sensit, tam bonis iis utens quam ullus ex nobis, sanusque remansit. Actum hoc coram Commendatore prædicto, & aliis viris bonis hujus loci.

34 Anno 1387* erat Commendator Caravacæ, decimus tertius ex Ordine, D. Gometius de Sotomayor, cum esset Magister S. Jacobi D. Gometius Suarii de Figueroa. Tempore istius Commendatoris annis jam circiter quatuordecim præteritis, misit Paganus Rodriguez, incola prænobilis civitatis Muriensis, lampadem argenteam, involutam sindoni mortuariæ filii sui, qui mortuus eique involutus fuerat, sed commendatus huic S. Veræ-cruci revixit. Coram omnibus autem elevata est lampas, quæ hic priuserat, atque ex oleo quod continebat transfudit in novum, & utrique simul ardenti abundavit oleum.

35 Anni jam circiter sex transierunt (numeramus autem 1382*) quod ingens tempestas locustarum pervasit

vastit oppidum territoriumque Lorcense, spem totam ^{locusta an.}
 futuræ messis depascens, ac ne in arboribus quidem ^{1386 ab-}
 viroris aliquid reliquum faciens. Missi huc ea de ^{acta,}
 causa fuerunt Petrus Dias de Corduba, Petrus Joan-
 nes de Palentia, & Joannes de Corvalan: qui insti-
 tuta processione S. Veram-crucem intinxerunt aquæ,
 & aquam inde defluentem tulerunt Lorcæ, eâque
 consperferunt agros: quo factò intra tertium diem
 cessavit calamitas, nec quidquam ulterius facere ani-
 malcula noxia potuerunt. *Haftenus Appendicula illa, ut*
est apud Robles, annorum zyfris (meo quidem iudicio)
mendose transcriptis vel impressis: quas si juxta marginales
correctiones mutare liceat, rectus omnino ordo erit, neque
postremum censei debet factum scriptumque citius, quam
fierent & post annos quatuordecim scriberentur penultima
duo. Etenim sicut post annum MCCCLXXV (in quo finit
Relatio, curante D. Garcia de Cardenas scripta) recte seque-
tur primum Appendicula hujus miraculum de anno
MCCCLXXVI; sic huic succedent etiam recte secundum ac
tertium de anno MCCCLXXVIII; & ultimum factum fuerit
anno MCCCLXXXVI; annis utique VI prius quam ultimum, &
XIV annis prius quam penultima scriberentur; siquidem
scripta omnia fuerint anno MCCCXCII. Incuria autem magna
usos Roblesii typothetas in zyfris ejusmodi, videmus etiam
pag 104, ubi eadem locustarum depulsio memoratur, & pro
1382 hic expressis, invenitur 1384. Sic infra num. 47 die
Veneris sancto XIV pro IV Aprilis cogar scribere, ita exigente
Paschali calculo anni MCCCCXXX, qui Pascha retulit, non
VI Aprilis (uti perperam dicitur num 48) sed XVI uti re-
posui: erat enim littera Dominicalis A, cyclus Lune
6, ultimum autem Pascha actum VI Aprilis fuerat anno
MCCCXCIII, neque ipsum tali die rediit nisi anno MCCCCLV.
Deprehenso autem tam evidenter ejusmodi vitio, consul-
tum censui 52, tres annos adscribere intervallo unius
miraculi ab altero, pro duobus; & pro anno MCCCCLXXIV
notare LXXVI, ac rursus num. 53 & num. 56 pro
MCCCCLXXII; LXXVII, ac num. 62 MDXCVII pro XCII, ut suo
ordine

& hac ul-
 tima addita
 an. 1392.

ordine relata habeantur omnia, & culpa confusorum numerorum penes solos typographos residere credatur.

35 Ex tali correctione illud etiam commodum sequitur, quod scriptio quæ alias deberet dilata credi usque ad annum MCCCCI vel II, præcesserit immediate annum vacationis & incendii, oppido & ecclesiæ Caravacensi à Mauris Granatensibus illati anno MCCCXCIII: possitque pro singulari Dei sanctæque Crucis beneficio numerari, quod scriptura hæc (in arca ipsius sanctæ Crucis olim servata) flammæ evaserit, quibus alias publica omnia oppidi monumenta conflasse probat Robles pag. 81, adducto Instrumento authentico, penes civem quemdam Caravacensem etiamnum existente, per quod filiis Martini de Pareja testimonium, de bona & antiqua sui Patris nobilitate, ex archivio loci petentibus respondetur, quod tempore rebellionum sub Commenda Petri Lopez Faxardi, Mauri combusserint omnia quæ requirebant scripta, quando toti villæ flammæ subjecerunt. Existimat Robles hoc incendio periisse quidquid antiquarum scripturarum de historia & miraculis S. Crucis Caravacæ inveniebatur tempore Joannis Ægidii de Zamorra, ad S. Ferdinandum scribentis, & quidquid deinde scripto fuerat consignatum. Sed præterquam quod illum, ex solo Higuera notum scriptorem, fictitium existimo; ita in hac opinione confirmor ipso jam exposito memoriali anni MCCCCLXXV; cogorque credere, nihil tunc aliud inveniri potuisse quam quæ retulimus; alias enim talium scripturarum mentio facienda fuisset ab eis, qui (uti apparet) intendebant historiæ & miraculis præmemoratis fidem omnibus quam certissimam facere.

ante incendium anni
1393.

CAPUT IV.

Ulteriora quædam prædictorum testimonia,
ante confictionem fabularum scripta.

AD maiorem confirmationem præmissorum, ul-
terioreque declarationem mirabilium S. Cru-
cis, lubet huc etiam referre originalia verba
Doct̃oris Oncalæ, Canonici Abulensis,
relata per Robles pag. 36; dicitur enim is pri-
mus fuisse, qui de historia Caravacana aliquid prælo dedit, in
sua Apophia; & inter primos numerari debet, quorum
scripta apud Hispanos, beneficio inventæ invec̃taque eo recens
typographica artis, lucem publicam aspexerunt. Tantæ an-
tiquitatis argumentum sumo, primum ex Theatro Ecclesiasti-
co Mag. Ægidii Gonzales Davila parte 2, edita sub annum
1647, ubi de Ecclesia Abulensi acturus, præponit Catalogum
virorum in urbe ista illustrium, qui tum aliis titulis tum
etiam ac specialiter scriptis claruerunt, absque ulla istius
Oncalæ mentione: quia (ut credo) & ipsius & librorum
ejus memoria omnis Abulæ jam evanuerat. Rursum vir
illustriſſimus Nicolaus Antonii, Eques S. Iacobi & Canonicus
Hispalensis, cum Romæ ageret Regis nationisque suæ Procu-
ratorem Generalem in Curia, ibidem anno 1672 edidit duo-
bus insignibus tomis Bibliothecam scriptorum Hispanorum
qui post annum MD claruerunt, altumque in eo tacet de On-
cala, utique quia ob suam antiquitatem non cadebat
sub ætatem nostri ultimoque elapsi sæculi. Hic ergo tam ve-
tus scriptor, ut nihil habet quod Higuera commentis faveat;
ita attestatur veteribus quæ laudamus & amplectimur mo-
numentis, in hac verba, leviter expurgata à mendis,
quibus veterum typorum non peritiſſimus librarius, Ro-
blesio apographum ex impresso curans, ea videtur defor-
masse, prout in margine notabo ad hac signa ***

Ex Apophia
Doct̃oris
Oncalæ,

vetustiſſi-
ma impres-
sionis,

38 Inest & Carabacæ celebris * memoria, de ve-
 * celestis
 nempe tusto miraculo Crucis, quam oppidani Veram vo-
 cant; apparuit enim Christiano Sacerdoti, cum so-
 la deesset sacrificaturo, historiamque referunt. Reg-
 * Hispaniis
 nantibus [per] * Hispanias Mauris, eaque loca tenen-
 tibus quæ sunt ad Castulonenses & Oretanos, quæ-
 * refertur hi-
 storiæ Crucis
 Caravaca-
 ne, que hodie Murtiense regnum appellitant, ob pluri-
 morum Myrtorum exuberantiam, bella cum eis His-
 pani Christiani gerebant, [&] finibus expellebant
 suis, tumultuantibus animosi. Per id tempus religio-
 sus quidam Sacerdos noster ad eos com meat, Chri-
 sti Euangelium prædicaturus, [&] sacra persuasurus,
 * auxilii
 five neci five vitæ paratus; summique fretus * au-
 * postulet
 * Crucifi-
 carer xiliis Dei, dat operam audacius, quo multas (si * pos-
 set) fidelium animas Christo * lucrificeret: in primis
 sacrum Missæ officium apud illius loci Regem inter-
 rogatus laudat audacter, docet, suadet. At Rex au-
 diens, quasi per opprobrium, jubet, rem divinam ut
 faceret more patrio, visurus quid esset, quod tanto-
 pere Christiani magnificarent. Sed quoniam appa-
 ratus [ad] Sacrum celebrandum defuit, misit è vesti-
 * prius
 gio * pius Sacerdos urbem Concham, quam Chri-
 stiani tenebant, famulos, ut per eos sibi remitterent
 ornamenta, quæque ad Missæ Sacrificium, magno
 * Rege
 * Mystis * Rege visuro, necessaria forent Remissa sunt omnia
 præter Crucem. Incipit * Mystes celebrare. Cumque
 advertisset Crucem deesse, sacrificio Missæ necessa-
 riam, constitit turbatus [&] multa volvens. Est enim
 summo Christianorum omnium consensu receptum
 valdeque consentaneum, non nisi præsentem Cruce
 ad aram celebrare. Conspexit Rex Maurus cessan-
 tem, in pallorem faciem vertere: rogat, num quid-
 quam accidisset. At ille; * Deficit Crux respondet.
 Continuo Rex; * Num illud est? ait: videbat enim
 * Nan
 * obiit Angelos Crucem * obviis manibus afferentes altaris
 fastigio, quos digito demonstrabat. At Sacerdos, Deo
 seque

Ipseque certa plenus, elevatis oculis gratias actis, Cru-
cem cælestem ab Angelis suscipit, Sacrumque læta-
bundus absolvit. Rex vero, & plurimi qui cum eo
aderant, conspecto miraculo confestim [in] Christum
crediderunt, verumque lumen * accipientes, religio- * accipiens
sum Mystem, munere illius effectoque, secuti sunt
* haud gravate. * ad huc

39 Estque ea Crux, & in hodiernum usque diem,
non incolis tantum, sed Hispanis omnibus, maxi-
mis honoribus venerationeque semper habita: quam
summo studio summaque vigilantia, in edita fortif-
simaque arce positam, asservant [inclusam] * arcule, * avolæ
ut & perpetuo lumine illuminetur, & non nisi tri-
bus clavibus clausam venerentur * religiose vicini * religiosi
provinciales. Tradunt etiam à pastore subreptam, & ^{qua furem}
nimio quasi pondere furem disruptum, & [ad] ar- ^{suum disru-}
tem divinitus reversam: usque adeo divina numina ^{pit,}
delicta latrociniaque [non] patiuntur, nec sine pœ-
na facinora praviora relinquunt: tanti est * jus suum * vis
cuique tribuere. Narrant & alia quam plura certissi-
maque miracula, non aspernanda, sed quæ ob bre-
vitatem non vacat in præsentia[rum] recensere:
iniquis * enim spatiis exclusi, alio stylum intendimus * etiam
properantius: sed illud non desinam interim [mone-
re.] Celebrant Carabacenses Veræ-crucis festum so-
lenne ad * v Nonas Maji, conventumque celeberr- * ad iv
imum ibi peragunt mercimoniorum, quo mirum est
quanta advenarum præsentia, quanta confinium po-
pulorum copia, adja[cen]tiumque provinciarum
turba avidissime confluat.

40 Aliud [quoque] sanctius frequentiusque mira-
culum * ac solennius non * videtur prætermitten- * ad
dum. Etenim multi religiosi [Sacerdotes] urbis ac * video
provinciae, cum tota plebe, incensis funalibus, mag-
na pompa magnaue veneratione, non sine choreis
& saltatoribus, inter maximas peregrinorum con-
stipan-

* arce

3 Maji
processiona-
liter delata
ad aquas
sanctifican-
das, elicit
sereno calo
pluvias.

* celebra-
tate
* luxurio-
sis
* mundant
* quos ut
rerum

* Tunc
urbe

* animis

* cibus ut

S. Crucis
alia duo fe-
sta cele-
brantur,

stipantium catervas, apertam Crucem ex * arca de-
promptam, inaurataque lecticæ impositam, quot-
annis usque ad proximum lacum efferunt (Ace-
quiam vocant) inibique ter urbanus Archipres[by]-
ter eam lymphis mersam (extremam ejus nempe
partem intingens) [extollit: terque eadem] coram
frequenti populo aspicienda adorandaque circumfer-
tur. [Tunc] quasi aquis [inferioribus] sanctificatis &
vocatis supernis (mirabile visu) confestim pluvix,
apertis nubibus de cælo descendentes, ingruunt sæ-
pe vesperato festo, & per ternos quaternosque dies
* celebritatis sæpius per Octavas effluunt: quibus de-
ficcata arva fœcundiores fruges & * luxuriosius cres-
centia pabula innumeris gregibus & animalibus * in-
undant: quod ut * verum, admoniti hisce oculis,
præsen[te]s inspeximus, fidem scriptis facturi: op-
pidanique seniores affirmant, numquam se sine op-
portunis optatisque pluviis id festum celebratum
meminisse, qua una re fructus colligunt uberiores.
Hinc * urbs illa præ vicinis plus abundat opibus. Sed
& naturæ locique vitio Deus optimus maximus hoc
muneris miseratus indulgit: est enim ea Hispaniæ pars
& solis acerbitati exposita ad meridiem, atque ob
hoc sitibunda; nisi * annuis per rivulos aquis [aridita-
tem terræ] lenientibus agri juvantur: ut [pote regio]
quæ vix de cælo pluvias agnoscat pro tempore, nisi
[iis] Veræ-crucis beneficio reclusæ levetur * sitis.
[Quia autem in eadem Vera-cruce remediū] tempe-
statum præsentaneū juvamen [&] admirandū exper-
ti, cernimus; ideo à Deo bonorum omnium fonte
summam [ei] virtutem attributā facili fide cognosci-
mus, cui per infinita secula laus, honor & gloria. Amé.

41 Quo ritu quibusque ceremoniis fiat prædicta aquarum
sanctificatio, prolixè describit Robles lib. 2 cap. 11, putatq; eam
suum habuisse principiu à beneficio Lorchensibus impenso con-
tra locustas, anno (ut nobis visum) MCCCXXXVI, cum aquam
Caravaca petiissent, attactu Veræ-crucis sanctificatam. Ibidem
etiam

etiam ait, præter primarium & omnibus notissimum festum S. Crucis III Maji, celebrari XVI Julii, sed paulo minori solennitate, Triumphum S. Crucis, jam olim ab anno MCCX institutum festum, & tota Hispania agi jussum in memoriam clarissimæ illius victoriæ, à Sancti Regis avo Alphonso ad Navas Tolosanas tali die relatæ anno prædicto. Hic cultus lapsu seculorum quatuor multum refrixerat, ut autem Caravacæ denuo resumeretur auctor fuit noster P. Agnaya: qui anno MDCVI ad populum verba faciens, suavit per suavitque debitæ gratitudinis demonstrationem illam renovandam. Similiter etiam mense Septembri celebratur Crucis Exaltatæ festum, die XIV, circa quem diem divinando conjectamus natum fuisse S. Ferdinandum.

42 Narrat porro idem Robles cap. 18 quod Michael Reyna, civis quondam & Consul Caravacensis, pietudine magnâ peccatorum præteritorum tactus, eoque de- liberans quo satisfactionis genere melius eluceret noxas contractas; induxisse in animum, quod nihil divine majestati facere acceptius posset, quam si honorem S. Crucis promovendum modis efficacissimis curaret; efficaciorẽ autem excogitare nullum poterat, quam fundationem Collegii Societatis Jesu. Ad illum enim usque diem nullum Religiosorum Mendicantium coetum habebat Caravaca; postea vero, introducta Societate nostra, accesserunt alia monasteria quinque, Hieronymianum scilicet unum pro viris; duo Franciscani, & duo Tereſiani instituti, virorum virginumque. Facta ergo fundatio est, & Fundator, in alium plane virum exinde conversus, Christianæque humilitatis aliarumque virtutum factus omnibus exemplar, diem suum postremum obiit anno MDLXXI, XVII Januarii, atque in temporario, quod aptaveramus dedicandumq; curaveramus, oratorio est sepultus. Postea vero cum anno MDXCII ad novam instructionemque ibidem ecclesiam nostram transferendam esset optime meriti Fundatoris cadaver, inventum est prorsus integrum ac suaveolens; quamvis neque balsamo neque alia re nulla fuisset adversus putrefactionem munitum. Hoc autem per transfennam indicatum oportuit, ut intelligatur unde processerit

& instituitur collegium Societatis Jesu.

in cuius oratorio postea inventum corpus Fundatoris per ann. 20 incorruptum.

cesserit nostrorum Patrum erga S. Crucem Caravacanam devotio, zelusque eandem quaquaversus propagandi, distributione Crucularum illius attactu consecratarum; simul etiam ut appareat, quam non immerito mihi sumpserim (licet id aliquantum videatur ultra assumpti operis argumentum esse) historiam illius vindicandam à fabellis recentioribus. Restat hoc loco producendum aliud publicum Instrumentum, repertum apud sæpe citatum Robles pag. 85.

Anno 1598
scribitur.

quomodo
an. 1548
inquisitione
de miracu-
lis facta,

43 In oppido Caravacensi anno MDXCVIII, coram me Joanne Abril Notario publico intra diocesim Cartagenensem, & testibus infra scriptis, personaliter comparuit Ferdinandus Lopez, Clericus Presbyter, natus & habitans Caravacæ; dixitque venire ad instantiam Joannis de Robles Corvalan Clerici, rogatum, ut velit jam nonagenarius declarare ad memoriam posterorum quædam, circa S. Veram-crucem ejusque originem. Dixit ergo, quod cum anno MDXLVIII relatum fuisset civitatis Murciensis Inquisitoribus de S. Cruce, quæ servatur in castro & arce oppidi Caravacensis, in ordine ut sumpta informatione de miraculis, quæ ea mediante consecuti sunt indicesque consequuntur fideles, iisdem suæ approbationis certitudinem adderent. Cumque Inquisitores eum in finem huc misissent prænominatum Ferdinandum Lopez Clericum, tunc ipsius sacri Officii ministrum; ipse informationem faciens, & verificationem apparitionis atque miraculi, examinavit Genezium de Robles seniore, Didacum de Mesa, Petrum Muñoz, & Ferdinandum etiam seniore, aliosque. Hi dixerunt, scire se per traditionem majorum suorum, esseque publicum & notorium, quod sanctissima Crux quæ est in castello, allata sit ab Angelis in turrin, eo loco ubi nunc est, quemadmodum ipsius miraculi relatione circumfertur.

44 Dixit etiam prænominatus Ferdinandus Lopez, quod examinavit Alfonsum Sanchez, simul cum aliis testibus, adjuratum super altari cedrino quod est in

in ara quod altare consistit ad manum sinistram maioris altaris in ecclesia veteri hujus oppidi, & vulgo nuncupatur altare Solitudinis Domine nostre. Hic vero deposuit moris fuisse, eo quod oppidum erat finitimum Mauris Granatenfibus, vigiles constituere ad altare in quo servatur S. Vera-crux, cui alia nulla fera aut custodia erat. Cum autem contingebat Mauros versus oppidum aut agrum circumjectum incurrere ipsa S. Crux strepitum quemdam ciebat: quo audito predicti vigiles pulsabant campanam, quæ hodie est in turri: quibus sæpius respondebant excubitores in turribus, Nova ac Veteri atque Patibularia, quæ singulæ quasi una leuca hinc distant; respondebant autem excitando fumum. Sicut ergo non nisi notæ probitatis hominibus, & in quibus magna habebatur fiducia, committebantur vices ejusmodi vigiliarum, unde tantum omnibus in communi proveniebat emolumentum; ita ceciderat aliquando fors in ipsum Alfonso Sanchez.

45 Eo ipso tempore ibidem Sacristæ officio fungebatur ab annis aliquot Sacerdos quidam, huc fraudulenter missus à Capitulo Toletano, cupiente ad ecclesiam suam transferre S. Crucem: qui cum suam integritatem probitatemque toti civitati abunde probasse videretur, nemini suspectus erat. Huic ergo ad S. Crucis custodiam socius una noctium datus Alfonso, cum quadam necessitate urgente foras exire compelleretur, commoditatem inscius præbuit Sacristano ipsam subripiendi ex capsula, in qua etiam servabantur testimonia apparitionis miraculosæ. Ibat Toletum versus prædo sacri depositi, eademque die vir honestus huc veniens Moratallâ, supra locum qui dicitur S. Francisci, nunc à Crucibus nominatum, passim notum omnibus & leucæ quadrante distantem Caravaca, luminaria quædam conspexit, interque ea sanctissimam Crucem. Nuntiavit ergo Caravacæ quæ viderat. Venerunt mox Párochus & Cle-

*compertum
sit S. Crucē
solitam præ-
nuntiare
adventum
Maurorum,*

*cui ideo ap-
ponebantur
nocturni
vigiles.*

*Horum nu-
nus testatur
ablatam à
sacristia,*

*miraculose
receptam,*

ricus quidam peregrinus, tum forte præsens, cum civibus omnibus processionem devotam constituentibus, & S. Crucem in turrim suam ad proprium altare retulerunt: in ipso autem loco, ubi reperta Crux fuerat, apparuit fons novus, qui istic hodieq; manat. Porro cum loci Commendam gereret D. Petrus Faxardus, primus Marchio Velezinus, facta sunt, tabula picta altaris, sacrarium, & reliquiarium, quæ nunc habentur, ut melius fideliusque fervari possint omnia.

*sed absque
vitis
scripturis:*

46 Dixit insuper prænominatus Clericus Ferdinandus Lopez, quod de mandato Inquisitorum ab anno prædicto MDXLVIII usque ad L, biennium manserit in Curia Vallisoletana, sollicitando restitutionem instrumentorum & chartarum testimonialium, à Toletano Clerico sublatarum; eoque rem adduxerit, ut, nisi mortuus fuisset Concilii Præses D. Ferdinandus Niño, ipsas fuerit per sententiam recuperaturus relaturusque &c. *Hactenus Instrumentum illud, quod profert Robles ad confirmandum factum, initio Capituli à se relatum, ubi notat, consilium rapiende S. Crucis sumptum Toleti fuisse sub Archiepiscopatu Fr. Francisci Ximenii de Cisneros Cardinalis, qui Cathedram tenuit ab anno MCCCCXCV ad MDXVII; suoque Primatis jure usus, atque persuasus ex majori S. Crucis honore futurum, si in Primatiali ecclesia honoraretur, maluerit permittere ut clam auferretur; quam cum seditionis periculo palam transferendam mandare. Ait etiam Robles, Clerico ad id delecto prius quidem sacristiam Parochialis ecclesie, deinde multum probato custodiam S. Crucis commissam esse, quam is sexennio tenuerit; propositi autem exequendi occasionem nactus sit tempore Cardinalis Taveræ, adeoque post annum MDXXXIV. Denique accusat eundem Clericum quod requisita instrumenta occularet, ne publice confunderetur, pertinaciterque negaverit ea penes se esse. Sed vereor ne id iudicium temerarium prorsus sit; malimque, ad ipsius Clerici totiusque Capituli Toletani excusationem, præsumere, quod Toletum*

per-

pervenienti Clericus, neque Crucem inveniens, quam se ad-
ferre credebatur, sed solas chartas (ipsas scilicet, quas supra
dedimus, scriptas tempore Garciae de Cardinas) eas quidem
ostenderit Canonicis à quibus missus erat, in testimonium im-
pleti quantum in se fuerat mandati: sed ipsas vel eorum suasu
vel propria sponte clam referendas curavisse istuc, ubi postea
sunt repertæ, & anno MDLVI ad authenticandum oblatæ.

CAPUT V.

Antiqua & probe testata miracula ex Historia
Caravacana Roblesii.

AB historia Caravacane probatione transeo ad
Miracula, documentis hætenus adductis non
comprehensa, & proxime secuto seculo XV pa-
trata, qualia ex monumentis Caravacensibus Ro-
bles producit Hispanice. Omiserim tamen, velut
rem incertam, quod primo loco ponit, de signo sanctæ il-
lius Crucis, supra Alcazarium Beatiense conspectæ ful-
gere, cum arcem sibi creditam, destituti annonæ præsidia-
rii, deseruissent, sicut indicatum in addendis ad Annotata
super Caput 5 Chronica littera p: sed non omiserim anno-
tare, quam parum attentus fuerit ad Chronologiam Auctor
iste, qui apparitionem talem factam dicat intra annum
MCCXXV & XXXI, ipsam tamen S. Crucem Caravacanam
primum asserit allatam fuisse anno XXXII, prout ex Higuera
didicerat. Malim ego fateri, de veritate & tempore appa-
rentis supra Beatiæ Crucis nihil mihi constare: sed ne-
que de anno quo expulsis inde Mauris Rex Sanctus urbem
dederit Christianis habitandam, fortassis post mortem Ma-
homadi, federati sui, & filii ejus baptismum, rebellio-
nemque exinde secutam Maurorum Beatiensem, vix ante
annum MCCXL, adeoque serius quam promulgatum de ha-
bitanda Beatiæ edictum scribit Robles. Ceterum suspectum
mihi semper manebit Chronica de re tanta silentium, do-
nec regis diplomatis transsumptum indubitabile videro.

47
Quidquid
sit de appa-
ritione Cru-
cis Carava-
cana supra
arcem Bea-
tiensis.

valde in-
certa;

Nunc, omiſſis ambiguis, incipio Latine reddere quæ certa videntur.

*1430
puer letali-
ter vulnera-
tus à Mau-
ro*

*miraculoſe
ſanatur.*

*Quæ vivit
ultra annū
1540.*

48 Anno mccccxxx convenerat civi cuidam Caravacano, cuius nomini parcitur cauſa familiæ, cum Granatenſibus Mauris, ut pro conſtituto pretio eis traderet oppidum. Verum in ipſo exequendi facinoris articulo audita eſt Crux Sancta, intra arculam majores ſolito iſtus dare; & ſtatim poſt viſi ſunt excubantes in turribus ſignum edere Maurorum advenientium. Acceſſerant hi ad oppidum ipſa nocte feriæ vi majoris, xiv Aprilis; cumque adventum ſuum innotuiſſe cognoviſſent, deflexerunt Cieçam & pervenerunt ad vicum quemdam Campolôy dictum. Hic quidam paſtor Didaci de Fuenſalida, proavi mei, in altam evadens quercum, ut tranſeuntes evaderet falleretque; commiſſum ſibi ejuſdem Didaci filium parvulum, proavunculum meum, ſub vepreto quodam abſconderat: ſecundum quod tranſiens Maurus eques, & circumſpiciens cauſam quæ conſternatum ex improviſo equum ferocire feciſſet, puerum advertit, in eumque ſepties haſtam ſuam contorſit: quapropter reverſus poſtea ad locum paſtor puerum reperit, tantum non mortuum: ſuſtulit eum tamen, atque in domum patris detulit. Hic eum qui aderant S. Veræ-cruci commendarunt, promittentes quod ſervatum in vivis Eccleſiæ miniſterio conſecrarent. Sanatus eſt per Dei gratiam puer; ſtudiisque peractis effectus Clericus, etiam receptus fuit Ucleſii inter Fratres Ordinis S. Jacobi, ubi habebat patrum ejuſdem habitus, Alſonſum de Fuenſalida. Ipſe vero Geneſius de Fuenſalida, factus in oppido Moratallæ Parochus, ad tantam pervenit ſenectutem, ut annum cxv ætatis tranſcenderit: ſiquidem anno mdxi adhuc in vivis verſabatur; & quando læſus fuit cenſebatur eſſe tredecennis. Multique adhuc ſuperſunt, tam hic quam Moratallæ, qui eum ſibi viſum notumque meminerunt.

49 Eodem anno, ipso die Paschatis xvi Aprilis iidem Mauri Ciecam advenerunt, captoque & expilato oppido multos Christianos abduxerunt captivos: ac supposito deinde igne revertebantur ad propria onusti manubiis. Id cum Caravacani intellexissent, Loreanos admonuerunt, unanimiterque egressi obviam invenerunt hostes in campo quodam exiguo, quem ab hoc eventu Equitum-campum dixerunt. Ibi acerrimum utrisque certamen incubuit, eo quod Mauri numero maximo essent, animo nostri; dumque Maurorum pars pugnabat, progrediebatur altera, pergebatque in tutum subducere prædam. Hoc ergo prævertere cupientes, mutuo se cohortati conglobatique, invocato nomine S. Crucis, quæ ipsis eo loci apparuisse dicitur, tanto impetu se intulerunt in barbaros; ut multis eorum cæsis, reliquos in fugam egerint, omnemque prædam ex iis receperint. Nihil autem dubitabant huiusmodi successum divino isti vexillo referre acceptam.

*reportatur
insignis vi-
toria de
prædonibus.*

50 Anno mccccxxxii Caravacam venit Religiosus quidam ex Ordine S. Francisci, post gravem quam passus fuerat infirmitatē linguæ atque aurium usu privatus. Hunc pia mater sua ad Capellam Veræ-crucis adduxerat, per eamque Dominum deprecans loquelam auditumque recuperavit filio, citra moram ultiam. Anno mccccxxii, Joanne de Haro Commendam Caravacanam administrante, ipsemet declaravit, coram ordinario Prætorē loci Petro Fernandez Botia, quod in oratione consistens coram altari S. Crucis, animadvertit extinctam, quæ ibi erat, lampadem lumen amplius nullum dare, ideoque pedissequis suis ephæbis mandasse, ut eam reaccenderent. Verum priusquam aliquis eo perveniret, ultro illuminatam ardere iterum conspiciet, idque pro magno ac certo miraculo habuerunt tam ipse quam qui aderant alii.

*lampas ul-
tro accendi-
tur.*

51 Anno mccccxxiii die x Octobris eademque

Aa 4

Do-

Servus Æ-
thiops, ex
fama S.
Crucis cu-
pidus Chri-
stianismi.

Dominica, summo mane venit huc quidam, dicens se Alfonsum de Morote nuncupari, ipsiusmet loci Morotensis inquilinum. Hic socium secum ducebat Æthiopem, nomine Benalique, nullis vinctum catenis, cum ipse compedes traheret pondere librarum circiter sexaginta. Medio autem juramento declaravit, coram Fr. Antonio de Poza, locum tenente Vicarii hujus Commendæ, honorabilis viri D. Didaci Chacon, quod Bazæ captivus apud Mauros, sub potestate Salini Abendegæ, auditus est die quodam à præsentē Benalique suspirare, & gemitus causam interrogatus responderit, quia se videbat in captivitate positum, optabatque reverti in patriam. Cui Æthiops: Vide ut secretum mihi serves, Alfonse, & ex veritate tibi affirmabo, per legem veri Dei, me postquam inaudi de Cruce Caravacensi & magnis quæ operatur miraculis, æstuassee vehementi desiderio Christianismi amplectendi. Cum ergo Dominus noster mihi crediderit, ut vides, curam Christianorum custodiendorum; si placet & viam nosti qua Caravacam itur, commendemus nos Deo & S. Veræ-crucis, eamusque Caravacam, & ego fiam Christianus. Conscendemus autem mulam sub vesperum, & si quis abeuntes interroget, Quo, respondebimus, In vineam, ad colligenda sarmenta.

cum captivo
Christiano
fugam init.

Ex mirabi-
liter perve-
nit Carav-
acam.

Factum est autem uti proposuerant feria quadam sexta circa vesperam, & coeperunt proficisci usque in noctem; quando exerrantes à via audiebant tympanum Bazæ pulsari, propter animadversam fugam suam; neque multum fuit cum egressi plures post eos sunt, intercepturi abeuntes. Quid agerent, medio deprehensi in campo extra publicam viam à Genua flexerunt versus ortum solis, Deumque & S. Mariam de Guadalupe nec non S. Veram-crucem rogarunt, ut auxilium sibi salutemque præstarent, neque finerent relabi in manus hostium fidei sanctæ. Ecce autem apparuit eis in aëre sculptura lignea, veluti

velu
censi
lud c
tota,
seque
lituer
altero
ut præ
vincul
ecclesi
cut is
Christi
Testes
Bacalan
& Gar
D. Joan
53 A
cujus te
ellet hu
natus E
in Maju
Jesu Ch
Fernan
ravacen
Regis n
vir quid
rentij d
& asseru
vigilare
dam pu
stibus &
iam test
rati sun
dum hu
de Acui
bus fig
ditores

veluti castelli, plane similis oppido arcique Caravacensi, quantum balistarius arcus jacere potest. Ad illud cum gressus intenderent, disparuit quidem visio tota, ipsi vero se invenerunt in via regia, quam prosequentes usque mane sabbati, toto quidem die delituerunt in agro; sub noctem vero resumentes iter, altero die mane, id est Dominica, huc intrarunt. Hos ut prædictus D. Commendator vidit, iussit Alfonso vincula demi, quorum par unum appensum est in ecclesia S. Crucis, alterum in Guadalupe missum, sicut is se vovisse affirmabat; Æthiops autem effectus Christianus, nomen sumpsit Joannis à Vera-crucē. Testes prædictæ depositioni & adjurationi fuerunt Bacalaureus Alvarus de Pratada, Alvarus de Mula, & Garcias de Aguilar, famuli & armigeri prædicti D. Joannis de Haro.

53 Annis post id tribus aliud miraculum contigit, cujus testimonium habetur sequentis tenoris. Cum esset hujus loci Caravacensis Commendator fortunatus Eques D. Joannes de Haro, in festo S. Crucis III Maji, Feria quoque III, in anno Salvatoris nostri Jesu Christi MCCCCLXXIV coram honorabili Petro Fernandez Botia Prætorē ordinario dicti oppidi Caravacensis atque Francisco de Salas, scribā Domini Regis nostri, ac testibus infra scriptis, personaliter vir quidam comparuit, dicens, sibi nomen esse Laurentii de Barrio-novo, domicilium autem Beatæ; & asseruit quod xv Martii anni præsentis, cum noctu vigilaret in castello S. Crucis audiverit ab ea quosdam pulsus: ideoque se rediisse aliis quoque noctibus & idem semper expertum, usque dum alii etiam testes cum & absque illo eosdem audirent. Iterati sunt autem pulsus illi noctibus singulis, usque dum huc advenit nuntius, missus à D. Lupo Vasquez de Acuña, Præfecti Cazortensis, cum litteris, quibus significabatur D. Joanni de Haro, quosdam proditores in hoc oppido jam pepigisse cum Mauris de

*Proditio
pulsus S.
Crucis in-
dicatur,*

tradendo eo. Ipsa autem nocte, qua talis epistola allata fuit, cessarunt prædicti pulsus. Super quorum veritate cum dictus Bartholomeus iuramentum præstaret in forma juris, testes adfuerunt Sancius de Pareja, Joannes de Ubiedo, & Martinus Montejo, famuli & armigeri prænominati D. Joannis de Haro. Rursum sub eodem Commendatore aliud miraculum consignatum fuit publico instrumento hunc in modum.

*Commenda-
tor quidā
cum aliis
captivis,*

54 In oppido Caravacæ, xviii die mensis Maji, anno à nativitate D. N. Jesu Christi mcccc.lxxvii, in præsentia mei Francisci de Salas scribæ Regii, coram honorabili Didaco Chacon, Vicario in hoc oppido Caravacensi ejusque Commendaria atque oppido Moratallæ præsens comparuit honorabilis Eques Petrus Alarcon, Commendator oppidi dicti Membrilla del Tocon, Ordinis S. Jacobi, & dixit: quod cum in oppido Velez, quod Album indigerant, regni Granatensis, captivus teneretur à Mauris, nostræ sanctæ fidei inimicis, intra arctum carcerem; & quidem laminis quibusdam ferreis, libras minimum quinquaginta appendentibus, gravatus; ibidem manserit mensibus plus quam tribus. Aderant ibidem & captivi Christiani alii, quos inter convênit carcerem suffodere, quamvis adeo altum validumque, ut mirum fuerit tale quid illos potuisse vel cogitare. Ut ergo ad propositi istius executionem divinum sibi favorem conciliarent, tum alias instituerunt devotiones, tum imprimis se commendarunt Domino Deo nostro, sanctæque Matri ejus Mariæ, & huic S. Veræ cruci; promittentes quod ab oppido Xiquena, per novem leucas desolatæ regionis Maurorumque infidiis expositæ, pedibus ac tibiis nudis venirent, ac novemdium agerent coram S. Vera-crucē, addita quadam eleemosyna.

*voto ad S.
Crucē nun-
cupato,*

55 Cœperunt autem cuniculum moliri intra carcerem, unico quem habebant pugione, absque aliis
ullis

ullis ferramentis, ut mirum fuerit tantillo tempore tantum operis perfici potuisse; cum Mauri noctu diu-
 que ad custodiam carceris intenti starent. Et tamen *perforat carcerem solo pugione.*
 solo illo pugione intra octiduum actus cuniculus est, hiatu tam amplo quam esse solet fenestra; cuius aditum cum non aliter quam egesto rudere possent obtegere, visitantibus tamen eos identidem Mauris inobservata molitio mansit, virtute Crucis quam desuper formabant malleolis, quibus ad saxa cavanda utebantur, licet rem adeo patentem notare vel cæcutiens potuisset: sed videbantur oculi Maurorum mentesque teneri, ne coram se posita cernerent, aut quidquam agi suspicarentur. Post octiduum laboris istius cœpit Commendator, cœperunt & alii Christiani captivi, vincula quisque sua scindere, mediantibus quibusdam instrumentis eo idoneis: quod cum agerent, jamque compedes suos media ex parte scissos haberet Commendator, bis die uno evocatus è carcere ad colloquium est, occasione lytri de quo tractabatur; & tamen ne tunc quidem suspicati quidquam barbari sunt. Regressus autem in carcerem ille, ipsa hora tantum acceleravit opus, æque ac alii, ut vinculis soluti
in vicinam ferrariam penetrat:
 omnes à prima noctis hora usque ad auroram paulatim omnes inde egressi sint, præeunte Commendatore ac Crucem quam istis habebat præferente, discalceati omnes, hymnumque te Deum laudamus recitantes, ordine quasi processionali. Per cuniculum autem suum evaserunt in officinam ferrariam, imminentem plateæ publicæ & a foris clausam: cuius seram cum ab intus perfregissent, duasque ex ipsa porta tabulas abstulissent, eruperunt in prædictam plateam; præcedente, ut dictum, Commendatore cum cruce, ceteris ordine ac nudo pede subsequenter.

56 In ipsa porro platea occurrerunt mulieribus quibusdam Mauricis, à balneo cum lumine domos suas redeuntibus: quæ viso euntium agmine clamorem tollentes excitarunt maritos suos & vicinos ibidem
eaque effrata evadens in plateam

dem commanentes. Ast illi nihilominus cœpta gradiebantur via versus portam Veleziam: quo pervenientes animadversi sunt à vigilibus supra portam eandem excubantibus: qui sublato clamore saxa jacentes nihil profecerunt Christianis eo non obstante ausis per portam istam transire. Venerunt deinde ad antemurale sepimentum, quod etiam ipsum clausum ostio erat: unusque Christianorum, quamvis compedes disruptos adhuc ferret, transilivit sepimentum, quatuor vel quinque cubitos altum; atque post eum Commendator aliique, & cœperunt per terram cultam descendere, ab edito oppidi loco, in viam quæ Xiquenam ducit, quamvis eorum nemo sciret qua gradiendum foret, neque quod duceret iter. Quatuor tamen ex illis, admodum onusti ferro, à Mauris post eorum terga egressis reducti in captivitatem sunt: ceteri cum Commendatore Xiquenam pervenerunt, nequidquam insequentibus barbaris, ac sæpe eos transeuntibus, nec tamen videntibus, & quasi cæcitate percussis, per virtutem Dei, sanctissimæ Matris ejus, & S. Veræ-crucis interventum. Digressi Xiquena appulerunt salvi Caravacam, præmemorataque omnia affirmarunt coram testibus ad id vocatis Genesio de Robles, Roderico Nogueros, & Joanne Bejar, civibus Caravacanis; Et ego supradictus Scriba hic me subscribo.

Franciscus de Salas.

57 Sub eodem D. Joanne de Haro Commendatore, in oppido Caravacæ, xv Octobris, anno à nativitate D. N. Jesu Christi mccccclxxvii, erat in ecclesia S. Veræ-crucis vir quidam, Martinum de Beatia vocari se dicens civemque Arjonensem: qui finita novemdiâli devotione affirmavit, quod mense Majonuper præterito Bazæ in regno Granatensi captivus, penes Maurum illius urbis civem, nomine Cad Alvarroz, vinctus tenebatur compedibus, ut minimum quinquaginta libras ferri habentibus. Hoc in

*transiit cū
iisdem sociis
sepimentum
porta*

*Et saluus
pervenit Ca-
ravacam.*

*Alius, Mauri
in spe-
ramibus
fugiens,*

in statu cogitanti qua ratione posset liber evadere, succurrit ut se commendaret Deo Domino nostro & S. Mariæ de Guadalupe ac S. Veræ-cruci Caravacanæ, quatenus inde adjutus pervenire posset ad locum aliquem Christianorum; erat enim itinerum regionis ignarus. Tum cœpit lima ferramenta atterere, eo successu, ut intra duos dies illis se exsolverit inobservatus; Bazaque sub noctem egressus est in conspectu Maurorum plurium, quia non poterat aliter. Illi ergo currere cœperunt post eum, qui solus & nudipes ambulabat: ast ipse proximos venire sibi sentiens, conversus inclinavit sese, ut dextera arriperet saxum in eos jaciendum, cum aliud quo se tueretur haberet nihil. Dum vero se convertit, missurus lapidem in pone sequentes, neminem omnino vidit, neque tunc neque postea; sed cum ipsa petra in manu venit Xiquenam: estque ea nunc in Capella S. Veræ-crucis, quamvis enim illam abicere per viam conaretur, numquam potuit. Testes Lazarus & Joannes de Viamonte, atque Alfonsus de Ubeda.

58 Eodem tempore Fr. Antonius de Poza, Vicarius Caravacensis affirmavit, jurans per Ordines quos suscepit, venisse puerum, filium Bartholomæi Sanchez & Catharinæ de Truxillo, angina gravissime laborantem ac suffocationi proximum; venit autem cum eo mater ad Capellam S. Veræ-crucis, oratura pro eo, & scutellam olei oblatura pro lampade. Hanc ergo conspiciens prædictus Vicarius, qui cum Fr. Gonzalvo, Capellano D. Commendatoris Joannis de Haro, stabat, S. Veram-crucem prætendens adversus nubilosam procellam, quæ supra civitatem ventura timebatur; mandavit præfato Fr. Gonzalvo, ut guttur pueri ungeret, oleo lampadis ante altare ardentis. Paruit iste, & mox unctus puer per os ejecit grandem atque bicipitem lum-

eorumdem
manibus ea
ripitur:

curatur
puer angina
præfocandus:

lumbricum, ac loqui cœpit. Reduxit igitur mater filium, deferens secum oleum ad ultiores unctiones; vix autem tertio iis usa fuerat, cum detumuit puero guttur, quinque lumbricis ejectis expurgatum.

*faber percussus
lofe labitur
sine noxa.*

58 Deinde anno MCCCCLXXVIII, cum hujus oppidi Commendator esset Petrus Faxardus, Præfectus Regni Murciensis & civitatis Cartagenæ Dominus, fabrorum lignariorum quidam, Capared nomine, Decembris die ix ligna quædam aptans in capella S. Veræ-crucis, ab altitudine elevationum undecim cecidit in rupes quasdam; sed cadens commendavit se S. Veræ-cruci, inventusque est disruptis thorace, subucula, indusio, braccis atque calceis; illæ sus ipse omni ex parte. Anno MCCCCLXXXIII Ferdinandus & Isabella Catholici Reges obsederunt Bazam, multumque laborem exhausserunt ut obtinerent urbem: voverunt autem ire Caravacam ad visitandum S. Veram-crucem. & anno prædicto ac die S. Barbaræ iv Decembris ingressi urbem sunt. Cumque res omnes ibidem ordinassent, transierunt in reditu Caravaca, & S. Crucem visitantes obtulerunt lampadem argentæ, ibi hodie quoque conspiciendam.

C A P V T VI.

Miracula, sub præcedentis seculi finem & initium præsentis patrata, ex eodem Robles.

58
*Distriktus
Caravaca-
nus, obnoxius
tempe-
statibus,*

IN partibus istis, quæ plerumque aliud non sunt quam rasa planicies, quandoque, cum minime expectet aliquis, excitantur procelle tanta ventorum atque imbrium, ut saxa, etiam pondo nonaginta, ferentes, ita desolatos agros hortosque relinquunt, ac si diluvio aquarum perluti fuissent. Proinde totum oppidum Caravacæ cum suo ter-

ritorio

ritorio pridem funditus periisset, nisi ipsi Deus prospexisset de miraculoso sanctæ Crucis ligno, faciens ipsum quotidie triumphare de æræis potestatibus, per elementa saltem res hominum familiares ledere satagentibus, quando nequeunt eorundem animabus nocere. Pluribus exemplis id confirmat Robles, exordiens ab huiusmodi. Ego Genesius Salmeron, scribe Regis ac Domini nostri & civis Caravacanus, certifico, fidemque do ac facio, in verum testimonium eorum qui præsentem videbunt, quod in prænominato oppido, die viii mensis Novembris præteriti anno MDXCI, coram Licentiatto Petro de las Cuevas, Gubernatore & Justitiario Majori huius oppidi, comparuerunt, Alfonsus de Robles, tam proprio suo quam publico oppidi ac reipublicæ huius nomine; & Guiterius Robles, ejusdem oppidi & sanctissimæ Crucis scribe publicus, nomine Confraternitatis & ceterorum, ut sacrista illius; dixeruntque notorium esse, quod in castello ipsius oppidi habeatur sanctissima quædam Reliquia, sub appellatione & invocatione Veræ-crucis Caravacanæ; quæ, cum hæc civitas olim esset Maurorum, descendit de cælo associata duobus Angelis, ad conversionem infidelium hic dominantium, & depulsionem tempestatum adeo frequenter insurgentium, quæ ad ejus præsentiam cessant & cessant; aliaque plura miracula fiunt, quorum fides authentica manet in archivio huius loci.

per S. Crucem
servari
creditur:

61. His ita se habentibus, contigit, quod nocte ante diem vii prædicti Novembris, tempestas oriretur tonitruorum ac fulminum, cum procella turbulentum imbriumque tanta, ut cives formidarent exterminium ultimum; cum præter densissimas tenebras, quam causabat aquarum e cælo defluentium copia, aures animosque perfringeret ruentium pluribus locis ædificiorum fragor, sic ut nemini possibile esset incedere per plateas: quare etiam nec Joannes Martinez, S. Veræ-crucis Capellanus, nec alius quisquam præsumebat versus castellum ascendere, sicut alias consue-

que an-
no 1591
7. Novem-
bris similis
in casu

*visa est su-
pra turrim
multo in
lumine,*

*quo tamen
nemo potue-
rat ascen-
dere.*

*Sanatur
mulier ma-
nu manca,*

consueverant, ad efferendā & exponendam prædictā S. Veram-crucem. Multi nihilominus cives viderunt supra culmen tectumque turris, intra quam illa servatur, sæviente quam maxime tempestate illa, multa luminaria accensa, interque ea aliam maiorem lucem magisque splendentem. Existimabant ergo, & sic dicebatur, Capellanum prænominatum aliasque personas ibi esse cum sanctissima Reliquia: sed compertum est postea, neque illum, neque alium quemquam in turri fuisse, vel S. Crucem extulisse. Quapropter iudicatum fuit, ipsam sanctissimam Reliquiam per se, movente nemine, ascendisse ad fastigium turris, in auxilium incolarum accolarumque, sicut alias sæpe ipsos juverat contra ingruentes ejusmodi tempestates. Ut autem hujus miraculi perpetua extet memoria, petebatur ut sumeretur informatio authentica, Gubernatore prædicto suam auctoritatem interponente: prout idem mandavit fieri &c. Oblati autem in testes fuerunt, Ferdinandus Melgares scriba, Damiana Robles uxor ejus, eorumque filius Ferdinandus Melgares, qui commorabantur in arce, dixeruntque omnia supra contenta in relatione; quodque tunc accesserint ad portam præfatæ turris, sed clausam invenerint. Simul etiam examinati fuerunt alii quinque testes; & Capellanus ipse in sua depositione juravit, se nocte illa non potuisse propter nimiam tempestatem accedere ad capellam. Omnes autem declarant, splendores istos supra turrim durasse per sesqui horam. Scriptum vero est Instrumentum Moratallæ, xxviii Julii MDXCII.

62 Anno MDXCIV, cum processio S. Veræ-crucis, sub vesperam festi, die II Maji, descendisset de capella ad ecclesiam Parochialem, in ordinem ad Officium isto & sequenti die ibidem ex more peragendum; cumque perlata esset Reliquia ad altare, eo fine erectum in media navi; mulier quædam manu manca vocem extulit instantissime supplicans, ut ipsa S.

Cruce

Cruc
tali o
tacta
si null
exult
Deum
à sex
oculis
strep
simili
pertr
illa cor
utrum
respon
magis
petenti
& inte
chenfis
63 A
sement
Martiu
buli per
pidi de
quand
gypto
tius po
facto
pluvia
minus
benefic
obscut
facien
proce
trata
temne
oppid
rum,

Crucē manus sibi brachiumque tangeretur (id quod tali occasione ac loco facillime fieri poterat) contacta autem, iisdem membris cœpit uti tam libere, ac si nullam in iis passa infirmitatem fuisset. Dum ergo exultabundā recederet, magnis vocibus glorificans Deum & opera ejus mirabilia prædicans; cæcus, cui à sex mensibus defecerat visus, idem beneficium oculis suis impendi postulavit: sed cum præ circumstrepente & premente turbā exaudiri non posset, simili rogavit instantia jam sanatam mulierem, ut se pertraherēt propius ad altare prædictum. Hoc dum illa conatur effectum dare, interrogavit eam cæcus, utrum brachiorum attigisset Crux sancta: illa vero respondente, quod dextrum; rursus ille accedens magis institit, ut eo sibi perfricaret oculos: & fidem petentis secuta est gratia expectata, restituto statim & integre visu. Erat cæcus iste ex diœcesis Conchenfis loco, Vers de Tovar de Beteta dicto.

63 Anno MDXCVII nullā in hac regione facta erat sementis, eo quod ab Octobri usque ad sequentem Martiū defecerant pluviae, proinde præ inopia pabuli peribant greges. Ergo Clerus & Concilium oppidi decreverunt in vigilia Incarnationis Dominicæ, quando serenissimum cælum æque ac unquam in Ægypto nullam spem aquæ faciebat, processionem totius populi ducere ad capellam S. Veræ-crucis: quo facto cum ab ea reverterentur, tam copiosa decidit pluvia ut domum quisque suam ingrederetur, non minus ab imbre madidus, quam lætus pro impetrato beneficio. Eodem anno, tam densæ nebulæ tantaque obscuritas aëris incubuit agris toto vere, ut messis faciendæ spes omnis elanguesceret: instituta autem processione altera, pro impetranda serenitate, impetrata illa continuo est; & messis fuit non prorsus contemnenda. Anno MDXCVIII ex Lorcenfis & Velezii oppidorum finibus tanta supervenit copia locustarum, ut remedium eis nullum sperarent Caravacani,

jam enim coeperat eorum agros vineasque & hortos depasci calamitas, atque intra domos ipsas penetrare. Rursum igitur indicta supplicatio est: & sine mora videri desit omnis, locusta etiam per totam circum regionem, velut si nulla ibi unquam fuisset.

*furtivæ
Crucule
amittuntur,*

64. Anno MDCI, Iudex quidem ex certa commissione huc advenit, emensque ab argentario Cruces aliquot argenteas areasque; præter scientiam illius aliquot alias surripuit, quarum pretium non solverat: omnes autem simul, insertas filo sæpius intorto ac nodato, detulit admovendas S. Veræ-cruci. Cumque easdem recepisset sic junctas, & filum digito circumvolvisset; composuit se ad orandum coram altari, ipsas Cruces intra manum colligens. Verum absoluta oratione, ad easdem reflectens animum, non invenit nisi filum digito sinistra circumplexum. Hoc eventu confusus narravit ipsum quibusdam Religiosis, rogans ut se digresso, nec nominato, publicarent casum prout fecerunt. Anno MDCV ab Augusto usque ad Martium anni sequentis non pluit: & modica quæ facta erat sementis messem nullam datura timebatur; cumeducta est in processionem S. Vera-cruce: quo peracto quatrimum continuum indefinenter pluit. Tunc autem promissæ Civitas, viso tam evidenter miraculoso auxilio, divinitus sibi dato, observare festum Triumphi S. Crucis xvi Julii, sicut xiv Septembris observatur festum exaltatæ Crucis: quod servari antea non solebat.

*pluvia iterum
impe-
tratur,*

*brachium
immobile
sanatur,*

65. Anno MDCVII, ad festum agendum iii Maii, huc venerunt Petrus Garcias & Antonia Serrana, cum fillo annos novem nato, cui brachium ex lapsu contractum adeo male curatum erat, ut movere ipsum omnino non posset. Cum ergo S. Crucem tali die immisissent aquæ, in acceptam inde aspersio- nis situlam brachium pueri immerferunt parentes, statimque movere illud coepit. Vespero autem delatum ad capellam iidem parentes unxerunt oleo lampadis,

pad
iteru
eo sa
fuisse
Eode
puella
peregr
bat. C
ad loc
filia: si
balbut
perfect
Multos
es cant
diacon
sum in
dam en
impon
illud qu
ubi thur
spiceret
sic ut et
tes mini

Mirac
tibus

E

rus pose
generis
omnige

padis, magisque corroboratum se sensit. Cum vero iterum immerfissent aquæ prædictum brachium, adeo sanum extraxerunt ab ea, ac si numquam ruptum fuisset, quemadmodum ipsi hæc scribentes vidimus. Eodem die ex oppido Cehegin adduxit mater sua puellam mutam: & ambæ vigiliam nocturnam peregerunt in ecclesia ubi tunc Crux sancta prostabat. Cum autem Clerus assumeret illam efferendam ad locum, instanter ac devote rogavit mater, ut os filiae suæ ea contingeretur. Hoc facto cœpit puella balbutiendo dicere, Cru, Cru; iterumque contacta perfecte loqui, laudando Deum in operibus suis. Multos jam annos mos obtinuit ut singulis feriis sextis cantetur solenni ritu Missa, cum Diacono & Subdiacono, in capella S. Veræ-crucis ad ejus altare, ipsam incensando secundum præscriptos ritus. Quadam ergo ejusmodi feria, oblitus sacrista thus acerræ imponere, & sciens nullum superesse, domum abiit illud quæsiturus. Interim eo perveniens Officians, ubi thurificatione opus erat, mandavit ut denuo inspiceretur acerra; inventaque est illa prorsus plena, sic ut etiam superefflueret: qua re attoniti præsentis ministri casum ut miraculosum prædicarunt.

*miræ loque-
la redditur,*

*thus in vā-
cio vasculū
invenitur.*

CAPUT VII.

Miracula, variis in regionibus patrata, median-
tibus Crucibus, Cruci Caravacanæ admotis.

Ex quo captum est usurpā, ut Crucis Caravacanæ attactu sacratæ Cruces aliæ, ex omni metallo materiaque, per orbem Christianum distribuerentur; comperta earundem ad multos mirabiles effectus virtute, ingens quotannis talium numerus posci, ac proinde etiam fabricari incepit; adeo ut varii generis opifices, argentarii, ararii, scriniarii &c, simulacra omnigena Caravacanæ Crucis efformare instituerint:

*Licet num-
quam po-
tuerit per-
fecte assimi-
lari Cruxi
ipsæ.*

alia tamen
ei admodum
valde effi-
caces sunt.

questumque exinde non modicum facientes, conati sunt etiam ejus formam & modum per omnem dimensionem assimilare quam proximè. Miraculo autem simile est, inquit Robles, quod sumpta sepius ejusdem mensura, hactenus tamen potuit nemo sic eam repræsentare perfecte, quin deficeret aliquid in latitudine, longitudine vel spissitudine. Hoc tamen nihil detrahit earumdem, quam supra indicavi, virtuti: quapropter placet eam exemplis nonnullis clarioribus, ex eodem Robles acceptis, comprobare.

Talem habens P. Alphons. Sanchez, 5. 1.

præservat
navim à
naufragio.

76 P. Alphonsus Sanchez, ex Societate Jesu, toti innotuit Hispaniæ, propter virtutem & singularia talenta sua, nec non propter ferta precatória, quæ Philippinarum dicuntur, benedicta per suam Sanctitatem cum applicatione Indulgentiarum, facultateque ipsi concessa easdem etiam aliis applicandi, nomine ac vice Sanctitatis suæ. Hic antea resederat in hujus oppidi Caravacensis Collegio (quod ex antiquioribus sui Ordinis unum est) annos aliquamultos: quibus transactis, pro singulari quo æstuabat animarum Deo lucrandarum zelo, petiit obtinuitque missionem Indicam, & Mexico transiit in Philippinas; postea vero ex mandato Gregorii Papæ XIII revertit in hæc regna & Romam adiit. Unde huc iter relegens, favoribus & gratiis excellentibus in aliorum utilitatem cumulatus à Sixto Papa V, narravit mihi, quod ex Noya-Hispania & portu Acapulcensi solvendi, per mare Pacificum versus Philippinas, in comitatu aliarum duarum navium, post multam in navigando difficultatem & laborem, supervenerit tempestas turbinosorum ventorum adeo furiosa, ut quotquot in navi sua erant perditos se cū ipsa crederent jam enim aliæ duæ perierant. In tali discrimine recordatus Crucis Caravacane, quam secum gestabat, funiculum longiorem petiit: cui ipsam alligans epibatæ cuidam tradidit, projiciendam in mare, quando atrociores fluctus ingruere conspiceret. Tanta autem fuit ejus virtus, ut quoties alievi undæ obiciebatur,

num-

numquam ad Crucem illa pertingeret, sed refringeretur in semetipsam conversa, omnibus quotquot erant in navi inspectantibus & admirantibus. Sic illa, multum licet concussa, salva tamen pervenit ad portum Manilæ: superest autem hodie dum in Collegio Madritensi Fr. Bartholomæus Alfonsus, Societatis ejusdem, socius prædicti P. Alfonsi in tempestate, qui veluti gestorum testis eadem omnia confirmat.

68 Cum P. Didacus de Soto, ex eadem Societate, anno MDLXXXI hujus Collegii Minister ad quædam sua negotia Granatam ivisset, secum ferens unam ex Crucibus Caravacanis, ibique visitationis causa accessisset D. Isabellam de Mansilla, affinem Patris Fuenfaldæ ex eadem Societate; inveniens illam perquam metuentem fulgurum ac tonitruorum, persuasusque adversus ea nullum se illi præsentius dare subsidium posse ipsa quam ferebat Cruce, hanc illi dedit. Paucos abinde dies transactos excepit horrenda fulminibus tonitribusque tempestas: quapropter recordata Crucis suæ, acceptam extendit ad eam cæli partem quæ præcipua caligine obnuebatur: statimque & in ictu oculi cessavit tempestas. Credens ergo quod tam venerabile pignus, melius in aliqua ecclesia publice quam sua in domo privatim honoraretur, tradidit eam quibusdam religiosis ac devotis personis: quæ, instituta sub ejus nomine confraternitate, ipsam quotannis die III Maii solenniter efferunt, nec minori prosequuntur honore, quam ipsi Caravacenses suam.

*Matrona
Granatensis
simili expa-
sitâ sedat
tempesta-
tem.*

69 Ex Conventu Carmelitarum Discalceatorum hujus oppidi, anno MDXCII, una cum aliis Fratribus, quos sua Majestas Regia in novam Hispaniam destinabat, egressi sunt duo, Hispali consensui navigium. Horum alter Fr. Julianus de S. Hilarione, annos aliquot in istis partibus commoratus, revertit adhuc Regna; mihiq; & aliis multis narravit, quod

Discalceatus naufragus servatur à submersione,

cum veherentur unâ navium, constituentium classem anno illo transeuntem ad novam Hispaniam; puer dispensatoris panis nautici in imam partem descendens cum candela accensa, ad querendam epibatidis annonam; eandem candelam tractavit tam incuriose, ut flammantis lychni particula delapsa supra vasculum pyrii pulveris, ipsum mox crepare fecerit & simul navim; nemine, quod quidem scire poterat, mortem evadente, præter se, ex navi fundo mersa. Habebat ille jam à multis diebus appensam collo Crucem Caravacanæ admotam, cui se in tanto discrimine commendabat. Nesciens autem quomodo, videbatur sibi sub pedibus positum habere sustentaculum alicujus rei durioris, eoque impediri ne fluctibus iratis immergeretur. Ita ferebatur capite eminente supra undas, suo ut erat vestitus habitu: quin etiam Crucem suam videbat, supernare aquis & fluctuare ex funiculo unde appensa gestabatur. Tandiu autem sic permansit, donec comitantium navium proximior una, viso supra mare Fratrem, otium habuit ejiciendi in mare cymbam, ipsumque ad se recipiendi: agnoscentibus cunctis evidentiam miraculi, citra quod necesse erat demergi dictum Fratrem, cum ea qua vehebatur navi. Unde postea publicabat, quod vitam suam acceptam referebat Deo, per S. Crucem Caravacanam, & eam quæ ipsam attigerat pendentem de collo, quam etiam mihi monstrabat, ante non longum tempus defunctus in oppido Bezeril de Campis.

*P. Didacus
de Soto S. I
custoditur à
fulmine:*

70 Transiverat in Indias prænominatus P. Didacus de Soto, ad Populationem Angelorum, quæ caput est provinciæ Tascalensis in Nova-Hispania, inde vero scripsit ad hoc Caravacanum collegium, in eo quod ibi Societas habet residere P. Magistrum Morales, magnæ eruditionis ac sanctitatis virum: cui habenti ex Crucibus Caravacanis unam, eo anno

(qui

(qui erat MDXCV) acciderit, ut videns fulmineum radium perquam terribilem de cælo erumpere astimaret recta in suum cubiculum ferri: quapropter exiliens prædictam Crucem collocavit in fenestra. Nec absque fundamento timor fuit; mox enim flammam proximam sensit, credebatque extremam eam sibi horam esse. Sed fulmen, statim ut fenestram attigit, quasi retortum, deflexit quam celerime in parietem fenestræ lateralem; per eumque descendens, fœdum transitus sui vestigium reliquit; eo ipso demonstrans, quanto gravius damnum secutum fuisset, nisi S. Crucis virtus impetum illum repressisset. Non videtur autem absque præcedenti Patris illius merito hæc ei gratia divinitus concessa; sed merces fuisse beneficii, anno præcedenti per eum concessi ecclesiæ ipsius S. Crucis, applicando eidem Indulgentias, quas Sixtus Papa V ei concesserat ad conversionem Philippinarum, quo ibat, magna cum potestate similes distribuendi ubicumque idoneum judicaret, non minus intra quam extra hæc regna. Itaque eas contulit Capellæ S. Crucis, aut ubicumque illa esset, die XXIV Junii, MDXCIV; sicut constat ex ejus patentibus litteris in archivio S. Crucis asservatis, cum inserto eis exemplo Pontificii Brevis: alioque earundem litterarum exemplari, relicto in secretaria Communitatis. Quas etiam Indulgentias, die IV Septembris ejusdem anni, confirmavit Cardinalis Don Franciscus Davila, tamquam Commissarius generalis Cruciatae.

71 Anno MDXCV Petrus Portillus scriba Regius, *Civis Caravacanus* hujus oppidi civis, vir fide dignissimus, ex commissione Regis hinc in Novam Hispaniam navigavit urgentium negotiorum causa, usus navì cui à Rosario nomen. Hæc cum insulam Garnosam pertransisset in Provincia Hondurarum, die V Septembris turbine tam vehementi involuta fuit, ut nautis colligendi vela spatium deesset, sed cogerentur ipsa seque

committere misericordiæ divinæ : nihil enim præ oculis habebant quam præsentem mortem , eique tantiffèr differendæ satagebant ut navim exonerarent , imprimis ejiciendo lembum , qui tamen bis èmissus, bis rejectus intra navim à fluctibus est. Eiecerunt etiam tormenta ænea , quæ erant in suprema contabulatione , cum mercimoniis multis , ne navim everterent pondere suo in unam simul partem convoluta. Sed nihil istæc proderant , cum magis magisque intumesceret mare , & quovis momento minaretur navigium cum vectoribus absorbere. Recordatus ergo Petrus Caravacanarum quas habebat Crucum & miraculorum similibus in casibus per ejusmodi patratorum , parvulam unam ex ære dedit Hieronymo de Gamarra Riojensi , qui crassiori alligatam filo projecit in mare ex parte puppis. Inter hæc supervenit eis nox , & tempestas , quamvis mitior non nihil , duravit usque mane ; quando tota conquievit , & Crucula (uti asseruit Petrus) inventa cum filo suo jacere supra unum inferiorum rudentium , quibus vela tenduntur instar stellæ refulgens. Admirati omnes casum sunt ; Deumque collaudantes , salvi pervenerunt in portum & civitatem Tonsillanam Provinciæ Honduraram , die vii prædicti mensis in vigilia Nativitatis Dominae nostræ.

iterumque,

72 Cum vero prædictus Petrus , in die S. Martini , ex Campeciensi provinciæ Usucatanensis portu versus Novam-Hispaniam solvisset , in ea quam Commercii appellant navi , simul cum minoribus navigiis tribus ; & tempestuosus boreas omnes simul in præfens discrimen adduxisset ; recordatus ille supramemorati eventus , aliam Cruculam æneam dedit navarcho , qui similiter annexam funiculo dimisit in mare : & post dies viginti duos difficillimæ navigationis , cui alias quatuor aut quinque sufficere poterant , tenuerunt portum S. Joannis de Ulva , amissis fociis navigiis duobus ; tertium vero eundem portum post
tres

tres dies subiit, facta omnium rerum quas vehebat iactura. Rogavit ergo Petrum navarchus ut ipsam Cruculam sibi condonaret, oblata nihilominus grandi summa pecuniæ: sed is, nullam aliam reliquam habens, privari noluit tam efficaci præsidio, pro iis quæ sibi adhuc restabant per mare itineribus.

73 Reversus denique idem Petrus in Hispaniam, sicut ipse testatur, mense Octobris anni MDCVIII visitavit ecclesiam Dominæ nostræ de Guadalupe; eodem istuc intrans tempore, quo eo attraxerant energumenam mulierem, adeo horrendos motus ciētem, ut cunctis esset formidini. Ad hanc sacris exorcismis compescendam accitus Presbyter, quem Rubium nominabant, virtutis exploratæ vir, quæsit a circumstantibus, num quas penes se haberent Reliquias. Protulit Crucem Petrus, Caravacanæ olim admotam, ipsam qua mediante prius miraculum factum erat, quam habebat Rosario suo affixam, deditque Sacerdoti: dæmoniaca verò, quamvis depresso in terram capite videre non posset quid ageretur, clamavit tamen, Caravaca, Caravaca: quanticumque eam facias, abjicito tamen, quia cruciat me. Stuporem ea res omnibus intulit: multæ enim aliæ Reliquiæ exhibitæ absque effectu fuerant: & Petrus suam exinde habuit cariorem, quod eam tantopere dæmon abhorreret.

74 In Germaniam quoque penetravit Crucum talium æstimatio, in cujus testimonium placet huc adferre, quod P. Petrus de Buyza Societatis Jesu, in præsentiarum Madriti in sui Ordinis Collegio commorans, affirmat per memoriale suo nomine subscriptum, in quo dicit, quod anno MDC ex obedientia suorum Prælatorum in Alemanniam migrans, secum abstulit Cruculas aliquot, Caravacanæ contactu sanctificatas, ut eas istic partiretur inter personas devotas. Harum ergo unam dedit D. Mariæ Manrique, quondam Camerariæ majori Augustissimæ Imperatricis

*In Bohemia
vehemens
incendium
sopitur, se-
mel,*

triciſ D. Mariæ, aviæ Regis ac Domini noſtri uxoriſ-
que Imperatoris Maximiliani: quæ Domina Manri-
que, propter excellentem virtutem ſuam multam-
que prudentiam, maximo apud Maieſtatem illam in
pretio habita, matrimonialiter conjuncta fuerat Ba-
roni Perniſtenio, uni ex primariis & ditioribus Pro-
ceribus Bohemiæ, à quo moriente retinuit dotis no-
mine, ſecundum illius regni mores, Laytomizlien-
ſem civitatem, ubi ipſa tunc temporis commoraba-
tur. Hæc redeunti illac Patri narravit, quod in præ-
dicta civitate paulo ante maximum fuerit excitatum
incendium, quo brevi ſpatio plures quam octoginta
domus conflagrarunt, quamquam Agnus Dei aliæ-
que Reliquiæ flammis compescendis injectæ eſſent.
Ipſa igitur, recordata Cruculæ quam acceperat à Pa-
tre, & quam efficax remedium inde ſperari ſoleret
ejuſmodi in caſibus; arripuit precatorium ſertum cui
ipſam alligarat, baculoque implicitum per fenestram
palatii ſui extendit, ad eam partem ubi glifcebat ig-
nis: qui continuo ſubſedit eo ipſo articulo temporis,
quo de univerſa civitate actum eſſe omnes exiſtima-
bant,

iterumque.

75 Tantam ea res civibus omnibus admirationem
attulit, ut, cum cauſa ſopiti tam ſubito incendi late-
ret, nonnullis perſuaderetur Angeli cælitus deſiſſi
opera id factum fuiſſe. Aſt Deus voluit diſtinctius
ſciri cauſam protectionis tam admirandæ, permit-
tendo ut quindecim diebus poſt aliud incendium ori-
retur in altera civitatis parte, nihilo mitius priori. Illa
enim, jam ſemel experta promptitudinem miſeri-
cordiæ diviniæ mediante S. Cruce eliciendæ, longe
etiam confidentius quam prius, Cruculam ſuam extu-
lit: & ruruſum ita conſedit in ſe ignis, ac ſi nullus
fuiſſet. Unde omnes evidenter cõgnoverunt effec-
tum S. Crucis fuiſſe, poſtquam eis Domina ſua nar-
rari feciſſet quod egerat: excitataque in univerſis eſt
ingens erga ſacrum iſtud pignus devotio, quod Ba-
roniſſa

ronissa ipsa deinde etiam carius habuit, tantoque in pretio, ut omnibus thesauris suis illud præferret. *Atque hic finis esto mirabilium S. Crucis Caravacanæ, quæ ne nihil ad S. Ferdinandi honorem facere viderentur, curatum satis esse puto, elucidatione ipsius anni, quo primum apparuit, quoque Sanctum Regem natum esse suis ex Actis probavimus. Per virtutem ipsius Sanctissimæ Crucis, quam Caravacana representat, si non etiam pars illius est, liberet nos Deus noster ab omnibus inimicis nostris. Amen.*

F I N I S.



APPRO.

APPROBATIO ORDINARII

Tum demum felices fore Respublicas, cum vel Philosophi regnarent, vel philosopharentur Reges, dictum unius ex Antiquis fuit; verissimum, si Christiane intellectum; ita scilicet ut Philosophiæ nomine accipiat eus, quæ unica & sola vere Sapientia est, amor & studium; Virtutis, inquam, secundum Christi Dei nostri disciplinam consummata. Hanc quomodo semper sectatus fuerit *FERDINANDVS III*, re & nomine *SANCTVS REX*, etiam in illo supremæ potestatis culmine, luculenter demonstrant eius Acta, hoc in libro ex Coævorum fere scriptis collecta. In quibus atque in adjunctis *R. P. Danielis Papebrochii S. I. Theologi* historicis Annotationibus & Commentariis, non modo nihil reperi aut sanæ fidei aut bonis moribus contrarium; sed multum etiam sanctæ ædificationis & eruditionis curiosæ. Proinde censeo expedire, ut præsens opusculum, sumptum ex Actis Sanctorum Maji posterioribus, quæ in tres alios Tomos divisa sub prælo sudant, præmittatur; velut specimen allatum ex vernantissimo omnigenæ varietatis horto, quem speramus brevi totum aspicere omnium visibus & usibus referatum. In hujus itaque pulcherrimi floris contemplatione tantisper fixi, laudemus Deum, & gratulemur inclytis Hispaniarum Regnis, quæ *FERDINANDVM* sibi Regem, Ecclesiæ Propugnatorem, Cælo Sanctum, Principibus exemplar, omnibus Patronum protulerunt. Dabam Antverpiæ 1684, 9 Martii.

*Antonius Hoesflach S. T. L. Eccl. Cathed.
Can. Grad. Librorum Censor.*

FACULTAS SUPERIORVM

Cum Acta vite S. Ferdinandi, Regis Castellæ
& Legionis, & Postumam ejus Gloriam, ope-
ra & studio Danielis Papebrochii è nostra Iesu So-
cietate collecta & illustrata tres ejusdem nostræ So-
cietatis Theologi legerint & prælo digna censuerint:
ego infrascriptus, prædictæ Societatis per Flandro-
belgicam Provincialis Præpositus, potestate ad id mi-
hi facta à Rev. Adm. P. Carolo de Noyelle Præ-
posito Generali, concedo Michaeli Knobbaert Ty-
pographo Antverpiensi facultatem eadem imprimen-
di. Actum Antverpiæ MDCLXXXIV, IV Kalendas
Aprilis.

LUDOVICUS DE CAMARGO.

SVM.

SVMMA PRIVILEGII
REGIS
CATHOLICI.

CAROLUS, Dei gratia Hispaniarum, Indi-
arumque, &c. Rex Catholicus, Archi-
dux Austriæ, Dux Burgundiæ, Brabantia, &c.
Serenissimus Belgarum Princeps diplomate suo
sanxit, ne quis Acta Sanctorum mensis Maii,
auctoribus Godefrido Henschenio & Danie-
le Papebrochio Societatis Jesu Sacerdotibus
edita, vel in toto vel ex parte, præter volunta-
tem Michaëlis Knobbari proximis novem an-
nis ullo modo imprimat, aut alibi terrarum im-
pressa in has nostræ Germaniæ Inferioris ditio-
nes importet, venaliave habeat: qui secus fa-
xit, confiscatione librorum & alia gravi pœ-
na multabitur, uti latius patet in litteris datis
Bruxellæ xxiii Junii MDCLXXIII.

Signat

LOYENS.

in, in
Archi-
z, &c.
are suo
Mati,
Damo-
horibus
obuor-
em an-
um in-
e dico-
tus fe-
vi po-
ris dicit

005 646130

KONSERVIERT DURCH
ÖSTERREICHISCHE FLORENZHILFE
WIEN 1967